

✽ श्रीराधासर्वदेवरो जयति ✽

# ब्रजविनोद

लाल बलबीर का हजारा

एवं (उनके अनुज)

प्रेमसखी की कविताएँ



श्रीधामवृन्दावन

प्रकाशक  
श्रीनिम्बार्क शोधमण्डल

वृन्दावन

★

सम्पादक-मण्डल

ब्रजवल्लभशरण वेदान्ताचार्य, पंचतीर्थ

विहारीदास 'वृन्दावनी'

गोविन्दशरण शास्त्री

राधेश्याम अप्रवाल, एम. ए., सा०२०

( मथुरा )

★

नवोत्पादक

५) पाँच रु०

★

प्रथमावृत्ति, १०००

★

प्रकाशन-तिथि

अक्षयतृतीया

सं० २०२६, ( अप्रेल १९६६ )

★

मुद्रक

बनवारीलाल शर्मा,

श्रीसर्वेद्वर प्रेस, वृन्दावन (मथुरा)

नखलिख वर्णन वि० सं० १६४६ माघ शुक्लपक्ष की बुधवारी किसी तिथि को हुआ था—

निधि विधि ग्रह निशिहर हि लह, सम्बत् श्री सुखकन्द ।

माघ शुक्ल तिथि पर भृगु, रच वृन्दावन चन्द ॥

हजारे में मुद्रित पावस पञ्चीसी, गिरिराजाष्टक, होरी कीर्तन, रावा शतक, फुटकर कवित्त, प्रेम पञ्चासा, कालियवचन, उडव गोपी सम्वाद, दानलीला, कालीदह के कवित्त, दावानल पान, अषासुर वध, वच्छहरण, अन्तर्लापिका, वहिर्लापिका, ब्रह्मचारी लीला, मनिहारी लीला, योगिनी लीला एवं जयपुरी, अंग्रेजी, बंगला आदि भाषाओं की रचनाओं में तथा व्यंजनबंध आदि में रचना काल का उल्लेख नहीं मिलता ।

हजारा (ब्रजविनोद) का प्रकाशन उनकी विद्यमानता में ही हुआ, जात होता है । उस समय तक की सभी रचनायें इसमें आ गई हैं । उसके पश्चात् भी वे रचना करते ही रहते थे । वि० सम्बत् १९६० के पश्चात् की उनकी एक रचना बाल-पञ्चीसी है, जो स्वयं उन्हीं के हाथों से लिखी लाला बंकिमलाल (बलवीर के तृतीय पुत्र) के यहाँ प्राप्त हुई है । किन्तु उसके आदि के १० छन्द नहीं उपलब्ध हुए । वह ई० सन् १९०४ में गोपालप्रसाद विद्यार्थी की रफ कापी में लिखी हुई, उसमें हे वालिगराम मास्टर के उद्गं में हस्ताक्षर हैं । लाल बलवीर ने जो सम्बत् लिखे हैं वे स्पष्ट नहीं हैं किन्तु इतना तो निश्चित है कि सन् १९०४ के पश्चात् ही वह लिखी गई थी । उसकी अन्तिम पुष्पिका का ब्लाक नीचे दिया गया है ।

होलिकोत्सव

सं० २०२५

ब्रजवल्लभशरण वेदान्ताचार्य

पंचतीर्थ

"तहें-२५-कीहो नौनतेंघहृजाललतामजाबैटनेधूरु  
 "पावतहें-तितकीजाहिपुहलखेंचतहेंउहचौंकेउठे  
 "मजबावतहें-तितकेसंगपूरुमजजातचलेबंदेदेव  
 "उठारिल्लावतहें-बलवीरजुमोहनसोहनकेयह  
 "ख्यालबधेनितनावतहें-२५-दूहाकलरीस्त  
 "युक्तजुक्तसबसूरकीममवृधताहेंजानीरा॥  
 "बालविनोदपचौंसिकाकहोलालबलवीर॥-  
 "स्त्रीगीतानविनोदपञ्चीसीअहिलालबलवीरकृत  
 "श्रीगणेशोपनिषत्संकर

## दो शब्द :—


प्रेमनगर व्रजभूमि है, जहाँ न जावं कोय ।  
जावं तो जावं नहीं, जिये तो बीरा होय ॥

व्रजवसुन्धरा के कण-कण में संगीत की सुमधुर स्वर-लहरियाँ अनुगुञ्जित होती हैं। यहाँ के प्रत्येक लता-बेल-बिटप का स्पंदन लास्यमय—लीलामय है। 'साँकरी गली में माई काँकरी गड़तु है'—यह है यहाँ की अरुण ग्रामोण व्रजवालाओं की बोली, जिस पर शत-शत महाकवियों की कविताएँ ग्यौछावर हैं। व्रज की इसी महामाधुरी को देख-कर एक बार देवर्षि नारद आनन्दातिरेक से मूर्च्छित हो उठे थे। फिर, कहते हैं वे दहाड़ मारकर रुदन करने लग गये। एक व्रजवाला ने जब उनसे पूछा कि—'बाबा, तू काहे कूँ रोय रह्यौ है, या व्रजभूमि में तोपं ऐसी कौन-सी विपदा आय परी ?' तो अश्रु-पूरित नयनों को उत्तरीय से पोंछते हुए देवर्षि ने अवरुद्ध कण्ठ से जो उत्तर दिया था उस पर ज्ञानी-गुमानी महापण्डितों को फिर-फिर विचार करना चाहिए। उन्होंने कहा था—'देवि, इस व्रजभूमि में दुःख या क्रिसी प्रकार की विपत्ति की अनुभूति के लिए तो अवकाश ही कहाँ है; तथापि क्षणभर के लिए मेरा चित्त इस चिन्तन को लेकर विक्लिप्त हो उठा कि जो लोग अद्यावधि संसार बन्धन में आवद्ध हैं वे ही धन्य हैं, क्योंकि मुझे पूरी आशा है कि वे एक-न-एक दिन इस अचिन्त्य महिमाय व्रजधाम के अकारण-कृष्ण कृपाकण के अधिकारी होंगे ( अतः उनके लिए तो चिन्ता करना ही व्यर्थ है। ) परन्तु, उन बेचारे हृत्भाण्य जीवों का क्या होगा जो केवल्य मुक्ति को लेकर इस रसमय महासिन्धु की मधुर-मदिर रसबोणियों से वञ्चित रह गये ! यह है व्रजधाम के अनुपम-अगाध आनन्दाम्बुधि का केवल दिशा,निर्देशः मात्र इङ्गित, वह इधर है इधर ! इस ओर !!

व्रजविन्दो आपके कर-कमलों में है। यह क्या है, कैसा है, इसे हम क्या बताएँ, आप स्वयं ही इसका रसास्वादन कर के निर्णय कर लेंगे। हमारी तो सर्वदा यह अभिलाषा रही है कि 'श्रीसर्वेश्वर' के प्रेमी पाठक महानुभावों की सेवा में प्रतिवर्ष एक अनुपम उपहार प्रस्तुत करते रहें। परन्तु, आप जानते ही हैं कि श्रीधाम में 'श्रीजी का मन्दिर' आज अनेकविध लोकोपकारी पारमार्थिक सेवाओं का एक अनुपम केन्द्र बन चुका है, अतः तत्सम्बन्धी व्यस्तता और कुछ आर्थिक संकोच के कारण भी, हम अब तक ऐसा करने में पूर्णतः सफल नहीं हुए हैं। तथापि श्रीसर्वेश्वर-प्रकाशन-समिति ने अब यह निश्चय कर लिया है कि जैसे भी होगा, हम पाठक महानुभावों को प्रतिवर्ष ही एक उपहार भेंट करते रहेंगे। कहना न होगा कि हमारे इस निश्चय की सफलता आपकी पूर्ववत् आत्मीयता, सहयोग और भगवान् व्रजेन्द्रनन्दन की कृपा-कादम्बिनी पर ही अवलम्बित है।

किमधिक विज्ञेयु !

## श्री लाल बलवीर : सम्प्रदाय



श्री लाल बलवीर और प्रेमसखी दोनों सहोदर भ्राता थे और एक ही सम्प्रदाय एवं एक ही गुरु के शिष्य । किन्तु कुछ लेखकों ने भ्रम से उन्हें भिन्न-भिन्न सम्प्रदायों के अनुयायी लिख डाला था । उनमें किसी ने किसी से जसा मुना वैसा ही लिख डाला । विशेष अनुसन्धान नहीं किया, न उनकी रचनाओं का ही पूरा अध्ययन किया । कुछ सज्जनों ने यद्यपि उनकी रचनाओं का अध्ययन किया तथापि 'राधारमण' आदि शब्दों को देखकर लाल बलवीर राधारमणीय गौड़ीय सम्प्रदाय के होंगे ऐसा अनुमान कर लिया । 'श्रीगुरु दीन दयाल जू' ऐसे शब्दों से उनके गुरुदेव के नाम का भी अनुमान लगाकर 'दीनदयाल' नाम लिख डाला । इस प्रकार इस सम्बन्ध में विशेष ज्ञानबीन न होने के कारण लाल बलवीर के सम्प्रदाय में भ्रान्त धारणायें बन गई थीं । जिन सज्जनों ने लाल बलवीर को राधारमणीय गौड़ीय सम्प्रदाय का अनुयायी लिख दिया है उनका यहाँ थोड़ा उल्लेख करना आवश्यक है जिससे कि उनके द्वारा समुत्पन्न भ्रम का परिमार्जन हो सके ।

मथुरास्थ बाबू प्रभुदयालजी मीतल ने कई पुस्तकें लिखी हैं उनमें एक है—चैतन्य मत और ब्रजसाहित्य, उसमें चैतन्यमत के रचनाकारों का संक्षिप्त परिचय दिया गया है । लाल बलवीर को भी उन्होंने उसी मत के अनुयायियों में परिगणित कर लिया है, किन्तु उसका कुछ भी आधार भूत प्रमाण उन्होंने नहीं दिया । इस ब्रजविनोद विशेषार्क का प्रकाशन करते समय जब उनसे पूछा गया तो उन्होंने निम्नाङ्कित पत्र लिखा :—

ला० १।३।६६

मान्यवर श्रीअधिकारीजी ! प्रणाम ।

आपका पत्र प्राप्त हुआ । यह जानकर प्रसन्नता हुई कि आप 'ब्रजविनोद' ग्रन्थ का प्रकाशन कर रहे हैं । इसके रचयिता ला० बट्टीदास उपनाम लाल बलवीर का उल्लेख मेरे ग्रन्थ चैतन्य मत और ब्रज साहित्य में हुआ है, आपके लिखे अनुसार इस ग्रन्थ की एक प्रति मैं आपके अवलोकनार्थ भेज रहा हूँ ।

जिस समय उक्त ग्रन्थ की सामग्री मैं एकत्र कर रहा था उस समय 'लाल बलवीर' के विषय में मुझे ला० नन्दकिशोरजी मुकुटवाले से पता चला था । उन्हीं से मुझे ज्ञात हुआ कि लाल बलवीर राधारमणीय गोस्वामियों की शिष्य परम्परा में थे, इसीलिए मैंने उनका उल्लेख उक्त ग्रन्थ में किया है, मुझे उनके राधारमणीय होने का कोई पक्का प्रमाण नहीं मिला था इसी लिए मैंने वह प्रमाण भी अपने ग्रन्थ में नहीं दिया है । आपने ब्रजविनोद ग्रन्थ का प्रकाशन सम्भवतः इस दृष्टि से किया है कि आप उन्हें निम्बार्क सम्प्रदायी मानते हैं । यदि वे किसी प्रमाण से निम्बार्क सम्प्रदाय के अनुयायी सिद्ध होते हैं तो इससे मुझे प्रसन्नता होगी । क्योंकि इस तरह उनके सम्प्रदाय का निश्चय तो हो जावेगा, मुझे उन्हें राधारमणीय मानने का कोई आग्रह नहीं है । मेरा वृन्दावन आना तो इस समय सम्भव नहीं है, हो सका तो होंगी वाद मैं आपसे मिलूंगा ।

आपका—प्रभुदयाल

हमने श्रीमीतलजी को इसी विचार विमर्श के लिये बुलवाया था कि जब लाल बलबीर के ग्रन्थ में जो उनकी विश्वमानता में ही आज से ७५ वर्ष पूर्व श्यामकाशी प्रेस में मुद्रित हुआ था। अनेकों स्थलों पर उनके सम्प्रदाय और गुरुदेव के नाम का स्पष्ट उल्लेख है, फिर आपने उन्हें चैतन्य ( गौडीय ) मत में किस आधार पर लिख डाला ? उसका प्रत्युत्तर यद्यपि मीतलजी ने उपयुक्त पत्र द्वारा दे दिया तथापि उनके द्वारा लिखित उस पुस्तक को पढ़नेवालों में तो वह भ्रान्ति बनी ही रहेगी। विशेष ध्यानवीन किये बिना लिखे जाने के कारण ही बहुत से कवियों के सम्प्रदाय आदि परिचय सम्बन्धी भ्रान्तिवाँ फैल गई हैं।

मीतलजी ने लाल बलबीर के सम्बन्ध में जो बातें लिखी वे सब सुनी सुनाई ही हैं, उनमें कोई बात ठीक भी हो सकती है किन्तु—उनका जन्म संवत् १९१५ अथवा उससे कुछ पूर्व, वह और उनका घराना राधारमणाय गोस्वामियों की शिष्य परंपरा में चैतन्य मतानुयायी था, ये दोनों तो सम्भावना मात्र ही हैं।

ला० नन्दिशोर जी मुकुट वाले साहित्य प्रेमी हैं। उन्होंने बलबीर का मुद्रित हजारों पढ़ा होगा। उसमें "भेरे श्रीराधारमण" आदि पदों को देखकर उन्होंने अनुमान कर लिया ही और वही मीतलजी से कह दिया ही। किन्तु हमने उनसे कई बार पूछा तो उन्होंने स्पष्ट शब्दों में निषेध कर दिया कि "यह तो हमें पता नहीं कि लाल बलबीर किस सम्प्रदाय के अनुयायी थे, वे कौसा तिलक लगाते थे, यह भी स्मरण नहीं है।

श्री मीतलजी की भाँति ही श्रीराधेश्याम अग्रवाल एम. ए. साहित्यरत्न जो लाल बलबीर के पौत्र लगते हैं, कई एक पत्र-पत्रिकाओं में भ्रम से उन्हें राधारमणाय लिख दिया है। राधेश्यामजी उत्साही लेखक हैं अन्वेषण में रुचि भी है, किन्तु मीतलजी के लेख का ही संस्कार उनके हृदय में जम गया। उसी के अनुसार "भेरे श्रीराधारमण" आदि पदों का तात्पर्य समझलिया। वास्तव में केवल "राधारमण" आदि शब्दों के आधार पर ही किसी सम्प्रदाय का निश्चय नहीं हो सकता। भगवान् के राधारमण आदि नामों का सभी सम्प्रदायों में प्रयोग होता है।

ऐसी ही सम्भावना उन्होंने प्रेमसखी के एक दोहे में की है :—

"श्रीगुरु दीनदयालु जू यह अवलाया मोर" इस पद में प्रयुक्त दीनदयाल विशेषण को ही प्रेमसखी के गुरु का नाम निर्धारित करना चाहा है और "परस राम पद बधिके" इस पद से प्रेमसखी द्वारा अपने पिता रामलाल के नामोल्लेख की सम्भावना करली गई है। वास्तव में इनमें पहला गुरु का विशेषण है और दूसरा "श्रीपरशुरामदेव" की बंदना है। इन्हीं श्रीपरशुरामदेवजी की परम्परा में उनके गुरुदेव श्रीकृष्णभ्रलो थे जिनका नामोल्लेख प्रेमसखी और बलबीर दोनों भ्राताओं ने अनेकों स्थलों पर किया है।

श्रीराधेश्यामजी का ध्यान उन पदों की ओर आकर्षित कराया गया तब उन्हें यह निश्चित हुआ कि प्रेमसखी की भाँति लाल बलबीर भी श्रीनिम्बार्क सम्प्रदाय के ही अनुयायी थे। इस अभिमत का उनका एक लेख प्रस्तुत ग्रंथ के आरम्भ में ही संलग्न है।

१ द्रष्टव्यः—शिक्षक संसार वर्ष ४ अंक १० ( सन् १९६८ )। वही वर्ष ५ अंक १ पृ० ३ ( सन् १९६८ ई० ) व्रजभारती वर्ष २१, अंक १ पृष्ठ २३ ( ज्ये० वि० सं० २०२४ )। ज्ञानदा वर्ष २ अङ्क १ पृ० ६६ ( सं० २०२५ ) आदि-आदि।

डा० शरणविहारीजी गोस्वामी ने भी सम्भवतः श्रीमीतलजी का ही अनुकरण करके लाल बलवीर का गौड़ीय सम्प्रदाय के रचनाकारों में सम्मिलित कर दिया है, किन्तु वे उसके पोषक कुछ भी प्रमाण नहीं दे सके हैं। पाद टिप्पणी में केवल—इनका जीवन परिचय इनके पुत्र श्रीवांकेलालजी से प्राप्त हुआ है—इतना निर्देश कर दिया है।  
 "इनका देहावसान ७८ वर्ष की आयु में सं० १९७१ में हुआ" डा० गोस्वामी का यह उल्लेख भी निराधार ही है, क्योंकि अनुसंधान द्वारा यह निश्चित होगया है कि वि० सं० १९७७ श्रावण कृष्णा अमावस्या को उनका देहान्त हुआ था। उस समय उनकी आयु ८० वर्ष से भी कुछ अधिक थी। अस्तु! लाल बलवीर की रचनाओं का अनुशीलन न करने से ही उपर्युक्त सभी लेखकों को भ्रम हुआ है। उनके निवारणार्थ, यहां लाल बलवीर की रचनाओं के उन अंशों को उद्धृत कर देना परमावश्यक है जिनमें कि उनके सम्प्रदाय और गुरुदेव का संकेत ही नहीं स्पष्ट उल्लेख मिल रहा है। उससे पूर्व प्रेमसखी के उद्गार भी अबलोकनीय हैं जिनमें उन्होंने अपने सम्प्रदाय और गुरुदेव का नाम व्यक्त किया है—

श्री निम्बार्क भजहु मन, श्री भट श्री हरिव्यास ।

परसराम पद सुमरि कै, कृष्ण अली की आस ॥<sup>२</sup> (व. वि. पृ. १५४)

इस मंगल दोहे में प्रेमसखी ने श्रीनिम्बार्काचार्य, श्रीभट्ट, श्रीहरिव्यास, श्रीपरशुरामदेव, और अपने गुरुदेव श्रीकृष्णअलिजी का स्मरण करके अपनी गुरु परम्परा दिखलाई है। इसके अतिरिक्त—'कृष्ण अली जू की कृपा विन को निहारी है', 'कृष्ण अली मंगला की भारती करत', 'कृष्ण अली जू मिली भली मोहि', 'प्रेमसखी सांभी की लीला कृष्ण अली जू के बल गाई, सदा रहौ रंग देवी जू की चरन शरन निशिदिन लपटाई'— इन पदों के द्वारा रहस्य परम्परा का उल्लेख भी कर दिया है। अपने को उन्होंने, श्रीरंगदेवीजी के गुरु के अन्तर्गत श्रीकृष्ण अलीजी का कृपापात्र (शिष्य) घोषित किया है।

कहीं-कहीं पर कृष्ण अली शब्द से उन्होंने सखी रूपा श्रीगुरुदेव और उपास्य रूपा श्रीकिशोरीजी इन दोनों का एक साथ भी बोध कराया है। सखी नाम परम्परा में भी अपने गुरुदेव का सखी रूप से निम्नांकित एक पद में उन्होंने स्पष्ट स्मरण किया है—

प्यारी मोहि कीजँ वृन्दावन वासी ।

मोसी दीन नहीं कोउ सुन्दर तुमसी नहीं मुख रासी ॥

श्रीरंगदेवी हितु सहचरी श्रीहरिप्रिया उपासी ।

काहे घर तजि फिरत जान ग्रह भेटो जगत की हांसी ॥

रहौ सदा पद कंज मंजु गह निरखौ हास विलासी ।

प्रेमसखी की आस निरन्तर कृष्ण अली की दासी (पृ. १६८ पद १५)

इस पद में श्री रंगदेवी (निम्बार्क) हितु (श्रीभट्ट) हरिप्रिया (हरिव्यास) और उन्हीं की परम्परावाली कृष्ण अली (अधिकारी कृष्णदास) की अपने को दासी कहा है। इसी का विशेष स्पष्टीकरण उनके 'कृष्ण अली की शरन पाइकँ प्रेमसखी मुख रासी हैं हम ।'

१ श्रीकृष्ण भक्तिकाव्य में सखीभाव पृ० ६४५ ।

२ प्रेमसखी की फुटकर रचनाओं में आरम्भिक मंगलाचरण । यह ब्रज विनोद के साथ वि० सं० १९५० में स्वयं उन्होंने प्रकाशित करवाया था, पृ० ३२४ ।

इस पद में हो गया है। 'सन्त गुरु विमियो अपनों जान' इत्यादि पदों द्वारा कहीं-कहीं पर कृष्ण अलीजी को उन्होंने सन्त भी कहा है।

इन सब उद्धरणों से निर्विवाद सिद्ध है कि प्रेमसखी (प्रेमदास) श्रीनिम्बार्कीय परशुरामदेवजी के द्वारान्तर्गत कृष्ण अली (कृष्णदासजी अधिकारी) जी के शिष्य थे। वे वनखंडी मुहूर्त्ते में ही थीजी की नई कुञ्ज में बिराजते थे। उनके पास ही रामलालजी अप्रवाल के पुत्र बट्टीप्रसाद और प्रेमदास रहा करते थे। और वे उन्हीं श्रीकृष्ण अलीजी (अधिकारी कृष्णदासजी) के शिष्य थे, यह उन्हीं सा० बट्टीप्रसाद (लाल बलवीर), की रचनाओं में स्पष्ट उल्लिखित है; उनके कुछ अंग यहाँ उद्धृत किये जाते हैं—

श्रीगुरुचरन सरोज रज मम उर करी निवास (पडच्छनु शतक का आरम्भ) यहाँ सामान्य रूप से गुरुदेव का उल्लेख है किन्तु उसके अन्त में उन्होंने अपने गुरुदेव का नाम स्पष्ट रूप से दे दिया है—'कृष्ण अली पद कमल बल पडच्छनु शतक वषान ।' नख-शिख वर्णन में भी स्पष्ट कर दिया है—'रहौ लाल बलवीर सिर, कृष्ण अली पद घूर ।' इसी प्रकार शिख-नख वर्णन के आदि में—'श्रीगुरु चरन सरोज रज बन्दौ बारम्बार ।' ऐसा सामान्य निर्देश करके पश्चात् 'कृष्ण अली पद कमल बल जो कछु बरनी जाय' इसमें स्पष्ट नामोल्लेख किया है। प्रेमदासजी की भाँति उन्होंने भी अपने गुरु को सन्त कहा है—

श्रीगुरु सन्तन के चरन उर लावन की आस ।

ये ही अवलाया रहै कोठ करी उपहास ॥

इसी प्रकार शिख-नख की पूति पर अपने गुरुदेव (कृष्ण अली) जी को श्रीरंगदेवी (निम्बार्क) जी के यथान्तर्गत भी उन्होंने कहा है—

श्रीरंगदेवी की सखी कृष्ण अली सुमुजान ।

तिनहि कृपा शिखतख कह्यो, अपनो मति अनुमान ॥

'गदेवजी के सम्बन्ध में कुछ स्वतन्त्र पद भी उन्होंने बनाये हैं—

श्रीरंगदेवी अब में धरन तिहारी आई ।

श्रीराधा शतक के आदि में—

कृष्ण अली पद कमल रज मम उर करी निवास ।

और अन्त में—कृष्ण अली की कृपादृष्टि पाय, पाय राधा ठकुरायन के पायन की चाकरी ।  
ऐसा कृष्ण अली नाम वाले अपने गुरुदेव का नाम स्मरण रूप मंगलाचरण किया है।

इन सब उद्धरणों के अन्तः साध्य से प्रमाणित होता है कि 'श्रीरंगदेवी-यूथ की सखी श्रीकृष्ण अली' अर्थात् श्रीनिम्बार्कीय परशुराम द्वारे के अधिकारी श्रीकृष्णदासजी की जिस प्रकार वन्दना प्रेमदास ने की है ठीक उसी प्रकार उन्हीं अपने गुरुदेव की वन्दना लाल बलवीर ने की है। यदि वे गौड़ीय सम्प्रदाय के होते तो उनके निरीक्षण में प्रकाशित हजारों में चैतन्य या गौराङ्ग आदि शब्दों से वन्दना किये बिना कदापि नहीं रहते। किसी भी गौड़ीय सम्प्रदाय के व्यक्ति का ऐसा कोई ग्रन्थ नहीं मिलता जिसमें कि महाप्रभुजी का नामोल्लेख न हो। ऐसी स्थिति में किसी भी प्रकार का संदेह अवशिष्ट नहीं रहता कि लाल बलवीर कित्त सम्प्रदाय के अनुयायी थे? उनके निम्बार्कीय होने में ऊपर प्रदर्शित उनकी उक्तियाँ ही प्रमाणभूत हैं जो सूर्य की भाँति प्रकाश करके भ्रम के अज्ञानान्धकार को समूल नष्ट कर रही हैं। विचारशील विद्वान् उनकी रचनाओं का मनन करके इसी निष्कर्ष को अपनायेंगे और सभी भ्रान्त धारणायें समाप्त होंगी, ऐसा हमारा दृढ़ विश्वास है।



## श्री लाल बलबीर और प्रेम-सखी की गुरु परम्परा :—

प्रकट नाम	रहस्य नाम	प्रकट नाम	रहस्य नाम
१—श्रीहंस भगवान्		२६—श्रीमाधवभट्टाचार्यजी ( माधवी )	
२—श्रीसनकादिक ( हरिणा आदि )		२७—श्रीश्यामभट्टाचार्यजी ( असिता )	
३—देवपि श्रीनारद भगवान् ( मुग्धादि )		२८—श्रीगोपालभट्टाचार्यजी ( गुणाकरी )	
४—श्रीमुदर्शनचक्रावतार श्रीनिम्बार्क- महामुनीन्द्र ( श्रीरङ्गदेवी )		२९—श्रीवलभद्रभट्टाचार्यजी ( बल्लभा )	
५—श्री श्रीनिवासाचार्यजी ( नव्यवासा )		३०—श्रीगोपीनाथभट्टाचार्यजी ( गौरांगी )	
६—श्रीविश्वाचार्यजी ( विश्वाभा )		३१—श्रीकेशवभट्टाचार्यजी ( केशी )	
७—श्रीपुरुषोत्तमाचार्यजी ( उत्तमा )		३२—श्रीनागलभट्टाचार्यजी ( पवित्रा )	
८—श्रीविलासाचार्यजी ( विलासा )		३३—श्रीकेशवकाश्मीरीभट्टा० (कुंकुमांगी)	
९—श्रीस्वरूपाचार्यजी ( सरसा )		३४—श्री श्रीभट्टाचार्यजी ( शिवू )	
१०—श्रीमाधवाचार्यजी ( मधुरा )		३५—श्रीहरिव्यासदेवाचार्यजी ( हरिप्रिया )	
११—श्रीवलभद्राचार्यजी ( भद्रा )		३६—श्रीपरशुरामदेवाचार्यजी ( परमा )	
१२—श्रीपद्माचार्यजी ( पद्मा )		३७—श्रीहरिवंशदेवाचार्यजी (हितअलवेली)	
१३—श्रीश्यामाचार्यजी ( श्यामा )		३८—श्रीनारायणदेवाचार्यजी (नित्यनवीना)	
१४—श्रीगोपालाचार्यजी ( शारदा )		३९—श्रीवृन्दावनदेवाचार्यजी ( मनमञ्जरी )	
१५—श्रीकृपाचार्यजी ( कृपाला )		४०—श्रीगोविन्ददेशाचार्यजी ( गौरांगी )	
१६—श्रीदेवाचार्यजी ( देवदेवी )		४१—श्रीगोविन्दशरणदेवाचा० (गुणमंजरी)	
१७—श्रीसुन्दरभट्टाचार्यजी ( सुन्दरी )		४२—श्रीसर्वेश्वरशरणदेवाचा० (रूपमंजरी)	
१८—श्रीपद्मनाभभट्टाचार्यजी ( पद्मालया )		४३—श्रीनिम्बार्कशरणदेवाचा० (रसमंजरी)	
१९—श्रीउपेन्द्रभट्टाचार्यजी ( इन्दिरा )		४४—श्रीकृष्णचरणजी, अधिकारी (कृष्णप्रिया)	
२०—श्रीरामचन्द्रभट्टाचार्यजी ( रामा )		४५—श्रीदामोदरदासजी ( दामा )	
२१—श्रीवामनभट्टाचार्यजी ( वामा )		४६—श्रीकृष्णदासजी ( कृष्ण अली )	
२२—श्रीकृष्णभट्टाचार्यजी ( कृष्णा )			
२३—श्रीपद्माकरभट्टाचार्यजी ( पद्माभा )			
२४—श्रीधवणभट्टाचार्यजी ( श्वुतिरूपा )			
२५—श्रीभूरिभट्टाचार्यजी ( भगवती )			
		लाल बलबीर (दासी)	प्रेमदास
		(बद्रीप्रसाद)	(प्रेमसखी)



### आभार प्रदर्शन

श्री ब्रजविनोद के प्रकाशनाथ सर्वप्रथम पं० जगन्नाथजी गौड़ और श्रीरि शर्मा इन दोनों सज्जनों से विशेष प्रेरणा मिली। राधाशतक और ब्रज विनोद की मुद्रित पुस्तकों भी इन्होंने दीं। लाला नन्दकिशोरजी मुकुट वालों से लाल बलबीर की रचनाओं के कुछ हस्तलिखित पत्रे और उनको जीवनों के सम्बन्ध में जानकारी भी प्राप्त हुई। लाल बलबीर के पुत्र ला० बकिलाल और उनके सुपुत्र दाऊदयाल आदि सभी परिवार से, परिचय सम्बन्धी जानकारी और हजारों की हस्तलिखित प्रतियाँ भी प्राप्त हुईं। श्री राधेश्यामजी अग्रवाल (श्री लाल बलबीर के पौत्र) एम. ए. मधुरा, से हजारों के आरम्भ और प्रेमदासजी की रचनाओं के अन्तिम भाग का संदर्भ प्राप्त हुआ, जो बहुत

खोजने पर भी अन्यत्र प्राप्त नहीं हो सका था। श्रीराधेश्यामजी के लेखों से अच्छी सहायता प्राप्त हुई। उन्होंने एक लेख भी लिखा। इस प्रकार ब्रजविनोदकार के परिवार का सराहनीय सहयोग रहा।

पं० श्री वासुदेवशरणजी और उनके भागनेय पु० ब्रजगोपालजी ने भी हजारों की प्रतिर्या जुटाने में विशेष योग दिया। बाबू श्रीप्रभुदयालजी मोतल से भी अपेक्षित सामग्री और परामर्श मिला। डा० गोस्वामी शरणविहारीजी के शोध-प्रबन्ध का भी उपयोग किया गया। डा० श्रीनारायणदत्तजी शर्मा, प्रधानाचार्य जवाहर विद्यालय मथुरा, पं० गोविन्द शर्मा शास्त्री एम. ए. आदि आत्मीयजनों से विचार एवं लेख आदि का विशेष सहयोग प्राप्त हुआ। इन सबके सहयोग से ही प्रस्तुत ग्रन्थ के सम्पादन, प्रकाशन में सफलता प्राप्त हुई।

अतः उपर्युक्त सभी सज्जनों के हम हृदय से आभारी हैं।

जहाँ-तहाँ प्रूफ संशोधन में त्रुटियाँ हो गयी हैं, उन स्थलों को विज्ञ पाठक सुधार कर पढ़ने का कष्ट करें।

—प्र० सम्पादक एवं प्रकाशक

### विषय सूची

विषय	पृष्ठ	विषय	पृष्ठ
वृन्दावन-सतक	१-१७	अधामुर लीला	१३०-१३४
पावस वत्सीसी	१७-२२	ब्रह्माचारी लीला	१३४-१३६
गिरिराज-अष्टकादि	२२-३१	मनिहारी लीला	१३६-१३७
षड्भृतु-शतक	३१-४६	जोगी लीला	१३७-१४२
श्रीराधा-सतक	४६-६०	जंपुरिया कवित्त	१४२-१४४
शिखनख वर्णन	६०-६४	बंगाली कवित्त	१४४
वनविहार वर्णन	६४-६५	चौरहरण	१४५-१४६
होरी के कवित्त	६५-६६	चार बोलियों में कवित्त	१४६-१४६
डोल	६६-६६	मान पच्चीसी	१४६-१५३
साँझी के कवित्त	६६-६०	प्रेमदास जी के फुटकर कवित्त	१५४-१६१
फुटकर कवित्त	६०-१०४	सामरी सखी लीला	१६१-१६४
प्रेम-पचासा	१०४-११२	साँझी लीला	१६४
उद्धव-गोपी-संवाद	११२-११६	परिशिष्ट—	
दान लीला	११६-१२४	बाल पच्चीसी	१७३-१७४
कालीदह के कवित्त	१२४-१३०		



• श्रीराधासर्वदेवरो विजयतेतराम् •

## ❀❀❀ ब्रजविनोद ❀❀❀

वृन्दावन-शतक

• दोहा •

गोरी मन भोरी अहो, श्रीराधे सुख रास ।  
चरन कमल बंवन करौं, पुजवौ जन की आस ॥ १ ॥  
श्रीराधे राधे रटौं, राधे कौ उर ध्यान ।  
मम कुल देवी देवता, राधा रमण सुजान ॥ २ ॥  
श्री गुरु चरन सरोज जुग, मम उर करहु निवास ।  
कछु छवि बरनन चाहत हौं, वृन्दाविपिन विलास ॥ ३ ॥  
जै जै श्रीवृन्दाविपिन, जै जै श्रीसुखरास ।  
जै जै रसिकन प्रान-धन, मम उर करहु निवास ॥ ४ ॥  
ब्रह्म सनातन शुद्ध हरि, हरन सकल जग फन्द ।  
सो वृन्दावन चन्द में, फँस्यो प्रेम के फन्द ॥ ५ ॥  
जे मन मोहन लाड़ले, मोहे सुर मुनि वृन्द ।  
सो छवि लखि मोहित रहे, श्रीवृन्दावन-चन्द ॥ ६ ॥  
श्रीवृन्दावन चन्द छवि, कापर बरनी जाय ।  
काकी समता दीजिये, रही गिरा सिरनाय ॥ ७ ॥  
तीन लोक ते सरस है, वृन्दावन सुख कन्द ।  
जहँ निस दिन विहरत रहँ, श्रीराधागोविन्द ॥ ८ ॥  
तजो गेह सुख बेह के, और जगत के फन्द ।  
जुगल चरन सौं प्रीति कर, बस वृन्दावन चन्द ॥ ९ ॥

- श्रीराधा राधा रदौ, त्याग जगत की आस ।  
 व्रज बोधिन विचरत रहौ, कर वृन्दावन वास ॥  
 कर वृन्दावन वास रतिकजन संगति कीर्ज ।  
 प्रेम पंथ मन ढरी त्याग विष अमृत पीर्ज ॥  
 कहैं लाल बलवीर होय आनन्द अगाधा ।  
 निश्चै करिके दित्त कहौ श्रीराधा राधा ॥१०॥

नमो नमो वृषभानुजा, नमो नमो सुखरास ।  
 नमो नमो असरन सरन, मम उर करो निवास ॥ ११ ॥  
 जद्यपि अधम मलौन हौं, तदपि तिहारी आस ।  
 सदा कृपा करि दीजिए, श्रीवनराज निवास ॥ १२ ॥  
 श्रीवृषभानु-कुमारि जू, विनय करौं सुनि कान ।  
 देहु निरन्तर आपने, चरन कमल कौ ध्यान ॥ १३ ॥  
 हृदैं सरोवर प्रेमजल, तुम पद हृद अरविन्द ।  
 मन मिलिद चाहत प्रिये, सदा सदा मकरन्द ॥ १४ ॥  
 अब कछु बरनन चाहत हौं, वृन्दाविपिन विलास ।  
 कृपा दृष्टि करि स्वामिनी, पुजवहु जन मन आस ॥ १५ ॥

प्यारी थी बिहारी जू की रूप उजियारी राधे, इनके सवाई पद-पद्य सिरनाऊं में ।  
 कृष्ण अली आप हौं जुगल रङ्ग रली भली, बीजें वृध ये जु तुम्हें विनती सुनाऊं में ॥  
 लाल बलवीर रहौं पासी जू खवासी मांहि, कृपा की कटाक्ष होय दासी भाव पाऊं में ।  
 अति ललचाऊं हिय मोद मांहि छाऊं, कहैं वृन्दावन-चन्द कौ सुजस वर गाऊं में ॥

जाकों नेत नेत कहि वेदन बखान्यौ, ईश ध्यान में न आनी अचरज सुखदानी हैं ।  
 और कौन पावें मति शारदा की सकुचावें, याके देखिबे कौं कमला सी ललचानी हैं ॥  
 लाल बलवीर भुज मेलि करैं केलि दोऊ, हिये सुख भेल सेबें सखी गुनखानी हैं ।  
 चौधेहु भुवन परयन्त थाने जाने यहाँ, श्यामा-श्याम राजा बनराज राजधानी हैं ॥

गोप हूँ ते गोप महा राजत हैं वृन्दाटबी, तिनकी भलक उर कैसे भलकाय हैं ।  
 ललिता विशाखा रंगदेवी श्रीसुदेवी आदि, अली श्री किशोरीजी की तिन सिरनाय हैं ॥  
 लाल बलवीर दासी भाव भावना में पाय, हियें उतसाह सौं सदा ही जस गाय हैं ।  
 लहैं पद पदान की रेनु तनु धार जबें, श्यामा-श्याम जू की राजधानी रस पाय हैं ॥

• दोहा •

श्यामा जू की सहचरी, हाहा श्री ललितादि ।  
 चरन कमल वन्दन करौं, पूजौ मन अहलादि ॥ १९ ॥  
 मैं मति हीन मलीन हौं, और न कछु उपाय ।  
 कृष्ण अली पद कमल बल, जो कछु बर-यो जाय ॥ २० ॥

• कवित्त •

( २१ )

यमुना की कूल पै रही हैं दुमबेली भूल, इवें मकरन्द फूल मुषमा दिमानी जू ।  
 तिन पै मुदित मन कूकं पिक सारी कोर, सबतें इकन्त रावरी ये राजधानी जू ॥  
 इनकी छबिली छवि ये जू सुख रासि कछु, लाल बलबीर मुख चहत बखानी जू ।  
 बोऊ कर जोर जोर कहूँ बार बार राधे, कीजिये मुहृष्टि मोपे वृन्दावन रानी जू ॥

( २२ )

वृथा ही जनम हाय लाखन लुकाय गये, सवा भ्रमना के माहि मति भरमाइये ।  
 वारा सुत बेह गेह ही में अति नेह रह्यो, सःसंग कौं न रंग छई जड़ताइये ॥  
 लाल बलबीर अब लागी आस तेरी बीर, तू ही जग जीवन की जीवन बत-इये ।  
 हाहा सुख साधे करी कलना आधे, मेरी भेटौ मन बाधे वृन्दावन में बसाइये ॥

( २३ )

ये हो मन मित्र सीख येती चित धार मेरी, भूँठे सुत वाम धाम नेह बिसराइये ।  
 कठिन कराल काल श्याल की हैं श्याल जाल, परो ताके गाल वासौं कौन उबराइये ॥  
 लाल बलबीर हरिदासन कौ दास हूँ, प्रेम रस पोजे सवा सुख बीच छाइये ।  
 छोड़ जग फन्द धन्ध लखौ विवि चन्द छैल, वृन्दावन-चन्द कौ गुनानुवाद गाइये ॥

( २४ )

अति सुकुमार छवि सार श्री लइती लाल, प्रेम उर माल रति पति कौ लजावें हैं ।  
 कालिन्दी के कूल भूल रहे द्रुम बेली फूल, बीन अंग भूषन नवीन लं सजावें हैं ॥  
 नाना रस रेल खेल ही की सुख भेल भेज, बोऊ मुसिब्यावें बोऊ बोऊ कौ रिभावें हैं ।  
 सुख बरसावें अली गनन रिभावें हेर, लाल बलबीर मुख बांसुरी बजावें हैं ॥

( २५ )

बड़े बड़े मुनी जानी वास हेत ललचानी मती, वेदहू नें नेत नेत कह गायो है ।  
 मोहन के प्यारे भारे ध्यान धर धर हारे, तिनहूँ कौं याकी ना प्रभाव बरसायो है ॥  
 लाल बलबीर राजधानी श्रीकिशोरी जू की, चौधेहू भुवन में अलण्ड तेज छायो है ।  
 राधिका की दासो सुखराशी जीलों होय नहीं, तोलों बनराज जू कौं कौनों रस पायो है ॥

( २६ )

फूलें हैं फलें हैं फल फूल वर रस मूल, भूम भूम भूमि भुकि रहौं तद डाली हैं ।  
 कुन्दन सी बेली लपटानी हैं दुमन घन, राधा मन-मोहन मुदिष्टि कर पाली हैं ॥  
 लाल बलबीर कीर मोयल किलोलें बोलें, लेत मन मोलें तान गावत निराली हैं ।  
 वृन्दावनचन्द जू को सुखना कहाँलौं कहुँ, चारों ओर जहूँ रंग-रंग की बहाली हैं ॥

( २७ )

सोभित हैं पांती मन भांती द्रुम वेलिन की, सरस सजीली लचकीली बहुतन की ।  
द्रव मकरन्द अलि वृन्द वृन्द रस लेत, अति सुख देत पूर करे चाह मन की ॥  
लाल बलवीर संग कठ बड चलों डारी, परम विचित्रनी सुवरन वरन की ।  
राधा मन मोहन की मोहनि बिहार भूमि, वनंत वनेन देख छवि वृन्दावन की ॥

( २८ )

हरी हरी भरी फल फूलन सों बेली भेली, नाना रंगरेजी तरु कंठ लपटानी हैं ।  
कोऊ कुत मुक्त लसें कोऊ हीर ही कों कते, मानिक पिरोजा करे नीलम-लजानी हैं ॥  
लाल बलवीर दिव्य द्रव्य द्रव्य मकरन्द (वृन्द) जुगल सनेह दृष्टि पोखसों बढानी हैं ।  
सहित अलीन वनराज कों निहारें रानी, राधिका जू संग मनमोहन गुमानी हैं ॥

( २९ )

वरन वरन खग राजें वनराज जू मैं, जुगल विलोकत आनन्द उर बढ़े हैं ।  
नाचत हैं संग संग छवि सों अनेक ढंग, होत मति पंगु अनुरागन में मडे हैं ॥  
कहत बलवीर उड धावें नभ आवत, उतर दुमडारन पे पपीहा चडे हैं ॥  
कवड किलक कू कू कूक कें सजीले सुर, राधा धनश्याम के बिभल जस पडे हैं ॥

( ३० )

खेलत हंसत वनराज में बिहारी प्यारी, नाना खग मण्डली की शोभा मन भावे हैं ।  
निरत दिखारवें केले गगन उडारवें लखि, लाइली बुलावें तिनें सीध्र फिरि आवें हैं ॥  
कोमल मधुर तोड़ तोड़ फल सारवें सो सो, सब वनरानी जू की भेंट लें चढारवें हैं ।  
लाला बलवीर उर वम्पति बढारवें सुख, अति ही सजीले सुर राधा गुन गावें हैं ॥

( ३१ )

काहे कों सुजान मन धावत कुठौर ठौर, वृथा जगवादन में कहा सुख पावें है ।  
सांचो कर मानत है दारा सुत तात मोरा, इन को समूह बीरा छिन में विलावें है ॥  
घाते बनवीर सब जिनिये असार यार, बाजीगर कौ सो खेल प्रगट दिखारवें है ।  
वृन्दावनचन्द राजें राधा नन्दलाल सार, छवि उजिआर प्रीति तिन सों न लावें है ॥

( ३२ )

नवल निकुंजन में खेलत हैं छविपुंज, नाना विधि ही के रचे साज सुख दानी जू ।  
लावत सुमन कली गृहत नवीन आली, माल पहिरारवें रङ्ग-रली मन मानी जू ॥  
लाल बलवीर अंग सुखमा निहारें भली, प्राण धन बारें बिन करे मडु दानी जू ।  
वृन्दावनचन्द जू मैं राजत सदैव दोऊ, राधा मनमोहन के संग सुख दानी जू ॥

( ३३ )

कुण्डला अकार यामें यमुना तरंगे लेत, बहुत सुहौनी धार सुखमा बिलन्द की ।  
फूले अरविद तहां गुंजत अलिन्द वृन्द, पावत अनन्द धूम उड़त सुगन्ध की ॥  
लाल बलवीर मुक सारी केकी कोकलादि बंटे द्रुम डार तान रटत अनन्द की ।  
दोऊ ब्रजचन्द मिलि राधिकागुविन्द आली, निरखें छबीली छवि वृन्दावनचन्द की ॥

( ३४ )

वृन्दावन चन्द जू की नाम रसना तें लेत, कोटि-कोटि केलि के कलेश पुंज खोवत हैं ।  
सुभग सजीली यहां कालिन्दी तरंगे लेत, नीलमणि माल याके कण्ठ मनो सोहत हैं ॥  
लाल बलवीर मनमोहन रसिकराय, राधिका छबीली लं छबीली छवि जोहत हैं ।  
करत विलास सुख रास नये नये हास, लता जोट ललितारिक हेर मन मोहत हैं ॥

( ३५ )

बने हैं सुघाट घाट अष्टा पद हीरन के, सोड़िन मैं मणिन की प्रभा सरसात हैं ॥  
बिचित्र बिचित्र जगमगत तिबारी जारी, बंठिक सुठारी हेर नैन अरुभात हैं ॥  
लाल बलबीर कूल दोऊ सम तूल भूल, रहीं हुन डार मध्य यमुना सुहात हैं ॥  
वृन्दावनचन्द जू के राजा श्रीविहारी प्यारी, करे जलकेल भुज मेल के अन्हात हैं ॥

( ३६ )

परी आय द्वार सुनि सुजस अपार चारु, कबहु तो कृपा की कटाक्ष सों तकाओगी ॥  
सहचरि संग पाऊं सेवा रुख ओर धाऊं, पव सहराऊं तब हेर सनु पाओगी ॥  
लाल बलबीर दासी जानके सदैव पासी, राखी सुखरासी चाह चित की पुजाओगी ॥  
दोऊ कर जोरी कळुं विनती करोरी गोरी, हा हा श्रीकेशोरी ऐसैं कव अपनाओगी ॥

( ३७ )

परम रुचिर भूमि साखा हुम रहीं भूमि, खिलत प्रसून हेर लागत न पलकें ॥  
गुंजत अलिन्द मकरन्द पान करे लग, मोद मन भरे बँडे डारन पै मलकें ॥  
लाल बलबीर भुज अंसन पै मेल श्यामा-श्याम करे केलि पन्ध धरे पव हलकें ॥  
प्रेम लपटानी मुख बानी कहैं राजरानी, कंसी मुख बानी बनराज छवि छलकें ॥

( ३८ )

उद्वच-से सखा मनमोहन सों बार बार, बिनती करत हिय ये ही भाव भरि हैं ॥  
वृन्दावन वास मुखरास दीजे सामरे जू, गुलम लता हैंके सदां अनन्द करि हैं ॥  
लाल बलबीर वर रावरी विहार भूमि, भूम भूम लूम लूम ताकी ओर ढरि हैं ॥  
गोधन गुआल गोपी रज पद पंकज की, आय आय हमरे तब ही सीस परि हैं ॥

( ३९ )

लाइली ललन ले प्रसून की सुधावे तुमैं, ललें के सुवास रास तास ओर हवेंगी ॥  
परम प्रवीन रसलीन जू नवीन प्यारी, चिबुक रंगीन कर बञ्जन सों पसंगी ॥  
लाल बलबीर दासी जान मुखरासी ये जू, मेरे हिय गेह रस रूप घटा वधेंगी ॥  
वृन्दावन रानी मुखदानी ये छबीली राधे, दूर होंय बाधे कव ऐसी विधि वधेंगी ॥

( ४० )

वृन्दावनचन्द में सदैव फल नाना भांति, रंग रस भरे द्रुम बेलिन में वसैं हैं ॥  
सीताफल अंबु सेव संतरा अनार चारु, भूमत हैं बात सों छबीली छवि वधैं हैं ॥  
लाल बलबीर तहां खेतें श्रीविहारी प्यारी, भये तुष्ट पुष्ट दृष्टि हो सो ओर पसैं हैं ॥  
कर सों उतार सुकमार देत लाइली कौं, खात औ खवावत में मनहि मन हवैं हैं ॥

( ४१ )

आयी कर संतन की संगत में बार बार, सदां पद पकजु में शीस कौं नवायी कर ॥  
न्यायी कर प्यारे मारतण्ड तनया मैं जाय, रज को लगाय अंग श्रंग हलसायी कर ॥  
पायी कर प्रभु के प्रसाद कों प्रसन्न है कें, नेम बनराज जू की परिक्रमा जायो कर ॥  
लायी कर ध्यान मन मगन होय हृदं बीच, बंठकें निकुंजन में राधा गुन गायी कर ॥

( ४२ )

कोटि कोटि अण्डन में धन्य ब्रह्म मण्डल है, यामें उन्नचास कोटि भूमि सुखकन्द है ॥  
तामें सप्तद्वीप सप्तद्वीपन में जम्बूद्वीप, तामें नव खंड भतखण्ड में अनन्द है ॥  
तामें चार धाम नीके सप्तपुरी मध्य देस, तामें व्रजमण्डल की छाई मकरन्द है ॥  
चाँधे हू भुवन बंकुण्ड पर्यंत जेते, तातें सरबोपरि श्रीवृन्दावन चन्द है ॥



( ४३ )

राऊजी की माखन औ मिसरी अओखी खौर, गोकुल को लोटी सो सवाद बन्दवाने की ।  
चन्द्रमा की चन्द्रकला चहुँ ओर जाहिर है, दही औ बतासे वृन्दादेवी मन माने की ॥  
मधुरा के पेड़ा बर टेंटी व्रज मण्डल की, गोवरधन अन्नकूट सोभा सरसाने की ।  
दूध औ महेरो हेरी प्यारे नन्दगाम ही की, अतिसँ सुगन्ध नीकी बीरी बरसाने की ॥

( ४४ )

वनराज बेली अलबेली भाँति शोभित हैं, छई कल पल्लव सों अंगन अधोरे हैं ।  
फूले नव फूल भरे सौरभ अतूल अलि, लेत रस मूल फूल फूल चहुँ ओरे हैं ॥  
लाल बलबीर श्यामा श्याम रूप रञ्चि सञ्चि, पंछी गुन गावें अनुरागन में बोरे हैं ।  
चित्र के लिखे से जुग मित्र कों निहारें मन, प्रेम के समुद्र पर लं रहे भकोरे हैं ॥

( ४५ )

रसिक विहारी सुकमारी प्रान प्यारी जू को, सुखमा सजीली वनराज की विलावे हैं ।  
कँसे द्रुम बेली रंगरेली फल पल्लव सों, भुक-भुक भूम-भूम भूम चूम जावें हैं ॥  
सहित सुवास फल फूलकें भरें अतूल, चारों दिशि ही में मनो इन्द्र भर लावें हैं ।  
डारन पँ बंठे अनुरागन सों सारो शुक, सुभग सजीली रसना सों तान गावें हैं ॥

( ४६ )

प्रीतम की प्यारी प्रिया प्रिया प्रान प्यारी पीयु, दोउन की दोऊ छवि-सिन्धु में तरावें हैं ।  
दोऊ नव करे खेल दोऊ भुज अंस मेल, दोऊ सुख भेल भेल मन्द मुसिक्पावें हैं ॥  
लाल बलबीर वनराज के विलासी दोऊ, सखिन चकोरन के लोचन सिरावें हैं ।  
गावें राग रागिनी रसीले चटकोले मुख, मधुर मधुर बर बाँसुरी बजावें हैं ॥

( ४७ )

देखत हैं शोभा लोभा बड़े प्रेम गोभा वन, लाड़ली ललन मन अति हरषावें हैं ॥  
लटकत धावें द्रुम बेलिन के पास दोऊ, दोउन के दोऊ नाम हित सों बतावें हैं ॥  
सारो पिक कीर केकी कोपल किलोल करे, मधुरे सुरन सों सजीली तान गावें हैं ।  
लावत हैं मिष्ट फल लाल बलबीर दासी, हित वनराज के विलासी को पयावें हैं ॥

( ४८ )

जाने को जतन सों मिली है रे मनुष्य देह, याकी सार येही सतसंगत में पोय जा ।  
बारा सुत भ्रातन के गेह सों सनेह तोर, मोर मुख दास हरिवासन को होय जा ॥  
लाल बलबीर द्रुम बेली रंगरेली भेली, भूमत नवेली मन इनहीं कों जोय जा ।  
सोयजा सकल जग फन्दन के धन्दन सों, वृन्दावन-चन्द जू के रस माँहि भोय जा ॥

( ४९ )

ग्वालन के संग श्रीगुपाल जू चरावें गाय, गावें राग रागिनी उमंग भरे मन में ।  
बाँसुरी बजावें हाव भावन जनावें, मित्र-मण्डली रिभावें हैं भरे हैं प्रेम-पन में ॥  
लाल बलबीर जू की अंग अंग माधुरी, निहारत बने हैं ना बने हैं धरनन में ।  
विविध विलास को प्रकास जहाँ राजत है, याते मन मेरो सदाँ बसे वृन्दावन में ॥

( ५० )

जाने को जतन सों बनो है यह वाव तेरो, याको सुख हेरी पग बाँसुर न दीजिये ।  
चाँधेह भुवन ते इकन्त ये विहार भूमि, लाड़ली लला की रज अंग धार लीजिये ॥  
लाल बलबीर द्रुम बेली रंग रेलिन में, संतन के संग बंठ प्रेम रस पीजिये ।  
कृपा कों विचारो राधे नाम कों उचारो, ऐसो वृन्दावन-चन्द में सदाँ ही वास कीजिये ॥

( ५१ )

कोऊ है न अपना ये जान जग सपनों सो, बिन सतसंगत वृथा ही तन तपनों ।  
छोड़ कटु वादन कों भ्रमना विषादन को, नार मिठ नादन कों जान विष कपनों ॥  
लाल बलबीर बनराज जू की साज हेर, कीजिये न भेर हृद ही सों बास थपनों ।  
द्विन द्विन घरी घरी रन दिन जाठों जाम, साँची सुखधाम श्यामा-श्याम नाम जपनों ॥

( ५२ )

भ्रून रहे सरस सजीले तर ठौर ठौर, फूल रहे फूल धुंध छई मकरन्द को ।  
साँतल मुहौनी लौनी पवन भफोरें लेत, गूँज रहीं द्वारों दिशि अवली अलिन्द को ॥  
लाल बलबीर जहाँ प्रेम भरे श्यामा श्याम, खेलत हँसत तान गावत पसन्द को ॥  
दुरें दुख दुन्द बडे उर में अनन्द, प्यारे लीजिये विलोकि छवि वृन्दावन-चन्द को ॥

\* पद \*

( ५३ )

○ मेरी टेर सुनो सुकुमारी ।

अखिल लोक चूड़ामणि सुन्दर मनमोहन की प्यारी ॥  
परम उदार दयानिधि नागरि दीनन ओर निहारी ॥  
दासी जानि कीजिये स्वामिनि महत टहल अधिकारी ॥

( ५४ )

○ किशोरी मोकों दै श्रीवृन्दावन वास ।

चाहे सो कीजै श्रीसुन्दरि पूजों मन की आस ॥  
खग मृग लता रेनु द्रुम बेली निरखों रास विलास ।  
दासी जान आन उर स्वामिनि कीजै रूप प्रकाश ॥

( ५५ )

○ भजी मन श्रीवृन्दावन-चन्द ।

हरित नील दुति द्रुमन लिपट रहीं हेम बेलि सुख कन्द ॥  
फूले सुमन समूह लेत अलि भूम भूम मकरन्द ।  
दासी निरखि जहाँ विहरत मिल श्रीराधा गोविन्द ॥

( ५६ )

○ किशोरी राधे बिनती करों करजोर ।

कीजै दया दयानिधि नागरि राखौ चरनन ओर ॥  
द्वारे परी दीन हों टेरत अब ना बनै मुख मोर ।  
दासी जान न टार विपुन तें छवि निरखों निशिभोर ॥

( ५७ )

○ श्रीराधा मोरी एक अरज चित लावो ।

तुम सरवन्न सुजान शिरोमणि करुणासिंधु कहावो ॥

और न कोउ हितु मो जग में जाके पास भ्रमावो ।  
दासी दीन परी द्वारे पै श्रीबनराज बसावो ॥

( ५८ )

○ श्रीराधे जू निवाहे बनेंगी ।

मो सम नहीं दीन या जग में बया दृष्टि सों तकाये बनेंगी ॥  
औगुन भरी परी द्वारे पै सैनन माँहि बुलाये बनेंगी ।  
दासी जानि चरन की स्वाभिनि श्रीबनराज बसाये बनेंगी ॥

( ५९ )

○ मन रे तू चल श्रीवृन्दावन हेर ।

घर के धूमर धूमते कढ़बढ़ क्यों कर राखी देर ॥  
भूली भ्रमत बहुत दिन बीते अब सब कष्ट निबेर ।  
श्यामा श्याम जहाँ मिल खेलत उन चरनन सिर गेर ॥

( ६० )

○ दीजँ मोकों श्रीवृन्दावन बास ।

कुमर किशोरी गोरी भोरी करुनानिधि सुख रास ॥  
सैन बैन रस दैन जुगल वर लखौ परसपर हास ।  
दासी दीन परी द्वारे पै पूजौ मन की आस ॥

\* कवित्त \*

( ६१ )

श्रीबन समान नहीं सुखमा बिलोकी आन, फरत सदैव फल फूलन सों बेली हैं ॥  
जहाँ श्यामा श्याम विहरत रहैं सुखधाम, तहाँ आग्री जाम संग सोहत सहेली हैं ॥  
लाल बलबीर लता भूम भुकि रहौं भूमि, केतकी गुलाब गुल दाबवौ कुएली हैं ।  
जुगल सरोज मकरन्द की गहन विन्द, गरबगहेली पाँय परत चमेली हैं ॥

( ६२ )

कदम अगार अंबु जंबु औ अशोक थोक, भूम भूम भोटा सेत सुखमा अनन्द की ।  
प्रफुलित सुमन समूह कुञ्ज कुञ्जन में, गंजत मधुप धूम छाई मकरन्द की ॥  
लाल बलबीर जहाँ यमुना तरंगे लेत, खेलन की भूमि ये ही प्यारी-नैदनन्द की ।  
दुरें दुख बुँद बढें उर में अनन्द प्यारे, लीजिये बिलोकि छवि वृन्दावन-चन्द की ॥

( ६३ )

अमल अमोल हैं अनूपम हैं रेनु याकी, सिद्धि कामना की देन वारी हैं अनन्द की ।  
जाकों अङ्ग लाय लाय सार वस्तु पाय पाय, गाय गाय बानी सुधा सानी प्रेय फन्द की ।  
लाल बलबीर याकी महिमा कहाँ लौं कहूँ, और लोक लोक की बड़ाई सब मन्द की ।  
फन्द की हरैया है करैया आनन्द सदां, लीजिये बिलोकि छवि वृन्दावन-चन्द की ॥

( ६४ )

काशी औ प्रयाग द्वारावती कौं निहार आयो, वज माँहि आयो जब लायबो कहा रह्यो ।  
गंगा सिन्धु सरस्वती सरजू में ह्वाय आयो, जमुना में ह्वायो जब ह्वायबो कहा रह्यो ॥  
लाल बलबीर व्रजराज की रंगोली छवि, हिये माँहि लायो जब लायबो कहा रह्यो ।  
प्रभु प्रसाद पायो सीस संतन कूँ नायो, श्रीवृन्दावन पायो जब पायबो कहा रह्यो ॥

( ६५ )

आनन्द के कन्द नन्दनन्द श्रीगोविन्द जू के, पद उर लायो जब लायबो कहा रह्यो ।  
हरषि हरषि मारतण्ड तनया में जाय, बार बार ह्वायो जब ह्वायबो कहा रह्यो ॥  
लाल बलबीर वृषभानु की कुमारी जू कौं, सदा गुन गायो जब गायबो कहा रह्यो ।  
प्रभु-प्रसाद पायो सीस संतन कूँ नायो, श्रीवृन्दावन पायो जब पायबो कहा रह्यो ॥

( ६६ )

बनो बाब तेरो बँन मान ले तू मेरो, सुख पाय है घनेरो नेह कीजै रसिकन में ।  
रज अंग धारो श्यामा श्याम कौ उबारो, जग सीस छार दारो सदा चिचरो लतन में ॥  
लाल बलबीर हारो माया मद मोह द्रोह, पोह मन अब तो किशोरी के चरन में ।  
और फरफन्द जेते छोड़ वे जगत के ते, सदा ही मगन हूँ कँ बस वृन्दावन में ॥

( ६७ )

एरे मन मेरे तो सौं विनती करत हूँ रे, काहे कौं भ्रमत व्रजभूमि पंथ गह रे ।  
लता द्रुम बेलिन में राधा राधा धुन होय, तहाँ जाय काम क्रोध लोभ मोह बह रे ॥  
लाल बलबीर जन जुगल उपासी सबे, उनहीं की पद रज सीस धार लह रे ।  
और की न आस कीजै वृन्दावन बास सदा, राधे श्याम श्यामा श्याम राधे श्याम कह रे ॥

( ६८ )

छूटी बेलि बेलि पं लपट रंग रेल मेल, चित्रन में चित्र जे विचित्र दरसत हैं ।  
चहचही चटकीली चमचमात चारों ओर, लहलही लाँबी लोनी कारे सरसत हैं ॥  
लाल बलबीर श्यामा श्याम के रिभायबे कौं, रची हैं सखीन छवि हेर हरषत हैं ।  
वृन्दावन-चन्द जू की देखो कुञ्ज कुञ्ज में, सांभिन में कँसे रंग रूप बरसत हैं ॥

( ६९ )

कहूँ राधा बाग रची गहवर निकुंज वन, लूम रहीं लता लौनी भूमि परसावनी ।  
कहूँ चौरघाट नन्दघाट औ विहारघाट, जमुना तरंगे लेत हिये तुलसावनी ॥  
लाल बलबीर रची कहूँ रास मण्डल, अक्षण्ड रूप जगमगत आभा सति दावनी ।  
कँसे मन भावनी रिभावनी रची है वीर, देखो चलि सांभो वृन्दावन की मुहावनी ॥

( ७० )

कोऊ रची सखिन अबधपुरी मधुपुरी, कोऊ रची कासी सुखराशी मन भावनी ।  
रचत प्रयाग तिरबेनी सुख देनी कोऊ, कोऊ जगदीशपुरी मोद उपजावनी ॥  
लाल बलबीर चहचही चटकीली हेर, भ्रमभ्रमात आभा सुरपुर की दबावनी ॥  
कासी मनभावनी रिभावनी रची है वीर, देखो चलि सांभो वृन्दावन की मुहावनी ॥

( ७१ )

जान देरी कीरति लली के संग कानन ते, जलज खिले हैं ताके दलन लँ आन दे ।  
आन देरी जान चाली सकल सहेली तहाँ, रचना रचेंगी जिन जिय तरसान दे ॥  
स्पान देरी छाँड़ हिय हरषि रजायसु दे, दास कहूँ जस नीके हरि गुण गान दे ॥  
गान दे री गीत रस रंग डरें आनंद के, नाहिन तें सांभो के दरस हेत जान दे ॥

( ७२ )

कल्पतरु लतिका सरस पारिजात फूल, चितामणि भूमि है हरैया दुख दंड है ।  
सेवत रसिक जाकों सर्वा ही उमंग भरे, और जग वासना सों भई मति मन्द है ॥  
लाल बलबीर श्यामा श्याम की बिहार खली, देख रंग-रली भयो उर में अनन्द है ।  
कोट कोट अण्डन की खण्डन प्रल में होत, सबसे नियारो प्यारी वृन्दावन-चन्द है ॥

( ७३ )

वृन्दावन चाहे जास दास हूँ किशोरी जू कौ, हूँ कं जिन हूजी और चित ना बुलावंगो ।  
मनिक महल में विराजे प्रिया प्रीतम जू, तिनको सदैव हित ही सों गुन गावंगो ॥  
लाल बलबीर लंगी रसिकन संग रंग, होयगौ अभंग तन ताप कौ नसावंगो ।  
प्रानन समान बनराज कौ गिनंगो तब, जब रस रीति प्रीति ही को रीति पावंगो ॥

( ७४ )

देखन विपुन शोभा रसिकबिहारी प्यारी, हरधि हरधि निज कुंज ही सों आये हैं ।  
मोरछली केलि हेत माल माधुरी की बेल, कदम कनेर लाल देख सुख पाये हैं ॥  
छूट चने सुमन नवाड़े रायबेलिन के, करो ना भ्रमेल हस्त कंज भर लाये हैं ।  
लाल बलबीर दासी गोप सुखमा प्रकासी, कौन भाग जागे ऐसे रूप दरसाये हैं ॥

( ७५ )

कौमल कमल हू सों रेनु बनराज जू की, सीतल सुगन्ध मन्व व्यार लगै प्यारी जू ।  
चंपक चमेली रायबेली द्रुम बेली भेली, भूमि भूमि भूमि भुकि रहीं सब डारी जू ॥  
लाल बलबीर कीर कोयल कलोल करे, गुंजत मधुप मोर शोर करे भारी जू ।  
तीने संग प्यारी खिली चन्द की उजारी आज, बन में बिहार करे बाँकड़े बिहारी जू ॥

( ७६ )

गोपीनाथ करिहैं सनाथ प्यारे गोविन्द जू, जुगल किशोर चितचोर उर धरिये ।  
श्री मदनमोहन जू बाँकड़े बिहारी प्यारी, छबि उजियारी ताय चित तें न टरिये ॥  
लाल बलबीर राधा-बल्लभ निकुंज हेर, राधिकारमन जू की मोद उर धरिये ।  
दीजे परदक्षिना हिये में भाव रक्ष ऐसे, वृन्दावन-चन्द में सदैव तास करिये ॥

( ७७ )

वृन्दावनवारी प्यारी अरज हमारी धे ही, दया की निधान एती बिन कान कीजिये ।  
और जग जाल के न खवाल में बिहाल करो, उर प्रतिपाल नेह कुंज में डरीजिये ॥  
लाल बलबीर दासी आपनी खयासी जान, कछु सुखरागो जू टहल माहि लीजिये ।  
चरन सरोजन सों नेह रहे आठौं जाम, और सों न काम वास वृन्दावन दीजिये ॥

( ७८ )

खेलन किशोरी चितचोरी गरी भोरी आई, लाल बलबीर संग आपने विपन में ।  
फूले फूल भेली रायबेली चंपक चमेली, चाँदनी कुपेली जुही जाफरा लतन में ॥  
मोतिया मदनबान मालती गुलाब गेंदी, भूम भूम परे प्रिया-प्यारे के पगन में ।  
सुख होय तन में बढ़त मोद मन में, सुनिरखे जुगल छबि आज वृन्दावन में ॥

( ७९ )

सोनजुही केतकी कनेर कुन्द मोरछली, माधवी अतूप जुही फरी है लतन में ।  
फूले हैं अनार कचनारन दिनेशमुखी, लाइली ललन हेर लेत हैं करन में ॥  
लाल बलबीर वर सेवती गुलाब चीनी, कदम कतार छबि छाई लटकन में ॥  
सुख होय तन में बढ़त मोद मन में, सुनिरखे सुमन छधि आज वृन्दावन में ॥

( ८० )  
 प्रीषम निशा में घनश्याम बाम यूथ मध्य, प्रफुलित सोभा वनराज की निहारी जू ।  
 फूलीं ड्रुम बेली अलबेली ते निहार लीजें, गुंजत मधुप बाय मन्द लग प्यारी जू ॥  
 लाल बलबीर छबि देखवे ही लायक है, चली री सहेली सौंह साऊँ मैं तिहारी जू ।  
 लीने संग प्यारी खिली चन्द की उजारी, आज वन में बिहार करे बाँकड़ेबिहारी जू ॥

( ८१ )  
 छोड़ जग नेह कों सनेह करि प्रीतम सों, छिन-भंग देह को गुमान कहा मन में ।  
 भूठे धन धाम वान एकहुँ न आवे काम, रटी श्यामा-श्याम हरवित होय तन में ॥  
 लाल बलबीर पीऊ-प्यारी की मधुर रस, रसिकन संग पान कीजें करनन में ।  
 बिचरो पुलिन में निहारो लतकन ही में, लाइली लला कों करि वास वृन्दावन में ॥

( ८२ )  
 श्रीवन सुहावने की सुलमा कहाँ लीं कहुँ, हेम-भई भूमि प्रभा पन्न ललन में ।  
 वीरघ न लघुताई गहे सब समताई, दीये गलवाहीं सी दिखाई हरषन में ॥  
 लाल बलबीर फूले सुमन मनीन कांति, गुंजत मधुप पाँत सौरभ लगन में ।  
 लाइली ललन में लगावें चित्त पित्त नित्त, सोई नर पावें ऐसे वास वृन्दावन में ॥

( ८३ )  
 फूले हैं फले हैं ड्रुम बेलि बहु भाँतिन सों, होत ना निपात पात गत में अगन में ।  
 तिनपे विहंग राजें दिव्य बहु भाँति गाजें, सुजस किशोरी को उमंग भरे मन में ॥  
 लाल बलबीर छबि पाई तिन ही नें, जिन उर पुर राजे हैं अभंग प्रेम पन में ।  
 वे ही बड़भागी अनुरानी पिया प्यारी जू के, धन्य भाग जाके करे वास वृन्दावन में ॥

( ८४ )  
 कंचन अबनि कोट कुंज पुंज कमनीय, कोशिव कहत कवि कांति न अथोरी के ।  
 कदम कनेर केर कुञ्ज कमरख हेर, कमला कतार हैं कठर चहुँ ओरी के ॥  
 लाल बलबीर कञ्ज केसकी कमोद कुंद, केड़ा कलीन पंख कमल करोरी के ॥  
 कूक कूक केकी कल कोकला कपोत कार, कानन किलोल करे कोरति किशोरी के ॥

( ८५ )  
 बाबा बलखण्डी महादेव ब्रज जाहिर हैं, व्यास जू को घेरो सो अनूप छबि छायाँ है ।  
 चारों ओर सदन बने हैं लाल लाइली के, चन्द ते दुचन्द रूप ऐसो दरसावौं है ॥  
 सदाँ ब्रजवासी रूप माधुरी निहारो करे, और सों न काम श्याम श्यामा गुन गायौं है ।  
 लाल बलबीर नाम लें लें सब टेर करे, राधिका कृपा तें वास वृन्दावन पायौं है ॥

( ८६ )  
 चंपक बरन मृगलोचनी सलोनी राधे, और की न आश मेरें तुही है उपास री ।  
 मेटो जग त्रास कीजें कुमति को नाश, मोहि जान निज वास करो हिये मैं प्रकाश री ॥  
 लाल बलबीर जन धीरज-धरनी मन, तोसी तो तुही हैं और काकी करौं आस री ।  
 पूरी कर आस मेरी एहो सुखरास मोकीं, कृपा करि दीजें सदाँ वृन्दावन वास री ॥

( ८७ )  
 छबीली रंगोली रस आगरी किशोरी गोरी, राख निज ओरी मति मोरी यह धीजिये ।  
 नागरी उजागरी जू सदाँ रूप आगरी जू, लाल बलबीर दया दासन पें कीजिये ॥  
 कोरति दुलारी मनमोहन की प्रान प्यारी, कहुँ मनुहारी बिन एती सुन लीजिये ।  
 मेरी यह आस पूरी कीजें सुखरास सदाँ, हिय में हुलास वास वृन्दावन दीजिये ॥

• श्रीराधे जू सहाय •

## वृन्दावन-अष्टक

• दोहा •

( ८८ )

लोक चतुर्दश मुकटमणि सदाँ सर्व सुखकन्द ।

श्रीवृषभानु कुमारि को श्रीवृन्दावन-चन्द ॥

• कवित्त •

( ८९ )

चाहत हैं जाकी रज शंभु चतुरानन से, करें गुनगान उतसाह बास ही की है ॥  
धर धर ध्यान हारे सामल मुजान ही कौ, स्वामिनी कृपा बिना न मिलत घरी को है ।  
करत खवासी हरिवासी हरिवंशी ध्यासी, जिही जो दिवावें होय दासी भाव जी को है ।  
लाल बलबीर नीकी लागे प्राण पीकी प्यारी, वृन्दावन-चन्द वृषभानुनन्दनी को है ॥

( ९० )

राजत लतान ही में नवल छबीले खग, करें रस गुन गान प्यारी लालजी को है ।  
मधु भरे भूमें फल वृन्द बहु भाँतिन के, तिन में मधुर स्वाद सरस अमी को है ॥  
ठीर ठीर वापी कृष सरिता सलिल भरे, परें कल हंस बंस रूप हित ही को है ।  
लाल बलबीर नीकी लागे प्राण पीकी प्यारी, वृन्दावन-चन्द वृषभानु नन्दनी को है ॥

( ९१ )

मंडित मुकर वृन्द मानिक महल राजें, तिनमें प्रकाश सूर सहस ससी को है ।  
करत विहार जहाँ रसिक बिहारी प्यारी, सुखी सुखमा री काज करें हित ही को है ॥  
मधुर मधुर कल अलि कुल गुंजत हैं, करें रस पान फूले कंज सब ही को है ।  
लाल बलबीर नीकी लागे प्राण पीकी प्यारी, वृन्दावन-चन्द वृषभानु नन्दनी को है ॥

( ९२ )

खेलत हैं जामें रस भरे छल श्यामा श्याम, मधुर मधुर शब्द होत बांसुरी को है ।  
किंकनी कनक पग नूपुर भनकत हैं, तैसो ही सजीलो सुर सरस सिखी को है ॥  
सीतल सुगन्ध ही सों चलत समीर धीर, जाकी बास दास को सर्वाँ अनन्द ही को है ।  
लाल बलबीर नीकी लागे प्राण पीकी प्यारी, वृन्दावन-चन्द वृषभानुनन्दनी को है ॥

( ९३ )

भूम रहीं लता लोनी फल फूल पल्लव सों, तिनमें सरस सुख कल्प तर ही को है ।  
चारों ओर तरनि तनूजा जू तरंगे लेत, तीर करें ध्यान संत प्यारी लालजी को है ॥  
मधुर मधुर सुर कोकिला मराल मोर, गुंजत हरत सोर सरु दुँदुभी को है ॥  
लाल बलबीर नीकी लागे प्राण पीकी प्यारी, वृन्दावन-चन्द वृषभानुनन्दनी को है ॥

( ९४ )

छोड़ छोड़ राज काज सकल समाज साज, दारा सुत चित्त वित्त जान सब फीकी है ।  
परम प्रवीन भावना में जे भरे हैं संत, तिनकोँ अनन्द देन हारो हित ही को है ॥  
चार फल दायक सकल लोक नायक है, महिमा अनन्त राजें सुखमा भरी को है ।  
लाल बलबीर नीकी लागे प्राण पीकी प्यारी, वृन्दावन-चन्द वृषभानुनन्दनी को है ॥

( ६५ )

ठौर ठौर विपिन में कीरतन होय जहाँ, गावें रस भरे संत राग हित ही को है ।  
बेत परबक्षिना निकुंज प्रेमलक्षना सों, भूम गिरें हत सुष बेह की गती को है ॥  
जुगल निहारें छवि द्वारें हृग वार धार, करत मुजान पान रूप माधुरी को है ।  
लाल बलबीर नीकी लागे प्राण पी को प्यारो, वृन्दावन-चन्द वृषभानुनन्दनी को है ॥

( ६६ )

भूम रहे सरस सजीले तरु ठौर ठौर फूल रहे, फूल भार पत्र फल ही को है ।  
गूँज रही अबली अलिनन्द मकरन्दन कों, करे रस पान खान मोद अति जी को है ॥  
चित्रित विचित्र खग नाना विधि शोभित हैं, निरख भुलानों मन रति के पती को है ।  
लाल बलबीर नीकी लागे प्राण पीकी प्यारो, वृन्दावन-चन्द वृषभानुनन्दनी को है ॥

( ६७ )

नवल निकुंजन में नवल छबीले छल, खेलें नव स्थालन अनेक हरषन में ।  
तोड़ तोड़ सुमन नवीन नव बेलिन तें, गूँध गूँध भूषन नवीन साज तन में ॥  
लाल बलबीर रस रास में रंगीले दोऊ, नाचत मदन भरे गोपिन के गन में ।  
विविध विलास को प्रकाश जहाँ राजत हैं, ताते मन मेरो सदाँ बसै वृन्दावन में ॥

( ६८ )

बैठे द्रुम बेलिन पं नवल छबीले खग, राधा गुन गामें प्रेम प्रीति की लगन में ।  
फूलें हैं सुमन पुंज अलि कुल करे गुंज, पीये मकरन्दन काँ विहरें मगन में ॥  
लाल बलबीर चलें सीतल समीर धीर, हरे मग पीर कों लगे हैं आय तन में ।  
विविध विलास को प्रकाश जहाँ राजत हैं, ताते मन मेरो सदाँ बसै वृन्दावन में ॥

( ६९ )

सदाँ ही सरद रिनु होति रस रास वर, सदाँ ही बसंत फूलें सुमन लतन में ।  
सदाँ साँभो होरी डोल प्रीणम हैं जल विहार, पावस बहार हरे रङ्गन घटन में ॥  
लाल बलबीर सदाँ नवल निकुंजन में, भूलत हिडोले लाल-लाइली मगन में ।  
विविध विलास को प्रकाश जहाँ राजत हैं, ताते मन मेरो सदाँ बसै वृन्दावन में ॥

( १०० )

श्याम सेत हरित गुलाबी लाल नीले पीत, नाना रङ्ग फले कंज मंजुल सरन में ।  
दमदमात लता लोनी भूमि परसत भूमि, तिनमें छबीले खग गूँजत सघन में ॥  
लाल बलबीर दोऊ खेलत लड़ती लाल, सुखमा बिसाल हेर होत हैं मगन में ।  
विविध विलास को प्रकाश जहाँ राजत हैं, ताते मन मेरो सदाँ बसै वृन्दावन में ॥

( १०१ )

भूमि भूमि लतिका रही हैं छिति चूमि चूमि, फरे फल फूल रस मूल तन तन में ।  
गूँज रही अबली अलिदन की जोर भरी, डरी चहुँ ओर मधु लेत हैं मगन में ॥  
लाल बलबीर खग तिन पं लड़ती लाल, सुखमा बिसाल हेर गहत करन में ।  
विविध विलास को प्रकाश जहाँ राजत हैं, ताते मन मेरो सदाँ बसै वृन्दावन में ॥

( १०३ )

मंजुल अमल भल सूरज सुता कौ नीर, ताकी पान कीये आवें लाल प्यारी मग में ।  
तीर तीर राजत हैं संत प्रेम नेम भरे, दरस किये ते ना रहत तन तन में ॥  
लाल बलबीर लतिकान में रंगीले छेल, राधा राधा गान करे पंछी हरषन में ।  
विविध विलास को प्रकाश जहाँ राजत हैं, ताते मन मेरो सदाँ बसै वृन्दावन में ॥



( १०३ )

गामें जस सेस याके रसना हजारन ते, चार चतुरानन सर्वाई हरषन में ।  
उद्धव से प्यारे भारे चाहैं सुखरास बास, गुलम लता ह्वैं रज धारे तन तन में ॥  
लाल बलबीर महादेव मुनि नारद से, इनहीं कौ ध्यान धरें भरे भाव पन में ।  
बिबिध बिलास कौ प्रकाश जहां राजत है, ताते मन मेरो सर्दा बसे वृन्दावन में ॥

( १०४ )

खेलत हूँ यामें लाल-लाड़िली रसिक बर, राजत रंगीले छँज गोपिन के मन में ।  
ठुमक ठुमक ताता धेई कर नाचें कभी, भुनर भुनर बाजें नूपुर पगन में ॥  
लाल बलबीर सर्जें चीर नव रंग नीके, भूषन जड़ाऊ जगमगे तन तन में ।  
बिबिध बिलास को प्रकाश जहां राजत है, ताते मन मेरो सर्दा बसे वृन्दावन में ॥

( १०५ )

हरी हरी लतिका ललित लहराय रहीं, कालिन्दी तरंगे लेत टगन लखाइये ।  
खिले कंज सरस सजीले रंग रंगन के, लेन हित गंध के अलिन्द रास धाइये ॥  
गाय रहैं केकी तान तानके रसीली तान, जिनकी रनन आगे रागनी लजाइये ।  
बास कहैं चेत रे अचेत चित लाइले तें, लाड़िली के कानन के सर्दा जस गाइये ॥

( १०६ )

हीरन सी जगमगात रेनुका सजीली सेत, अंगन लगाये ते कलेस जग जाय रे ।  
सीतल सजल जल कालिन्दी तरंगे लेत, तनक अन्हाये ते अनन्द अधिकाय रे ॥  
रहिये जहाँई दृढ़ गहिये अबल है कं, ध्यान लं धरये नीकें संत सत लाय रे ।  
बास कहैं चेत रे अचेत चित लाइले तें, राधिका के कानन के सर्दा जस गाय रे ॥

\* अमृतछन्द \*

( १०७ )

श्रीवृन्दावन-चन्द में, खेलत लाड़िली लाल ।  
सर्दा लालबलबीर कह, गुंजत मोर मराल ॥

मोर मरालहि । कुंज तमालहि । अमित विसालहि ।  
सहचरि जालहि । रचि रचि श्यालहि । नव नव आलहि ।  
करत खुस्यालहि । जुगल कृपालहि । बहुविध मन मन ।  
जानि परम धन । सेवत निशि दिन । श्री वृन्दावन ॥

( १०८ )

राजहि श्यामा श्याम जू, श्री वृन्दावन-चन्द ।  
सर्दा लाल बलबीर कह, सेवत सहचरि वृन्द ॥

सहचरि वृन्दहि । करत अनन्दहि । लख विवि चन्दहि ।

दरस अमंदहि । आनन्द कन्दहि । हरिजन फन्दहि ।

पिय हित कार्जहि । सब सुख सार्जहि । मिल सुर गार्जहि ।

रागनी लार्जहि । लखि छवि छार्जहि । दोउ सँग रार्जहि ॥

( १०६ )

कुंजन कुंजन जुगल संग, विहरत श्यामा बाल ।  
तहाँ लालबलबीर द्रुम, निरखाहि ताल तमाल ॥

ताल तमालहि । किंसुक जालहि । अमित विशालहि ।  
कमरख लालहि । भूमत डालहि । सुभग रसालहि ।  
हारसिगारहि । फरत गुलाबहि । पुंजन पुंजन ।  
छबि छबि लुंजन । अलि कुल गुंजन । कुंजन कुंजन ॥

( ११० )

श्रीवृन्दावन-चन्द हरि, विहरत लाड़िलि संग ।  
तहाँ लालबलबीर वर, जमुना लेहि तरंग ॥

लेहि तरंगहि । सामल रंगहि । कांति अभंगहि ।  
लख गति बंगहि । उपमा पंगहि । लगत न संगहि ।  
प्रफुलित कमलहि । मंजुल दलनहि । अलि कुल गुंजन ।  
जस रस पुंजन । कुंजन कुंजन । श्रीवृन्दावन ॥

( १११ )

शिव विधि उद्भव से करें, ये बलबीरहि आस ।  
वेहि लाड़िली लाल कब, वृन्दाविपिनहि बास ॥

विपिन निवासहि । ये मन आसहि । रज शिर लावहि ।  
विवि गुन गावहि । ध्यान धरावहि । हिय हरषावहि ।  
अति ललचावहि । टेर सुनावहि । होय कृपा कब ।  
बिनै करत सब । दीजिये कहें अब । शिव विधि उद्भव ॥

( ११२ )

श्रीवृन्दावन-चन्द वर, सुखमा भरो अनंत ।  
सेवत हैं बलबीर संग, लै रितु सदा बसंत ॥

सदा बसंतहि । राधिका कंतहि । सुमन अनंतहि ।  
द्रुम बिकसंतहि । हिय हरषावहि । शुकि महि आवहि ।  
मधुकर गावहि । अति रस पावहि । धारत यह प्रण ।  
तजत नहीं क्षण । जान परम धन । श्रीवृन्दावन ॥

( ११३ )

कीजिय ये दृढ़ चित्त में, तज दारा सुत चित्त ।  
कहैं लालबलबीर जू, बस वृन्दावन निस्त ॥

नित वृन्दावन । है आनन्द घन । रसिकन की घन ।  
आयुस छिन छिन । जाय समझ मन । लोभ कहा तन ।  
चिधि गुन गाइय । धनी रिशाइय । छवि लखि लीजिय ।  
हंस रस पीजिय । लख लख जीजिय । विलम न कीजिय ॥

( ११४ )

राजहि श्यामा श्याम जेह, जमुना लेय तरंग ।  
तीर तीर बलबीर लख, भूर्माहि ललित लवंग ॥

ललित लवंगहि । मालती संगहि । बड़हर बेलहि ।  
अंब अनारहि । हार सिहारहि । श्रीफल केलहि ।  
चंप चमेलिय । लटकन रेलिय । अति छवि छार्जहि ।  
अलिगन गार्जहि । रस वर कार्जहि । संग संग राजहि ॥

( ११५ )

लाइली कानन की छटा, लीजिये लाल निरक्ष ।  
ललित लता तर दास कह, खिले कंज कल लक्ष ॥

लक्षन रंग । सजे कल संग । अनेक तरंगहि ।  
चल सारंगहि । अंग लग हीलहि । गिरत धरन नहि ।  
अलि रस लहहि । सरस जस कहहि । हरषित आनन ।  
संत चित्त चहहि । यह दृढ़ गहहि । लाइली कानन ॥

( ११६ )

राजहि कानन दास कहि, निशि दिन लाइली लाल ।  
संग संग अलिगन लै सदां, खेलत नये नये ख्याल ॥

नये नये ख्यालहि । करतर भालहि । अति रस जालहि ।  
देकर तालहि । नृत्यत हालहि । कइ कइ चालहि ।  
निरख निहालहि । सजन रिझालहि । हरषित आनन ।  
सखिगन गानन । हित रस तानन । राजहि कानन ॥

( ११७ )

कंचन के सदन जड़े हैं मनि होरन के, तैसो ही भलक रही चाँदनी जरी की है ।  
लता लता हरित हरित बल कंचन तें, तैमे ही अलिदन की रास हित हो की है ॥  
वास कहें सरिता तरत कल हंस हंस, चात्रक रटन कीर ललित सिषी की है ।  
जगजगत देखरो निशाकर बिनभ्र ही तें, लाड़ली के कानन को काँति अति नीकी है ॥

( ११८ )

ललित लतन को छटान की घटा हैं बीह, तीर श्रीकनिवजा के राजें रस सार हैं ।  
देख अली केला हैं कठेर छटा खिरनी हैं, नारियल चन्दन हैं नारंगी अनार हैं ॥  
गेंदा गेंदी लटकन चाँदनी कनेर जुहो, केतकी अनेक कंज कचनार डार हैं ।  
दास लाल लाड़ली के कानन के ध्यान धरे, टारे ना छिनक जे हगन ते निहार हैं ॥

### पावस बत्तीसी

( ११९ )

कारी-कारी-कारी आई दे दे बीह अधियारी, छरर-छरर जल धारन भरती हैं ।  
सोरो सोरी सोरी आली सारंग सरस धाई, अति ही सजीली चञ्चला जे तड़तड़ाती हैं ॥  
दास कहें केकी कीर चात्रिक चटकदार, रसना रसोली तान नीकी तान गाती हैं ।  
नैसिक निहार देख लाड़ली छटा तें आय, कनक अटा तें घटा घिस घिस जाती हैं ॥

( १२० )

कारी लीली हरित जंगली रंग रंग हाली, सरस सजीली दिस दिसन तें आती हैं ।  
गहर गहर गहराय जल डारत हैं, सरर-सरर सोरी धनंजय सिधाती हैं ॥  
दास कहें लहर-लहर लतिकान डारी, दलन सहित कंजही को लहराती हैं ।  
नैसिक निहार देख लाड़ली छटा तें आन, कंचन अटा तें घटा घिस-घिस जाती हैं ॥

( १२१ )

गरजे हैं केकिन की हर्ष-हर्ष नाचत हैं, चात्रिक रटान तें अनंग जंग सरजे हैं ।  
सरजे हैं अहंकार कंथ तज अरजे हैं, तेहवार चंचला चटकवार तरजे हैं ।  
तरजे हैं तेहें रस सरस अनगत कंज, चलरो रंगोली जिय जानि निज हरजे हैं ।  
हरजे हैं कहा तज ठाड़े छल-बलन हैं, दास कहें देख घन कंते आज गरजे हैं ॥

( १२२ )

कीज का जतन आली लिली रिस्यानी आज, आई घन गजं घटा इनै नैक टार दे ।  
केकी कीर चात्रिक चिचाय करे काँय-काँय, जान ही को हान जान लें लें जल गार दे ॥  
दास कहें दरस कराइये दया करिकें, हा हा हे दिवाली हेली धीर हिये धार दे ।  
सरर-सरर हरी सरसो लगें हैं बीह, तद्विता सरउजे पाहि आन धर जार दे ॥

( १२३ )

काहे तें रिस्यानी है सिषानी नन्दनन्दरानी, रीति है अयानी जैसी हठ जिय लाई है ।  
रसिक रसोली रस रीति तें गरल घाली, हरी बी जंगली तान चात्रिक जनाई है ॥  
कीजिये निहाली जी दयाली छेल शीघ्र हाली, दास दरशन हेत अखिया-रिहाई हैं ।  
नैक ही निकस आती मेह तजि देख चाली, काली-काली-काली घन गजं घटा आई हैं ॥

( १२४ )

सोरी सोरी सर सी सिधानी हैं धनंज वैह, लाडली रिसानी नहीं जानें तन हरजें ।  
काँय काँय केकी कीर कैसे ये कसई आली, चात्रिक चिकार करे हिये आन दरजें ॥  
दास कहें कैसे धीर धारें ना निहारें छिन, तड़िता तड़ड़-तड़ड़ तड़ड़ तरजें ।  
धाय धाय दिसन तें दे दे अँवियारी देख, घिर-घिर गहरे गहर घन गरजें ॥

( १२५ )

गर जँहें अहंकार कंत तज अर जे हैं, अरजें हैं एती जान तेरी जिये हरजे हैं ।  
हरजे हैं ऐहें नाह नक री न लरजे हैं, लरजे हैं लहें ते अनग रंग सरजे हैं ॥  
सरजे हैं एती नेह दास लख तरजे हैं, तरजे हैं चंबला अंधेरी निस दरजे हैं ।  
दरजे हैं लाल हिय हेरती न डर जँहें, डर जँहें नैन जल कारे घन गरजे हैं ॥

( १२६ )

सरर-सरर सोरी चलत धनंज वैह, अरर-अरर जाँय लतिका सरज के ।  
तेहवार तीषी सान धरीसी सटाक आली, तड़ता रही हैं तेज तरज तरज के ॥  
दास कहें लाडली लगत लाल अंगन, अनंग की रही हैं घटा सरज सरज के ।  
कारे-कारे गिरि से सजे लं री विसान ही तें, आये ये रंगीले घन गरज गरज के ॥

( १२७ )

कंचन अटान चढ़ राजत रंगीले आज, अंग अंग हरित सजीले चीर धारे हैं ।  
कंज की कली के नीके केते हित ही के जीके, लं लं निज करन सिगारन सिगारे हैं ॥  
दास कहें आली रस रंग हीके रंग रंगे, अरे रहें चित हित छिनक न टारे हैं ।  
अंस कर डारे रस कंत नेह गारे छल, धारा धर धारन की भरन निहारे हैं ॥

( १२८ )

कनक अटारी चढ़ निरखें घटा री वैह, तड़ता छटा री ये अनन्द वेन हारी हैं ।  
अलि गन गानन तें लता कंज कानन तें, केकी की रटान ये अनंग की जगारी हैं ॥  
दास कहें छरर-छरर जल भारें घन, सरर-सरर चलें हरी हितकारी हैं ।  
देख देख आली नैन कीजिये निहाली कैसे, राजत रंगीले संग राधा गिरधारी हैं ॥

( १२९ )

आइ ये रंगीली तीज रीभ रीभ साजन के, कर रस रंग अंग अंग ते लगाइये ।  
गाइये सजीली तान तान तान केकी कीर, राजत लतान हेर चित ललचाइये ॥  
चाइये सरस खिले कंज कल केतकी के, दास रस हेत ये अलिद रास छाइये ।  
छाइये दिशान दिश घिर घिर अंधेरी दे दे, लाडली निहार घन गरज घटा आइ ये ॥

( १३० )

कारे हैं अखण्ड घन हरी के हठोले दल, धड़ड़-धड़ड़ धड़ गाजत नगारे हैं ।  
गारे हैं अहंकार सजन तज अंत जँहें, आज गति चंचला के तेग कर धारे हैं ॥  
धारे हैं अनत जलधर सर सान धरे, शक्र धनु साज साज तेह कर भारे हैं ।  
भारे हैं अनंत नैन नीर लाल दास कहें, चल री हठोली आये केकी हलकारे हैं ॥

( १३१ )

आँदी हैं गहर घिर घिर के दिशान सेती, छरर-छरर जल धार छिरकाँदी हैं ।  
लाँदी हैं तरेर दार तीषी तीषी सथ-सथ, तड़ड़-तड़ड़ तड़ता जँ तड़-तडादी हैं ॥  
गाँदी हैं अलिन्दन दी रास हित कंजन दे, दास कहें केकी तान तान ले जगादी हैं ।  
छाँदी हैं अनंग सेन अंगन जगाँदी लख, लाडली अटातें घटा काली दरसादी हैं ॥

( १३२ )

छट्टु दिती सक्र सीरी धनंज जनन हित, दरखतांवी डानियां लहर लहरांवी है ।  
नाचवीं हैं कानन कतार केकी लख लीज, लाडिली न निकी साडो मल्लें चित्त तांवीं हैं ॥  
घिरवीं हैं अलनदी असगव कंजन दी, दास कहैं किया ये सजीली तान गांवी है ।  
आंवीं हैं गरज घिर घिर वे अंधेरी चंगो, कंचन अटावे नाल घटा घित जांवी है ॥

( १३३ )

राधाए कन्हाई ताकी कानन थाकिये छिले, हरस हरस रस रस गानए करीयेसे ।  
सीतल गधेए हरी से लाने आछेसि यवी, ए गाछे ओ गाछे(केने) कंज दले ए हालीये से ॥  
दास दिश दिशन ते काली ए घटाए येई, भिल्ली ए केकी ए कीर चात्रिक डाकिये से ।  
तडड-तडड तड तार तरजीये जवी, भिभक रायेर लाल गाये के लागीये से ॥

( १३४ )

गाछे गाछे तले तले केकीरा करीये गान, राधा ए कन्हाई राधा राधा ए डाकीये से ।  
सकल साजीले साज गाये के 'राई ए लाल', ए तीर अनंगे कांति सेखाने टाकीये से ॥  
दास कहैं सारङ्ग चली छे गंध सीतल कं, कानन के राज ही ये अटाए थाकीये ।  
गरज गरज पेड़ जल धार के डालीये, काली काली कंयां लाल घटाए थाकिये से ॥

( १३५ )

आई छूं रंगीली तीज जान कें रगीले छूंल, हरि तन रंगी लाल चीर अंग धारें हैं ।  
लागे अंग अंगनं रुजाला साज साजं छूंज, सहित अनंग रंग नेहू गन गारें छूं ॥  
दास कहैं केकी कीर ररंछूं रंगीले जस, छरर-छरर धन गज नीर डारें छूं ।  
कंचन अटान चड़े राजं छूं लड़ती लाल, काली काली कंयां राज घटान निहारें छूं ॥

( १३६ )

कानन निहारन सिधाये छूं लड़ती लाल, रसिक रसीले अंस अंस कर घालें छूं ।  
साजं छूं सिगार अलिकार नग हीरन के, अंगन निकाई ते अनंग रंग टालें छूं ॥  
दास कहैं सीरी सीरी सारंग चलें छूं भली, लतिका दलन तें सरस कंज हालें छूं ।  
चालो चालो हाली कीजं अखियां निहाली कंयां, छरर-छरर धन धरा नीर डालें छूं ॥

( १३७ )

सरर-सरर सीरी घाई है धनंज वीह, तरर-तरर तरु डार लहराती हैं ।  
छरर-छरर नीर छिरकं धरनि धन, भिल्लीं गन चात्रक सजीली तान गाती हैं ॥  
दास कहैं देखरी गगन की निराली गत, काली लीली ललित जंगाली दरसाती हैं ।  
गरज गरज घिर घिर कें दिसान सेती, कंसी ये अवां से आली घटा चली आती हैं ॥

( १३८ )

केकी गन हंकन की भोगुर भनकन की, हरी की हनकन सरस सरसाती हैं ।  
सारंग की चालन की नीर धन डालन की, नदी नद तालन की कांति अधिकाती हैं ॥  
दास कहैं लाडली निहारिये रंगीली गत, हरी हरी लतिका ललित लहराती हैं ।  
कारी कारी दिसन तें वं वं वीह अन्वियारी, गहर गहर घटा घिर घिर आती हैं ॥

• अमृत-ध्वनि •

( १३९ )

गर्जहि धन धड़ड़ड़ धड़ड़, तर्जहि तड़ितहि संग ।  
डरत लाडिली दास कह, लागत लालहि अंग ॥

( १४० )

अंगहि लगत अनंगहि जगत ररत केकिय गन ।  
 संगहि रसत सरस गत सजत हरक्षहि तन तन ॥  
 सररर चलत हरिय बित हरत करत गल सज्जहि ।  
 छररर झरत धरन जल तड़त धड़ड़ धन गज्जहि ॥

( १४१ )

घिर घिर घहरत दिसन ते, जलघर दास गरज्ज ।  
 निरख लाड़िली लाल कहें, तड़ड़ड़ तड़ित तरज्ज ॥

तड़ित तरज्जहि । अति गति सज्जहि । दिनकर लज्जहि ।  
 सररर तज्जहि । चलत धनज्जहि । सखि गन गज्जहि ।  
 तरल दलहि लहि । कंज कलि रलति । ढिलति छिति तिरति ।  
 अलिरस लहति । हरिस चित चहति । धन घहरत घिरघिर ।

( १४२ )

सज सज सकल सिगार तन, राजत कनक अटान ।  
 हरषत अति हिय दास कह, निरखहि असित घटान ॥

असित घटानहि । तड़ित छटानहि । अधिक सिहानहि ।  
 अलिंगन गानहि । चात्रक तानहि । सिखिन रटानहि ।  
 सरित तड़ानहि । सारस आनहि । नूत्तत गज गज ।  
 लाल ललन अज । छिनक न संग तज । त्रिसत सज सज ॥

( १४३ )

हरि हरि लतिका ललित अति, राजत दलन सहत्त ।  
 खिले कंज कल दास कह, अलिंगन रसहि लहत्त ॥

रसन लहत्तहि । अलिन सहत्तहि । सरस चहत्तहि ।  
 हरस गहत्तहि । त्रिसा दहत्तहि । राग कहत्तहि ।  
 तड़ित तरज्जहि । जलघर गज्जहि । अति जल झर झर ।  
 सरितन चल ढरि । धरन करत तरि । राजत हरि हरि ॥

( ४४ )

कारिय लालिय लाड़िली, घटनहिं रंग निरक्ष ।  
 झर-झर जे जल गगन ते, दरसत दास धनक्ष ॥

दरस धनक्षहिं । रंगन लक्षहिं । हरित हि धानिय ।  
सारद रंगिय । कासिनी संगिय । केसरि तानिय ।  
लख रसखानिय । संदलि खालिय । चंदनि तालिय ।  
सरस जंगालिय । अत हरतालिय । अगर इकांलिय ॥

( १४५ )

आये हैं लालन लाड़िली, नैक दृगन्न निहारि ।  
अति अधीन चरनन चित्तै, दास कलेशहि टारि ॥

टार कलेशहिं । राख न लेसहिं । अँग सँग लीजिये ।  
दया करोजिये । छिन छिन छीजिये । चित्त हँसि दीजिये ।  
नाहिक खीजिये । कहा गनीजिये । ते तन ताये हैं ।  
सिधि हरिषाये हैं । चात्रक गाये हैं । घिर घन आये हैं ॥

( १४६ )

आइ ये घिर घिर कें घटा, अतिहि गगन निहार ।  
दास ललन तें लाड़िली, दीजिये तें रिस टार ॥

तें रिस टारिये । दृगन निहारिये । सिध हितकारिये ।  
का जिय धारिये । नेह न गारिये । रीति अनारिये ।  
सिधि हरषाइये । चात्रक धाइये । टेर लगाइये ।  
तें न लजाइये । संक न लाइये । तें रस प्याइये ॥

( १४७ )

सँग सँग राजत चंचला, गरजत घनहि हरक्ष ।  
दास लाल कहें लाड़िली, यह गत सरस निरक्ष ॥

सरस निरक्षिये । रंगन लक्षिये । घिर घिर गहरत ।  
सररर हल्लिये । सारंग चल्लिये । तरगन लहरत ।  
झिल्लि झनकहिं । हरी दनकहिं । किलकत अँग अँग ।  
शिखिगन रट्टहिं । छिनकन हट्टहिं । राजत सँग सँग ॥

\* कवित्त \*

( १४८ )

हरित मनीन वर बँगला में ठाड़े लाल, सामल घटा की भर प्यारी को लखावें हैं ।  
भूमि रहीं ललिका अर्वाणि पर भूमि रहीं, विविध बिहंग रंग रंग दरसावें हैं ॥  
नाचत सिखीन धाल अति ही बिसाल चाल, गहत कृपाल छूटे दौर दौर धावें हैं ।  
लाल बलबीर दास कूक फिर आय आय, सुभग सजीली सुर राधा गुन गावें हैं ॥



( १४९ )

निकस निकुंजन तें आये छवि-पुंज ध्यारे, रूप उजिपारे बन हेर हेर हरण ।  
भूम भूम ड्रुम अंब जंबुन को भेंट करे, लूम लूम लूम जूम-जूम पग परसें ॥  
लाल बलबीर दासी खासी संग सुख रासी, चीर नवरंग अंग अंगन में बरसें ।  
उमड़ उमड़ घन घिर घिर आये घूम, छूम छूम छोटी छोटी बूंदन सौ बरसें ॥

( १५० )

कदम धरैन कचनार ह्वै रह्यो है मन, कुंद किसमिस बनातार दीये घरसें ।  
अरनी असोख री अनारस न हूजे लीजे, जायफल माधुरी है मिठ्ठा बोल हरसें ॥  
लाल बलबीर जू सों लवली रही ना चीड़-ताई को बिसार तिही नैन लख तरसें ।  
पांपरी तिहारे बेर कीजे अब तू न हेर, कूकत हैं मोर-छली घोर घन बरसें ॥

( १५१ )

केकी कूक कूक कें किलोल करे कुञ्जन में, कोकला कपोत री कवच्य बड़ हरसें ।  
कुमर किशोर जू सों कुमरि किशोरी केलें, को विध करी है कही कहा मुख सरसें ॥  
लाल बलबीर कान्ह कूल श्रीकलिन्दजा के, कून्द कर हाय रहे देख किमि तरसें ।  
कंसो कारी घटा घन काम की कटारी लं लं, कर कर कोप कौ कठिन नीर बरसें ॥

( १५२ )

बिज्जु तन दमदमाय दसहूँ दिशान वीह, श्याम घन सारी साज डरी मनो संचे हैं ।  
मधुर मधुर कल भिगुर भिगार करे, नूपुर कनक किकिनी के सौर माचे हैं ॥  
बग पांत मोती माल केकी जन देहि ताल, इन्द्र की बधून कर-म्हेंदी बूँद राचे हैं ।  
लाल बलबीर श्यामा श्याम के रिभायवे कौ, पावस प्रपंच कचनी सी घन नाचे हैं ॥

### गिरिराज-अष्टक

( १५३ )

चारों दिशि सोभित सर्दा, जाके संत समाज ।  
सब देवन कौ मुकट मनि, राजा श्रीगिरिराज ॥

( १५४ )

कोमल अमल मंजु अङ्ग हैं अनूप याको, वरदान किये तें सकल भ्रम भाज हैं ।  
याकी लें सरन संत सेवत हैं श्यामा श्याम, रटें आठौं जाम जिने दूसरे न काज हैं ॥  
लाल बलबीर मान इन्द्र को गरैया व्रज-जन की सहैया रहे जग जस गाज हैं ।  
पूजे शुभ काज राखे दासन की लाज सर्दा, सब मुख साज गिरिराज महाराज हैं ॥

( १५५ )

भूमि रहीं लतिका सुहीनी लोनी ठौर ठौर, फूल रहे कंज अलि पुंज गुंज गाज हैं ।  
कोकिला मराल बाल बोलत चकोर मोर, सर्दा ही बसंत रितु ही की द्रुति छाज हैं ॥  
लाल बलबीर मनमोहन रतिक राय, जू ने कर धारे भारे मुखमा जहाज हैं ।  
पूजे सब काज राखे दासन की लाज सर्दा, सर्व मुख साज गिरिराज महाराज हैं ॥

( १५६ )

तीर तीर शोभित सरोवर मनीन कांति, अमल सुजल पूर निष्ट सुभ साज हैं ।  
तिनपें मुदित मन बिहरें भराल बाल, सुखमा विशाल उपमा की गति लाज हैं ॥  
लाल बलबीर संत भावना भरें हैं जेते, राजत गुफान ध्यान लावें जस गाज हैं ।  
पूजें सुभ काज राखे दासन की लाज सदां, सर्व सुख साज गिरिराज महाराज हैं ॥

( १५७ )

सेवत हैं संत सांति भरे जे अनन्त आय, सरन लहत छांड़ि जग के समाज हैं ।  
परस किये ते परसत ब्रजचन्द मानों, दरस किये ते कोटि-कोटि अघ भाज हैं ॥  
लाल बलबीर जान कीजिये निवास प्यारे, याके सुख आगें सुर पुर ही की लाज हैं ।  
पूजें सब काज राखे दासन की लाज सदां, सर्व सुख साज गिरिराज महाराज हैं ॥

( १५८ )

भूमि रहीं लतिका सजीली फल फल्लव सों, इनकों बिलोकि देत काम आन संठो हैं ।  
खेलें लाल लाड़िली सवाई मन मोद भरे, सीने संग सखिन की मण्डली इलंठी हैं ॥  
लाल बलबीर सर्व सुख की रहत भीर, दुख को न लेस बेस सुखमा समंठी हैं ।  
ऐंठी ऐंठी फिरें मति काहे की निहार चलि, सब सों सरस गिरिराज की तरंठी हैं ॥

( १५९ )

इन्द्र जज्ञ ही कौं मांची घर घर जोर शोर, मोद भरी डोलें गोपी सर्व सुख साज की ।  
पापर पकौरी दधि दूध पकवान गहु, करेंगी सकल भेंट भूमि सिरताज की ॥  
लाल बलबीर हंसि कह्यो नन्द ब्रू सों जाय, जनम भगौरा याकी सेवा कौन काज की ।  
राखें जन लाज पूजें सदां शुभ काज ऐसो, है न जग ब्रूजो पूजा कीजं गिरिराज की ॥

( १६० )

गरज गरज आये सक्र के सिखाये धाये, घिर घिर गगन अनंत जल डारे हैं ।  
तड़ड़ तड़ड़ तेज तड़िता तरज्जं घन, कारे कारे गिरि से विखाल ये डरारे हैं ॥  
दास कहें नन्दलाल टारिये कराल जाल, राखिये दयाल वास जात ना सहारे हैं ।  
कहनानिधान कांहू जानिकें जनन हानि, शीघ्र कर तान गिरिराज करधारे हैं ॥

( १६१ )

तेरी सीख लीनी जग्य गिरि ही की कीनी चित्त, ऐसी नायें चीनी वास हैं जे घनेरे हैं ।  
सक्र रिस आये घन सेना साज लाये जल, अति ही भरये लाय धाय धाय घेरे हैं ॥  
दास दोन कहां जाड फंसी करे कासों कहें, सकना सहाय कीये जतन घनेरे हैं ।  
हा हा लाल लाड़िले सरन जन जानि तीजं, देर जिन कीजं आज लाज हाथ तेरे हैं ॥

( १६२ )

छाये हैं गगन आन अति ही डरारे दीह, गरज गरज गरजत कारे कारे हैं ।  
कर कर जतन अनेक हारे कहां जायें, धर धार ही तें धारा धार जल डारे हैं ॥  
दास कहें कहनानिधान जन जान हानि, लागी ना छिनक सं कलेस दर डारे हैं ।  
अहंकार गारे सक्र करे जन जं जं कारे, खेलत ही लाल गिरिराज कर धारे हैं ॥

( १६३ )

आये हैं हठीले घन गरज गरज कारे, खण्डत हैं धरा दीह जल धार डारे हैं ।  
तेहवार सीखी तेज तड़ता तड़तड़त, धड़धड़त हेर हिया अधिक डरारे हैं ॥  
दास कहें कीजिये सनाथ जी अनाथ जान, सकल सियान ज्ञान आन दल डारे हैं ।  
अहंकार गारे सक्र करे जं जं कारे जन, खेलत ही लाल गिरिराज कर धारे हैं ॥

( १६४ )

देख जग हानी सक्र हीय रिस ठानी, रीति करें हें अयानी खल सोझ इन्हें उड़िये ।  
तून धन धान्य खायें केतें हित हीके जीके, सकल सजीले साज दीये हैं अखण्डिये ॥  
दास धन देखिकें सिखाये चित लाये हाल, जाय जल काल तें कराल धार छाड़िये ।  
गैया गीत नर-नारी धरानन्द नन्द, कीजिये निकन्द गिरिराज आज खण्डिये ॥

( १६५ )

चले हरधाय धाय राज की रजाइस लें, तड़ड़-तड़ड़ तड़ता के गन तरजें ।  
धारा-धार ही तें धर धार लें हरन लागे, अति ही डराने जन जान जान हरजें ॥  
दास कहें कारे कारे देख कें डरारे वीह, गह गह धरन वरन लागे अरजें ।  
हा हा लाल लाडिले सरन राखि लीजें आज, काल तें कराल ये हठीले धन गरजें ॥

( १६६ )

कारे कारे गगन ते आये ये डरारे आज, छुड़ें जल खण्डें घरा करें जन हरजें ।  
तँसी ही जरंया वीह अग्नि कीसी दंया आय, चंचला चिराय रही तड़तड़ाय तरजें ॥  
दास कहें कीजिये सनाथ जी अनाथ जान, कासों कहें करे डारें हिये धाय वरजें ।  
हा हा लाल लाडिले सरन राखि लीजें आज, काल तें कराल ये हठीले धन गरजें ॥

( १६७ )

तेर ही कहें तें जाय गिरि की सरन लीनी, तेरे ही कहे ते सक्र जग लें नसाये हें ।  
वेत रहे साज जन सदां सदां हर्ष ही तें, तँने ही हठीले काज नये ये कराये हें ॥  
दास कहें नन्दलाल कीजें जी जतन हाल, थर्यरात गात जन अधिक डराये हें ।  
याई ते रिसाये राज दलन सजाय बीने, काल ते कराल धन गरजें गरजें आये हें ॥

( १६८ )

कागा धेतुका से तिरना से खल डारे हन, अधिक कराली काली अहंकार गाड़ये ।  
केते डर आये तिनें खेलत डराये तरु, देखत गिराये जन हीके हितकारिये ॥  
दास कहें कृष्णानिधान नन्दलाल हाल, एती जी रज आज सोझ हिये धारिये ।  
सक्र रिस आयें साज सेना चढ़ लाये धन, गरजें रहे कारे देख त्रास दास डारिये ॥

( १६९ )

आये हें गरज कारे कारे ये डरारे धन, सखन कहें लाल भड़क निहारें हें ।  
तड़ड़ तड़ड़ तेज तड़िता तरजें आज, तँसे ही हठीले वीह जल धार डारें हें ॥  
दास कहें लाल हाल इनकी सरन लीजें, जिनने तिहारें खौर खौड खाय डारें हें ।  
कृष्णानिधान कान जानिकें जनन हानि, खेलत ही लाल गिरिराज कर धारें हें ॥

( १७० )

राज के कहें धन आय धाय धाय केतें कर कर तेह देह जल डरकाये हें ।  
सात दिन सात रात कीनी वीह वीह घात, जाय जाय लाय लाय सिन्धु लें रिसाये हें ॥  
दृगन निहारें खल आय आय राजी जन, कृष्णचन्द्रजी नें चक्र गगन तनाये हें ।  
सजन रिभाये सक्र दल लें हराये लाल, लाडिले ललन कर गिरि ले धराये हें ॥

( १७१ )

चले खिसियाय धन सेन कही राजन तें, सात दिन-राति जल डार हार आये हें ।  
रंचक न जाय जर जाय हाय राह ही तें, सहस्र दिनेश कांति चक्र लें तनाये हें ॥  
दास कहें तहाँ छल सकल हिराय किये, जतन अनेक किये चले ना चलाये हें ।  
जायके लजाये नहीं काज एक सार आये, नाथ कर कृष्ण गिरिराज लें धराये हें ॥

( १७२ )

लाखन धृकार चित धनी तें करी रे रार, कसैं निसतार जाय तहां कहा कैंहे रे ।  
जिनहीं के दीने राज सकल सजोले साज, तिनके रिस्याये जाय काकी छांह लैंहे रे ॥  
दास त्रास ही तें छिन छिन तन छोजत है, ये ही है जतन नाथ चर्न जाय गैंहे रे ।  
करनानिधान नहीं त्पार्गे जन दीन जान, सरन लहे ते हाल संसै दाह दैंहे रे ॥

( १७३ )

लंकें सँग साथी गाय सकुचत आये जहाँ, तहां नन्दलाल नख गिरिधर राखे हैं ।  
दीन दीन दीन कह सनं नाथ राज लीजें, गिरे थहराय धाय चर्न सिर नाखे हैं ॥  
दास कृष्ण हृदं लाय कही धीर धारिये जी, धन्य करिकें डिठाई दसं रस चाखे हैं ।  
घरा धर दीजें गिरि दया दृष्टि कीजें जन, अति ही अजान कीने निष्टु दोह साखे हैं ॥

• अमृतछन्द •

( १७४ )

धर चित लालन सिद्ध तेहि, दास हरषि गल गज्ज ।  
चले सकट लद खान हित, खीर खंड जन सज्ज ॥

सज्ज सकल जन । हर्षहि तन तन । लग्गहि चरनन ।  
जल सिर डारहि । चोरन धारहि । कहैं लखि धन धन ।  
अग्गहि धर धर । आनन दैकर । खान कहत हर ।  
सक्रहि रिस जल । छांडहि घन जल । हरि नख गिरिधर ॥

( १७५ )

कर कर अकरन दास जिन, दीनिहें जज नसाय ।  
कहैं सक्र यह घनन सन, देखिय यह क्षण जाय ॥

देखिय यहि क्षण । धाय सकल जन । कहत झटक्कर ।  
आज हटक्कर । तड़ित चटक्कर । लटक लटक्कर ।  
दीजिये कह डर । गरज गरज कर । छंडिय जल धर ।  
खंडिय गिरि कर ॥

( १७६ )

घहरत आये दिशान तें, अति अखंड दल सज्ज ।  
कारे कारे दास यह, करत जनन्य हरज्ज ॥

करत हरज्जहि । लख जिय लज्जहि । गग् गग् गरजहि ।  
अति कल अज्जहि । जांकित तज्जहि । तड़ित तरज्जहि ।  
देत अंधेरिय । कठिन घनेरिय । हरि गन लहरत ।  
लग तन थहरत । तें ललक हरत । धिर गन गहरत ॥

( १७७ )

गगन राजर्हि दिशन तें, हिय रिस धरर्हि अखंड ।  
लै लै जल घन दास कह, धाये धरनर्हि खंड ॥

खंडत धरनर्हि । जन कर डर नर्हि । गगनर्हि अड़ अड़ ।  
छंडत झड़ड़ड़ । अति जल सड़ड़ड़ । दिशनर्हि धड़ड़ड़ ।  
असित घटानर्हि । तड़ित छटानर्हि । तत्त तरजर्हि ।  
गिरि चट्टानर्हि । अधिक सिहानर्हि । गग गरजर्हि ॥

( १७८ )

तेरेर्हि कहवे ते ललन, गिरि कीने सिरतज्ज ।  
चढ़े सक रिस कर कठिन, राख दास जन लज्ज ॥

राखिये लज्जर्हि । कर जन कज्जर्हि । नास अकज्जर्हि ।  
लै दल सज्जर्हि । अति घन गज्जर्हि । करत हरज्जर्हि ।  
तज तज डेरर्हि । आये हैं नेरर्हि । लख निसचेरर्हि ।  
जतन घनेरर्हि । कर कर हेरर्हि । हस्तन तेरर्हि ॥

( १७९ )

धारे गिरि कर लाड़िले, अचरज स्याल रसाल ।  
दास चरन सिरनाय कह, जं जं जं नन्दलाल ॥

जं नन्दलालर्हि । हर जन जालर्हि । कठिन करालर्हि ।  
अरि तन सालर्हि । ततकालर्हि । लै हन डालर्हि ।  
नइ नइ चालर्हि । वै कर तालर्हि । छिन छिन जारर्हि ।  
जहाँ निहारर्हि । तहाँ सिधारर्हि । कइ तन धारर्हि ॥

( १८० )

डारर्हि झर झर सात दिन, दास कहैं घन सक ।  
धारर्हि गिरिघर गिरिर्हि कर, दिये गगन धर चक्र ॥

चक्र तनाप्यं । नीर अचाप्यं । धरन न धाप्यं ।  
जन्न रिज्ञाप्यं । अति हरषाप्यं । लै जस गाप्यं ।  
निज तन ताप्यं । तहाँ लजाप्यं । काजंन सारर्हि ।  
दास तिहारर्हि सत्त जना रर्हि । कठिन निहारर्हि

( १८१ )

राखिय जड़ता अति हियें, जाने नर्हि सिरतज्ज ।  
हाय हाय तें दास है, कीने कठिन अकज्ज ॥

कठिन अकज्जहि । निज गृह तज्जहि । तन कर थर थर ।  
अति डर लग्गहि । गाय लै अग्गहि । चले जहाँ हर ।  
गिरि नख सज्जहि । जन सज गज्जहि । दासन लखिये ।  
सीस चरन्नहि । राख धरन्नहि । सरन हि रखिये ॥

( १८२ )

खेलहि लालन दास कह, केतिक ख्याल निरक्ष ।  
चकई गेंद चिरइ चिरा, लँकर नचत हरक्ष ॥

नचत हरक्षहि । लेत निरक्षहि । गिर गिर गह गह ।  
आनन लग्गहि । हित मन जग्गहि । ततता कह कह ।  
धरन ढकेलहि । चलत अकेलहि । हँस हँस ते लहि ।  
ये रस रेलहि । जननि सकेलहि । हिय हरखे लहि ॥

( १८३ )

नृत्यत हरिजननिय सदन, थिरक थिरक गति लेत ।  
दास दृगन्न निहार सखि, निज मन हर्षहि वेत ॥

वेत अनंदहि । चाहत चंदहि । गगन करत कर ।  
सहज सहज रर । ठन मन कर कर । दीजिये कह लर ।  
किकिनी रज्जहि । कटि तट गज्जहि । झननन अति गत ।  
लज्जक लज्जक कर । चरन अचक धर । हँसि हँसि नृत्यत ॥

( १८४ )

जै जै जै श्रीराधिके, जै नन्दनन्द अधार ।

जै जै कीरति लाड़िली, दासहि दृष्टि निहार ॥

दृष्टि निहारिय । जै हितकारिय । अर्जहि धारिय ।  
दीन तिहारिय । कष्ट निवारिय । संशै टारिय ।  
दीन दयालिय । करत निहालिय । दरशन दें दें ।  
हित मन कै कै । सरनन लै लै । धन धन जै जै ॥

( १८५ )

रज्जहि हीरन के सरन, लाड़िली लाल निरक्ष ।

करत सहचरी दास कह, केतिक काज हरक्ष ॥

करत हरक्षहि । हित मन लक्षहि । चित हित लह लह ।  
रंग रंगीलिन । रसिक रसीलिन । तिन सन कह कह ।

केइ जल दानिय । अतरन दानिय । लै कर सज्जहि ।  
छिनक न तज्जहि । कर हित कज्जहि । संग संग रज्जहि ॥

( १८६ )

कारिय जीरी तें धरी, लालन नेह सनाय ।  
सीतल चीनी दास कह, रहैं तिहारिय चाय ॥

चाय तिहारिय । ले जस आरिय । बित हरि दीजिय ।  
धनी न खोजिय । खें रंगनी जिय । रार न कीजिय ।  
छन्द कटेरिय । तज जस ले रिय । आलस टारिय ।  
नर अल आरिय । चन्दन हारिय । तें हित कारिय ॥

( १८७ )

चढ़ तरु लालन गेंद हित, दह गिर गइय निरक्ष ।  
धसे गरज्जत दास कह, कालिन्दी यह रक्ष ॥

धसे हरक्षत । जन हित रक्षत । नाग झटक्कहि ।  
अंग खटक्कहि । जगे सटक्कहि । लडे हटक्कहि ।  
छंडत गरलहि । खंडहि चह तन । अति रिस अड़ अड़ ।  
हज्जहि झड़ झड़ । गर्जहि धड़ धड़ । झट हर सिर चढ़ ॥

( १८८ )

कीजिये लालन तें हितहि, दासहि सिख धर कान ।  
कान तिहारी चाह करि, रर तज यहि रसखान ॥

खान अनंदहि । आनन्द चंदहि । चलन गयंदहि ।  
दहरिस अंगहि । हेत अनंगहि । कर हर संगहि ।  
गह निज रीतहि । छाडि अरीतहि । तें जस लीजिय ।  
जिय जिन खोजिय । धीर धरीजिय । हित गन कीजिय ॥

( १८९ )

कर कर सकल सखन ललन, अचक अचक दधि गहन ।  
धसत हरष तहें तहें सकल, जहें घर अतिन लखयन ॥

लखि तन अलि घर । धसत हरष भर । सहित सखन चर ।  
झट झट चखत । लखत जन हटत । डरत न घट घट ।  
(जद) घर घर चलत । धरन धर दलत । कढ़त हरखत ।  
छल कर लहत । रहस यह चहत । ललन सदन कर ॥

( १६० )

थेई थेई नृत्यति लाड़ली, ललन दास कह संग ।  
निरख कांति तन की रति हि, लाजत सहित अनंग ॥

लजत अनंगहि । राजत संगहि । आनन्द हियधर ।  
खड़कत चंगहि । दरसत रंगहि । अलि गन जस रर ।  
जलज सिगारहि । हित कर धारहि । अंग अंग केई केई ।  
चाहत तिय जेहि । लालन कर तेहि । नृत्यति थेई थेई ॥

( १६१ )

हंसि हंसि राधा संग हरि, लचक नचत नंदलाल ।  
निरखत सखिजन दास कहें, बेत सकल कर ताल ॥  
तालहि बेत । ललन कर हेत । सितार खनकहि ।  
चंग न लहत । सरंगिन गह कर । झांझ झनकहि ।  
थेई थेई करत । अंस कर धरत । निरख थक्काहि सति ।  
लचक लचक कर । चरन अचक धर । नृत्यत हंसि हंसि ॥

( १६२ )

रज्जहि लाड़ली लाल संग, दास दृगन्न निहार ।  
सौतल अति जल जंत्र तें, चलत सरस गत धार ॥  
धारहि चलत । सरस गत ढलत । जलज तन निखंहि ।  
ललन हरषहि । दृगन निरखहि । हित गन रखहि ।  
अतर ढरानाहि । तर तरखानाहि । अलि जन सज्जहि ।  
जस गन गज्जहि । सारद लज्जहि । लख लख रज्जहि ॥

( १६३ )

राजहि श्यामा श्याम संग, मंजुल महल गुलाब ।  
झलति बीजना दास अलि, गन मन अमित उछाव ॥  
अमित उछावाहि । अतर लगावाहि । प्यारी पिय अंग ।  
मिल सुर गावाहि । जुगल रिझावाहि । बहु विधि रंग रंग ।  
सुमन सिगारन । सुभग सुठारन । रुख लै साजहि ।  
अति छवि छाजहि । रति पति लाजहि । दोउ संग राजहि ॥

( १६४ )

गावाहि सारद जस सरस, मन बलबीर हृमेश ।  
श्रीवृषभान कुमारि पद, बंदत सेस महेश ॥



सेस महेशहि । सहित गनेशहि । ध्यान धनेशहि ।  
 सुभग सुरेशहि । दिपत दिनेशहि । रमत रमेसहि ।  
 जतन जलेशहि । प्रेम प्रनेशहि । नारद धारहि ।  
 हित फल पारहि । मन हरषारहि । सारद गारहि ।

( ५ )

कुंजन कुंजन लाड़िली, ललन संग बलबीर ।  
 करहि केलि रस रेलि बर, लख हरषत सखि भीर ॥

भीर तिरारहि । दृगन लगारहि । हितन जनारहि ।  
 चमर दुरारहि । सिर पद नारहि । मिल जस गारहि ।  
 मोर मरालहि । बिहरत बालहि । पुंजन पुंजन ।  
 छवि गन दुंजन । अलि कुल गुंजन । कुंजन कुंजन ॥

( १६६ )

छैल छबीली राधिके, जै बलबीर अधार ।  
 जै जै श्रीवन राजनी, जै जै तन सुकमार ॥

तन सुकुमारिये । रूप उजारिये । मोहन प्यारिये ।  
 सब सुख सारिये । परम उदारिये । कीर्ति बुलारिये ।  
 नेह नबीनिये । पिय रंग भीनिये । गुन गरबीलिये ।  
 रंग रंगीलिये । प्रेम पगीलिये । छैल छबीलिये ॥

( १६७ )

श्रीराधा राधा रटौ, राधा ही कौ ध्यान ।  
 सदां लाल बलबीर उर, राधा नाम प्रधान ॥

ध्यान धरहि । जतन बहु करहि । अबल मन कर कर ।  
 सुख उर भरहि । दृगन जल ढरहि । चरन सिर धर धर ।  
 यह हम सारहि । नाम अराधनहि । हर जग बाधे ।  
 जन सुख साधे । सुजस अगाधे । जै श्रीराधे ॥

\* कवित्त \*

( १६८ )

आज व्रजराज जू के लाल कौ जनम भयो, छपौ उर मोद नयो अति सुखदाई हैं ।  
 नाचें सुर किलरी खरीरी उर चाह भरी, गाजत मृदंग भांभ डोलक सवाई हैं ॥  
 लाल बलबीर कौ दरस पाय पाय गाय, गीत सुखदाई द्रव्य अमित लुटाई हैं ।  
 देख चलि आली नैन कीजिये निहाली कंसो, जमुमति जू के द्वार बाजत बधाई हैं ॥

• दोहा •

श्रीवृन्दावन छवि कछु, पावस गिरिवर जान ।  
पिय प्यारी को रहस बर, कीयौ सतक सुजान ॥१६६॥  
सम्बत शशि निधि वेद ग्रह, भादों अदहि जान ।  
गुरु बासर बलबीर कियो, सत वनराज सुजान ॥२००॥

षड्चतु-शतक

• दोहा •

जै जै श्रीराधारमन, जै जै श्रीसुखरास ।  
जै जै रतिकन प्राण धन, मम उर करौ निवास ॥२०१॥  
मेरे श्रीराधारमन, अति सरूप सुकनार ।  
कोटि कोटि रति काम छवि, इन पर डारुँ बार ॥२०२॥  
श्रीगुरु चरन सरोज रज, मम उर करौ निवास ।  
कछु षट्चतु बरनन करौ, करौ बुद्धि परकाश ॥२०३॥

• कवित •

( २०४ )

गावें ब्रज-नारी रग रागिनी अपारी बाजें, सारंगी मुरज धुन बोन एकतारी है ।  
साजें सीस सारी जरी किरन किनारी वारी, जगमग जोत होत हियो हनं हारी है ॥  
लाल बलबीर रस रास में सुजान संग, नाचत अभंग प्रेम अंग अंग भारी है ।  
जैसी निशि प्यारी लगै चंद्र को उजार तँसी, राजत बिहारी संग राधा सुकुमारी है ॥

( २०५ )

भूने मुर चन्द चन्द थकित कुरंग भये, मोद उर छये बोन ब्राजत रसाला है ।  
मुनि मुनि कानन में आई नारि कानन में, बिधीं प्रीति बान उर लागत उताला है ॥  
लाल बलबीर रची कौतुक विशाला भये, एक कए गोपी संग एक नन्दलाला है ।  
नाचें ब्रज बाला राधा मोहन गुपाला मानों, सामल घटा में नचें दामिन की माला है ॥

( २०६ )

लाड़ली लला की छवि देख री निराली आली, सेत अंग वस्त्र हीर आभूषण धारें हैं ।  
बांसुरी बजावें हरषावें मुसिकावें गावें, सखी सुख पावें हेर सीस चौर डारें हैं ॥ रास  
लाल बलबीर कर करसाँ मिलावें उर, मोद कौ बडावें छैल गल भुज डारें हैं ।  
सुखसा अमद सुखकन्द राधिका-गोविन्द, दोऊ ब्रजचन्द चन्द चान्दनी निहारें हैं ॥

( २०७ )

साजे अंग अंग वीर जगत जरी के नोके, तँसी हीर हारन की भलक भलाकी हैं ।  
तँसे ही रँगोले छैल नेह रंग राचे तँसी, चाँदनी चटकदार चन्द की कला की हैं ॥ रास  
दास कहैं तँसी क ट किकिनी कनक राजें, तँसी ही चटक कर (माँहि)कर छला की हैं ।  
देख देख आली नैन करिये निहाली कँसी, सरद निशा की भङ्की लाड़ली लला की हैं ॥

( २०८ )

हीरन के सदन सजाये हित हीके जीके, चाँदनी जरी को मीकी झालर झला की है ।  
कंचन सिगासन हैं खासे सेत आसन हैं, राजत तहाँ ही अली गन गान ताकी है ॥  
दास कहैं दासी खासी लै लै री अतर आसी, अंगन लगाय चाय नेह रंग छाकी है ।  
देख देख आली नैन करिये निहाली कँसो, सरद निशा की भाँकी कृष्ण राधिका की है ॥

( २०९ )

नील भये अचल सकन नद नहिन के, थकि रहे पंथी तन सुधि बिसराई है ।  
सुरभी समूह सुनि मौनी ओ भगन भये, छये उर मोद नये बंन सुखदाई है ॥  
लाल बलबीर थकि रहे चन्द तारागन, सोतल समीर आय अंग लिपटाई है ।  
सर्व रितु आई सुखदाई मन भाई भाई, आज व्रज-चन्द मिल बाँसुरी बजाई है ॥

( २१० )

हँस उर मोद छये लखन प्रगट भये, थिन ने पंथन की ताप बिसराई है ।  
पल्लव नवीन भये सुमन रंगीन भये, मीन भये मुदित अमल जल पाई है ॥  
लाल बलबीर मनमोहन भगन भये, जाय बनराज जू में बाँसुरी बजाई है ।  
विमल आकाश भये चन्द के प्रकाश भये, तिभिर के नाश भये सर्व रितु आई है ॥

( २११ )

मोरन को शोर गयो घनन की घोर गयी, भिगुर की जोर गयी मोरन अनन्द है ।  
पपिहा की फूफ गई चकोरन हूक गई, दाबुर की दूक गइ जुगनू गन मन्द है ॥  
लाल बलबीर अब पावस को जोर गयो, सरद की शोर छपी बहल सुगन्द है ।  
तम की निवास गयी बिज्जु की प्रकाश गयी, कँसो ये अमंद आज दमदमात चन्द है ॥

( २१२ )

फूले अरविद वृन्द विमल तडगन में, धागन चमेली खिली सुखमा अमंद है ।  
सोतल सुगन्द मन्द चलत समीर बीर, प्यारे बलबीर संग राधा सुखकन्द है ॥  
बहारें छुबीले लखें लहरें कलिन्दजा की, देख छबि ताकी होत उरन अनन्द है ।  
जैसी ये दमकँ आली रेनु बनराज जू की, तँसो ही चमकँ चार सरद की चन्द है ॥

( २१३ )

अमल अकाश देख ससि की प्रकाश देख, मिठी है चकोर पीर विरहा दरद की ।  
प्रफुलित कंजन पै गुंजत मधुप पुंज, भरत पराग मानों बरषा जरद की ॥  
लाल बलबीर संग बिहारे बिहारी प्यारी, रही ना निशानी दिश दसन गरद की ।  
वृन्दावन-चन्द जू की देखो रेनु दमदमात, चमचमात चारों ओर चाँदनी सरद की ॥

हिम-शिथिर के कवित्त

( २१४ )

बैठी केलि मन्दिर में सुन्दरि सिगार साज, आगम विलोकि रही प्यारें नन्दलाला की ।  
द्वारन में परदे परे है मखतूलन के, तूल भरे दमदमात लाल रंग गाला के ॥  
लाल बलबीर के रिभावन विचित्र चित्र, रचे चित्रसाला में अनेक केल माला के ।  
पाला के कसाला के न समान बिसाला जहाँ, राजत अनेक बख रसमी दुसाला के ।

( २१५ )

गरम गिलोरी हेन कुलनोंती नेजन की, विजन अनेकन में गरम मसाला है ।  
सुन्दर मधुर मीठी मेवा धरी धारत मे, परा के सुधा ले भरे कंचन के प्याला है ॥  
लाल बलबीर जू के पाला के कसाला कहाँ, आय आय लागत नवीन उर वाला है ।  
जरे दीप माला तेज सुन्दर विशाला जाके, साल है दुसाला है विशाला चित्रशाला है ॥

( २१६ )

बंठी चित्रशाला में बिलोकत पिया की बात, होयगो कहारी खाय गरम मसाला ते ।  
सीतल समीर अंग तीर सी लम है बीर, मानों ये लिपट आई बरफ हिमाला ते ॥  
लाल बलबीर पीर कबलों सहै में बीर, कीजिये उपाय रो बचाओ काम ज्वाला ते ।  
भई में विहाला बिन एरी नन्दलाला नहीं, सिसिर को सीत जाय साल औ दुशाला ते ॥

( २१७ )

कौने बिरमाये छैल अजहै न आये अबै, मन लेत दाये को बचाव शीत काला ते ।  
बीर बीर आली भुक भौकल भुकोरन में, लगन लगी है मोर मदन गुपाला ते ॥  
लाल बलबीर बिन जानी बिरहा को पीर, जाइये जहर बीर लाइये उताला ते ।  
भई में विहाला बिन एरी नन्दलाला नहीं, सिसिर को सीत जाय साल औ दुशाला ते ॥

( २१८ )

बंटे चित्रशाला में विशाला रूप बाला लाल, एक बैस बाला उभै अंग उजिआला हैं ।  
वीने गलवाही तन मन सों लगाई मानों, मुन्दर अमोल कण्ठ मेती बनमाला हैं ॥  
लाल बलबीर श्याम हीम की न पीर बीर, प्रेम रनधीर पिये रूप रस प्याला हैं ।  
देखि छवि आला बाला होत है निहाला संग, राजें प्रतिपाला राधे छैल नन्दलाला हैं ॥

( २१९ )

शोभित सखिन मध्य मुन्दर नवेली बाल, ऐसी छवि देत है अनूप तिहि काला में ।  
जैसे उदुगन मध्य राजत सुधाधर जू, फलि रही जग जोति जीवन उजाला में ॥  
लाल बलबीर अंग मूषन नवीन राजें, जटित जवाहर अमोल हेम माला में ।  
सजी सेज आला आभे मदन गुपाला आज, ओढ़ि के दुशाला बाला बंठी चित्रशाला में ॥

( २२० )

राजें आस पास बासी खासी कर बीन लें लें, गायत मुहावनी अनूप तान लाला में ।  
चारों ओर द्वारन में परदे पसमोनन के, राखे भर अतर अमोल दीपमाला में ॥  
लाल बलबीर प्याला भरे खीर पन्नन के, पानन के बीर भर राखे हैं मसाला में ।  
सजी सेज आला आभे मदन गुपाला आज, ओढ़ि के दुशाला बाला बंठी चित्रशाला में ॥

( २२१ )

चमचनात चाँदनी चंदोवा लगे चन्द्रमा से, राजें तसबीरें विपरीत रत बाला की ।  
चौलंग दिवालगीर सोहत फनुस झाड़, बहकें चिराग छवि छाई दीपमाला की ॥  
लाल बलबीर सजी मुन्दर सजीली सेज, गिलम गलीवे गादी मुख दुशाला की ।  
सिसिर के पाला के कसाला काटवे के हेत, रची है विशाला चित्रशाला नन्दलाला की ॥

( २२२ )

आज रंग महल बिराजें सिरी श्यामा श्याम, जगमग चारों ओर दीपक उजाले हैं ।  
बिबिध वनातन के पर्वे परे द्वारन में, लाल बलबीर भडवा भूमत निराले हैं ॥  
बिद्रुम पलंग तापे गादी मखमली जापे, बसन रंगीले तर अतर संमाले हैं ।  
कहा सीत पाले खाय गरम मसाले पिये, प्रेम रघु प्याले ओढ़े चौहरे दुशाले हैं ॥

( २२३ )

बिहृत रहै बनराज जू में आठों जान, और सों न काम गान गावें नन्दलाला के ।  
फाटी सी पिछौरिया में राजत हजार पीर, दीपत अनूप रूप छीने मृगछाला के ॥  
लाल बलबीर श्यामा श्याम जू के रंग भरे, तिन कौं न ब्यापत कसाला भूल पाला के ।  
ओढ़ ओढ़ साधु प्रेम कुटी में निवास करे, गूदरी गुथेमा मान भारत दुशाला के ॥

## ● वसन्त-वर्णन ●

( २२४ )

वनन पै बागन पै बागन की बीधिन पै, वृक्षन पै बेलिन पै शोभा सरसंत है ।  
 व्रज की नवेलिन पै बेनिन पै वखन पै, बेसर बुलाखन पै व्यूह दरसंत है ॥  
 लाल बलबीर जू की बांसुरी पै बंगन पै, बिहँसि बिलोकन पै हेर हरषंत है ।  
 वनंत वनंत ना बहार है अनंत देखी, वृन्दावन-चन्द पै वसंत वरषंत है ॥

( २२५ )

केरन पै क्यारिन पै किमुक कसुंभन पै, कूल कचनारन पै किसल सजंत है ।  
 कुन्द पै कदम्ब पै कपोत कुल कारन पै, कोकिल कुकारन पै कंविध लसंत है ॥  
 लाल बलबीर कंज पुंजन पै कुंजन पै, कामिन के कंठन पै हेर हरषंत है ।  
 कुंडल कपोलन पै केशर पै देख आज, कुमर कन्हैया पै वसंत वरसंत है ॥

( २२६ )

फूले हैं पलास आस पास बन बागन में, मधुर मधुर टेर कोकिला लगाई है ।  
 गुंजत मधुर पुंज पुंज कुंज कुंजन में, सीतल सुगन्ध मन्द पवन सुहाई है ॥  
 लाल बलबीर बस बालम विवेश रहे, को करे सहाय पीर मन की सवाई है ।  
 पथिक प्रवीन प्यारे एतनी कृपा करिके, कहियो जाय कंत सों वसन्त ऋतु आई है ॥

( २२७ )

बेल बन बागन में सुमन वसंती खिले, पवन वसन्ती ये त्रिविध सुखदाई है ।  
 वसन वसन्ती धार धार अंग अंगन में, केशर वसन्ती खौर भालन सजाई है ॥  
 लाल बलबीर प्यारी प्रीतम के संग सबे, गावत वसन्ती राग मोद सरसाई है ।  
 देख छवि जाई भई व्रज में अवाई बड़े, भागन ते प्यारी ये वसन्त रितु आई है ॥

( २२८ )

गुंजत मधुप पुंज पुंज कुंज कुंजन में, कोकिला औ कीर तान गावत हसंत की ।  
 फूले हैं गुलाब मौर फूले महँकारन के, सरसों सरस फल फूलन लसंत की ॥  
 लाल बलबीर फूल फूले हैं पलासन के, फूल मई नूनि पौन त्रिविध गसंत की ।  
 देखी चलि प्यारी छवि देखबेई लायक है, वृन्दावन-चन्द में बहार है वसन्त की ॥

( २२९ )

कुन्दकली केतकी कसूम कचनारन की, कदली कदम्बन की कांति सरसाई री ।  
 अंबुज अनार बीर लीजे लख आमन के, जामन के पातन में छाई अरुनाई री ॥  
 सुन्दर सरस शुभ सरसों सुहायमान, पुष्प भर भूमि भूमि मानों पियराई री ।  
 लाल बलबीर बीर देखिये बहार बेस, आज रितुराज फूल बाटिका सजाई री ॥

( २३० )

सीतल पवन मन्द चलत सुगन्ध लीयें, फूली द्रुम डार बेल शोभा है अनंत की ।  
 कोकिला कहूँके कूकं करत किलोल कीर, गुंजत मधुप धुनि गावें हरषंत की ॥  
 लाल बलबीर फूले सुमन सुवास भरे, आई हरषन्त रितु सब जीव जन्त की ।  
 मोहन सुजान गुन खान प्राण प्यारे ये जू, कैंसी मन भावन बहार ये वसन्त की ॥

( २३१ )

भूमि रहे द्रुम डारन में वह, बीर प्रसून खिले सुखदाई ।  
 गुंजत भीर मनोज भरे मनो, कोकिल प्रेम की तान सुनाई ॥  
 सीतल मन्द सुगन्ध लिये बल-बीर समीर बड़े सुखदाई ।  
 आय सुजान निहारिये जू व्रज-माँहि बहार वसन्त की आई ॥

( २३२ )

गैदा पै गुलाब पै गुठेर गुल लालन पै, गोपन पै ग्वालन (पै) गुलाल दरस्यौ परै ।  
पावन पै पवन (पै) पलसन पै पत्रिन पै, पृष्पन के पुंज पै परान परस्यौ परै ॥  
खाल बलबीर सखी सीतल समीरन पै, सेवन पै सौंफ पै सरस सरस्यौ परै ।  
बांसुरी पै बन पै बिहारो पै बिलोक बीर, वृन्दावन-चन्द पै बसन्त बरस्यौ परै ॥

( २३३ )

सरसों पै सर पै सरोवर पै सेवती पै, सन्दल मुगन्ध पै समूह सरस्यौ परै ।  
कालिन्दी के कूलन पै कैंबरा कनेरन पै, कोकिल के कण्ठ पै कलोल करस्यौ परै ॥  
लाल बलबीर लौनी लतन लबंगन पै, लफ लफ लूमि लूमि लोट लरस्यौ परै ।  
व्रज की वधून पै बिहारो पै बिलोक बीर, वृन्दावन-चन्द पै बसन्त बरस्यौ परै ॥

• होरी •

( ४३४ )

चित्रा रंग देवी जू विशाला ललितारि आली, लीनी सब डेर वृषाभानु की किशोरी जू ।  
फागून मुहागन पे भागन तें आवी सखी, केशर घुरावी भरियो गुलाल भोरी जू ॥  
लाल बलबीर आवे नन्द के रंगीले छैल, लीने ग्वाल-बाल ठाड़े सांकरो की खोरी जू ।  
एती मुनि गोरी सब धाईं चहुँ ओरी कहैं, होरी लाल होरी ! आज होरी लाल होरी जू ॥

( २३५ )

मोर के पखौआ सीस गुंजन की माला गरै, मुख में तमोल बंन बोलैं बरजोरी के ।  
गावल घमार चलैं पिचकी अपार परै, नीरन फुहार अग भोजत किशोरी के ॥  
लाल बलबीर लाल छाड़त गुलाल लाल, अवनि अकाश द्रुम लाल चहुँ ओरी के ।  
धाईं सहजोरी गोरी लोक लाज तोरी कहैं, दौरि घेर लेओ री(ये) खिलारी आवे होरी के ॥

( २३६ )

बाजत मूवंद डोल मानों घन घोर आवे, उड़त अबीर चहुँ ओर धुंध छाई है ।  
कुंकुम गुलाली चलैं चामीकर वर मानों, जुगनू जमातें की जमातें बरसाई है ॥  
लाल बलबीर नारी सारी ओड़े जरी धारी, भ्रमकं अमन्द बपलासी चमकाई है ।  
पिचकी अपार छूटैं नीर की फुहार धार, मानों बरसाने बरसा ने भर लाई है ॥

( २३७ )

इतैं ठाड़े नन्दलाल लीने गोप ग्वाल बाल, उतैं ल सखीन वृषभानु की किशोरी है ।  
मन्द मुसिक्यावं राग नये नये गावं बहु, बाजन बजावं ल उड़ावे रंग भोरी है ॥  
लाल बलबीर धाडी मदन उमंग अंग, धाईं कहैं होरी लोक हू की लाज तोरी है ।  
करैं बरजोरी मुख मंजत हैं रोरी धूम, माची चहुँ ओरी बरसाने आज होरी है ॥

( २३८ )

मोहन छबीले कौं पकरि लीनों होरी माहि, मोर की पखौआ छीन सारी सीस धारी है ।  
छञ्जन से नैनन में अंजन अंजाय दीनों, दीनों मुख पान भाल बेंदी दई कारी है ॥  
लाल बलबीर प्यारी प्रीतम मनाय दीनों, रंग की कमोरी सीस ऊपर सों डारी है ।  
हैंसैं ब्रह्म नारी बोली भान की दुलारी प्यारी, आई मथुरा तें एक गोप की कुमारी है ॥

( २३९ )

बाँध गोल गोरी मनमोहन गहोरी कंऊ, मंजि मुख रोरी आज होरी लाल होरी है ।  
छीन लई लकुट मुकट बेनु पीत पट, चूंदरी उड़ाव हल बडूटी हंसोरी है ॥  
लाल बलबीर लोक पालन की पाल लाल, देओ व्रज बालन की बंधी प्रेन डोरी है ।  
ब्रह्मं चित्त खोरी नई कौन ये कहोरी हैंसि, कहत किशोरी भोरी नन्द जू की छोरी है ॥

( २४० )

दौर दौर जावो छैल ग्याल गोल संग लावो, वप ही बजावो गावो राग लाज बोरी के ।  
कहाँ बल भैया भैया संग के सहैया तेरे, कौन है छुड़ैया तो खिलैया बड़े होरी के ॥  
लाल बलबीर गस्ताई कौ बिसार दीज, दीनताई लीज जस गावो मन भोरी के ।  
रीझं जब गोरी सुनि ढेर तुम ओरी तब, चरन छुवाय छोड़ं कुमरि किशोरी के ॥

( २४१ )

आये फाग खेलन गुपाल बरसाने माँहि, धाय चलीं गोरी गृह काजन तें छूट छूट ।  
कनक कमोरी जोरी डारत बसती नीर, छाँडत अबीर मुठि भोरिन ते लूट लूट ॥  
लाल बलबीर लाल करत अनोखे रूपाल, मसके उरोज आंगी बन्द जायें दूट दूट ।  
लूटि जाय छलसों छबीले रस बार बार, कुंकुम चलाने गिरें लगें तर फूट फूट ॥

( २४२ )

कौरतकुमारी इत रसिक रंगीले छैल, माची धूम धाम पिचकीन के चलाने में ।  
उड़त गुलाल लाल भये हैं लड़ती लाल, परत फुहार धार केशरिया बाने में ।  
लाल बलबीर अंग चुअत बसन्ती नीर, हीय मन मुदित घमार राग गाने में ।  
रंग के लगाने में अबीर के उड़ाने में सु, आज व्रजराज फाग खेलें बरसाने में ॥

( २४३ )

आये फाग खेलन गोपाल वृषभानु पुरा, गावें ग्याल दे दे ताल उर हरषत हैं ।  
इततें किशोरी गोरी सखिन के गूथ मध्य, लेकर अबीर पी कपोल परसत हैं ॥  
चंदन पिचक तक मारत बिहारी नीर, लाल बलबीर अंग प्रीत दरसत हैं ।  
छज्जन तें छात तें भरोखन तें मोखन तें, लाल नन्दलाल पै गुलाल बरषत हैं ॥

\* प्रीटम-वर्णन \*

( २४४ )

मंजुल महल मालती के नीके साज राखे, महकें उड़त उर बाड़े मैन मही हैं ।  
छूटत फुहारें नीर सीतल गुलाब धारे, चंदन चहल चारु चौक में चौहट्टी हैं ॥  
लाल बलबीर तहाँ राजत बिहारी प्यारी, सुन्दर सुहावन गुलाबन की मही हैं ।  
राजें रूप राशी दासी करत खवासी तहाँ, प्रीटम कौ गरम गरु र किये रही हैं ॥

( २४५ )

चंदन लगाय अङ्ग लिये प्राण प्यारी संग, गति है निराली सुख वांसुरी धरन की ।  
चन्दनी ही बागे साज सर्व लोक तिर ताज, मुखमा निहार गौर सामरे बरन की ॥  
सुमन सिगार कीने प्यारी पिय रंग भीने, लाल बलबीर छबि तापन हरन की ।  
लीजें ललि भाँकि बाँकी बाँकी की बाँकी अदाँ की, बलि बलि जाऊँ प्यारी बिहारी चरन की ॥

( २४६ )

चन्दन सिगासन पै फूलन के आसन पै, रसिक बिहारी प्यारी तापें सुख पावहीं ।  
कोऊ कर छत्र धारे कोऊ सखी चौर डारे, लाल बलबीर दासी बीजना भलावहीं ॥  
नाना गति भेदन सों नाचत बजावें बीन, अति रसभीनी प्यारी तानन सुनावहीं ।  
लखि सुख पावहीं बुड़ावें रस सागर में, छिन छिन नये नये चोजन लड़ावहीं ॥

( २४७ )

द्वार दर परदे पराये मालती के नीके, छूटत फुहारे भारे री गुलाब नीर के ।  
चन्दन चहल मची चौक में चौहट्टी चारु, चलत भोरें जोरें सीतल समीर के ॥  
लाल बलबीर दासी लै लै जुही चौर डारें, रूप कौ निहारें छैल प्रेम रनधीर के ।  
जीवन अधार सुकमार-सार आज दोऊ, राजत बिहारी प्यारी मन्दिर उसीर के ॥

( २४८ )

बंठे रंग महल रंगीले गरबीले छेल, छुबि सों छुबीले प्रेम रंग रस भीने हैं ।  
कोने हैं सिगार अङ्ग अङ्गन सजोले चट-कोले मटकोले पट निपट नवीने हैं ।  
लाल बलबीर दासी निरख सिराबें नैन, मन मद भरी सन करत रंगीने हैं ।  
मालन नवीने लाइ सुमन सजोले प्यारी, पग धर डीने लाल नासा लाप लीने हैं ॥

( २४९ )

चन्दन चहल चारु चारों ओर चौकन में, चन्दनी चुनेमा चौर चौपन सों घारे हैं ।  
चम्पक की चांदनी में चामीकर चमचमात, चन्दमुखी चंबल संचरी चौर डारे हैं ॥  
चरचित चोवा बलबीर चित चाहन सों, चाहन सों चत्रभुज चंगेरें निहारें हैं ।  
चांदनी सी चावर पं चौसर चमेलिन के, चाल चित चोजन सों चौतरफी पारे हैं ॥

( २५० )

चलत फुहारे नीर सीतल सुगन्ध बारे, भरन अपारे हेर मेघ भर लाजे हैं ।  
अतर लगाय चाय हिये हरषाय दोऊ, अङ्ग अङ्ग सुमन सिगार शुभ साजे हैं ॥  
लाल बलबीर दासी लं लं कं नवीन बीन, गायत प्रवीन रस रंग राग ताजे हैं ।  
देख सुर साज रोभे रसिक रसोले आज, मालती महल राधारमन बिराजे हैं ॥

( २५१ )

कोऊ जलदानी सुखसानी लं अतरदानी, कोऊ लं गुलाब नीर अङ्ग चरचामें हैं ।  
कोऊ चौर डारें फूल रूप कों निहारें आली, कोऊ सुख सानी लं लं बीजना भुलामें हैं ॥  
लाल बलबीर दासी सुमन नवीन बीन, चुन चुन शुभग सिगारन सजामें हैं ।  
जो जो मन भावें प्राण प्यारी श्रीबिहारी जू के, सो सो बनराज श्रीनिकुंज में लड़ामें हैं ॥

( २५२ )

चारों ओर द्वार परे परदे उसीरन के, छूटत फुहारे नीर सीरे चित चाव के ।  
सखी चौर डारें फूल अंगन अतर बोरें, सौरभ भुकोरें साज मदन उछाव के ॥  
लाल बलबीर दासी खासी कर बीन लं लं, गावें राग रागिनी रसोले हाव भाव के ।  
दाव कें विलोक की निकाई सुखदाई आज, राजत बिहारी प्यारी मन्दिर गुलाब के ॥

( २५३ )

फटिक सरोवर में अमल सुजल भल, नाभी के प्रमान तहाँ कंटक न काई हे ।  
तामें जल केलि करें रसिक बिहारी प्यारी, लूबक लगाय पिय पग सिरनाई है ॥  
लता भुकि रहीं फल पल्लव सों ताके बीच, बीच बीच बीच जल जंत्र बारि छाई हैं ।  
परत फुहार भारी भीजें पिय प्राण प्यारी, लाल बलबीर दासी हरे हरषाई हैं ॥

\* पावस-वर्णन \*

( २५४ )

ललित लवंगन की लहलही लोनी लता, लफ लफ लूम लूम भूम चूम जावें री ।  
सहित सुगन्धन सों सीतल समीर धावें, चारों ओर जोर जोर मुरवा मचावें री ॥  
लाल बलबीर बिन मूषन बसन भोग, पय पान पानी उर पीर कों बढावें री ।  
कडुना सुहावें मोहि मदन जरावें आली, देखि घनश्याम घनश्याम पाव आवें री ॥



( २५५ )

भूम भूम आवें घूम घूम जोर सोरन सों, भूप भूप लूम लूम भूमि चूमि जावें री ।  
तड़ड़ तड़ित तेज तड़कें गगन बीच, सरर सरर ये सनीर बीर धावें री ॥  
अरर अरर नीर हरकें अपार धार, लाल बलबीर बिन बज कौं दुबावें री ।  
कछु ना मुहावें उर मदन जरावें आली, देखि घनश्याम घनश्याम याद आवें री ॥

( २५६ )

केकी कूकि कूकि कें करेजा करें ठूक ठूक, ठूक ठूक बादुर दुखारे प्राण खावें री ।  
सूक सूक पिय बिन पिजर भयो शरीर, पीय पीय बँन पापी पपिया सुनावें री ॥  
लाल बलबीर बिन हरं नैन नीर बीर, बिरहा मरोरन तें कौन ले बचावें री ।  
कछु ना मुहावें मोहि मदन जरावें आली, देख घनश्याम घनश्याम याद आवें री ॥

( २५७ )

कारी कारी रैन ये डरारी भुकि आई प्यारी, मारत कटारी मदनाग में नरी भरी ।  
बोलत पपैया मोर सोर करे चारों ओर, बरखें बिलन्द बुन्द बादर घरी घरी ॥  
लाल बलबीर मनमोहन न आये बीर, हेरत दिशान कौं बिसूरत खरी खरी ।  
हाय बिन कंत को सहाय करे मेरी अब, सूनी देख सेज कौं पुकारती हरी हरी ॥

( २५८ )

कारे कारे भारे घन छाये चहुँ ओर आली, प्यारे बनमाली बिन लागत डरावने ।  
फूले हैं कदंब अब जंबु भुकि भोटा लेत, गुंजत मधुप ये मदन उपजावने ॥  
लाल बलबीर ये पपैया रटे पीऊ पीऊ, काढ़े लेत जीव बँन बोलें तन तावने ।  
पवन भकोरें घन बांध बांध जोरें घोरें, बरष गये री एक आये बरषावने ॥

( २५९ )

पावस में छाये परवेश री प्रवीन नाथ, चमचमात चंचला चहुँघां आय तरजें ।  
तैनी अंधियारी रैन लागत डरारी मोहि, प्यारे बनवारी बिन हिये होत दरजें ॥  
लाल बलबीर बिन कंसें में धरुँ री धीर, व्यापी बँन पोर कहुँ कासों जाय अरजें ।  
हरजें न जानें कछु बरजें न कोऊ जिनै, देख बजमारे घन बेर बेर गरजें ॥

( २६० )

बालम बिदेश बीर बरषा बरावत हैं, बोलत बिहंग बन बेलित पं हरषे ।  
बान पंच आन आन बेधे हैं बदन बीच, बारी बंस बावरी बचावें कौन डर सं ॥  
लाल बलबीर बंठी बारहदरी के बीच, बाट कौं बिलोकें ना बिलोके नैन तरसं ।  
बिरहा बड़ावन कौं बादर बुरैया बीर, बाद बदि बदि कें बिलन्द बुन्द बरसं ॥

( २६१ )

पावस में पिले पंचवान जू के पांची बान, प्रानत निकारें लेत पापी पुंज हरसं ।  
पीऊ पीऊ करिकें पपयरा पुकार करे, पीऊ परवेश री पखेरु प्राण तरसं ॥  
लाल बलबीर पुर पोहमी पतौषन सों, पथिक प्रवीन कौन पूछें पंय दरसं ।  
पीकर पताल पानी पानकी पजारे घन, पल पल प्रबल प्रबण्ड धार बरषें ॥

( २६२ )

कूकत हैं मोर जोर भौंगुर मचावें सोर, पवन भकोर अङ्ग लागे काम सर से ।  
भूमि भई हरित सरित जल पूर भई, पातकी पपीहा पीऊ पीऊ धुनि करसे ॥  
लाल बलबीर घर मोहन न आये बीर, कारी बजमारी घटा काल सम दरसें ।  
बांध बांध जोरें घन घोरें चहुँ ओरें आज, धारा बांध घर पं अखण्ड धार बरषें ॥

( २६३ )

सावन के दिवस डरावने लगन लागे, प्यारे बनमाली बिन आली जीउ तरसे ।  
पातकी पपैया पीऊ पीऊ पीऊ टेर करे, कामी काम आन जान बेधत हैं सर से ॥  
लाल बलबीर केकी कूकत गुमान भरे, चपला चर्माक के डरावत हैं हरसे ।  
बाँध बाँध जोरे घन घोरें चहुँ ओर आज, धारा बाँध धरपे अलण्ड धार बरखे ॥

• हिडोरा •

( २६४ )

चलो री सहेली मिल आज सबे वृन्दावन, बाढ़त उमंग सुन मोरन के सोरे में ।  
सीतल समीर मन्द चलत सुगन्ध लिये, छोटी छोटी बुंदिया भरत चहुँ ओरे में ॥  
लाल बलबीर सजौ चीर नचरंग अङ्ग, कंबुकी कसूँ भी रंग धारो कुच कोरे में ।  
कोरति किशोरी वृषभान की दुलारी राधे, आज बनवारी संग भूलत हिडोरे में ॥

( २४५ )

ललित लवंग की निकुंज में हिडोरे चढ़ि, राजत जुगल अङ्ग अङ्गन हरषियाँ ।  
सारी फुलनारी सीस राजत पियारी जू के, प्यारे सिर राजत अनूप मोर पखियाँ ॥  
लाल बलबीर दोऊ दोऊ को निहारें डोठ, कितहुँ न टारें मधुभरी चाव अँखियाँ ।  
कोरति किशोरी वृषभान की दुलारी राधे, भूलत बिहारी सङ्ग देत भोटा सखियाँ ॥

( २६६ )

कारो कारी घटा भारी उनड़ धुमड़ आई, छोटी छोटी बूँदन की परत फुआर हैं ।  
बोलत चकोर मोर सोर करे चारों ओर, सीतल सुगन्ध लिये चलत बयार हैं ॥  
लाल बलबीर लता भूमि लगीं भूम भूम, ललित लवंगन की फूल रहीं डार हैं ।  
देखी कुंज कुंजन में भूलत हैं इवामा इवाम, वृन्दावन-बन्व में हिडोरा की बहार हैं ॥

( २६७ )

आली आउ आउ नक निरखौ उताली, बनराज की बहाली दुक हिये माँहि धारोरी ।  
भूमत कबं व अंबु जंबु सुखमा सौं निबु, तिन पै हजार सुरपुर बाग बारो री ॥  
फूले अरविन्द कुन्द सेवती गुलाब पुंज, विष्य मकरन्द हेर पारजात टारो री ।  
भूलत हिडोरे तहाँ राबिका-रमन लाल, लाल बलबीर प्यारी छवि कौं निहारो री ॥

( २६८ )

नवलकिशोर नव जोवन में जोर दोऊ, नवल सिंगार साजे श्याम तन गोरे में ।  
नवल उमंग नव प्रेम में अभंग खेलें, नव नव ह्याल नव मँग मद जोरे में ॥  
नवल समाज सुख साज नवकाज नव, लाल बलबीर दासी रहत निहोरे में ।  
नवल ही राग गामें लाल लाड़िली भुलाबें, नवल निकुंज माँहि नवल हिडोरे में ॥

( २६९ )

रतन जटित भूमि साखा हुम रहीं भूमि, लेत मग चूमि चूमि भरनि प्रसून की ।  
नाचत मराल बाल बरही विशाल चाल, पपैया रसाल तान गाबें सुर दून की ॥  
लाल बलबीर बहैं सीतल समीर धीर, छूम छूम भरें नीर बुंदियां सुहून की ।  
राधा बनमाली आज नवल हिडोरे आली, भूलत उताली छवि देखो री वृहून की ॥

( २७० )

दोऊ गरबीले छैल छवि में छत्रीले प्रेम, रंगन रंगीले दोऊ श्याम तन गोरे में ।  
दोऊ सुर गावँ दोऊ दोऊ कौँ रिभावँ, सुन दोऊ हरषावँ मन बँधे प्रेम डोरे में ॥  
दोऊ हैं प्रवीन अङ्ग अङ्गन नवीन दोऊ, दोऊ रस लीन भये रूप के भङ्कोरे में ।  
लाल बलबीर दासी करत लवासी आज, भूलत निकुञ्ज राधारमन हिडोरे में ॥

( २७१ )

सावन सुहावन की आई हरिआली लीज, गावत मलार बज बाल तन गोरे की ।  
ओहँ सीस सारी श्यामा सोहनी सुनरी कारी, चंपई नरंगी औ कमुँभी रंग वीरे की ॥  
लाल बलबीर प्रान प्रीतम के अङ्ग सङ्ग, भूलत उमंग भरी मदन मरोरे की ।  
जेहर भनक पँ खनक कटि किकनी की, बेसर चमक पँ दमक है हिडोरे की ॥

( २७२ )

आये घन कारे मोर सोर करे भारे तव, झिल्ली भनकारेँ औ उचारें तान जोरे की ।  
प्रीतम की प्यारी अङ्ग अङ्ग सुकमारी, मुख चन्द उजियारी मुसिव्यान चित चोरे की ॥  
लाल बलबीर भूले मदन उमंग भरी, उड़त दुकूल पीन चलत भङ्कोरे की ।  
जेहर भनक औ खनक कटि किकनी की, बेसर चमक पँ दमक है हिडोरे की ॥

( २७३ )

सारी सीस सामरी सँजोई सजी जारीदार, जरी की किनारी कोर बावले नुमारिये ।  
जेवर जवाहर के जग्मगात अङ्गन में, भलभलात कंचुकी कतुँभी उर धारिये ॥  
लाल बलबीर छवि निरखि सिराने नैन, रमा उमा मोहनी रती हु वार डारिये ।  
कौन लख नारी सुध देह ना बिसारी प्यारी, सामरी सखी के चल भूलन निहारिये ॥

• ऋतुवर्णन प्रकीर्ण •

( २७४ )

भूलत हिडोरे प्रान प्रीतम के अङ्ग सङ्ग, मदन उमंग की तरंग में भरी भरी ।  
लाल बलबीर दोऊ गावत मलारें चलें, सीतल बयारें बेली भूमत हरी हरी ॥  
उर चमकाय पाँय भूमि ते लगाय धाय, नेत हैं सिहाय भोटा दीरघ घरी घरी ।  
पट फहरात जात छिन आवँ छिन जात, मानौ आसमान तँ विमान लँ परी परी ॥

( २७५ )

भूलत हिडोरना में दोऊ मवमाते छैल, हिये हरसावँ देख रूप की मेहरिया ।  
हरष हरष हँस हँस भूम भोटा देत, उमड़ उमड़ चलीं रूप की नहरिया ॥  
चलत समीर मन्द सीतल सुगंध लिये, लाल बलबीर घन गरजेँ गहरिया ।  
फहर फहर करेँ प्रीतम को पीत पट, लहर लहर करेँ प्यारी की लहरिया ॥

( २७६ )

गरज गरज घन घिर घिर घूम आये, छोटी छोटी बूँदन की परत फुहरिया ।  
ताल नदी नारन के नीर उमगान लागे, मन्द मन्द चालन सौँ चलत नहरिया ॥  
नवल निकुंजन में भूलत लड़ती लाल, लाल बलबीर पीन चलत लहरिया ।  
फहर फहर करेँ प्रीतम को पीत पट, लहर लहर करेँ राधे की लहरिया ॥

( २७७ )

आये हैं गरज घन घोर चहुँ ओर बहै, सीतल समीर बारि बूँद छवि छाती हैं ।  
रधी हैं हिडोरा मारतंड तनया के तीर, फूली द्रुम डारन पं कोकिला कुकाती हैं ॥  
लाल बलबीर दोऊ भूलत हैं श्यामा श्याम, मोर करे शोर नारि मिल महार गाती हैं ।  
पीत पट प्यारे की परो है आन प्यारो पर, चूनर लड़ती की गुपाल पं चुचाती है ॥

( २७८ )

आली बाग देखे गई ही हती वृन्दावन, तहाँ भूला डार राखी सामरे गुपाल ने ।  
कह्यो मुसिक्याय गज गौनी ये सलोनी इतैं, आओ भूलि जाओ त्याग जगत जंजाल ने ॥  
लाल बलबीर जौलैं भूलन न पाई बीर, तीली आय धाय कोप कीनों सुरपाल ने ।  
उमड़ धुमड़ घन बरखन लागे नीर, कामरी उड़ाय कें बचाई नन्दलाल ने ॥

( २७९ )

प्रीतम के संग में उमंग भरी भूलें बाल, धुरवा निहार एक बैन कह्यो सुन्दरी ।  
येहो मनभामन ये सावन मुहावन की, कारी कारी भारी घिर आई घटा धुंधरी ॥  
आज ही निकार माय दीनी मोहि ओड़न की, लाल बलबीर ना मच्यौ कहीं दुंदरी ।  
ये हो मान सँपां तुम लेहुँ मैं बलैयाँ, यह कामरी उड़ाय कें बचाय लीजें चूंदरी ॥

( २८० )

संग सखियन के किशोरी गई वागन में, अंग अंग आभूषण राजें कर भूंदरी ।  
ताही सम भूला डार भूलत मयंकमुखी, गावत मलार सों मची है बहु दुंदरी ॥  
धुरवा धुकार भर लायो सह जोरन तें, लाल बलबीर घिर आई घटा धुंधरी ।  
श्याम प्रीति सों सनी भई है सराबोर सारी, प्यारी की सुरंग रंग भीजि गई चूनरी ॥

( २८१ )

मुदित मुदित भूला डारत कदम तर, भूलत जुगल तहाँ कूकि रहे मुरखा ।  
गावत मलार गोपी जन उर हरषत, कोयल भरत मानो वागन में सुरवा ॥  
फहर फहर पौन चलत चहुँये विस, भूमि भूमि भुकि बरखन लागे धुरवा ।  
लाल बलबीर पिय पट फहरान लागो, लहर लहर करे प्यारी की चूंदरवा ॥

( २८२ )

लहरदार भूमि खग बोलत लहरदार, लहरदार लता पता पुष्पन सों छाई है ।  
लहरदार दासी मुल रासी हैं खवासी माहि, लहरदार द्रुमन पं दांमरी गिराई है ॥  
लहरदार आभूषन साजे अङ्ग अङ्गन में, लहरदार भोटें लैत छैल मुखवाई है ।  
लहरदार लहैलहात लाल बलबीर जू की, पीत पट लाड़िली की सारी लहराई है ॥

( २८३ )

आज सखी माधुरी लतान में नवेली बाल, पचरंग डारी डार मखतूल दामरी ।  
कुन्दनपटी में नवरत्न की कटीली कांति, देख हग भ्रांति छवि लैत मनु भामरी ॥  
भीने सुर गावें कर बीन लै बजावें मन, जुगल रिभ्रवें हरषावें व्रजवामरी ।  
लाल बलबीर दासी देख चल मुखरासी, भूलत छबीली छवि श्याम संग सामरी ॥

( २८४ )

कारे कारे धुंधरे उत्तंग अङ्ग अङ्ग वारे, बकुल कतारें हैं न बीरघ वतारे हैं ।  
चपला चमक हैं न भूल भ्रमकत आवें, बरषं न मेघ मधु भरत अपारे हैं ॥  
लाल बलबीर बीर भूमत भुकत आवें, मानिनी के मानगड़ तोरवे सिंधारे हैं ।  
हैं न घन कारे छूटे जोम भरे जंगी ये तौ, मदन महीप के मतंग मतवारे हैं ॥

( २८१ )

आये घूम घूम भूम भूम चहुँ ओरन सों, कारे कारे धूंधरे पुष्टि अङ्ग भारे हैं ।  
 लाल पीत लीले कुंभ विचित्र विचित्र रंग, भ्रमभ्रमात बिज्जु मनो भूल बरत्र धारे हैं ॥  
 लाल बलबीर मालिनी के मान तोरिबे कौं, देखरी हजारन किरीरन हुंकारें हैं ।  
 हैं न घनकारे छूटे जोम भरे जंगी ये तौ, मदन महीप के मतंग मतवारे हैं ॥

( २८६ )

उमड़ घुमड़ घन घिर घिर आये घूम, भ्रमत भ्रुकत मानों लंक सी लकत हैं ।  
 माधुरे सुरन कर भींगुर भिगारत हैं, मन्व मन्व मानों सुर मेखला बजत हैं ॥  
 लाल बलबीर बिज्जु दमकें दसन मानों, जुगनुँ चमकें स्तुति कुण्डल लसत हैं ॥  
 चटकें अटान पं घटान कौं निहारि प्यारी, आज नभ भाँहि ये गनेस से नचत हैं ॥

( २८७ )

बोलें न मधुरन की भीरन बिहार बेरी, टार बेरी बाबुर धुकार तन छोलना ।  
 छोलना तन कौं यह धुरबा धुकारन सों, बामिनी दमकें चहुँ ओर जाय डोलना ॥  
 डोलना जुगनुन जमातें ये जरावें मोहि, लाल बलबीर पौन आय भौन खोलना ।  
 खोलना अनंग सातो जौन आवं मेरो पीउ, पातकी पपीया पीउ पीउ कह खोलना ॥

( २८८ )

प्यारी आई देख ये बहार नई पावस की, आज घन रंग ये अनेक रंग छायो है ।  
 सोसनी सुनेरी शुभ्र संदली सबज काई, सूहे सरबती क्याह सबज सहायो है ।  
 लाल बलबीर सपतालु सुरमई सेत, सबजी सुजान ये सजीले साज लायो है ॥  
 सुन्दर सयानी मन मानी सीस सारी साज, सामन में इन्द्र रंगरेज बनि आयो है ॥

( २८९ )

लीले असमानी लाखी बंगनी मकोईया हैं, बंजनी जुमदो आँबी जामनी सुहायो है ।  
 कासनी कपासी खसखासी नाफरी गुलाबी, मूँगिया कपूरी तोती धानी साज लायो है ॥  
 चन्दनी बदामी औ नरंगी नोबुआ हैं बेस, चंपी फालसी कुँ देखि जोजई सुहायो है ।  
 लाल बलबीर राबे अचरज नयो घन, सामन में इन्द्र रंगरेज बनि आयो है ॥

( २९० )

गरज गरज घन घिर घिर आये देख, धाये दिस दिसन ते अधिक डरारे रो ।  
 धारा धर धार नीर डरकें गगन तेज, तड़कत आज हियें धीरज न धारे रो ॥  
 चात्रक चिकार करं अलिगन गान करं, नीलकण्ठ तान कहि कहि जिय जारे रो ।  
 दास कहै छाये कंध आये नहि आज तक, तक तक राग दग हेर हेर हारे रो ॥

( २९१ )

आये हैं न कंत आलो छाये किन देश जाय, चात्रक चिकारन नें जीय तरसाये हैं ।  
 साये हैं सखी रो सज लागी संग साजन के, हरष हरष हिये हिये ते लगाये हैं ॥  
 आये हेरी गीत नीलकंठ अलि के कईन, आयकें अनंग तन तीर लं चलाये हैं ।  
 लाये हैं कटक साज इन्द्र घन दास कहें, गरज चलेरी एक गरजत आये हैं ॥

( २९२ )

आई नीर लंन कौं पठाई मोहि सास जू नें, बीच घन चपला चहुँधाँ चमकाई है ।  
 कूकि उठे मोर जोर मदन मरोर भरे, सरर सरर पौन धाई पुरवाई है ॥  
 लाल बलबीर घटा आई बरधारी कारी, परत अपार जल को करं सहाई है ।  
 जानिकें गरीब मोहि प्यारे बजरज जू नें, कामरी उड़ाय लाल चुनरी बचाई है ॥

( २६३ )

आई मैं निहारन कौं बाग अनुराग भरी, सोभा बनराज जू की मेरे मन आई है ।  
फूली द्रुम बेली अलबेली ते निहार लीजै, गुंजन मधुप सीरी पवन सुहाई है ॥  
एते में उमड़ घन आये चहुँ ओरन ते, लाल बलबीर भारी मेघ भरलाई है ।  
जानि कैं गरीब मोहि प्यारे बजरज जू ने, कामरी उदाय लाल चूनरी बचाई है ॥

( २६४ )

• होरी के कवित्त •

खेलत हैं फाग अनुराग भरी बागन में, मोसर लँ आव गहो रसिक बिहारी ये ।  
छीन लई लकुट मुकट बेनु पीत पटी, हँसैं बजबाल सब दे दे करतारीये ॥  
लाल बलबीर लूट खायो दधि खोर खोर, आज सब बासर की कसर निकारिये ।  
डारिये अबीर नीर कीजै सराबीर याहि, मलिकें गुलाल गाल गुलचा ई मारिये ॥

( २६५ )

खेलत में होरी गोरी छल सों गोविन्द गहि, मीड़ि सुख रोरी बीर नीर सिर डारिये ।  
कोऊ गुलचाबें मुसिक्याबें ये सुनावें बँन, अब कहीं ललाजू को सहायक तिहारिये ॥  
लाल बलबीर हूँ अधीर रसलीन छँल, मधुर मधुर बँन ऐसे कैं उचारिये ।  
डारिये गुलाल औ अबीर नीर आछी भाँति, एही बज-बाल गाल गुलचा न मारिये ॥

॥ जयपुर को बोली में ॥

( २६६ )

कंपां नैं करोछो म्हारी बँयां नैं बिसारी दीजै, अँयां ना बनें अवार खेल ना सुहाती जी ।  
पनियां नैं जासीं इठे बार थें लगासी म्हेला, सात जी रिस्यासी दूजें बाई भुंभलासी जी ॥  
धारे बलबीर बहु लारे छँ सखा अहीर, घाले छँ अधीर दृग धूम उड़ जातो जी ।  
प्रात उठि आसी लासी संग की सहेन्यां नैं जी, थानें ये गुपाल जदी होरी नैं खिलासी जी ॥

( २६७ )

पनियां भरन जिन जाओ मोरी सजनी ये, ठाड़ो मग रोकत है नन्द की लंगरवा ।  
हँसि हँसि गावें ग्वाल आँखन नचावें लाल, नीर भर मारत कनक पिचकरवा ॥  
केसर अबीर नीर घोर अङ्ग भिजवत, धर धर काँपे देह चुबत चुंदरवा ।  
लाल बलबीर लाज कँसं कं बचंगी बीर, भयो है अनोखो बज होरी की खिलरवा ॥

( २६८ )

जोई उर डरपत हीय मोरी सजनीय, जोई जोई आगु आय गयो मोरे कलवा ।  
साँधरो बिहारी तकमारी पिचकारी बीर, रंग की कमोरी सिर ऊपर ते डलवा ॥  
बीरकैं अबीर बलबीर मुख मिड़वत, हरष हरष हँसि आय लाग्यो गलवा ।  
नैनन नचाय मुसिक्याय मन हरि लीनो, तब ही ते मोर तन रहत बिहलवा ॥

• संवंधा •

( २६९ )

आयो गुपाल लँ संग में ग्वाल री, साँकरी खोर पँ रंग रचायो ।  
नैनन कौं सुख देओ सखी, कुल कान की बान सबे बिसरायो ॥

त्यौं बलबीर बन्धौ यह बानक, बीतिहै फाग तौ दाव न पायौ ।  
त्यागि कै संग लैऔ भर अंक सु, लाल के गाल गुलाल लगायौ ॥

( ३०० )

लैक अलीन किशोरी किशोर पै, हर्ष चली जहाँ साँकरी खोरी ।  
साँवरो छैल छबीलो तहाँ, बलबीर उड़ावै अबीरन झोरी ॥  
नीरन की पिचकारी चलै चहै, ओर सखी सो गई मुख मोरी ।  
प्यारी के गाल सौं लाल गुलाल, लगाय कह्यो हँसि होरी है होरी ॥

( ३०१ )

आये उतै ते सखा लै किशोर सु धाड़ इतै तें सखी लै किशोरी ।  
लै बलबीर सुगंधित नीर अबीर चलावै चहै दिशि सो री ॥  
बाजत ताल सौं चंग पखावज राग धमारन की घन घोरी ।  
प्यारी नें लाल के गाल गुलाल लगाय कह्यो हँसि होरी है होरी ॥

( ३०२ )

आज किशोरी लखी हृती फाग में खेलत ही सँग भानुकुमारी ।  
कंचन की पिचकी तक मारै उड़ावै अबीर उतै बनवारी ॥  
त्यौं बलबीर अनंग उमंग में बाढौ दोऊ दिशि आनन्द भारी ।  
प्यारी के रंग में लाल रंगे सु गई रँग लाल के रंग में प्यारी ॥

( ३०३ )

खेलत फाग में लाड़िली लाल कौं, लै मुस्कियाय गई एक गोरी ।  
सीस पै सारी सजा जरितार की कंचुकी धार दई बरजोरी ॥  
लै बलबीर दियो हृग अंजन दीनों बनाय गुपाल कौं गोरी ।  
अंग लगाय कही मुस्कियाय लला फिर खेलन आइयो होरी ॥

• दोहा •

श्रीबनराज निकुंज में, पिय प्यारी सुख दें ।  
षट्शतु सहचरि बपु धरे, सेवत हैं दिन रैन ॥३०४॥  
कृष्ण अली पद कमल बल, षट्शतु शतक बखान ।  
जो बाँचै सुन उर धरे, रीभं श्याम सुजान ॥३०५॥  
ऋषी वेद ग्रह इन्दु जुत, सम्बत सृष्टि सुजान ।  
मगशिर कृष्णा चौथ रवि, दिवस पूर सनु मान ॥३०६॥

## षड्चतु-शतक

• अमृत-ध्वनि •

( ३०७ )

कूकांहि केकी गिरिन पै, अति उर भरे अनन्द ।  
लक्षांहि पियतिय गगन छबि, बिज्जुहि शमक अमन्द ॥  
मद्वत् चलत सुगंदत डलन, समीरक हल हल ।  
गगगग् गरज चतुर दिशि तरज, अमित जल डल डल ॥  
फुल्लेहु सुमन अनेक द्रुमन अवनो पर झुक्कांहि ।  
दादुर दुक्कांहि जुगन्न चमकांहि पपिगन कुक्कांहि ॥

( ३०८ )

सररर् चलत सुगंध ले भन बलबीर समीर ।  
अररररर चहुँ ओर तें छाँडत हैं घन नीर ॥  
नीरक डरत समीरक चलत नदी नद भर भर ॥  
दादुर दुक्कांहि पपिगन कुक्कांहि पिय पिय तर तर ॥  
जुगन्न चमकांहि तड़ित तमंकांहि तररररररर ।  
बगुल कतारहि उड़त अपारहि सररररररर ॥

( ३०९ )

गिरवर को पूजा करी बढ़ची प्रबल उर क्रुद्ध ।  
माया धीबलबीर की हरी सक्र को बुद्ध ॥  
बुद्ध असुद्धांहि करन बिहद्धांहि यहि विध उर धर ।  
भोसन जुद्धांहि को सह क्रुद्धांहि पठ बहु बद्ध ॥  
सिद्धांहि सरवर लावहु जल भर छडहु व्रज पर ।  
आयमु उर धर अब न बिलम कर षडहु गिरवर ॥

( ३१० )

फन फन नृत्तत सामरे आये नभ सुर वृन्द ।  
सुमन झरावांहि प्रभुहि पै लख बलबीर अनन्द ॥  
नन्द लखतांहि सुमन बखतांहि लक्खांहि व्रज जन ॥  
अधरन सज्जांहि मुरलिय बज्जांहि कहैं जन धन धन ।  
नूपुर चरनन गज्जत झननन नृत्तत फन फन ॥



( ३११ )

श्रीराधा राधा रटौ, राधा की उर ध्यान ।  
सदां लाल बलबीर उर, राधा नाम प्रधान ॥

ध्यानन धरहि । जतन बहु करहि । अचल मन कर कर ।  
सुख उर भरहि । हृगन जल डरहि । चरन सिर धर धर ।  
यहि हम साधहि । नाम अराधहि । हरत न बाधा ।  
जन सुख साधा । मुजस अगाधा । जं श्रीराधा ॥

## श्रीराधा-शतक

• सोरठा •

आई तुमरे द्वार, श्रीवृषभानु कुमारि जू ।  
चेरी हौं मुकमार, चरन सरन में राखिये ॥३१२॥  
श्रीवृषभानु कुमारि, परम उदार कृपाल तुम ।  
दासी मोहि बिचारि, टहल महल की दीजिये ॥३१३॥  
सारब नारब सेस, सुरपति पमुपति प्रजापति ।  
बंदत रहैं हमेस, श्रीवृषभानु कुमारि पव ॥३१४॥  
अति मलीन मति हीन, दोन तुम्हारी सरन हौं ।  
दयामा परम प्रबोन, मोहि निकुंज बसाइये ॥३१५॥

• दोहा •

कृष्ण अलीपद कमल रज, मम उर करो निवास ।  
राधा शत की लालसा, पूरन हो सुखरास ॥३१६॥

• कवित्त •

( ३१७ )

फोमल कमल हू सौं गहरे गुलाबन सौं, ललित रसाल पत्र आभा के हरन हूँ ।  
लाल हूँ गुलाल गुंज हिगुर सिंदुर बिब, ये कहा बिचारे रंक समता करन हूँ ॥  
लाल बलबीर उर करत बिचारि चारु उपमा, हृजारन की सुषमा दरन हूँ ।  
रसिक जनन धन ये ही हूँ अगिन सर्व, आनंद करन राधारानी के चरन हूँ ॥

( ३१८ )

माखन तैं मृदुल अरुण भल मानक तैं, हीरा नग जालन की परभा हरन हूँ ।  
हिगुर गुलाल गुंज सिंदुर सकुच रहैं, जावक मजीठ हेर होत आ सरन हूँ ॥  
कमल गुलाबन के दरन बरन नीके, लाल बलबीर जू के मन आभरन हूँ ।  
रसिक जनन धन ये ही हूँ अगिन सर्व, आनन्द करन राधारानी के चरन हूँ ॥

( ३१९ )

मानक महल में विराजं राज राजेश्वरी, चार दश लोकन की उपमा लजानी की ।  
आस पास दासी खासी करत खवासी केती, कोऊ जलदान इत्र दान पानदानी की ॥  
लाल बलबीर द्वार भारती भमानी रानी, अस्तुति सुनावें हरषावें वेद बानी की ।  
केती सुखदानी देवरानी यहाँ आय आय, आरती उतारयो करें राधे महारानी की ॥

( ३२० )

गावें गुन सारद बजावें रस लीन ब्रीन, ठाढ़े करजोर द्वार अस्तुति करें मुरिन्द ।  
शंभु चतुरानन धनेस से दिवाकर से, शेष से सहस्र मुखी जाचत रहैं फनिन्द ॥  
लाल बलबीर दासी करत खवासी ऐसैं, नवल सरोजन कौं सेवत हैं जो अलिन्द ।  
तैसैं नदनन्द वृजचन्द (श्री) माधव मुकुन्द, बंजित गोविन्द राधे तेरे चरनारविन्द ॥

( ३२१ )

रंभासी रमा सी औ गिरा सी गिरिजा सी लै लै, खान पान दान मन अमित हुलासी में ।  
किन्नरी सुरी सी उरबसी सी भली सी बीसी, सेवैं हलसी सी सर्वां रहैं आस पासी में ॥  
लाल बलबीर विमला सी कमला सी केती, रूप कौं निहार हार रहे भाव दासी में ।  
इन्दुमा दमा सी सुखमा सी उपमा सी खाती, राधे महारानी जू के रहत खवासी में ॥

( ३२२ )

चौर चन्द रानी लिये छत्र लै दिनेश रानी, शोभा सरसानी अङ्ग रहत हुलासी में ।  
लिये इत्रदानी सुखसानी हैं जलेश रानी, गहे पानदानी इन्द्ररानी खड़ी पासी में ॥  
लाल बलबीर पीकदानी लै धनेस रानी, देखी बनराज माहि ऐसी सुखरासी में ।  
इन्दुमा दमासी सुखमा सी उपमासी दासी, राधे महारानी जू की रहत खवासी में ॥

( ३२३ )

जेती देवदारा गभं रूप की अपारा तेती, राधे महारानी त्पारे द्वार में भलूमैं आन ।  
चरन पलोटं कोटं बांधि सुल मोटं कहैं, धन्य धन्य आप सी रची न बिधि नू में आन ॥  
लाल बलबीर बनराज राज राजेश्वरी, राजो जू सर्वथ वजराज पद पूर्यैं आन ।  
दीजं सुखदान दान दीन जानि स्वामिनी जू, करें गुनगान कुञ्ज नग रज चुमैं आन ॥

( ३२४ )

वृन्दावन-चन्द में अखण्ड राज राजेश्वरी, राजत सर्वथ तेवैं सखी सुखदानी हैं ।  
कोऊ छत्र लीन चौर कीनैं रंग भीनैं बीनैं, लै लै कैं बजावें गावें विरद अमानी हैं ॥  
ठाढ़े कर जोरें लखं मुख रूप औरें जाके, लाल बलबीर मनमोहन गुमानो हैं ।  
जेती देवरानी सुर पालन की रानी तेती, राधे महारानी जू के रहैं दरबानी हैं ॥

( ३२५ )

आवें दीर दीर दारा द्वार महारानी जू के, रूप कौं निहारें प्रान बारें विमला सी हैं ।  
रती सी गिरा सी गिरिजा सी सुखरासी आसी, रंभा सी रमा सी कर जोरत दमा सी हैं ॥  
आई सिरमौर बानी जेती लोक लोकन की, लाल बलबीर कोटि ससि सी प्रकासी हैं ।  
पासी हैं न कोऊ सम सुखमा अपार राजें, सब में अधिक एक राधे रूप रासी हैं ॥

( ३२६ )

सेवत व्रजेश्वरी कौं कोटि कोटि जूषेश्वरी, रूप ओर डरें करें सोई रुचि आवें हैं ।  
चतुर विशाखा चुन लावें चौर चान्दनी से, ललित प्रवीन बीरी कर सौं पवावें हैं ॥  
लाल बलबीर छवि निरखें सुजान कान्ह, बार बार प्यारी जू पै चौर लै दुरावें हैं ।  
इन्द्र चन्द्र बरुन कुबेर नारि ठाड़ी द्वार, राधे महारानी जू के मुजरा न पावें हैं ॥

( ३२७ )

हीरन कौ महल पुतायो जुही सारन सों, देहरी दुआरन सों उड़ै गन्ध बे प्रमान ।  
चमचमात चन्द्रमा से चान्दनी चन्दौवा चारु, तैसोई जरी को नीकी राखी है बितान तान ॥  
लाल बलबीर चल देखिये सुजान प्यारे, सेवें आस पास दासी लीये सौंख सुखदान ।  
रूप के गुमान भरी बंठी मनि आसन पै, राधे महारानी सरबोपरि विराजमान ॥

( ३२८ )

लागी आस तेरी उर चाह है घनेरी सुनि, लीजै बिन मेरी दीन जान राख पासो में ।  
हियौ अकुलावें छिन धीर न धरावें नैन, रावरे बिलोके बिन रहत उदासी में ॥  
करुनानिधान गुन खान ये सुजान प्यारी, कीरत दुलारी जिन राखी जो निरासी में ।  
ये हो सुखरासी वृन्दा विपुन विलासी कीजै, लाल बलबीर जू कौ आपनी खवासी में ॥

( ३२९ )

मुनिन के वृन्दन के वृन्द सदां वर्यें तुम्हें, आनन्द के कन्दे नैदनन्दे सँग लीजिये ।  
तीन लोक जीवन के सोकन की हारनी, प्रसन्न मुख पंकज सों चर्न सन लीजिये ॥  
निकुञ्ज भू विलासिनी प्रकाशनी हौ म्यान की, ब्रजेन्द्र भान नन्दनी अरज्ज सुनि लीजिये ।  
कहन्त बार बार मैं तिहारे दरबार में, सुलाल बलबीर पै कृपा कटाक्ष लीजिये ॥

( ३३० )

कीरति के कन्या भई आये व्रज गोपी गोप, नाचें कूदें गामें दधि गोरस लुटावें हैं ।  
बोना लै प्रवीन राग गावत रिसीस ठाड़े, होय हर्ष भोलानाथ डमरू बजावें हैं ॥  
लाल बलबीर व्रजराज जी के द्वार आली, चार मुख वारे चार वेदन सुनावें हैं ।  
देवता विमान चढ़े सैधन जनावें और, दुंदभी बजावें गावें फूल बरषावें हैं ॥

( ३३१ )

काहू कही कीरति के कन्या कौ जनम भयो, गोपी गोप म्वाल मुन सब हरषाये हैं ।  
कंचन कटोरन में केशर अतर घोर, दूध दधि हादिका के कलस सजाये हैं ॥  
लाल बलबीर साजे वसन विशाल अङ्ग, उरन उमंग व्रजराज द्वार आये हैं ।  
देखि छवि छाये गोप इन्दु से प्रकाश रहे, आज व्रजराज जू के बाजत बधाये हैं ॥

( ३३२ )

बंठी कुञ्ज माँहि महारानी व्रजराज जू की, अङ्ग की सुगंधि और भ्रमत भ्रमाने से ।  
चाह भरी दासी सुखराशी चौर छत्र लिये, कोऊ परधीनें राग गामें मनमाने से ॥  
लाल बलबीर कर जोरत महेश सेस, सहित दिनेश उर रहत सकाने से ।  
याकी पद रेनु जाचें नारद सुरेश ठाड़े, राधे महारानी के दुआरे दरवाने से ॥

( ३३३ )

खन्द वृति मन्द होत जाके मुखचन्द आगे, बंती कौ फनिन्द लख रहत सकाने से ।  
खंजन कुरंग अलि मीन गत दीन होत, निरख सरोज हग रहैं कुम्हिलाने से ॥  
लाल बलबीर देव-दारा चौर छत्र लीनें, भूषन नवीनें पहिरावें मनमाने से ।  
जाकी पद रेनु जाचें नारद मुनेश ठाड़े, राधे महारानी के दुआरे दरवाने से ॥

( ३३४ )

जगर मगर होय रही मन मन्दिर में, फँल रही आभा तहाँ जरी के बितान की ।  
फरस दुरस्त बिछ रहे चौक चांदनी से, तापें बलबीर जू बिछात बादलान की ॥  
कोऊ लिये छत्र पाछे बीजना दुलावें कोऊ, कोऊ लै प्रवीन दीन गामें तान मान की ।  
वृन्दावन महल विराजें महारानी सदां, मेरी कुल पुज्ज राधे बेटी वृषभान की ॥

( ३३५ )

ठाड़ी कर जोर दासी खासी उर चाह भरीं, प्रेम में पगीली तान गावत गुमान की ।  
कोऊ पानदान लं गुलाबदान पीठवान, कोऊ हरषाय व्यार होरं बीजभान की ॥  
कोऊ बलबीर लं लं अतर लगावें अङ्ग, कोऊ करजोर देत बीरी मुख पान की ।  
वृन्दावन महल विराजें महारानी सदां, मेरी कुलपुञ्ज राधे बेटी वृषभान की ॥

( ३३६ )

कड़ी अंग अंगन तें रूप की तरंग ऐसी, कोटि कोटि कला कलाधर की लजान की ।  
लाल बलबीर छवि दिपत अनुप ऐसी, रमा की न उमा की न रानी पंचवान की ॥  
पायन तें सीस लौं निहारें खड़ी बेवदारा, आरती उतारें करे न्यौछवर प्रान की ।  
वृन्दावन महल विराजें महारानी सदां, मेरी कुलपुञ्ज राधे बेटी वृषभान की ॥

( ३३७ )

चंपकवरनि मृगलोचनी सलोनी प्यारी, रचि विधि कौन विध कवत सधान की ।  
कंचन तें गोरी तन नवलकिगोरी भोरी, जात मुखमोरी उर रति के गलान की ॥  
मुख के उजास आगे ससि कौ प्रकास लाजें, लाल बलबीर मति मोही पिय कान की ।  
वृन्दावन महल विराजें महारानी सदां, मेरी कुलपुञ्ज राधे बेटी वृषभान की ॥

( ३३८ )

पद्मन के मन्दिर में हीरन के काम भये, लसत तिवारी जारी फटिक सिलान की ।  
जटित सितारे सिन्धु लखें तभ तारे मन्द, भलकें अमन्द उदगनन गलान की ॥  
लाल बलबीर दासी खासी चपला सी खरी, पान की प्रिया सी तान गामें मन मान की ।  
वृन्दावन महल विराजें महारानी सदां, मेरी कुलपुञ्ज राधे बेटी वृषभान की ॥

( ३३९ )

कंचन अवनि तापे भवन पिरोजन के, लालन की पुतरी दमकें कुलकान की ।  
फटिक सिलान तें समारौ चौक चाँदनी सो, नीलम की बेल तामें लागे प्रिय आन की ॥  
जड़े हूँ पिरोजा द्वार द्वारी की किनारिन में, लाल बलबीर जारी गजमुकतान की ।  
वृन्दावन महल विराजें महारानी सदां, मेरी कुलपुञ्ज राधे बेटी वृषभान की ॥

( ३४० )

चारों ओर दासी खासी सोहत ख्यासी माहि, स्वाभिनो लड़ती कौं सुनामें तान मान की ।  
कोऊ परबीन बीना सारंगि सितार लं लं, कोऊ लं मृगंग चंग बांसुरी निलान की ॥  
लाल बलबीर लं लं आरती उतारें कोऊ, कोऊ चौरं द्वारं कोऊ सुखमा बखान की ।  
वृन्दावन महल विराजें महारानी सदां, मेरी कुलपुञ्ज राधे बेटी वृषभान की ॥

( ३४१ )

सती सी सची सी कर चौरं लिये मैनका सी, नाचें उरबसी तान गावें हुलसान की ।  
रंभा सी दया सी कमला सी बलबीर दासी, कोऊ छत्र लीनं कोऊ चौरन डरान की ॥  
अष्ट सिद्धि नौऊ निद्धि पायन पलोटें लोटें, ठाड़ी कर जोर सब रानी देवतान की ।  
वृन्दावन महल विराजें महारानी सदां, मेरी कुलपुञ्ज राधे बेटी वृषभान की ॥

( ३४२ )

कंचन सिहासन पं बेटी वृषभान सुता, लखत प्रभान प्रभा ससि की लजावें री ।  
नव सीस सारी लगी मुक्कन किनारी धारी, उदगन काँति लख मलिन दिखावें री ॥  
चारों ओर दासी सुखरासी चपला सी खड़ी, रतनमें डाँडी चारु चौरन दुरावें री ।  
पद्मिनी सुरी सी किन्नरी सी बलबीर भ्रमं, राधा महारानी जू के मुजरा न पावें री ॥

( ३४३ )

बैठी जातरूप के महल वृषभान सुता, देवन की सुता द्वार दौर दौर आवें हैं ।  
चाह भरी चीपन सों चुन चुन चीर चाद, भूषन नवीन बोन साज साज लावें हैं ॥  
लाल बलबीर महारानी थोवनेइवरी के, अङ्गन उमंग प्रीति ही सों पहिरावें हैं ।  
गावें हैं सुजस हरपावें बोन कौ बजावें, बीन हूँ दयानिधि के सोस पद नावें हैं ॥

( ३४४ )

जातरूप नूपुर अनूप पग गाजें तैसी, किकिनी भनक धुनि छाई एक तारी री ।  
तैसी पचरंगी जंगी जेबदार घाँघरे की, सहलही लोनो लगेँ धूमन घुमारी री ॥  
लाल बलबीर दासी हेर सुलरासो सीस, जरीदार चादर में किरन किनारी री ।  
आज मुखमारी पर वारों कोटि मंननारी, राजत बिहारी संग राधा प्रान प्यारी री ॥

( ३४५ )

बैठे कंज आसन पे नवल निकुंज माँहि, श्यामा श्याम दोऊ रूप रंग रस भीने हैं ।  
मन्द मुसिक्यावें कर चिबुक सुबावें भुज, अंसन धरावें राग गावल रंगीने हैं ॥  
लाल बलबीर बीन लै लै के बजावें प्रिया, सुन सुन लाल भये अधिक अधीने हैं ।  
प्रेम की घुमेर घूम गिरत सुजान दौर, प्यारी सुकमारी जो ने अंक लाय लीने हैं ॥

( ३४६ )

विद्या सखी विपिन सम्हार राखें नीकी भाँति, श्यामा चीर विविध नवीन साज लावें हे ।  
मुविता मदन मोद मई प्रेम बातें करे, चन्दा लै विचित्र अङ्ग चन्वन लगावें हैं ॥  
लाल बलबीर उर नन्दना अनन्द करे, भामा मन भाये तन भूषन सजावें हैं ।  
मुदिता जु बीजना लै सुमन भूलावें आली, सदा सर्व कुञ्ज राधारानी कौ लडावें हैं ॥

( ३४७ )

ठाड़ी फुलवारी में दुलारी वृषभान जू की, सील अतधारी ताकी मुसिक्यान प्यारीये ।  
सारी सोस धारी हे सुनैरी जरी कोर वारी, आँखें कजरारी आँगे मंन सर डारिये ॥  
लाल बलबीर अङ्ग अङ्ग सुखमा अपारी, रमा उमा हू की गति मन्द कर डारिये ।  
साँचे की सी डारी त्यारे मन की जियारी लाल, रूप उजियारी नैक चलिकं निहारिये ॥

( ३४८ )

करे जल केलि वृषभान की कुमारि राधा, परम प्रवीन संग नवल अलीम वृन्द ।  
लै लै उछिटावें अङ्ग अङ्ग सों मिलावें हैंसि, बुबकि लगाय धाय गई पद अरविन्द ॥  
लाल बलबीर लाल माधुरी लतान माँहि, रूप कौ निहारें दूर परो उर प्रेम फन्द ।  
मानी हरषाय आये बारुनी परब पाय, तारागन सहित अग्हात श्याम सिन्धु चन्द ॥

( ३४९ )

खावी चोर चोर दही मही साँभ भोर सबे, भवन दंडोर त्यारी कीरति बिहयाती हे ।  
लैके कहूँ चीर आप आभूषन भाज जँहो, याही ते ललन सब ललना सकाती हैं ॥  
चंचल चपल चटकोले नैन सैन करी, ताते बलबीर तुमें कोऊ ना पत्याती हैं ।  
आवी दौर दौर कहा काम है तिहारो यहाँ, उतै जाउ उतै इतै लाड़िली अग्हाती हैं ॥

( ३५० )

उठी हो किशोरी गोरी भोर भयो लाड़िली जू, हैंसि हैंसि ठाड़ी बंन कीरति मुनावें हैं ।  
ललिता, विशाखा, चंपलता, वित्रा, तुंगविद्या, इन्दुलेखा, रंगदेवी, सुदेवी जगावें हैं ॥  
लाल बलबीर लै लै बीन कौ बजावें कोऊ, कोऊ मुसिक्याय धाय चरन सिरावें हैं ।  
भीनेँ सुर गावें तन आलस नसावें सबे, राधा मुखचन्द कौ चकोर ललचावें हैं ॥

( ३५१ )

उडि मुसिकात अङ्गरात जमुहात प्यारी, आलत बलित नैन भूप भूप जावें हैं ।  
दौर वृषभान रानी गोद लं लड़ती जू कौं, सिर कर फेर बेर बेर समरावें हैं ॥  
भीजत हैं कर जुग दृगन किशोरी गोरी, लाल बलबीर उपमा ये उर आवें हैं ।  
मानों जुग मोन फैसे मदन अहेरी जाल, जानि निज बन्धु कंजु अरितें छुड़ावें हैं ॥

( ३५२ )

स्वामिनी जू भामिनी जू हंउ कल गामिनी जू, कोटि छूति वामिनी जू पीउ छितचोरी जू ।  
लाल संग रमनी जू केलि रस कमनी जू, छवि कंज बदनो जू सब तन गोरी जू ॥  
सखी सभा मंडनी रसिक लाल बंदनी, अनन्द रस कन्दनी चतुरी और भोरी जू ।  
लाल बलबीर दासी तोरी सन सुखरासी, रखिये सदेव पासो कीरति किशोरी जू ॥

( ३५३ )

कंज छवि बदनो जू रमा रूप रदनी जू, कोक कला हृदनी जू हेरि मम ओरी जू ।  
रति रन मंडनी जू मैन मद खण्डनी जू, प्रेम रंग रंगनी जू सुकुमार भोरी जू ॥  
बानुर्य चतुरा जू माधुर्य मधुरा जू, अन्न फल अथरा (जू) ललन हित गोरी जू ।  
लाल बलबीर दासी तोरी सन सुखरासी, रालिये सदेव पासो कीरति किशोरी जू ॥

( ३५४ )

आई हाल देखि मैं किशोर जू किशोरी गोरी, फँली मुख आभा तन बसिकर्ण जी को है ।  
दृगन की ओर लख भौर मुख मोर गये, अपर अरुन स्वाद सरस अभी को है ॥  
मदन उमंग अङ्ग जोवन तरंग भरी, लाल बलबीर उत्साह तुम पीकी है ।  
देखो नंदनन्द मुख कन्द व्रजबन्ध प्यारे, आप ते अधिक नेह भानु नन्दनी को है ॥

( ३५५ )

चली बन शोभा देख नवल किशोरी गोरी, आगे मग लाल पीत पट ही सों भारे हैं ।  
जित जित लता भुकि रहों तित तित ही सों, निज कर पल्लव सों गहि के निवारे हैं ॥  
लाल बलबीर रस लीन हूँ प्रबोद दीन-ताई के वचन प्रान प्यारी सों उचारे हैं ।  
चलो जी निकंज छवि पुंज मुख सैन कीजै, बिने मान लीजै हँसि अंस भुज धारे हैं ॥

( ३५६ )

जमुना अन्हात वृषभान को कुमारि राधा, रूप की अगाधा तन छवि वृन्द वरसं ।  
रमा उमा दमा सी सबी सी सतभामा हू सी, मंनिका सी जाकी पद रेनुका कौं तरसं ॥  
लाल बलबीर भुकि भुकि लता ओट लाल, बेर बेर हेर हेर हेर मन हरसं ।  
चुबकि लगाय निसरत प्रान प्यारी मानों, सामल घटा में चन्द छिप छिप वरसं ॥

( ३५७ )

कानन सौ अंखियाँ अन्यारी कजरारी लट, नेह भीनी प्यारी सटकारी घुंघरारी हैं ।  
रूप ही के भूवन सों भूषित सदेव अङ्ग, अङ्गन निहार चम्प हेम दुति हारो हैं ॥  
लाल बलबीर नैक बलिकें निहारो प्यारे, मैन मदवारे छल शोभा अति भारो हैं ।  
रमा उमा नारी परं पायन विचारी आय, सध में मुकट मनि राधा प्रान प्यारी हैं ॥

( ३५८ )

राधे बदनारविन्द विमल अमंद आगे, कोटि कोटि मैन रति चन्द छूति टारो रो ।  
कोमल मुठार जुग भुजन निहार सब, सहित मृनाल कंज ही को गयं गारो रो ॥  
लाल बलबीर प्यारी लटक चलन तापें, मद भरे करी औ मराल जाल वारो रो ।  
तूपुर भनक श्रवणन में परं सदेव, इन ही कौं धारो ब्रह्मानन्द कौं विसारो रो ॥

( ३५६ )

ठाड़ी चित्रसारी में बुलारी वृषभानु जू की, रूप रति रमा उमा दमा तें उजाला है ।  
हीरन के हार चारु हियरा बहार देत, कंगन बुरीन दुति दीपति निराला है ॥  
लाल बलबीर नैन भरे मधु बंस प्याला, तनक बिलोक लाला होउगे निहाला है ।  
जेवर विशाला अङ्ग अङ्गन रतन जाला, कनक लता में मनीं जगो दीप माला है ॥

( ३६० )

परम उदार सुकुमार छवि सार आँखें, मैन मद वारी ब्रत सोल उर भोरी है ।  
भीने लंकवारी सिर चन्द्रिका चमकवारी, भौंयें बंक वारी मनीं धनु बिन डोरी है ॥  
लाल बलबीर छवि देखिये सुजान ताकी, और को कहा है बुवतीन चित चोरी है ।  
उमा रति कोरी वारी नख पैं करोरी सर्व, अङ्ग अङ्ग गोरी वृषभानु की किशोरी है ॥

( ३६१ )

खेलत सधन बन कुंज की लतान माँहि, राधिका रंगीली आज सहित अलोन वृन्द ।  
पुष्य तोरि लारव कोऊ भूषन बनावें बहु, अङ्गन सजाव धार धार पिया परसंद ॥  
लाल बलबीर सब नवल प्रबोन एक, एक तें रंगीन परबीन रूप में अमंद ।  
देखो नदनन्द सुखकन्द वृजचन्द प्यारे, मानों मुर बाग में प्रगट डोल कोटि चन्द ॥

( ३६२ )

संग सखियान के किशोरी वृषभानु जू की, देखन विपिन छवि हरषि सिघाई है ।  
जित मग धरत चरन सुकुमार तित, तित मनीं लोहित बवात सी बिछाई है ॥  
लाल बलबीर उडँ सौरभ तरंग अङ्ग, चहुँ ओर अलिन की पाति घिर आई है ।  
रभा रति मैन नारी पावत न समता री, रमा उमा इन्दुमा ते सुखमा सवाई है ॥

( ३६३ )

फटिक मनोन की महल कमनीय तामें, जरी की बितान तन्यो सुखमा अनन्द की ।  
चारों ओर दासी खासी बिहरें खवासी माँहि, सब रूप राशि करें टहल पसंद की ॥  
लाल बलबीर कोऊ ल ल परबीन बीन, गावत रंगीन तान भरी प्रेम फन्द की ।  
दाबि के त्रिलोक की निकाई सुखदाई राधे, हीरन तखत बँठी रानी व्रजचन्द की ॥

( ३६४ )

उठी अंगरात मुसिकात प्ररभात प्यारी, आलस सों भरे नैन मैन मदमाते हैं ।  
ढीले कबरी के जाल टूटी लर मुक्तमाल, बीरन की सुख चिह्न गण्डन पँराते हैं ॥  
लाल बलबीर नव जीवन उमंग अङ्ग, उरज उतंग कंचुकी में उमगाते है ।  
पाले हैं न हेम जाकी अङ्ग समताई माई, बदन निहार ससि पूरन लजाते हैं ॥

( ३६५ )

कंचन अजिर माँहि बँठी चन्वमुखो प्यारी, चाँदनी सी सारी सोल तास बावला की हैं ।  
हीरन के हार गरें मोतिन सों माँग भरें, बेनी डर जानु परें अकुटी पिनाकी हैं ॥  
लाल बलबीर कजरारी अनियारी भारी, आँखें मतवारी प्रेम मैन मद छाकी हैं ।  
ऐसी छवि काकी हेरि जँसी वृषभानुजा की, रमा उमा मैनका सी पग तल ताकी हैं ॥

( ३६६ )

आकी सुन बागी बीन कोकिला सकानी मन्द, मन्द मुसिकानी बिजु घन की लजेरी हैं ।  
बँनी सटकारी आगें पन्नगी लहर हारी, चन्द ते सुचन्द चारु बदन उजेरी हैं ॥  
लाल बलबीर जू की प्रानन की प्यारी मति, कहै का विचारी तन सुखमा घनेरी हैं ।  
राधा महारानी जू की रूप की घटा की हेर, रमा उमा मैनका सी सब नारी खेरी हैं ॥

( ३६७ )

कंचन धरन भूमि साखा द्रुम रही भूमि, भरत प्रसून अलि गुंज होत प्यारी है ।  
कूकत केकीन जाल बिहरे मराल बाल, जल जंत ताल पाय मोद मन भारी है ॥  
लाल बलबीर बलि देखी वनकुञ्ज माहि, ये ती सब पुंज छवि आज ही निहारी है ।  
हीरन सिगासन पै बंठी तास आसन पै, रूप गरबीली तहाँ राधा सुकमारी है ॥

( ३६८ )

सोहत मुदेश समे सुन्दर सजीले स्याह, लामें लहरारे सटकारे फटकारे बाल ।  
बाधे मखसूल तार सेंदुर की भांग पार, केशर की छोर बकी सोहत बिसाल भाल ॥  
लाल बलबीर नासा बेसर हैं मोरदार, भूषन नथीन राजें गरे गज मुक्तमाल ।  
आई मैं निहार हाल देखी चल नन्दलाल, तुमैं वो प्रवीन राधे करैगो निहाल हाल ॥

( ३६९ )

कंचन महल तनो जरी की वितान तामें, मोतिन की झालरें भ्रमकें चहुँ ओरी की ।  
अतर गुलाबन सों अजिर पुतायी चौखी, गिलमें बिछाई हैं हरित लाल कोरी की ॥  
लाल बलबीर तहाँ ठाड़े कर जोरें लखें, हुगन की ओरें तान गावत निहोरी की ।  
आई हाल देख औ दिख्ताऊँ छवि तोहि बंठी, हीरन तखत राधे कुमरि किशोरी की ॥

( ३७० )

महल मनीन के बिराजी वृषभानु सुता, देखन की सुता आय आय पग परसैं ।  
सुजस उचारें कोऊ सीस चौर डारें कोऊ, रूप कौं निहारें बेर बेर हेर हरसैं ॥  
लाल बलबीर छवि तनक बिलोकि देखी, रम्भा रति रमा उमा हू तैं अति तरसैं ।  
राधे महारानी जू के सब अङ्ग अङ्गन तैं, कोटि कोटि छवि के छता से आज बरसैं ॥

( ३७१ )

जाके पद नेति नेति बंदत सुरेस सेस, तेरे पद सीस नाय ठाड़े कर जोरी री ।  
जेतो नट नागर तू नागरी छबीली बाल, कहा प्रतिपाल भई ऐसी मत भोरी री ॥  
लाल बलबीर मिल बोऊ रस रंग कीजें, दीजें मुख नैनन कौं मानि बिने मोरी री ।  
रही रंन थोरी अब सैन करौ गोरी, कुञ्ज प्रीतम के संग मिलि कोरति किशोरी री ॥

( ३७२ )

बार बार प्यारी तेरी जाऊँ बलिहारी दीजें, मान कौं बिसरि सुकमारी मान मोरी री ।  
तेरे गुन गान ही सों ध्यान प्रान प्रीतम कौं, रावरे सरूप कौं निहारें छैल ओरी री ॥  
लाल बलबीर मुख चन्द सो बिलोकि प्यारे, मोर चन्द धारें सीस करे आस तोरी री ।  
बोऊ कर जोरी छैल द्वार पै खरो री, नंक हेरी उन ओर वृषभान की किशोरी री ॥

( ३७३ )

जब तैं बिसारी चित्रसारो प्यारी प्रीतम की, तब तैं बिसारी सुधि लाल खान पान की ।  
उठत कराहि गिरं भूमि अकुलाय धाय, राधा राधा राधा रट लागी मुख दान की ॥  
लाल बलबीर जो सों भूलि न गुमान कीजें, छाड़िये रंगीली हाल एसी हठ मान की ।  
कीजें अब ही पयान लीजें जी अरज मान, दीजें पति प्रानदान बेटी वृषभान की ॥

( ३७४ )

कीजें जी न मान मेरी एसी सैं अरज मान, देखिये विचार मन आपने ही ओरी री ।  
जाके गुन गान करं नारद सुरेश सेस, शंभु चतुरान धनेस कर जोरी री ॥  
परम प्रवीन भये प्रेम के अधीन ठाड़े, लाल बलबीर जू बिलोकें बाट तोरी री ।  
हेरि इन ओरी गोरी भोरी चित्त चोरी तोरी, प्रीत में बिधो री कान्ह कुमर किशोरी री ॥



( ३७५ )

धरने जलेस जू धनेस जू सुरेस जू से, निज निज जन की हरया सब बाधिका ।  
नारद मुनेस जू गनेस बलबीर प्यारे, रिद्ध सिद्ध बुद्धि के दिव्या मुख साधिका ॥  
सेस जू महेश जू प्रजेस जू रमेस जू की, महिमा पुरानन में सुनी है अगाधिका ।  
सब ही के राज व्रजराज जू की राजेश्वरी, सोई कुलपुञ्ज मो किशोरी सिरी राधिका ॥

( ३७६ )

चमचमात जरी के बितान चारु चाँदनी से, चन्द से चँदोवन की रही दुति सरसाय ।  
मोतिन की भालरें भमकें जोर जेब चारी, गिलम गलीचे निज चौक में दिये बिछाय ॥  
लाल बलबीर दासी सबें सुखरासी सबें, मैन अबला सी खासी अस्तुति रहीं सुनाय ।  
नाह रससानी हरसानी श्रीकिशोरी राधे, फटिक मनीन के सिगासन प बँटो आय ॥

( ३७७ )

बँटे हैं मनीन के सिगासन जुगल छेल, लाल कर कंज लै किशोरी कौं दिखावें हैं ।  
प्यारी गहि लियौ ललचाय हरषाय लै लै, सरस सुवास हेर हेर सुसिक्खावें हैं ॥  
परम प्रवीन रस लीन भुज मेल कण्ठ, करे नय खेल सुख पुंज उपजावें हैं ।  
लाल बलबीर दासी निरखि सिरावें नैन, आवत न बँन मैन रति कौं लजावें हैं ॥

( ३७८ )

कारी बेनी सीस ते लहर लेत पाइन लौं, भानों पूरचन्द के मुधा कौं पीये हैं फनिन्द ।  
मुग मद भाल विन्द दिपत अमन्द मानो, बिकसे सरोज की सुवास लेत हैं अलिन्द ॥  
चंचल चपल नैन ताक वृषभानजा के, मीन सर चाके हैं अनंग सर सरमिन्द ।  
लाल बलबीर चलि देखौ नदनन्द प्यारे, जाको छवि आगे हीन होत रति रंभा वुन्द ॥

( ३७९ )

सारी सीस राजत रंगीली चटकीली लीली, निरखि लजानी गति घन की तरन की ।  
चंचल घलाक नैन सेत रतनारे कारे, खंजन खिजानें गति छीन अलिगन की ॥  
तेरे अंग अंगन की निरखि निकाई सची, जात री लजाई गती रती की वरन की ।  
दास कहै लालन के हिये के हरन हारे, कंज लखि हारे हेर भलक चरन की ॥

( ३८० )

जलज अधीन रहै कंज लख दीन रहै, निरख लजाने ससि सरद निशा के हैं ।  
ऐसे हैं भलकदार गिरजा न इन्दिरा के, रती के न सची के न सिधा के गिरा के हैं ॥  
सेस सनकादि आदि नारदादि ईस सीस, नाय रतें ध्यान सदाँ सिर ताज ताके हैं ।  
अष्ट सिद्धि दायक हैं संतन सहायक हैं, दास निज नायक चरन राधिका के हैं ॥

( ३८१ )

चरन हैं नीके हित ही के जन मन ही के, संकट हरन रिद्ध सिद्ध के धरन हैं ।  
धरन धरा के तें धरत ध्यान रैन दिना, माते जस नेति नेति आनन्द करन हैं ॥  
करन हैं कंज दल गंजन अदृश एड़ी, नखन भनक कांति ससि की हरन हैं ।  
हरन अधीरता के धीरता धरन हारे, दास चित धारें राधारानी के चरन हैं ॥

( ३८२ )

जाके जस गाये चतुरानन नें नेत नेत, ताही तें कहाये सदाँ सृष्टि के करन हैं ।  
जाके जस गाये ईस सीस नाय ध्यान लाय, ताही तें कहाये खल दल के वरन हैं ॥  
जाके जस गाये सेस रसना हजारन ते, ताही ते कहाये निजधारा के धरन हैं ।  
जाके जस गाये जग ताके जस छाये दास, करे चित चाहें रानी राधे के चरन हैं ॥

• सर्वैया •

( ३८३ )

सोहत मोर पखा सिर पे कल भाल पे केसर खोर दिये जू ।  
भूमत घूमत जात सिहात नवीन प्रसून के हार हिये जू ॥  
बीजै कहा उपमा बलबीर पड़ी पछितात लजात हिये जू ।  
या छबि सों बिहरें जमुना तट राधिका श्याम सिगार किये जू ॥

( ३८४ )

डोलत बोलत राधिका राधिका राधा रटो मुख होय अगाधा ।  
सोवत जागत राधिका राधिका राधिका नाम सब सुख साधा ॥  
लेतहु देतहु राधिका राधिका तौ बलबीर टरें जग बाधा ।  
होय अनन्द अगाधा तब दिन रैन कहौ मुख राधा श्रीराधा ॥

( ३८५ )

श्रीवृषभानु सुता पद पंकज मेरी सदां यह जीवन मूर है ।  
याही के नाम सो ध्यान रहै नित जाके रटे जग कंटक दूर है ॥  
श्रीवनराज निवास दियो जिन और दियो सुख हू भरपूर है ।  
याको बिसार जो ओरें भजौ बलबीर जू जानिये तौ मुख धूर है ॥

• कवित्त •

(इष्टसखी सेना)

( ३८६ )

कंचन जटित भूमि रतन द्रुम रहे भूमि, पंछी कल गान करे तहाँ मृदुवानी के ।  
बिमल विलंब जामें फूले हैं सुमन वृन्द, गुंजत अलिन्द मधु हेत मृदुवानी के ॥  
लाल बलबीर बनराज की रंगीली छबि, गावत मुनिन्द पति श्रीपति भवानी के ।  
तशमें विषय विषय भासमान से प्रकाशमान, धवल महल बने राधे महारानी के ॥

( ३८७ )

भण्डल मनोमय राजत अमन्द ताकी, सुलभा निहार भान कोटि ससि लाजें हैं ।  
सहित मुवास पद्य षोडश कलोन ताके, दल दल पर सहचरी जस गाजें हैं ॥  
लाल बलबीर दासी सुलभा निहारें खासी, छबि रास छैल प्रेम मैन खेल साजें हैं ।  
रूप मद छाके नेह मैन अशला के दाव, चाह भरें डोऊ श्यामा श्याम संग राजें हैं ॥

( ३८८ )

अष्ट सखी आठीं जाम सेवत हैं मुखधाम, ललिते प्रवीन बीरो हचिर बनावें हैं ।  
प्रेम प्रीति बातें घातें वंपति सिहातें रहें, लहें रक्ष जब तब रचि सों पवावें हैं ॥  
लाल बलबीर अंग रंग गऊरोचन सों, बसन नवीन मोर चन्द से सजावें हैं ।  
श्याम राधिका की बनराज की निकुंजन में, छिन छिन नये नये चोज सों लदावें हैं ॥

( ३८६ )

चतुर विशाखा अबिलाषा रूप माधुरी की, चुन चुन सुमन नवीन साज लावें हैं ।  
जो जो मन भावत है रसिक रसोली जू के, सोई सो रसोले हित ही सों पहिरावें हैं ॥  
लाल बलबोर छुति दामिनी सी देह राजें, उडगन मण्डल से बसन सुहावें हैं ।  
श्याम राधिका की वनराज की निकुंजन में, छिन छिन नये नये चोज सों लड़ावें हैं ॥

( ३९० )

चंपक लता जू हैं प्रवीन बर विजन में, अति ही अनूप लटरस के बनावें हैं ।  
जैसी रुचि पावें हृषं सोई सोई साज लावें, लं लं हित ही सों पीय प्यारी की पवावें हैं ॥  
लाल बलबीर तन चंपक बरन विषी, नील पट श्यामा साज सोई हरपावें हैं ।  
श्याम राधिका की वनराज की निकुंजन में, छिन छिन नये नये चोज सों लड़ावें हैं ॥

( ३९१ )

चित्रा जू विचित्र मन भावें पिया प्यारी जू के, विविध सुगन्धि नीर रुचिर बनावें हैं ।  
जैसी रुचि पावें ललचाप मुसक्याय धाय, सो सो रसलीन आन पान की करावें हैं ॥  
लाल बलबीर तन कुंकुम बरन धनि, बसन सुनैरी सिखि सुभग सजावें हैं ।  
श्याम राधिका की वनराज की निकुंजन में, छिन छिन नये नये चोज सों लड़ावें हैं ॥

( ३९२ )

परम प्रवीन तुंगविद्या सब विद्या भाहि, सकल नवीन धाजे हित सों बजावें हैं ।  
गावें राग रागिनी रिभावं प्रिया प्रीतम की, सुखमा निहार हेरि हेरि सब पावें हैं ॥  
लाल बलबीर गौर बरन हरन मन, पंडुर बसन तन अति ही सुहावें हैं ।  
श्याम राधिका की वनराज की निकुंजन में, छिन छिन नये नये चोज सों लड़ावें हैं ॥

( ३९३ )

सखी इन्दुलेखा मुखदेवा प्रिया प्रीतम की, कोक की कलान की चालन की जनावें हैं ।  
बसोकरन मन्त्र जन्त्र तंत्र बहु भांतिन के, सकल प्रवीन रसलीन की सिखावें हैं ॥  
लाल बलबीर हेर अंग हरताल रंग, बसन सुमन दाडिमी से लं सजावें हैं ।  
श्याम राधिका की वनराज की निकुंजन में, छिन छिन नये नये चोज सों लड़ावें हैं ॥

( ३९४ )

सखी रंगदेवी मुखदेवी प्रिया प्रीतम की, भूषन नवीन नख सिख पहिरावें हैं ।  
करिके इकर चित्र लिखत विचित्र चित्र, परम पवित्र जुग मित्र की दिखावें हैं ॥  
लाल बलबीर आभा केसरी कमल अङ्ग, जपा पुष्प की सी सीस सारी लं सजावें हैं ।  
श्याम राधिका की वनराज की निकुंजन में, छिन छिन नये नये चोज सों लड़ावें हैं ॥

( ३९५ )

सुषड़ सुदेवी अति ही है सुखदेवी हेर, मुठि रूप ही की जी की अति ही रिभावं हैं ।  
रुचि के सिगार करे हिये अति भाव भरें, नख सिख साज राज मुकर दिखावें हैं ॥  
लाल बलबीर मुकु सारी की पढायें तन, सुभग सजीली तूही सारी की सजावें हैं ।  
श्याम राधिका की वनराज की निकुंजन में, छिन छिन नये नये चोज सों लड़ावें हैं ॥

( ३९६ )

अष्ट सिद्धि वायक हैं संतन सहायक हैं, सृष्टि ही के नायक हैं आनन्द करन हैं ।  
बरन हैं कलि के कलेसन के जाल हाल, करत निहाल लीनी आन ये सरन हैं ॥  
दास दृग रंजन हैं खलगन गंजन हैं, कंज लखि हारे लाल कांतिन हरन हैं ।  
धीरज धरन हारे ऐसे ना निहारे जैसे, तारन तरन राधारानी के चरन हैं ॥

( ३९७ )

चीकने चटकदार अंग ही के रंग रंगे, जलज रंगीन की ललाई के हरन हैं ।  
एड़ी की अवां की भांकी अंखियाँ सिराती रहीं, नारंगी अधीन लगी देखत डरन हैं ॥  
दास कहैं नखन निकाई तें नगीने कहा, तारन तरयन की कांतिन हरन हैं ।  
धीरज धरन हारे ऐसे ना निहारे जैसे, तारन तरन राधारानी के चरन हैं ॥

( ३९८ )

साधन की आस सर्वा सिद्ध ही करन हारे, अष्ट सिद्ध निद्ध देत रक्षा के करन हैं ।  
जाके ध्यान धरत सरत जन काज नीके, जाके प्राप्त नामे हैं दरिद्र के हरन हैं ॥  
दास कहैं करत निहाल तत्काल हान, जिनकी सरन लेत रञ्जिक डर न हैं ।  
धीरज धरन हारे ऐसे न निहारे जैसे, तारन तरन (श्री) राधारानी के चरन हैं ॥

( ३९९ )

चार दश देशन अखण्ड जस छापर रहे, जिनके दरस सिद्ध कारज करन हैं ।  
सदां ही डरन हिये आनन्द जनन ही के, सरन लिये ते अरिबल के वरन हैं ॥  
दास कहैं दयासिन्धु बारिद हरया घट-घट के लखया हैं अधोस्ता हरन हैं ।  
धीरज धरन हारे ऐसे ना निहारे जैसे, तारन तरन राधारानी के चरन हैं ॥

( ४०० )

नाहक रचत जन्म तन्त्रन के साधन तें, ये कहा रंगीले वास काल की हरन हैं ।  
नाहक गरत सीत जारत अनल देह, तिन तें हठीले कहा कारज सरन हैं ॥  
दास कहैं चेत चित्त तिनकी सरन लीजें, जिन के रटत जग काही के डर न हैं ।  
धीरज धरन हारे ऐसे ना निहारे जैसे, तारन तरन राधारानी के चरन हैं ॥

( ४०१ )

छाँड़ जग जालन के रूपाल तें रंगीले हाल, जाकी लै सरन जहाँ काही के डर न हैं ।  
दारा तात जननी सजाती जात जेते जान, तेते जान घाती सिद्ध कारज हरन हैं ॥  
दास कहैं चेत दयासिन्धु तें लगाय हेत, रहिये निकेत अध दल के वरन हैं ।  
धीरज धरन हारे ऐसे ना निहारे जैसे, तारन तरन राधारानी के चरन हैं ॥

( ४०२ )

आज बजरज प्यारे लाड़िली किशोरी जू सों, रंग रंगे प्रेम पगे केशन गुधावं हैं ।  
औंछत हैं बार प्रान प्यारी श्रीबिहारी जू के, सी करत लाल पोठ उरज लगायें हैं ॥  
लाल बलबीर तन भकुटी चढ़ाय हेर, कोमल कपोल गोल कर गुलचावं हैं ।  
हँसि मुसिकावां उर आनन्द बढ़ायें बोज, कोटि रति मैन हू के प्रेम की लजावं हैं ॥

( ४०३ )

आज सखी सुन्दर सुहावनी निकुंज माहि, लाल मखतूल की विद्यायत रंगीनी हैं ।  
तापरि विराजें प्रिया प्रीतम रंगीले छैल, खेलत हैं चौसर अनूप रंग भीनी हैं ॥  
पांच पांच जुगल परे हैं श्रीबिहारी जू के, प्रिया के सरस सो सरस चाल कीनी हैं ।  
लाल बलबीर दासी बीरी बई ललिता कौं, प्रिया कौं पचाय पुनि लाल मुख दीनी हैं ॥

( ४०४ )

गई हती कुंजन में सुखमा की पुंजन में, इष्टि परी लीनी गहि दीनी तब सोहनी ।  
दायें कृष्णदासी दायें जोरें कर प्रेमदासी, आगें बलबीर दासी ठाड़ी हुलसौहनी ॥  
कंचन सिंहासन पें राजत बिहारी प्यारी, कहत बने ना री बने हैं छवि जोहनी ।  
एक अली चौर द्वारें एक आरती उतारें, आज में निहारी छवि प्यारी बित्त्वमोहनी ॥

( ४०५ )

कारे अनियारे कोरवारे नैन कजरारे, कुरंग कननी किये हेर लाल डोरी के ।  
कानन करनफूल जटित कनीके कसी, कारचोवी कंबुकी कठोर कुच गोरी के ॥  
लाल बलबीर कवि कहत बने न कांति, कमल कलाधर कौ करे दुत थोरी के ।  
कंचन सिंहासन पे राजत कुमर काह, कीजिये वरस बलि कुमरि किशोरी के ॥

( ४०६ )

कोमल कछारे केस कारी सांस सारी बेस, कंठ चंपकली हार कुसुम भरत हैं ।  
कंचन करन कटि किकिनी कनक बाजं, कीरति कुमारी गति करी को हरत हैं ॥  
लाल बलबीर केलि कुंज कौ सिधारी प्यारी, केसर कुसुम कांति मग में डरत हैं ।  
कंज केलि केहर कलस कंबु कुन्द कीर, कुरंग कलाधर कौ कायर करत हैं ॥

( ४०७ )

डोलत फिरत मुख बोलत में राधे राधे, और जग जालन के ह्यालन सों हट रे ।  
सोवत जगत मग जोवत में राधे राधे, राधे रट राधे त्याग उर ते कपट रे ॥  
लाल बलबीर धर धीर रट राधे राधे, टरे कोटि बाधे रट राधे भटपट रे ।  
एरे मन मेरे चेत भूलिकें न हो अचेत, राधे रट राधे रट राधे राधे रट रे ॥

( ४०८ )

राधा गुन गावं तहाँ दौर दौर जाओ प्यारे, राधा गुन हैं न जहाँ भूल कें न डट रे ।  
राधे जू की चरचा सलोनी लौनी होय जहाँ, सुनिये लगाय भृति तहाँ ते न हट रे ॥  
राधा राधा नाम ही सों काम राख आठों जाम, लाल बलबीर जग जाल कौ न ठट रे ।  
एरे मन मेरे चेत भूल कें न हो अचेत, राधे राधे रट राधे राधे राधे रट रे ॥

( ४०९ )

कीरति किशोरी वृषभान की दुलारी प्यारी, अरज हमारी सुकमारी कान कीजें री ।  
भ्रमना भ्रमावं छिन छिन अकुलावं मन, कछुना सुहावं उर धीरज धरीजें री ॥  
लाल बलबीर दासी चेरी हैं चरन ही कौ, सरन लई हैं सो निभाय मोहि लीजें री ।  
कीजें दीन जान दान एहो कहनानिधान, सदां तेरी ध्यान औ निकुंज वास दीजें री ॥

( ४१० )

कोऊ जलसैया कोऊ करे सूलसैया, कोऊ पंचधुनी तैया कोऊ बूध के अहारी हैं ।  
पवन अहारी कोऊ तीर्थ व्रतधारी कोऊ, दान धर्म धारी कोऊ ज्ञान ध्यानधारी हैं ॥  
लाल बलबीर दया जीव उरधारी कोऊ, सोल उरधारी कोऊ ब्रह्म के विचारी हैं ।  
साधन अपार नहीं जानत विचार सार, मेरे ती अधार वृषभान की दुलारी हैं ॥

( ४११ )

छोड़ शुभ कर्म कौ कुधर्म में लगोई रह्यो, सार कौ न गह्यो भई भिट्ट मति मेरी है ।  
संतन के संग में न रंगो री अभग रंग, जंग करिये कौ मति सृष्टि सों घनेरी है ॥  
अब बलबीर जग जानकं कनिष्ठु दई, सब ही कौ पिष्ट मिष्ट तुही इष्ट हेरी है ।  
कोटि कोटि कष्टन के नष्ट करवैया दया, बड़ी ये बलिष्ठु राधे कृपा दृष्टि तेरी है ॥

( ४१२ )

वेही नकवासी मद मांस के उपासी, उर कपट के रासी कूट कर्मन कौ धारें हैं ।  
जानौ स्वर्ग वासी जप तप धर्म कर्म रासी, वेद भेद मासी मान मन ते न टारें हैं ॥  
लाल बलबीर तिनें जानौ बंकठ वासी, और कौ न मानें वेठ ब्रह्म कौ विचारें हैं ।  
गऊ लोकवासी बनें गुगल किशोर वासी, जक्त सों उदासी राधे नाम कौ उचारें हैं ॥

( ४१३ )

पुल जी पुलस्त जी अगस्त जी वृद्धिजी से, अंगिरा जी भृगु कतु जी से सदां धरं ध्यान ।  
गौतम जी धूमर जी जामदग्नि सौनक जी, मारकंड कौटक जी मानप जी करं गान ॥  
लाल बलबीर कौं दधीब जी मरोच जी से, वामन जी कण्ठ जी से रिषी मुनी श्रेप्रमान ।  
सेवं गुन खान नन्दनन्द राधिके सुजान, सोई व्रजचन्द तेरे पद रज बंदे आन ॥

( ४१४ )

ब्रिश्वामित्र गालव जी चिमन उदालक जी, सिगी रिषी पर्वतजी करं जोग तप गान ।  
उतंगजी मसंगजी से रोमहर्ष लोमस जी, पारासर आत्रेयजी करं नाम रस पान ॥  
लाल बलबीर पिप्पले जी बालमीक जी से, प्रेम के सहित ध्यान लावं हिय हलसान ।  
सेवं गुन खान नन्दनन्द राधिके सुजान, सोई व्रजचन्द तेरी पद रज बंदे आन ॥

( ४१५ )

केते चित चाहि चाहि नावं सिर जाय जाय, अति हलसाय गुन गावं सिंभु ग्यानी के ।  
केते मन लाय लाय सुजस सुनावं द्वार, कालिका कृपाली जू के सारदा भवानी के ॥  
लाल बलबीर रघुबीर बुजबीर केते, निज निज इष्टन में डरं मृदुवानी के ।  
सेवं सुखधाम पूजं दास मन काम में तो, बन्दों पद कंज मंजु राधा महारानी के ॥

( ४१६ )

जोग जय्य जप तप तीरथ गवन व्रत, कबहुं न हरिदास श्रवण कथा करी ।  
भ्रमना भ्रमायो माया मोह मद लिपटायो, वृथा जग बादन में उमर बिता करी ॥  
लाल बलबीर मति हीन में भलीन पीन, सेवा रसिकन तनहुं की नहि जा करी ॥  
कृष्ण अली जू की कृपा दृष्टि दर पाव पाय, राधा ठकुरायन के पावन को चाकरी ॥

• सवैया •

( ४१७ )

श्रीवृषभानु सुता पद पंकज में निसि वासर ध्यान लगायो ।  
मेरी तो जीमनमूर यही कुलपुज्ज सोई मुख गाय सुनायो ॥  
जाकौं अहो बलबीर त्रिलोक के नायक हू नित सोस नवायो ।  
श्री गुरुदेव दया करि राधिका मंत्र सिरोमनि नाम बतायो ॥

( ४१८ )

नारद सारद सेस सुरेस महेस सदां उर ध्यान धरायो ।  
और जिते मुर सिद्ध मुनीस सर्व मन गावन कौं ललचायो ॥  
खेलत हैं वनराज निकुंजन पी बलबीर करं मन भायो ।  
श्री गुरुदेव कृपा करि राधिका मंत्र सिरोमनि नाम बतायो ॥

( ४१९ )

जानत न काच्य कोस छन्द के बनायबे कौं, पिगुल प्रमान कौं न नेंक हर आनो है ।  
जानत न नव रस सतक संचारिन कौं, अलंकार हाव भाव हू को ना चिह्नानो है ॥  
लाल बलबीर वनराज को निवास पाय, जमुना अस्तान प्रभु को प्रसाद पानो है ।  
सब ही कौ सार भवसागर तें पार करे, मन में दिचार एक राधा नाम जानो है ॥

• दोहा •

धरे राधिका सतक में, कवित एक सौ तीन ।  
 निरख होंयगे मगन मन, जो हैं रसिक प्रवीन ॥४२०॥  
 धूषन भूषन गनागन, कौ उर है न विचार ।  
 कृपा दृष्टि कर रतिकजन, लोत्रों ग्रन्थ सुधार ॥४२१॥

( ४२२ )

केकी जो बनाई तौ बनैयौ बनराज जू को, कूक कूक नाच नाच सुजस सुनाऊँ मैं ।  
 लता द्रुम बेली रंगरेली जो करी तौ करी, रावरे ही अंगन पं पुष्प-भर लाऊँ मैं ॥  
 जो पै रज-रेनुका बनाबो मन भायो ये ही, तौ पं पद पंकजन सीस पं धराऊँ मैं ।  
 ये ही बर पाऊँ ललचाऊँ सुख साथे राधे, बास बं निकुंजन को तेरो ही कहाऊँ मैं ॥

### शिख-नख वर्णन

• दोहा •

श्री गुरुचरन सरोज रज, बन्दी बारंबार ।  
 अति मलीन मो दीन के, तुम ही तारन हार ॥४२३॥  
 अपनी अपनी वस्तु सों, करै सकल बिबहार ।  
 रसिक अनन्यन धन्य ही, श्रीवृषभान कुमारि ॥४४२॥  
 श्रीवृषभान कुमारि छबि, का पर बरनी जाय ।  
 जाके पद नख कोर के, कोटि इन्दु सम नाय ॥४२५॥  
 भूमिलोक सुरलोक सब, रहे पताल लजाय ।  
 कुमरि माधुरी अंग की, समता दीजै काय ॥४२६॥  
 मैं मतिहीन अधीन हौं, और न कछु उपाय ।  
 कछु छबि बरनन चहत हौं, हूजै आय सहाय ॥४२७॥  
 श्रीवृषभान कुमारि की, तन छबि सिधु अथाय ।  
 कृष्ण अली पद कमल बल, जो कछु बरनी जाय ॥४२८॥  
 दियो किशोरी लाड़िली, श्रीबनराज निवास ।  
 ऐसे ही अपनाइये, जान आपनों दास ॥४२९॥  
 श्रीगुरु संतन के चरन, उर लावन की आस ।  
 ये ही अवलाषा रहै, कोड करी उपहास ॥४३०॥

( ४३१ )

अतर समारे घुंघरारे हैं लक्षारै श्याम, धनहूँ सों कारे सुकमार दरसत हैं ।  
 अलिगन हारै हेर पद्मग लजारै किधौ, सुखमा के सिन्धु में सिवार सरसत हैं ॥  
 लाल बलबीर जू नैं जब सों निहारै तब, ही सों री मुजान कान हेर हरसत हैं ।  
 प्यारे सटकारै केस असि ही सुधार राधे, भूम भूम भूम आन जानु परसत हैं ॥

( ४३२ )

श्रीकने चटकदार नीलमनि तें अपार, अंधकार घुसवार ही के मनो सार हैं ।  
कंधों अलि गान हार कंधों पद्मगी कुमार, कंधों सुकमार ये कलिन्दजा की धार हैं ॥  
लाल बलबीर मनमोहन के मोहन हैं, सुखमा अपार मन करत विचार हैं ।  
कंधों मखतूल तार रूप सर के सिवार, कंधों सटकारे प्यारे राधिका के वार हैं ॥

( ४३३ )

श्रीकने चटकदार लहर लहर करे, हिय धीर धरें लखें ऐसे ना सिखी के हैं ।  
नेह रङ्ग रङ्गे के सिगार रङ्ग ही के रङ्गे, के जे रङ्गराखे री कलिन्द नन्दनी के हैं ॥  
वास कहैं दयासिन्धु धीरज धरंया तन, आनन्द करंया री सदा जे लालजी के हैं ।  
देख देख आली नैन करिये निहाली कैसे, कारे कजरारे केस कीरति लली के हैं ॥

( ४३४ )

सीस तें निकस अंधकार किसी धार चार, हेर हारे केकिन की कांतन हरी के हैं ।  
अहिराज हारे अलिगन बल डारे केते, नील नग डारे तारे कज्ज अलसी के हैं ॥  
वास कहैं ऐसी ना कलिन्द नन्दनी की धार, असित जलज हैं न लाल गंडकी के हैं ।  
देख देख आली नैन करिये निहाली कैसे, कारे सकटारे केस कीरति लली के हैं ॥

● शीश फूल-वर्णन ●

( ४३५ )

कंधों श्याम घन पै विराजो री मराल बाल, असित सरोजन पै जुगनु की खेरो है ।  
कंधों अहि कुंडली बनाय मन लाय धरी, कंधों धुरवा पै उडगन की बसेरो है ॥  
कंधों शिव जटा मध्य विष्णुपवी को निवास, लाल बलबीर लख लाल मन बेरो है ।  
कंधों निशि मण्डल में प्रगट्यो है इन्दु आय, कंधों सुख साथे राधे सीस फूल तेरो है ॥

( ४३६ )

कोमल अमल भल चरन बिलोक सोक, बारिध बुड़ानो मुरभानो अरविन्द है ।  
तार सी चलत लंक केहरि बिलोक संक, मधु भरी चालन पै धकित गंधव है ॥  
लाल बलबीर मुख सुखमा अपार राधे, उपमा लजानी जगमगत अमंद है ।  
तेरे सीस सीसफूल ऐसो छवि देत आली, जैसे श्याम घन में प्रकाश फेर चन्द्र है ॥

( ४३७ )

कुहू की कुमारि नीलमनि की कतार हैं, कलिन्दजा की धार कोटि सुखमा धरंनी हैं ।  
पद्मगी नगी हैं कियो दीपसिखा ही है कियो अलग ह्वं धार चली ससि सों रिसंनी हैं ॥  
लाल बलबीर रतिनाथ की छरी हैं कियो, लाल नन्दलाल जू की मन हरलंनी हैं ।  
अलिगन सैनी है कि तम घन रंती हैं ये, कंधों सुख साथे राधे रावरी ये बंनी हैं ॥

( ४३८ )

कंधों अरविन्दन की लंन मकरन्दन की, सिमटे सुहाबनी अलिन्दन की वृन्द हैं ।  
कंधों निशि पति की मिलन आई सुखदाई, हिय हरवाई छवि दीपति अमन्द हैं ॥  
लाल बलबीर तेरी बंनी की बिलोकि राधे, सुखमा अगाधे लाल जू के भ्रम फन्द हैं ।  
कंधों मुखचन्द्र सों सुधा की पिये मन्द मन्द, लहर लहर पाछं करत फनिव हैं ॥



कंधों श्यामघन माहि उदत मराल बाल, सहित एतार हेर सुखमा अपारा है ।  
कंधों तम पुंज कों बिदारन सुधाकर नें, लाय धरी सीस चारु चामीकर आरा है ॥  
लाल बलबीर छवि निरख जुड़ाने नैन, आवत न बँन मुख प्रेम फन्व जारा है ।  
श्यामा तेरी मोतिन तों मांग भरी राजत है, मानों गिरि नील शृङ्ग विष्णुपदी धारा है ॥

अन्नत उरौज डाय राखे कंचुकी में मनो, सुन्दर अमोल गोल नट के बटा है जे ।  
चंचल चपल चारु पलकें सुहार मानों, सान धरें राजें चाह काम के पटा है जे ॥  
लाल बलबीर मुख सुखमा अगाधे राधे, हरें जग बाधे लाल मन कों सटा है जे ।  
इंगुर की मांग मध्य राजें जुग ओर पाटी, तड़िता समेत मानों सामल घटा है जे ॥

कंधों रूप सागर पे चेंदुआ मरालन के, राजत सुहार बाइ परमा बिलंदनी ।  
कंधों सोम श्याम मध्य पूरन निशा को जान, तोरन तनाय सीस तारन अमंदनी ॥  
लाल बलबीर मनमोहन सुजान राधे, रोझ रहे देख जे परया प्रेम फन्वनी ।  
प्यारी मुख कन्दनी हरैया तम बंदनी ये, राजत बिसाल भाल मोतिन की बंदनी ॥

कंधों भूमि नन्दन निकन्द तम वृन्दन कों, लीनों प्राणि गोव मोद उर में धरेना है ।  
कंधों चारु चंपक के बल ले सजीले स्वाफ, बँठी आन कीनों बीर बधूटी विद्योना है ॥  
लाल बलबीर हेर मोहन रसिक राय, सुखमा अवाय कहें मन कों हरेना है ।  
राजत अमोल गोल करत किलोल तेरो, मानिक जटित भाल चामीकर बेना है ॥

चामीकर चौकी में प्रगट जोति हीरन की, कंधों मन बँठक अनूप लाल जी की है ।  
कंधों छोरनन्दन प्रघट अष्टमी को नीकौ, सीतल करन हेर टट्ट सब ही की है ॥  
लाल बलबीर उर करत बिचार चारु, सुखमा अपार उपमा की वृति फीकी है ।  
भा हू रती की न रमा रमनी की ऐसी, राजत विशाल भाल कोरति लली की है ॥

कंधों अरविन्दन की लैन मकरन्दन कों, अलिन को वृन्द जे समाज साज बँठी है ।  
कोरति किशोरी चित चोरी गोरी भोरी तोरी, भूकुटी निहार भ्रम लाल आज बँठी है ॥  
लाल बलबीर अब कहें कर जोरी मोरी, ऊकत सुनोरी उर एही काज बँठी है ।  
बदन मयंक आज राह रन जीतबे कों, कौन सर भूकुटी कमान साज बँठी है ॥

• लट वर्णन •

( ४४५ )

फूले बारिजात की गहन मकरन्द वृन्द, सिमट सुहावनी अलिन पांति आई हैं ।  
कंधों कुल त्याग पद्मग कुमारी प्यारी, सरव ससी पै अमो पीवन कौं धाई हैं ॥  
लाल बलबीर बाड़ी मुखमा अपार राधे, हेर हेर प्रीतम की अखियाँ सिराई हैं ।  
बदन सलोल में कपोल गोल गोल प्यारी, तिन पै सुजान किधों लट लटकाई हैं ॥

( ४४६ )

आईं गेह त्यागि कें अधर रस लैन हेत, लहर लहर धीरें धीरें सटकत हैं ।  
लीक हैं सिंगार की सी कलिन्वजा धार की सी, हेर नन्दलालन के नैन अटकत हैं ॥  
दास कहैं नई नई चढत तरंगें चाउ, चहत न संगे अंग अंगे भटकत हैं ।  
चीकनी चटकदार गंडन के तीर राधे, कारी सटकारी त्यारी लट लटकत हैं ॥

( ४४७ )

नागिन लली हैं कें सिंगार लीक ही हैं अलि-गन की तरी हैं चित हेर भटकत हैं ।  
अंधकारनी हैं कें हिरन तारनी हैं आली, कंजे ससि ही तें रस हेत अटकत हैं ॥  
दास कहैं लाल नन्दलाल जी के गीके हित, ही के जे अनन्द देन हारी सटकत हैं ।  
चीकनी चटकदार गंडन के तीर राधे, कारी सटकारी त्यारी लट लटकत हैं ॥

• बंदी वर्णन •

( ४४८ )

राधे भाल रावरे अमड बिन्द बन्दन को, कंधों अरविन्द पै सुधा को बिन्द राखी आन ।  
कुन्दन पटी पै किधों बुनी की प्रकाश खास, कंधों मुकर पै मानिक धरी सुजान ॥  
लाल बलबीर बाड़ी मुखमा अपार प्यारी, जिनें देख रोभे मनमोहन सुजान कान ।  
कंधों सिन्धु नन्दन मयंक महाराज जू की, मोद भरी गोद में महो को पूत बंडो आन ॥

( ४४९ )

कीरति कुमारी सुकमारी त्यारी भाल मध्य, केशर की विन्दका की सुकमा बड़ी सुजान ।  
पुरट सिला पै पुखराज को निवास खास, कंधों प्रगटो है गऊ मोदक की आन खान ॥  
लाल बलबीर मोहि राखे नन्दनन्द प्यारे, टरत न टारे छैल प्रान धन मन मान ।  
कंधों बार जात मध्य चंपक कली है भली, कंधों ससि तेज बिद्धायोडो सुर गुरु आन ॥

( ४५० )

शोभा के सदन में धरी है नीलमनि किधों, कंधों अस चंदुआ गुलाब में दुरानों है ।  
पूरन मयंक जगमगत असंक तापें, किधों ये कलंक ही की अंक दरसानो है ॥  
लाल बलबीर कंधों सुरसो ससंक ह्वै कें, हेम गिरि रजनी जमाव आज मानों है ।  
प्यारी तेरी भाल पै अमन्द मृगमव बिन्द, देख देख राधे मनमोहन लुभानों है ॥

( ४५१ )

जा दिन तें हेरे नंदनन्दन रंगीले छैल, तादिन तें किये लाल जतन घनेरे हैं ।  
लालसा लगी रो रहै छिन छिन देखन की, रसना तिहारे जस रटत घनेरे हैं ॥  
दास कहैं दरशन दीजिये दया की सिन्धु, कोजिये निहाल लाल ठाड़े बल नेरे हैं ।  
कारे अनियारे कजरारे रतनारे राधे, चंचल चलाक ऐड़दार नैन तेरे हैं ॥

( ४५२ )

खज्जन खिजाने हार कानन सिधाने हेर, जलज लजाने किये अतिगन घेरे हैं ।  
भिक भहराने जल तल ही धराने रहें, तीक्ष्ण अनंग जी के सरगर गेरे हैं ॥  
दास कहें जेते हैं हिरन ताके जेर की ये, ललन नें सरी ये अनंद देन हेरे हैं ।  
कारे अनियारे कजरारे रतनारे राधे, चंचल चलाक ऐंडदार नैन तेरे हैं ॥

( ४५३ )

खज्जन खिस्थाने से लजाने गये कानन री, चंचलता हेर कें अवां की चाल हारे हैं ।  
भिक भहरानी सीसकानी रही जल तल, चीकनी चटकतान हेर अंग गारे हैं ॥  
दास नैक ताके जे छिदत नैन ताके जे, अनंग सर ताके ताते ताके अनियारे हैं ।  
कीने नंदनन्दन अधीन रस लीन राधे, चंचल चलाक चटकीले नैन ह्यारे हैं ॥

( ४५४ )

जंगी हैं हटौले हैं कटौले जंग जीतन की, नैक ही निहारे तें अनंग सरथाके हैं ।  
चंचल चलाक चटकीले हैं रंगीले छैल, छैल के छलैया हैं सनेह रस छाके हैं ॥  
दास कहें कंजन के खज्जन के गंजन हैं, रंजन धनी के हैं धरैया धीरता के हैं ।  
जाहिर जहान ऐंडदार अवां के भकि, करन गसा के ताके नैन राधिका के हैं ॥

( ४५६ )

डारे हैं डरे न कर जतन अनेक लीने, नैक ही निहारत घायल कर डारे हैं ।  
डारे हैं जलज गार केते सर सरतन के, खंजन खिस्थाने अलि केते जिय हारे हैं ॥  
हारे हैं हिरन हहराने भहराने भेके, दास कहें ग्यान लल कानन सिधारे हैं ।  
धारे हैं धरारे तीखे सान धरे अनियारे, नैन हैं कि तेरे जे अनंग के कटारे हैं ॥

\* नासा वर्णन \*

( ४५७ )

कीर गये कानन निहार कें निकाई नोकी, लाल नन्दलाल के निहारन की आसा है ।  
चीकनी चटकदार बिया की सिखासी खासी, हेर हेर दासी हेर हेरन हिरासा है ॥  
दास कहें धम्य करनी ये करता की ताकी, रची करताकी कहा जन्त्र ने निकासा है ।  
कीया रंग खासा फंत दिल की दिलासा, सवां आनंद की रासा आली राधिका की नासा है ॥

( ४५८ )

नासा है अली जे दास दासिन के त्रासन की, सवां हीं करत निज जनन के हांसा है ।  
हांसा है ये हेर हेर लाल नन्दलाल जी के, नैक ना निहारे छैल हाल ही निसासा है ॥  
रासा है री दास कहें अष्ट सिद्ध निद्रिन की, धीर की धरैया है करैया जस खासा है ।  
खासा है तेज मौका भलभलात रंन दिना, सहित अलंकृति श्रीराधिका की नासा है ॥

( ४५९ )

कंचन की बेली सी नवेली अलवेली चाल, गरब गहेली गजराज की नलठो है ।  
उन्नत उरोजन पं आंगी कति बांधी तागी, मानों काम जोवन को बटुआ समेटो है ॥  
लाल बलबीर बेनी पीठ पं झुलत मानों, कदली के पत्र नाग फिर ऐंठो ऐंठो है ।  
बेसर अमोल करं मुख पं किलोल मानों, चन्द रसवारी कीर चक्र लिये बंठो है ॥

( ४६० )

कारे मतवारे घुंघरारे हैं लछारे बार, नैन कजरारे लाग भरी है सनेह की ।  
चन्द सो मुखारविन्द भलकं अमन्द सदां, कनक लता सी छवि कहूँ कहा बेह की ॥  
लाल बलबीर लखे लोनी लखकीली लंक, केहरि के संग उर भूलै सुध गेह की ।  
सारी फुलवारी में भलक भलकत नीकी, बनंत बर्न न छवि बेसर के बेह की ॥

( ४६१ )

अतर अन्हाय साजे उभै दत आमूषण, सीस सीसफूल मन वेंदी भाल धर हैं ।  
गरं गुलीबन्द बाजूबन्द पहुँची हैं कर, छला कटि किकिनी की भनक मन रहें ॥  
लाल बलबीर पग पायजेव विछिया हैं, नौबी कटि किकिनी की भनर मनर हैं ।  
नासिका बुलाख मोती भूमि भुकि भोटा लेत, मानों रूप सिधु में सुहावनी लहर हैं ॥

( ४६२ )

कंधों रूप सागर की सीप हैं सुहौनी लोनी, तामें काम कारीगर किये छिद्र आन हैं ।  
तामें जातरूप के अनूप जुग धारे प्यारे, जागत जडाऊ नव रतनन की खान हैं ॥  
लाल बलबीर तेरे कानन तरीना राधे, रीभत गुपाल हेर सुखमा महान हैं ।  
सान भरी छूटी लट तिन पै भवुमी आन, सामल घटा में मनो छिपे उभै भान हैं ॥

• कपोल वर्णन •

( ४६३ )

जोबन महीपति की कंधों ये बिहार भूमि, कंधों चटकीले चाह मुकर अमोल हैं ।  
कनक लता में किधों बिकसे सुमन जुग, कोमल अमल भल सुखमा अतोल हैं ॥  
लाल बलबीर मनमोहन के मोहन हैं, जोहन करत लाल लेत मन मोल हैं ।  
गोरे गोरे गोल अरुनाई भरे राज तेरे, कंधों सुख साथे राधे नवल कपोल हैं ॥

( ४६४ )

भरे अनुराग प्रीति रंग में रंगे अभंग, मानों गरबीले छैल रन के अडोल हैं ।  
गहरे गुलाबी आबी चमकत आरसी से, पुरन अनी से ये गुलाब उर छोल हैं ॥  
लाल बलबीर जू के प्रानन के प्यारे भारे, रूप के उजारे उर करत किलोल हैं ।  
गोरे गोरे गोल गोल सुखमा अतोल राधे, कंधों सुख साथे तेरे नवल कपोल हैं ॥

( ४६५ )

कंधों रतिराज के खिलौना हैं खिलारी खूब, कनकलता में कं सरोज जुग सरसं ।  
जोबन जवाहर के सुते हैं खजाने किधों, रंक हग देखन की बेर बेर तरसं ॥  
लाल बलबीर बोले चाह भरे भलमलात, बेर बेर प्यारे कर फेर फेर हरयं ।  
गोरे गोरे गजब गहर भरे राजें गोल, प्यारी के कपोल ये गुलाब सम बरसं ॥

( ४६६ )

काम के बटा से खासे चमकत चाह भरे, अधिक उमाह भरे राजत अडोल हैं ।  
गेंदा से गुलाब से गहव गुल्लालान से, कमल से कोमल हैं अमल अतोल हैं ॥  
लाल बलबीर चल देखिये मुजान किधों, मखमली रतनन की डबिया अमोल हैं ।  
लेत मन मोल करं मुख पै किलोल कंसे, गोरे गोरे गोल गोल गोरी के कपोल हैं ॥

\* तिल वर्णन \*

( ४६७ )

कंधों रूप सागर में बिरुस्यो अस्ति कंज, कंधों विष्णुपदो माहि जंबु फल गिरघो आन ।  
कनक लता में अहि सिमट विराज्यो किधो, भ्रमर गुलाब मकरन्द पिये सुखदान ॥  
लाल बलबीर छवि निरखि लटु हैं भटु, सुखमा निहारन कौं रहें दृग हुलसान ।  
एरी गुन खान आन कोरति किशोरो तेरे, नवल कपोल पं अमोल तिल बीजमान ॥

( ४६८ )

जोवन नृपति ताको राजें दरवान किधो, किधो गंग बीच अलसी को पुष्प गेरो है ।  
आनन मयंक पर राजत कलंक किधो, किधो विधना की रोसनाई को उजेरो है ॥  
लाल बलबीर हेर मोहन मगन किधो, कनक पटी पं नीलमनि को बसेरो है ।  
कोरति कुमारी सुकमारी प्रानप्यारी किधो, गोरे से कपोल पं अमोल तिल तेरो है ॥

( ४६९ )

कंधों हिमगिरि पं विराज्यो आय श्याम घन, कंधों अलि कियो पंडरीक पं बसेरो है ।  
कंधों अहि मनि पं विराज्यो पूत पन्नग कौ, कंधों निशि तम कौ मुकर पर डेरो है ॥  
लाल बलबीर छवि देखत मगन भये, कंधों ये मयंक ने कुरंग कियो चेरो है ।  
कोरति किशोरो वितचोरो गोरी भोरो किधो, गोरे से कपोल पं अमोल तिल तेरो है ॥

\* अधर वर्णन \*

( ४७० )

मानिक मलीन किये चुध्री नग दीन किये, दाडिम दलैया हैं लजैया बिम्ब ही के हैं ।  
इन्द्र की वधू के गुंज हू के औ कसुंभ हू के, लोहित अमल जलजात गात फीके हैं ॥  
लाल बलबीर जू के चमकत चाह भरे, सुखमा अथाह भरे ऐसे ना रती के हैं ।  
पूरित अमी के पीके आनन्द करैया जी के, लाल लाल नीके ये अधर स्वामिनी के हैं ॥

( ४७१ )

मोतिन की हीरन की पन्ना पुखराजन की, लालन की लहसन की कांति परिहरी हैं ।  
बिंब की प्रवालन की लालन गुलालन की, बिस्व की ललाई लं इकर बिधु करी हैं ॥  
लाल बलबीर जू को मन हरबें कौं राधे, सबें सुख साज राज सौंज तुम भरी हैं ।  
ऊख की पिपूष की मपूष की मधुरताई, एती शुभताई अधरन माहि धरी हैं ॥

\* दसन वर्णन \*

( ४७२ )

जोवन उजारी प्यारी बंठी आन चित्रसारी, अंग सुकमारी साज जरी के बसन हैं ।  
नासिका सुठारी तामें बेसर हू मोरवारी, तंसी भूमकी में गजमोती की लसन हैं ॥  
लाल बलबीर अंग बाढी सुखमा अपारी, तंसी मन्द मन्द चारु हीरा सी हसन हैं ।  
खन्द से बदन में अमन्व छवि भलकत, देखीं प्रान प्यारे कंसे प्यारी के दसन हैं ॥

( ४७३ )

चंचल चपल एंडुदार मतवारे कारे, सेत लाल प्यारे नैन मैन मंद भरे हैं ।  
अधर रसाल लाल लाल सुधा पूर लाल, कमल गुलाब बिंब फल हू सों खरे हैं ॥  
लाल बलबीर चल देखिये गुपाल लाल, प्यारी जू के रदन अनूप ढार डरे हैं ।  
भेरे ज्ञान मोतिन की माल हीरा लाल मैन, जौहरी ने मानिक दिबा से खोल धरे हैं ॥

( ४७४ )

कंधों सिन्धुनन्दन के क्रीट सीस हीरन की, किधों उरगन की जमात पास ठरी हैं ।  
किधों वारिजात माहि कुन्द की कली हैं भली, कीमल अमल भलकत रूप भरी हैं ॥  
लाल बलबीर कंधों वसन की पांत राधे, देख उर भ्रांति लाल जू की मति हरी हैं ।  
मेरे जान मैं जड़ी बिद्रुम पटी में आन, बीन के नवीन नोंनी मोतिन की लरी हैं ॥

( ४७५ )

कंधों रूप सागर में कुन्दकी कली की भली, अवली सजी हैं सम सुखमा न आन है ।  
कंधों वारिजात माहि दाड़िम दरार थाय, छिप्यो अकुलाय कीर ही सों त्रास मान है ॥  
लाल बलबीर छवि निरखि निरानी आली, रोभे बनमाली छैल मोहन सुजान है ।  
प्यारी तो हंसन में वसन छवि देत ऐसे, बिद्रुम के बीच मनो हीरन की खान है ॥

• रसना वर्णन •

( ४७६ )

कंधों मनमोहन की मोहनी रची है विधि, निसरे अनूप बानी मानों अमी घुरी है ।  
सुनत सुजान कान्ह विवस भये हैं आन, मन हू में मैं ऊदीपन की अंकुरी है ॥  
लाल बलबीर हेर रसना तिहारी प्यारी, मेरे मन उपमा अनूप आन फुरी है ।  
श्रीधम की बात तें सकात बीरबधु तासों, लोहित कमल दल मध्य आय डुरी है ॥

• वाणी वर्णन •

( ४७७ )

मधुर मधुर मन्द मन्द बतराजी तथे, मानों तान मोहनी की बीन में बजाती हैं ।  
सुनि सुनि कानन में कानन में हास भरी, विसि विसि सुरभीन युधिका भजाती हैं ॥  
लाल बलबीर रोभे मोहन रसिक राय, समता न पाती हेर कोकिला अजाती हैं ।  
जाती है न मोसों कछु सुहमा बखानी राधे, तेरी सुन बानी बानी बानी की लजाती हैं ॥

• मुख-सुगन्ध वर्णन •

( ४७८ )

मन्द मन्द हंसत अमंद मुखचन्द ही तों, वारिज विकास की सुवास सरसाती हैं ।  
दिशि दिशि द्वार द्वार बीथी वज-मंडल में, अतुल अलण्ड राधे घटा बगराती हैं ॥  
लाल बलबीर सार कंतकी गुलाब जुही, कंबड़ा कदम्ब गुलदाबरी सकाती हैं ॥  
मोरछली मोतिया बमेली चंपा खस जुही, पानड़ी सुहाग एला बेला कौ लजाती हैं ॥

( ४७९ )

वाकी मुख देखे चौथ लागत कलंक अंक, याकी मुख देख टरे कोट जग फन्द है ।  
वदन निहार वाकी सुकृत हिराय जाय, इनको निहार बडे आनन्द की वृन्द है ॥  
लाल बलबीर एक ही तें छवि छीन वाकी, इनको प्रकाश जगमगत अमन्द है ।  
कोट कोट चन्दमुख मन्द होत याके आगे, देखो वजचन्द कैतो राधा मुखचन्द है ॥

( ४८० )

जाकी मुख देनी बेनी लहर लहर करे, चकित हूँ चिते जात चौकत फनिन्द है ।  
चंचल चपल अनियारे नैन मतवारे, ताके नौकभोंकन अनंग सर वन्द है ॥  
लाल बलबीर लोनी लफे लचकीली लंक, केहरि के संक दावे गवन गयंद है ।  
कोटि कोटि चन्द मुख चन्द होत जाके आगे, देखो वजचन्द कैतो राधा मुखचन्द है ॥

वाकी तो प्रकाश पुर पुरन निशा में होत, इनको प्रकाश सर्व दिवस निशा में है ।  
सौतलता वाकी ती प्रगट चार जामें याकी, सहित सुगन्ध सों प्रकाश आठ जामें है ॥  
लाल बलबीर वाकी बोज कौ प्रनामें याकी, चीबेहु भुवन करे निसि दिन प्रनामें है ।  
देखी नंदनन्द मुखकन्द वज्रचन्द प्यारे, राधा मुखचन्द की न चन्द समता में है ॥

( ४८२ )

कोऊ कहै स्वामिनी कौ बदन निशाकर सो, अङ्ग अङ्ग पातक अनेक बहु वामें है ।  
पुरन निशा ते कला दिन दिन छीन ताकी, जिनकी कला तो छिन छिन अधिकामें है ॥  
लाल बलबीर आस राहु की सतामें वाकी, रावरे ही प्रेम को हुलास बहु वामें है ।  
देखी नन्दनन्द मुखकन्द वज्रचन्द प्यारे, राधा मुखचन्द की न चन्द सनता में है ॥

( ४८३ )

गवन गयंद की गमाई गरुताई सबे, केहरि ते लंक हीन स्वामिनी घनेरो है ।  
बोलन हसन मुसिकन बितवन आगें, बृन्दारिक नारिन को वपं गार मेरो है ॥  
लाल बलबीर छबि देखिये सुजान प्यारे, जाके पद कंजत कौ भृङ्ग मन मेरो है ॥  
राधे के बदन मुख सदन अदन आगें, कमल कमल लागे चन्द होय चेरो है ॥

\* चिबुक-विन्दु वर्णन \*

( ४८४ )

सुखमा सरोवर में फूल्यौ बारिजात किधौ, हेत मकरन्द के भ्रमर वास कीनों है ।  
कंधौ रति रानी के मुकर पं अमोल गोल, राजत कनूका नीलमनि कौ नवीनों है ॥  
लाल बलबीर राजें सुखमा अगाधे राधे, कंधौ विधि बसोकरन जन्त्र लिख दीनों है ।  
सुन्दर अमोल करे नथ सों किलोल तेरे, चिबुक के बिन्दु ने गोविन्द बस कोनों है ॥

( ४८५ )

कंधौ चतुरानन करी है चतुराई चारु, जाकी छबि हेर फेर लगे जक्त फीकी है ।  
सहित सुवास को सरीर है सुभग कंधौ, कंधौ आय बँठयो धाय चँटुआ अली को है ॥  
लाल बलबीर मंजुताई श्यामताई आगें, नीलमनि नीकी है न पुष्प अलसी की है ।  
देखी नन्दनन्द मुखकन्द वज्रचन्द कँतो, चिबुक को बिन्दु वृषभानुनन्दनी को है ॥

\* चिबुक वर्णन \*

( ४८६ )

सुन्दर सुहार तेरी चिबुक कुमारि राधे, प्यारे वज्रराज कौ दिवैया है अनन्द की ।  
बारौ री गुलाब वे रसाल फल सों बिताल, एरी प्रतिपाल ये परैया प्रेम फन्द की ॥  
लेत रस सार चारु सदां ही अधार है ये, लाल बलबीर जू के कर अरविन्द की ।  
सुखमा अमंद उर करत विचार बुद, आनन्द कौ कंद कँ सिरौ है मुखचन्द की ॥

\* श्रीवा वर्णन \*

( ४८७ )

कंधौ रूप सागर में फूल्यौ बारिजात ताकी, सुन्दर सुहावनी मृनाल मुख दीया है ।  
कंधौ मनमोहन सुजान प्रान प्रीतम की, भुज की अनूप रूप सेज-मुख सीया है ॥  
हारे कंबु हेर री सकल बंध दूर कीने, कीने बस लाल बलबीर प्रान जीवा है ।  
जीवा मोहिबे की कोटि सुखमा धरीवा प्यारी, कंधौ सुकमारी राधे रावरी ये श्रीवा है ॥

( ४८८ )

कीरति कुमारी सुकमारी प्रानप्यारी तेरो, सुन्दर अमल मुखचन्द ते उजाला री ।  
सुन सुन बानी बानी रानी की लजानी रानी, कोकिला सकानी सुन भयो तन काला री ॥  
लाल बलबीर मनमोहन जगत की री, सोऊ देख मोह्यो अङ्ग सुलमा विशाला री ।  
राजत जड़ाऊ तेरे हार गरं रतनन कौ, कंचन लता में मनी जगी दीपमाला री ॥

• पीठ वर्णन •

( ४८९ )

कंधों सुरलोक की बनी हैं ये सुघाट बाट, हेर हेर आभा कलधौत की विलाती है ।  
कंधों रूप भूप के भवन की दीवाल दीह, बेत सुख जीय बिजु ही सी वमदमाली है ॥  
लाल बलबीर किये मुकुर मलिन बीन, मुखमा अपार हेर उपमा लजाती है ।  
कीरति कुमारी सुकमारी प्रान प्यारी किधों, जाबूगर पीठ बीठ लाल की चुराती है ॥

• भुजा वर्णन •

( ४९० )

कंधों मनमोहन के अंसन की भूषण है, वूषण हरंया प्रेम मदन विकासनी ।  
कंधों रूप लतिका में प्रघटी अनूप बेल, एक रंगरेल मेल परभा प्रकाशनी ॥  
लाल बलबीर दासी कोक की कला सी खासी, रहत हुलासनी सनेह जाल फांसनी ।  
प्रीतम पिया के तन मन कौ लपेटें लेत, मुख की सकेत तेरी भुज मुख रासनी ॥

( ४९१ )

बदन मधक राजें हीरा सी हेसन छाजें, दशन की पांति नौकी मुक्तन माल सी ।  
सुधा सम बोल हैं गुलाब से कपोल गोल, लोचन बिलोल श्याम बंनो बनी ब्याल सी ॥  
लाल बलबीर प्यारी अंगन की छवि न्यारी, अमित उजारी नव रत्नन की माल सी ।  
नाभी रस ताल पग परभा प्रवाल सी है, कुच फल ताल सी हैं भुज हैं मनाल सी ॥

• करतल वर्णन •

( ४९२ )

प्यारी जू के करतल लालन निहारो चल, लोहित अमल मखमल हू सो खरी है ।  
रेखा शुभ सोहत छबोली छवि मोहनी है, जोहत ही कहोगे अतुल सुख भरी है ॥  
तामें बहु राजत अमन्द मंहदी के बुन्द, उर बलबीर उपमा की बेलि फुरी है ।  
आलस बलित इन्द्रबधु के बिराजे बुन्द, सैन हेत मानी सेज पंकज की करी है ॥

( ४९३ )

प्यारी जू के कोमल कमल से करन माहि, पृष्ठ मूल सुखमा अतुल है मनीन की ।  
दश नख चन्दन की मंहदी के बुन्दन की, प्रगटी अमन्द प्रभा उपमा मलीन की ॥  
लाल बलबीर हेर छिन में अधीर ह्वं हौ, भूल जंहो सुध तन मन बेनु बीन की ।  
आरसी छलान की छबोली छवि हेर हेर, लाल अंगुरीन की जड़ाऊ मुदरीन की ॥

• कुच वर्णन •

( ४९४ )

किधों काम भूप के खिलीना जुग लोना सोना, उमग उठोना रति रंगबीर नेरे हैं ।  
श्री फल अनार मठ उलटे नगार कुंभ, संतरा सुरंगन के दपं गार नेरे हैं ॥  
लाल बलबीर जू नें जब ही सों हेरे, तब ही सों ए मुजान जू के भये हग चेरे हैं ।  
एरी सुकमारी वृषभान की दुलारी प्यारी, बसीकन टोना ये उरोज जुग तेरे हैं ॥



( ४६५ )

कंचन कलश किधौ अमल प्रकाशित हैं, जुगल समान ये अमी सों भर राखे हैं ।  
कंधौ रति रानी मैन भूप के रिभायवे कौ, सुघड़ सलोना ये खिलौना घर राखे हैं ॥  
लाल बलबीर किधौ जोवन खिलारी बंस, पिजरा में चकवा के बाल ढर राखे हैं ।  
प्यारी श्याम कंचुकी में उमगे उरोज तेरे, इनने विहारी कौ बस कर राखे हैं ॥

( ४६६ )

कंधौ हेम कलश पीयूष भरे सोभित हैं, कंधौ फल ताल के सुहार ये सुहाने हैं ।  
कंधौ हैं अनार किधौ संतरा बहारदार, रचे करतार ढार चकवा लजाने हैं ॥  
लाल बलबीर किधौ उरज कठोर जोर, इनकौ बिलोकि राखे मोहन सुभाने हैं ।  
कंधौ काम भूप बसे रूप बाटिका में आय, मुख बनात के सिमाने दोष ताने हैं ॥

( ४६७ )

कंधौ प्रानप्यारी जू के उरज अतोल गोल, कनक लता के फल सुन्दर सुहाने हैं ।  
कंधौ प्रान प्रीतम खिलारी की जुगल गँद, जिनँ हेर हेर कँ अनन्द मन माने हैं ॥  
लाल बलबीर कंधौ चकवा घटकदार, कूही कौ बिलोक और दौर आ दुराने हैं ।  
कंधौ काम भूप बसे रूप बाटिका में आय, मुख बनात के सिमाने दोष ताने हैं ॥

• रोमराजी वर्णन •

( ४६८ )

कंधौ नाभि कूप तें निकरि कं पै पान हेल, कंचन कलस सौं पिपील पाँति भाजी है ।  
कंधौ रूपसागर में लहरें उठत तामें, कंत मन बाट परवे कौ नाव ताजी है ॥  
कंधौ छुबि भूपति की सेज पै सिंगार रेख, इन्हें देख नैनन की गति मति भाजी है ।  
भये लाल राजी मुख साजी है उदर पर, कंधौ प्रानप्यारी ये तिहारी रोमराजी है ॥

• त्रिवली वर्णन •

( ४६९ )

कंधौ रूप सागर में नागरि नवेली लौनी, परम सुहौनी ये लहर मुखकारी है ।  
कंधौ पिय नैनन की वीथी ये अनूप सोहै, सुखमा अपार सर्व उपमा लजारी है ॥  
लाल बलबीर मनमोहन मगन भये, तनक निहारी तन सुधि लं बिसारी है ।  
ये री सुकमारी मुखचन्द उजियारी किधौ, कोमल उदर पर त्रिवली तिहारी है ॥

( ५०० )

गोरी गरबीली तेरी गवन गरुर भरघो, तहन गर्वदन कौ मन मद भरघो है ।  
चन्द तें अमन्द मुख परभा प्रकाशित है, अङ्ग अङ्ग मानो सर्व साँवे ही में ढरघो है ॥  
लाल बलबीर मनमोहन सुजान कान्ह, बस कर राखे भाल भूरि भाग भरघो है ।  
एक पेच परे कोऊ निसरें जतन मन, ललन त्रिभंगी तेरी त्रिवली में परघो है ॥

• उदर वर्णन •

( ५०१ )

कंधौ प्रेम भूप के विराजन की थली भली, कंधौ रंगरली अली मुखमा सहेट है ।  
कंधौ रूप बँधो रोम राजी कर सक्ति लिये, नाभि सर जंत्रन कौ मालन चपेट है ॥  
लाल बलबीर चामीकर सौ चमकँ चारु, चीकनों परम नवनीत को लपेट है ।  
कमल गुलाब मखमल सो नरम लाल, मन कौ लपेट लेत प्यारी तेरो पेट है ॥

• नाभी वर्णन •

( ५०२ )

कंधी रूप चोर की गुफा है बिमला है भली, कंधी मोहनी नें ये सुघाट बाट करी है ।  
जोवन भवन की बुआर दोह कंधी यह, सुखमा अमंद उपमा की वृत्ति हरी है ॥  
लाल बलबीर नेहो नेहू को अग्हावन कौं, सरस मुहावनो सिंगार रस भरी है ।  
नागर मवेसी अलबेली रंगरेली तेरी, कंधी सर नाभी लाल मान मन हरी है ॥

• लंक वर्णन •

( ५०३ )

कोऊ कहै लंक है कि जंत्र मन मोहनी कौं, कोऊ कहै विद्या वर जादूगर भरी है ।  
कोऊ कहै वार सी सिवार सी है तार सी है, कोऊ कहै नृपति अनंग कर छरी है ॥  
लाल बलबीर मेरे जान अनुमान ये ही, केहरि गुमान रागबे कौं बिधि करी है ।  
गोरी तेरी कमर कुमर वजराज हेर, धीन अति शंक उर लालन की परी है ॥

• जघन वर्णन •

( ५०४ )

कंधी मनमोहन के आलय जुगल थंभ, कंधी रंभ तर उलटारे लाय घरे हैं ।  
गोरे गोरे चौकने चमक चार चपला से, कोमल अमल मंजु सुखमा सों भरे हैं ॥  
लाल बलबीर जू के मन के हरैया रूप-जाल के परैया छैल हाल बस करे हैं ।  
गोरी तेरे जघ जंग जीतत अनंग रंग, प्रीति ही के रंग जुग सांचे द्वार द्वारे हैं ॥

• गुल्फ वर्णन •

( ५०५ )

गोरे गोरे गोल गोल गजब गरुर भरे, तूर भरे नाजूक निहार नैन ललकें ।  
चरन कमल ही के संग ही जनम लीने, छैल बस कीने भूल लागत न पलकें ॥  
लाल बलबीर वीर बांके रनधीर केते, उपमा अधीर करी लुंज दलमलकें ।  
कीरति किशोरी चित चोरी श्याम रंग बोरी, गोरी तेरे गुल्फ गुलाब सम भलकें ॥

( ५०६ )

आनन है चन्द सो गयंड सों गवन मन्द, बंती है फनिन्द पधगी सी चार अलकें ।  
भृकुटी पिनाक मुक की सी है सुझार नाक, मैन सर आंख औ पटा सी चार पलकें ॥  
लाल बलबीर राजें कुन्द से बसन हेर, सुधा सी हसन लालजी को मन ललकें ।  
कीरति किशोरी चित चोरी श्याम रंग बोरी, गोरी तेरे गुल्फ गुलाब सम भलकें ॥

• नूपुर वर्णन •

( ५०७ )

नूपुर अनूप रूप जलरूप गाजें साजें, भुनर मुनर हेर रागनियां लाजें हैं ।  
कोमल चरन पुंडरीक के बरन तामें, भूवन अगन मन मानिक के राजें हैं ॥  
लाल बलबीर बाही सुखमा अगाधे राधे, देख उर भ्रांति कांति दामिनियां लाजें हैं ।  
त्रिभुवन जीत के उद्याह की उमंग मनो, मदन महीप जू की दुंदुनियां बाजें हैं ॥

( ५०८ )

कोमल अमल मंजु कज्ज से चरन तामें, अष्टादश नूपुर अनूप जुग साजे बाल ।  
जगर मगर जोत फैल रही चारों ओर, जटित जवाहर अमोल नग हीरा लाल ॥  
लाल बलबीर ये रसोले मन्द मन्द बाजें, इनकौं निहार हारें राग रागनी के जाल ।  
कीरति कुमारी वृषभान को दुलारी प्यारी, छवि कौं निहार त्यारी रोभ रहे नवलाल ॥

( ५०६ )

जव चक्र रेखा धुजा कमल पहीप लता, अंकुश बलय इन्दु छत्र के धरन हैं ।  
मोन रथ परबत गदा सक्ति संख बेदी, कुंडल अनूप बेदी पी मन हरन हैं ॥  
लाल बलबीर गुन गावं ध्यान लावं सदा, रसिक प्रवीनन के उर आभरन हैं ।  
आनंद करन जन भ्रमना हरन बन्धों, नव दस चिह्न जुत राधे के चरन हैं ॥

( ५१० )

जो पं अरविन्द से बताऊं वृषभानुजा के, सकुच निशा में तन कंटक धरन हैं ।  
विद्रुम चुनीन मन मानिक बताऊं जड़, कहा मृकुताई पाई सौरभ भरन हैं ॥  
लाल बलबीर नख चन्द से बताऊं जो पं, दिवस मलीन बहु कालिमा भरन हैं ।  
उपमा न आवं सम कोऊ दस चार लोक, राधे के चरन ऐसे राधे के चरन हैं ॥

\* विछिया वर्णन \*

( ५११ )

राधे के चरण जलजात के वरन तामें, भूषन अगन मन मानिक के राजे हैं ।  
दाड़िम कली सों भली आंगुरी अंगूठन में, दस नखचन्द्र देख चन्द दुती लाजे हैं ॥  
लाल बलबीर चामीकरके चमकं चारु, विछिया भनजू भीने भीने सुर गाजे हैं ।  
मेरे जान मदन महीप जू के द्वार आली, बसोकन दुंदुभी रसीली आज बाजे हैं ॥

\* नख वर्णन \*

( ५१२ )

कनक लता में किधों विकसे नवीन पुष्प, अमल अनूप राजे परभा बिलन्द की ।  
विद्रुम पटीन में जटी हैं किधों हीर कनी, दाड़िम कली में प्रभा उदुगन वृन्द की ॥  
लाल बलबीर मति पांगुरी भई है राधे, कंधों आंगुरीन नख छबि है आनंद की ।  
कंधों वारिजात के दलन पं अमल भल, अवली विराजी आय कंधों चारु चन्द की ॥

\* एड़ी वर्णन \*

( ५१३ )

दाड़िम प्रसून हू की किमुक कसूम हू की, इन्द्र की बधून हू की परभा लजेरी हैं ।  
कमल गुलाब हू की मानिक प्रवाल हू की, बिब औ गुलाब हू की दुति गार मेरी हैं ॥  
लाल बलबीर जपा जावक मजोठ हू की, इंगुर सिन्दूर हू की भई गति चेरी है ।  
देखी नन्दलाल चलि लाइली लडंती जू की, एड़ी नग जाल लाल हू ते लाल हेरी हैं ॥

( ५१४ )

कंधों तन मन्दिर के आभा चढवे की सीढ़ी, मानिक चुनीन गुंज हू की दुति थाकी हैं ।  
कंधों रजोगुन की जुरी हैं आय रास खास, पुरट घटा में किधों चंचला चमाकी हैं ॥  
कमल गुलाब इन्द्रबधू के वरन मंद, भये भदरंग हेर मुखमा अदा की हैं ।  
डांकी हैं त्रिलोक की निकाई बलबीर देखी, कंसी मुकमार लाल एड़ी राधिका की हैं ॥

( ५१५ )

मंजुल चरन नवनीत के वरन हरे, मुखमा नवीन जल जातन की जोरी की ।  
विमल अंगुली नख चंद ते अमन्द राजे, हीरा मुत्ता उदुगन रस दुति थोरी की ॥  
लाल बलबीर पायजेब जेब वारिजात, रूप की भनकें हैं रसीली बित चोरी की ।  
देखी नन्दलाल तब हू ही जू निहाल हाल, मानिक प्रवाल हू सों एड़ी लाल गोरी की ॥

• सर्वांग वर्णन •

( ५१६ )

कोमल अमल भल राजत जुगल कंज, कंज पर कदली अनूप छवि छाती हैं ।  
कदली पै केहरि सरोवर कपोत बोध, तापर मुनाल कंबु विम्ब भलकाती हैं ॥  
विम्ब पर कुंदकली तापै सुक राजत हैं, तापै सीस मीन धनु बंक दरसाती हैं ।  
तापै तसि लाल बिलबीर अहं सोहत हैं, तापर कनिन्द नारि भूमि भोटा खाती हैं ॥

( ५१७ )

बन सटकारी भाल केदार की खौर धारी, आखें कजरारी नथ नासा भलकारी हैं ।  
सीप से करन वारी विष अधरन वारी, कंठ पचलरी भुज बलया मुदारी हैं ॥  
देखी बलबीर जू नवीन उरजन वारी, नाभि सर वारी छीन लंक सुकुमारी हैं ।  
जंघें तह रंभ वारी गवन गयंद वारी, पग अरविन्द वारी कीरति दुलारी हैं ॥

( ५१८ )

लाल बलबीर वृषभान की किशोरी जू के, सौरभ समूह अंग अंगन लें बरसैं ।  
घेरदार घांधरो सुरंगी पचरंगी जंगी, तंगी कुच कंबुकी नरंगी कसी करसैं ॥  
सारी नील सीस धारी जरी की किनारीदार, तामें मुख मुखमा अनूप हेर सरसैं ।  
सामल घटा में चाह चंचला चमकें मनौं, तामें पूर चन्द्रमा अमंद आज दरसैं ॥

• सुकुमारता वर्णन •

( ५१९ )

विपिन विलोकन की प्रीतम के संग आई, अचक अचक प्यारी पगन धरत हैं ।  
लचकि लचकि जाय कच कुच भारन लें, लंक मुख मोर मोर सिसकी भरत हैं ॥  
लाल बलबीर सुकुमारी रूप उजियारी, रंभा रतनारन की गुरुता हरत हैं ।  
जित मग दरत परत छवि जाल हाल, तित तित छिति द्रुति लोपित करत हैं ॥

• महल वर्णन •

( ५२० )

उज्जल मृदुल मंजु मंडित मुकुर वृन्द, हीरन खचित कल कुरसी मुसाजे हैं ।  
अरुन हरित नील पीत पाये मन भाये, टोटे छात छुज्जे मनि मानिक के भाजे हैं ॥  
परदे जरी के द्वार चांदनी चंदोबा चारु, भालर भमंक देख रवि द्रुति लाजे हैं ।  
विद्रुम पलंग मखमल की विद्यात तापै, लाल बलबीर श्रीकिशोरीजू विराजे हैं ॥

( ५२१ )

अतर लगाऊं हलसाऊं श्रीकिशोरीजू के, सीतल सुगंध नीर ही सौं लं ग्हाऊं में ।  
बसन नवीन पहिराऊं अङ्ग अङ्गन में, सुमन समूह कच कबरी गुथाऊं में ॥  
सीस फूल चंदनी करनफूल भूमकान, चंद्रिका मनीन भाल बंन लें सजाऊं में ।  
बीरी लें पवाऊं पद पंकज में सीस नाऊं, लाल बलबीर वासी तबही कहाऊं में ॥

( ५२२ )

बदी मनि बेसर चिबुक नील कन वृन्द, कंज से द्रगन माहि अङ्गन अंजाऊं में ।  
भूमर भमंक मनि पुरट सजाऊं कंठ, जब मुक्त पुष्पन की माल पहिराऊं में ॥  
हीर हार चंद हार पद्मन हमेल चाह, कंदुकी जरी की नीकी उरन धराऊं में ।  
बीरी लें पवाऊं पद पंकज में सीस नाऊं, लाल बलबीर वासी तब ही कहाऊं में ॥

( ५२३ )

श्रीवन निकुंजन में प्रीतम के संग प्यारी, चाह भरी दीन जान दरस दिलाओगी ।  
माल गुहि लाऊँ पहिराऊँ हरघाऊँ तबे, निज कर पल्लव कौ सीस पै धराओगी ॥  
'नीर भरि लावौ रो पिवावौ हमें आय घाय', लाल बलबीर दासी टेर यों बुलाओगी ।  
और कौन मेरो तेरो चेरो हौं मैं गोरी भोरी, हा हा श्रीकिशोरी मोहि कब अपनाओगी ॥

( ५२४ )

श्री रंगदेवी अब मैं सरन तिहारी आई, दीन जानि आप दृष्टि कृपा को ठरीजिये ।  
कुटिल कुबुद्धिनी मलीन हौं अधीन हौं मैं, दया की निधान नहीं आगुन मनीजिये ॥  
लाल बलबीर दासी जानिये चरन ही को, बिनती करत मेरो एतौ आज कीजिये ।  
श्रीवन विहारिनी विहारी के निकुंज माहि, एहो सुख पुंज जू दहल माहि लीजिये ॥

( ५२५ )

चाहे कीर कोकिला कपोत कर सारस तें, चाहें मुख चन्द की चकोरी लै बनाइये ।  
चाहे कर लता द्रुम फल फूल पल्लव तें, मधुकर चाहें केकी दया दृष्टि लाइये ॥  
लाल बलबीर दासी दीन है विचारो आप, कीजिये जरूर यहाँ जोई मन भाइये ।  
जंते बने तैंसे कदना निधान स्वामिनी जू, हा हा श्रीकिशोरी मोहि श्रीवन बसाइये ॥

( ५२६ )

हा हा रंगदेवी जू सुदेवी हा हा ललिते जू, हा हा श्रीविशाले जू सुनौ हो टेर सुबरास ।  
हा हा चंपकलते जू हा हा चित्रा तुंगविद्य, हा हा इन्दुलेखा तुम प्यारी पिय रहौ पास ॥  
लाल बलबीर दासी दीन है दया को राशि, तुम पद पदम की है मन मलिन्य आस ।  
कदना निधान गुन आगरि उजागरि जू, हा हा मिलि सब मोहि दीजिये निकुंज वास ॥

( ५२७ )

परम दयाल दूजी आप सी न वीसें और, एहो सिरमौर पदपद्म सिरनाऊँ मैं ।  
लाड़िली लला की मन भावनी रिभावनी हो, गुनन अथाह सिन्धु याह किमि पाऊँ मैं ॥  
अति मति होन दीन बावरी हौं स्वामिनी जू, एहौ कृष्ण अली बेरो रावरी कहाऊँ मैं ।  
श्री वन निकुंजन में दीजिये निवास सबों, लाल बलबीर राधा राधा गुन गाऊँ मैं ॥

श्री रंगदेवी की सखी, कृष्ण अली सु सुजान ।

तिनहि कृपा सिखनख कह्यौ, अपनी मति अनुमान ॥५२८॥

ढीठो ह्वै कष्टु इक कह्यौ, तौऊ युक्ति मिलाय ।

पिय प्यारी की रस सुजस, रसिकन हिये सुचाय ॥५२९॥

यह रस सिन्धु अगाध है, मो मति अति लघु मोन ।

रसिक अनग्यन मुख सुन्यों, सोई यह लिख लीन ॥५३०॥

• श्रीराधा शतक •

1 35

• कुण्डलिया •

( ५३१ )

श्रद्धा हीन औ करमठी, जानिन तें जिन बोल ।  
सखी भाव बासी विपुन, तिनहीं सों यह खोल ॥  
तिनहीं सों यह खोल, होय राधा पद दासी ।  
बिलसौ हिलमिल कहा, लहौ रस सिंधु बिलासी ॥  
कुण्ड अली कौ गहौ, मिटै जग की सब बाधा ।  
निसकै करिकै रदौ, कहौ गुन राधा राधा ॥

• दोहा •

निशि पति गृह अरु वेद ऋषि, संवत श्रेष्ठहि जान ।  
फागुन कुण्डा तृतीय गुरु, शिख नख कियो बखान ॥५३२॥

• नखशिख वर्णन •

• दोहा •

श्रीराधे नन्दलाल की, चरण रेणु सिरधार ।  
चित चाहे कारज सरें, करै सकल अघ छार ॥५३३॥  
जै जै श्री रासेश्वरी, बिनै सुनौ चित लाय ।  
कष्ट छबि बरनन चहत हौं, कीजै आप सहाय ॥५३४॥

• चरण रज वर्णन •

• संवैया •

( ५३५ )

कामन निहार आई रतिक रसीले संग, रसिक रसीली अङ्ग अङ्ग हरषाती हैं ।  
कनक लता सी खासी कर कान्ह अंस धरे, रति नेह धरें नैन लीरन चलाती हैं ॥  
देख देख आली रो निराली कांति आज हाली, हीरन जटित अलंकारन सजाती हैं ।  
राधिका रंगीली की चरन रज अंचल तें, भार भार दासी निज आनन लगाती हैं ॥

( ५३६ )

इनहीं की ध्यान नित करे सनकादिक से, सेस जी की रसना सर्दा ही जस गाती हैं ।  
संकर से ज्ञानी रिषि मारद से आदि जेते, दरस करन हेत गिरा ललचाती हैं ॥  
दास कहै नन्दलाल साङ्गिले सजीले जी की, अखियाँ रसीली हेर हेर हरषाती हैं ।  
राधिका रंगीली की चरन रज अंचल तें, भार भार दासी निज आनन लगाती हैं ॥

• चरण वर्णन •

( ५३७ )

राजत रंगीले लाल लाल के रिभैया छैल, जक्त जस छैया असरन के सरन हैं ।  
दश नख चंदन की कांति है अनंदन की, सरद कलाधर की कला के हरन हैं ॥  
कंचन जटित हीर भांभन भ्रमकत हैं, चलन रसीली गति करी की बरन हैं ।  
दास कहै हरन कलेस जाल हाल राधे, कचना निधान री तिहारे ये चरन हैं ॥

( ५३८ )

करत इन्हीं कौ ध्यान ईस सनकादिक से, ररं जस संत केते भाँभ लं करन हैं ।  
हिये हरघाते सिरनाते आय धाय धाय, कहत इही जी कल कंटक हरन हैं ॥  
लाड़िले रसिक छँल लाड़िली बयानिधि ये, लाल नंदलाल हिये धोरज धरन हैं ।  
दास चित्त आलं हैं करत हैं निहालं हालं, सदां ही दयालं राधे तेरे ये चरन हैं ॥

• एड़ी वर्णन •

( ५३९ )

चीकनी चटकदार नारंगी करी हैं छार, इनकी सजीली काँति राजत धनेरी हैं ।  
कड़े छड़े साँठ कल भाँभन भनंकत हैं, कंचन जटित हीर जेहर तरेरी हैं ॥  
दास कहें वीरघ कला की छटा राजत हैं, हेरत अलीन की है रही दृष्टि चेरी हैं ।  
कीने नंदनन्दन अधीन रस लीन राधे, एड़ी नग जान लाल हू तं लाल तेरी हैं ॥

( ५४० )

नागर रसिक छँल आनन भलक आगे, सरद कलाधर की कलागन चेरी हैं ।  
चलन अदां की कल ताकी है न ऐसी कहीं, तरुन गयंदनि की गति गार मेरी हैं ॥  
दास कहें तेरे अङ्ग अङ्ग की निकाई नोकी, गिरिजा गिरा तें तड़ता ते रो धनेरी हैं ।  
कीने नंदनन्दन अधीन रस लीन राधे, एड़ी नग जाल लाल हू तें लाल तेरी हैं ॥

• नख वर्णन •

( ५४१ )

नख हैं जलद काँति हीरा गण की ये सान, इनकी निकाई हरघत अली लख हैं ।  
लख हैं न निद्र तारे केते दर डारे ससि, भलकन हारे कहा अहंकार रख हैं ॥  
रख हैं रंगीले आस हिये जे अनंद रास, छिनक न टारे नंदलालन के चख हैं ।  
चख हैं तरे की रज दास वासी रसना तें, धीरज धरन राधाचरन के नख हैं ॥

( ५४२ )

चन्द ते चटकदार राजत सजीले सेत, जलज लजाय जल गिरे खाय सक हैं ।  
आनन्द करंघा हैं धरंघा तन धीरज के, छिन छिन इन्हीं की काँति लाल लख हैं ॥  
दास कहें लाड़िली रंगीली अरी राधिका जू, इन्हीं की लालसा सदां ही छँल रख हैं ।  
ढक हैं दिनन्द भलकन हीरा थक हैं री, सरस सजीले तेरे चरन के नख हैं ॥

• जेहर वर्णन •

( ५४३ )

हीरन जटित कल कंचन की राजत हैं, जड़िया अनंग जाल सजल सजाये हैं ।  
जग्जगात कली कली सहस्र कला की छला, सरद ससी के नीके जस ले गराये हैं ॥  
दास कहें लाड़िली रंगीली राधिका जी हेर, हेर हेर आलिन के नंग लें सिराये हैं ।  
जेहर निहारे जन रीभत सकल तेरी, जे हर चरन कीने जे हर रिभाये हैं ॥

( ५४४ )

रची रस सार करतार री रंगीली राधे, आनन निहार ससी सरद लजाये हैं ॥  
हँसन दसन गत चंचला डसन कल, चलन अदां की तें गयंद सिर नाये हैं ॥  
दास कहें तेरे अंग अंग की निकाई आगे, गिरा गिरिजा सी दासी रती तननाये हैं ।  
जेहर निहार जन रीभत सकल तेरी, जेहर चरन कीने जे हर रिभाये हैं ॥

• जघन वर्णन •

( ५४५ )

चलन गयंद की लजाई चाल हाल कटि, केहरी ते छीन लचकीली री घनेरी हैं ।  
कंज कलिका सी छासी दसन कतार राधे, जलज करी हूँ रहीं री हेर चेरी हैं ॥  
दास कहें एरी ये सजीली घाघरे से धिरीं, टारत न दृष्टि छैन ताछिन तें हेर हैं ।  
कीने नद नन्दन अधीन रसलीन आली, चीकनी चटकदार जंघे यह तेरी हैं ॥

( ५४६ )

राजत सजीली करी गात तें टरोली चट-कीली ये रंगीली करता नें रच दीनी हैं ।  
रति रंग छाकी सजें दीरघ अदां की नेक, नन्दलाल ताकां ताकी दृष्टि जिन छिनी हैं ॥  
दास कहें ताछिन तें धीर न धरानी छिन, छिन हहरात हित हेरन अधीनी हैं ।  
कीनी हैं सरस चतुराई चित चाही इन, जरीदार घाघरे तें जघे डांक लीनी हैं ॥

( ५४७ )

रची करतार ये सिगार रस सार राज, कांति की अगार गत करी की हरो की है ।  
छेल नन्दलाल जी के चित की हरेया दीह, जालन गिरंया री कहा ये जंत्र सीकी है ॥  
दास कहें अबल निहारें हग टारें नाहि, छिनक निहारे दृष्टि ऐसी डीठ की की है ।  
सरस सजीली सार सचि सी डरोली आली, कंसी लचकीली लंक कोरति लती की है ॥

( ५४८ )

खेलत ललन संग खेल रसरेल अति, लचलच जात चित तनक न संक है ।  
चौर जरीदारन ते हीरन के हारन तें, तीजें केस धारन तें ऐसी चित रंक है ॥  
दास कहें यकी कहा कहिये निकार्ड अली, अति ही सजीली राजें चार की सी अङ्कु है ।  
रची करतार राधे सचि की सी डार राजें, कांति की अगार कंसी छीन करी लंक है ॥

( ५४९ )

जलज की नालन तें राजें सटकारी दीह, सरस सजीली ये करत भलभल हैं ।  
कंकन कनक छन हीरन के साजत हैं, कांति के अगार छटा ससि ही की दल हैं ॥  
दास कहें बैसी आरसी है करजन छला, हेर हेर अली दृष्टि छिनक न टल हैं ।  
कीजिये दरस चित हरष करेया लाल, कैसे लाल लाल लाड़िली के करतल हैं ॥

• हार वर्णन •

( ५५० )

लाई अली कानन तें धेतकी कनेर जुही, चांदनी चटकदार कली रस सार हैं ।  
नरगिस गेंदा गेंदी हार री सिगार साज, सरस सजीले अति कांति के अगार हैं ॥  
दास कहें रचत रंगीली चित चातुरी तें, नील सेत लाल ले लगाये एक डार हैं ।  
दरस हरष लाई लाड़िली लड़तीजी के, लालन ललकि कें सजाये कठ हार हैं ॥

• मुख वर्णन •

( ५५१ )

कनक लता सी लचकत लंक दीह छासी, कांति की घटा सी करता नें रचो छन्द है ।  
नेह रंग छाकी जाकी अँखियां अदां की सदां, इनही के हेरत रिभाने नेंदनन्द है ॥  
दास कहें रति की गिरा की हैं न गिरिजा की, सरस निकार्ड आली आनंद की कन्द है ।  
राधिका रंगीली जी के आनन के आगें बैया, दीन है री देख देख राका निसि चन्द है ॥



\* व्रजविनोद \*

\* अघर वर्णन \*

( ५५२ )

रसिक रसीलीजी के आनन के आगे आज, सरद कलाधर की कान्ति दीह डर है ।  
कारे रतनारे नैन चंचल हैं अनियारे, खंजन जलज अहिपारी सर सर है ॥  
वसन गसन दरसन बिहसन आगे, दास कहैं चंचला चटक गतिहर है ।  
देख नन्दलाल दृग कीजिए निहाल हाल, कैसे लाल लाल लली राधे के अघर है ॥

\* दशन वर्णन \*

( ५५३ )

काके हैं भलकदार आली देखिये से दीह, हेर हेर इन चंचला के गन थाके है ।  
थाके हैं अनंत जस गाय गाय नेत नेत, कंज की कलीन के दरैया छेल ताके है ॥  
ताके हैं न ऐसे हेली जलज लरी के दल, दास कहैं सवां चित हरत लला के है ।  
लाके हैं दिखाय दीर्ज हैं न दश चार देस, सरस सजीले री दशन राधिके के है ॥

( ५५४ )

ऐंठदार आनन तें भलकत रैन दिना, जलज लरीन की निकई के दसन है ।  
कंज की कलीन तें रंगीले राजे दास कहैं, जिनकी भलक आगे सरद सति न है ॥  
रसना रसीली रस कहत हंसत चित, लाल की रिभैया दीह हीरा सी हसन है ।  
देख देख आली नैन कीजिये निहाली कैसे, सरस सजीले तेत राधे के दसन है ॥

\* नासिका वर्णन \*

( ५५५ )

राधिका रंगीलीजी के अंगन निकई आगे, सारदा सती सीरी रती सी हेर लाजे है ।  
रची करतार रस सागर की सार दीह, नन्दलाल जी के हित ही के देन काजे है ॥  
दास कहैं हीरन जटित कल कंचन की, जलज लरी की नीकी नासा नय साजे है ।  
कं ये कीर आनन निशाकर की रक्षा हेत, ऐंठदार आज आली चक्र लिये राजे है ॥

\* नेत्र वर्णन \*

( ५५६ )

आद्ये कजरारे रतनारे ही सजीले दीह, हिरन के हारे खाली एक रंग कारे है ।  
ह रंग छाके सजे सजल अदां के री, अनंग सर थाके री सरस अनियारे है ॥  
दास कहैं लाल नन्दलाल के रिभैया अलि, गन के सहैया सिर ताज री निहारे है ।  
कैसे ये सजीले नैन देख री लडंतीजी के, जहाँ जहाँ भांके तहाँ जीत जीत डारे है ॥

\* लट वर्णन \*

( ५५७ )

रची करतार कारीगर नें चलाकी कर, कान्ति दस चार देस देस की सकेरी है ।  
तेरे अंग अंगन की सरस निकई राधे, हेर हेर आलिन की करी दृष्टि चेरी है ॥  
आनन निशाकर तें खेलत हैं दास कहैं, नागिन तें सरस सजीली दीह हेरी है ।  
चीकनी चटकदार लहर लहर करें, कारी सटकारी री रंगीली लट तेरी है ॥

• ताटक वर्णन •

( ५५८ )

देख देख आली चाल कीरति लड़ती जी की, हंस हहराने री गयंदन के संक हैं ।  
कांचन से अंग रंग केसर के वंग दिये, केहरि लजाय लंक चार केसे अङ्क हैं ॥  
जलज लरी तें खरी दशन कतार राजें, कंज शलिका की ताकी निकार्ई के टंक हैं ।  
कांचन जटित दास हीरा नग जालन के, जगत दिनंत तें ये करत ताटक हैं ॥

• आनन वर्णन •

( ५५९ )

कानन निहार आई रसिक रसीले संग, आनन अनंग की तरंग दीह छलकें ।  
धाई येह जलज लचकती जलज नैनी, जलज की सेजन बड़ी है हल हलकें ॥  
राजें गलहार नीके जलज कलीन ही के, एते साज राह की गई न खेद टलकें ।  
दास कहें आली देख आनन लड़ती जू के, कैसे ये सजीले सेत सेदकन भलकें ॥

• केश वर्णन •

( ५६० )

सरस सजीले मौल गगन तें चटकीले, अस्ति जलज गन कांति गार हारे हैं ।  
लहर लहर कर एडिन ते आय लागें, अलिन के हेर बल कानन सिधारे हैं ॥  
दास कहें दरसत चित के हरया नेह, जालन गिरया करता नें रचि डारे हैं ।  
छिनक न टारे दृग जब तें निहारे लाल, लाड़िली रंगीलीजी के केश सटकारे हैं ॥

( ५६१ )

सहज चरन धरें धरनि लड़ती तहां, लाल लाल रंग के कलश से डराते हैं ।  
चलन अदां की ते गयंद गस खाते लख, छोन कटि केहरी से कानन सिधाते हैं ॥  
दास कहें आली आगे आनन रंगीली जी के, अति चटकीले ससि सरद लजाते हैं ।  
हिये हरषाते हैं निहार मन्वलाल जाल, सरस सजीले सिर केस लहराते हैं ॥

( ५६२ )

कारे सटकारे केस दोन किये नाग देस, आनन नें दरी हैं निकार्ई सब चन्द की ।  
तीखे रतनारे मंन चंचल चलाक ह्यारे, खंजन जलज कांति छली है अलिंद की ॥  
दास कहें लाड़िली रंगीली अरी राधिके जी, दृष्ट वृत्त तेरो ने हरी है नदनन्द की ।  
लंक की लचाई नें नसाई रास सिधन की, चलन अदां की ऐसी टाली है गयंद की ॥

( ५६३ )

निकस निकुंजन तें आई छबि पुंज प्यारी, धीरें सुकुमारी जू चरन मग वेत हैं ।  
ताही छिन बन भूमि लोहित वरन भई, लाल बलबीर बढ़पो अति उर हेत हैं ॥  
लचक अचक भूम छबि सौं छबिली छेल, निरख निरख हरषत कर लेत हैं ।  
सुखमा कौ खेत है कि सौरभ निकेत मेरी, जीवन निकेत राधा रानी पग रेत हैं ॥

( ६४ )

नवल सखीन संग नवल किशोरी आई, बिपिन निहारन कौ बढी उन हेत हैं ।  
भूषन मनीन नव अङ्ग अङ्ग भूषित हैं, जारीदार चावर मुहाई सिर सेत हैं ॥  
जित जित खलत करत मग मग लाल लाल, लाल बलबीर बर उपमा अचेत हैं ।  
सुखमा कौ खेत है कि सुख कौ संकेत मेरी, जीवन निकेत राधारानी पग रेत हैं ॥

( ५६५ )

सरस्वती धार हैं कि हींगुर की छार हैं, कि सेंदुर बगार हैं सरस दुति देत हैं ।  
मीनकेत बाग हैं प्रगट अनुराग मई, मंगा मनि मानिक की उपमा अचेत हैं ॥  
लाल बलबीर नख पल्लव रसाल हैं कि, लोहित गुलाल हैं अमित उर हेत हैं ।  
मुखमा की खेत हैं कि सौरभ सकेत मेरी, जीवन निकेत राधारानी पग रेत हैं ॥

( ५६६ )

लकें दधि नारी आई चन्द सी उजारी देख, कही बनवारी किते जात रूप बाँकरी ।  
कनक लता सी चपला सी काम अबला सी, घूँघट उधार सुकमार नेंक भाँकरी ॥  
लाल बलबीर आवो दधिकौ पिबावी तन, ताप कौ नसावी क्यों रही हौ मुख डाँकरी ।  
काँकरी चलाई लाल मन्द मुसिक्याई बाल, साँकरी गली में कछु हाँकरी न ना करी ॥

( ५६७ )

आबो बेंठी जायी मुसतायो सुकनारी बधु, रम्भा मँतका तें भौनी जोवन अर्दा करी ।  
सीस लें दहैड़ी ऐंड़ी ऐंड़ी चली आई नार, देख धूप ही में श्याम पीतपट छाँ करी ॥  
लाल बलबीर जू कौ दीजेँ दधि दान आन, कीजेँ ना सयान बू सुजान छेल बाँकरी ।  
काँकरी चलाई लाल मंद मुसिक्याई बाल, साँकरी गली में कछु हाँ करी न ना करी ॥

\* कपड़ा बन्ध \*

( ५६८ )

आनँद की कन्द कियेँ झालर सज री रीत, अनि लस रही ऐसी ठनगन ठाई तें ।  
साँल री न बीजेँ अङ्ग जीतें धन कहा लई, गाढ़ा लँ ससक नारी कीजेँ रस जाई तें ॥  
दास कहँ पाराचित राख नारि जाली गति, गाछ तर ररें आछी टकना कराई तें ।  
दिल है दर्याई खासा अचकन छाँड़ बीजेँ, गर्दरी न कीजेँ जस ल्हैरिया कन्हाई तें ॥

\* कवि नर्म बन्ध \*

( ५६९ )

धीधर सिरताज सारंगधर सनेही आली, सीतल हैं सन्त सदा नन्द हरद्वाल हैं ।  
काशीनाथ संकर से हरिदास टेर कहँ, जगदीश जगन्नाथ करत निहाल हैं ॥  
दास गदाधर गिरधारी तें हठीली रिस, कीजेँ जिन रसलीन रस कर साल हैं ।  
चन्द सखी निव चल छेल तक रस राज, कीजेँ ना जलील री अधोर नन्दलाल हैं ॥

( ५७० )

आनँदघन ईस हैं आगन्त तेरे दशोन की, कीजेँ ना अनाथ दे अनन्द रिस टारी त ।  
नेही नैन नागर हैं नायक नरैस छेल, रसखान रसिया ये ललित कटारी ॥  
दास कलाधर केहरी की गति छीन हरी, दयानिधि दीन हाल ललन निहारी तें ।  
धीर धर सैन चैन कीजेँ रस रंग री तें, नागरी अनन्त रस लीजेँ गिरधारी तें ॥

\* वृष बन्ध \*

( ५७१ )

किस मिस कान नू अकेला तें चड्डि दिला, बनाँ सध्य अमली अनारन क्यों हँदी है ।  
कीती क्या असोख प्रीती खिरनो लगाँ दी नीम, जायफल लेंदी हैं न ताल कर बेंदी है ॥  
लाल बलबीर तू न झट्टा कर दिला मन, मिट्टा क्यों न बोल दी है चीणता गहँदी है ।  
चेर चेर केंदी बरसों हैं न रिसेंदी कही, अमली रहुँदी बिहँसी नैना लगेंदी है ॥

( ५७२ )

काबुल करीले मान पुर तुमो येई येगो, कान पुर येइ कान कासिक करी ये चे ।  
कोथाय गया पी लंये येई अपिराग करी, अकौल कोथाय तुमो हसार खिजीये चे ॥  
लाल बलबीर उर छौ एकौरी आपनुनाई, आगुजी एतेर मैन पुरीर सीतये चे ।  
सूरत दिखे ये कौल कोरी जे पुराई नाई, उदंपुर दिल्ली मुखे राधार डाकीये चे ॥

• लट वर्णन •

( ५७३ )

फूने बरिजात की गहन मकरन्द वृन्द, सिमट सुहावनी अलिन्द पंक्ति धाई हैं ।  
कधौ कुल त्याग आई पद्मगी कुमारी प्यारी, सरद ससी ते अमी पीवन कौ आई हैं ॥  
लाल बलबीर बाढ़ी सुखमा अपार राधे, हेर हेर प्रीतम की अँखियाँ सिराई हैं ।  
बदन सलोल में कपोल गोल गोल नोकी, तिन पं सुजान किधौ लट लटकाई हैं ॥

( ५७४ )

एक ही हरी तें आज निरखँ अनेक हरी, सरस सजीले लालसा हैं हृग हेरे की ।  
हर की ररन देख देख चित चैन जाके, जाकी हैं कहन नोकी गरज धनेरे की ॥  
दास कहँ कीजिये खियास हित आस स्वास, लीजिये अरज धार येती चित चरे की ।  
अधर कहा है याका अर्थ कर देना नहीं, बंगल बलील छाँड़ राह लीजँ डेरे की ॥

( ५७५ )

उठी परयंक तें प्रभात होत इन्दु मुखी, सुकर लै हाथ गात निरखी उम्हाये तें ।  
सुनौ ललितादि बात लिखिल है मेरी गात, गत भ्रम भये विन सेवन कराये तें ॥  
जावक न लागो पाय अचरज लखौ धाय, बरसँ विशाल लाल सहज सुभाये तें ।  
खात हुतौ बीरी नित कबहू न ऐसँ लखे, कुन्द सम कुन्दन भये हैं आज काये तें ॥

( ५७६ )

मान कर पीड़ी परयंक पें नवेली आय, प्रीतम सुजान जू सों अति ही रिस्याई तें ।  
आये मनमोहन छबीली छवि जोहन कौ, चापे जू चरन बर चित की उम्हाई तें ॥  
लाल बलबीर उन जावक धियो विशाल, चिनती सुनाई बहु रसना सिहाई तें ।  
बीरी लै पवाई निज करतें बनाई आज, दरसँ सहस ये विद्याल लाल याई तें ॥

( ५७७ )

जाओगी न मूल अब आली यमुना के तीर, लाज बलबीर ठाड़े लियेँ सखा सैनी कौ ।  
हपट्टी बजावें गावें राग लाज बोरी होरी, अति ही सिहावें नारि देख मृगनंती कौ ॥  
अर पिचकारो नीर केसरिया रंग बारी, छाँड़त विहारो चित अधिक सिहँनी कौ ।  
सिख तें भिगँती उर धीरज धरँती धाय, मसकँ उरोज छैल कंचुकी तमँती कौ ॥

• नैन वर्णन •

( ५७८ )

कंज सम चरन सुवाल गजराज की सो, केहरि सी लंक सर नाभी बरसाती है ।  
मखमली उबर उरोज शुभ थी फल से, बिद्य से अधर दन्त कुन्दकली पाँती है ॥  
भनँ बलबीर मुख सखि सी प्रकाश बाल, चलिये गुपाल बँठी सेज अरसाती है ।  
भूकुटी कमान तान मारत है मैन बान, नैनन की नोकें भोंकें फोंकें कर जाती है ॥

( ५७६ )

देखी एक नारी सुकमारी बनवारी जाके, सीस धरी भारी खीर धारे गुजराती है ।  
पांघरौ घुमाती बर सोहै सखीआन साथ, हेरत हंसत मुखियाती इठलाती है ॥  
भनै बलबीर पनिपां को चली जाती जाको, अंग की सुगन्ध ब्रज बोधिन भराती है ।  
भूकुटी कमान तान मारत है वान जाके, नैनन की नोकें भोंकें फोंकें कर जाती है ॥

( ५८० )

जलज लजात मृग मीन पछितात जात, खज्जन बिजात अकुलात भीर काले हैं ।  
रूप के जहाज सुख साज के समाज राज, रहित निसंठ बंक मद मतवाले हैं ॥  
रस में रसोले लखे जस में जसोले छेल, लाल बलबीर मनमोहन निराले हैं ।  
काजर से काले सेत संख से उजाले तेरे, नैन मतवाले लाजे सुधा के से प्याले हैं ॥

( ५८१ )

प्रेम भरे प्रीत भरे नीत भरे रीत भरे, जीत भरे भौरन तें देखियत कारे हैं ।  
रस भरे जस भरे नेह भरे नीर भरे, नोंक भरे भोंक भरे काम सर वारे हैं ॥  
मैन भरे सैन भरे चैन विन बैन भरे, लाल बलबीर मधु भरे मतवारे हैं ।  
स्यान भरे ग्यान भरे मान वान आन भरे, लोभ भरे लाग भरे लोचन तिहारे हैं ॥

( ५८२ )

ओड़े सीस सारी जरतारी की किनारीदार, कानन की आभा आभा इन्दु की निपाती है ।  
करन तरौना जगमगत जराऊ वारे, कारी सटकारी लट लहर लहराती है ॥  
भनै बलबीर अङ्ग कंचन सो भलमजात, केसर की खौर भाल हू पं बरसाती है ।  
भूकुटी कमान तान मारत है मैन वान, नैनन की नोकें भोंकें फोंकें कर जाती है ॥

( ५८३ )

जाती है डरक तहाँ भूमि पं महावर सी, मन्द मन्द प्यारी जितें तितें की सिधाती है ।  
साती है न कोऊ मवमाती चली आती लाल, रावरेई माधुरे सुरन जस गाती है ॥  
पाती है न चंप जाके अङ्ग की निकार्ई कहुँ, प्रभा बलबीर कलघोत को बिलाती है ।  
भूम भूम जाती छबि बरनी न जाती जाके, नैनन की नोकें भोंकें फोंकें कर जाती है ॥

( ५८४ )

जाकी वानी मन्द मन्द सुने तें अनन्द होत, वानी फेर वीन हू की नोक ना सुहाती है ।  
जाके मुख चन्द कौ निहारत चकोर वृन्द, निरख सिहाती और चन्द को नचाती है ॥  
भनै बलबीर जाके लंक की लचक देख, हिय में हचक गति सिध की लजाती है ।  
बरनी न जाती छबि देख हरधाती हिये, नैनन की नोकें भोंकें फोंकें कर जाती है ॥

( ५८५ )

देखी एक बाला मन्दलाला खड़ी चित्रशाला, राजे कान बाला सीस सारी गुजराती है ।  
मोती गुहि बाल बाल वीपति विशाल भाल, नासिका सुहीनी नय भूम भोटा खाती है ॥  
गेंदा से गुलाबी गाल बीरी मुख चाबे लाल, बसन बमक दुति वामिनी बुराती है ।  
मन्द मुसकाती छबि बरनी न जाती, जाके नैनन की नोकें भोंकें फोंकें कर जाती है ॥

( ५८६ )

देखी मुख सीनी गज गौनी में सलौनी बाल, चारों ओर भौरन की भीर भननाती है ।  
भूमत भुकत जित जित कौ सिधाती मानौ, तितें ब्रज बोधिन गुलाब छिरकाती है ॥  
लाल बलबीर बिधि विश्व की सुगन्धताई, धरी है सकेल मेल मन कौ भुराती है ।  
मन्द मुसिकाती छबि बरनी न जाती याके, नैनन की नोकें भोंकें फोंकें कर जाती है ॥

( ५८७ )

आज जलकेलि में बिलोकी नन्दलाल बाल, कौतुक नवीन परवीन दिखलाती है ।  
उछरि उछरि मार चुबक नवेली नारि, मलत उरोज तन हेर हरषाली है ॥  
लाल बलबीर मधुमाती अंगराती बेनी, पीठ पे लुरत नागिनी सी लहराती है ।  
मंद मुसिवयाती छधि बरनी न जाती याके, नैनन की नोक भोंकें फोंकें कर जाती है ॥

( ५८८ )

आज ते न जावौं दधि लेंकें मथुरा कौं दया, जैसी कपू बीती तैसी जानत हौं मन में ।  
आये बल निकर गरज कुंज कुंजन तें, देखत निपट थहराय गई तन में ॥  
लाल बलबीर उन मटकी भटकि लई, पटकी धरनि नख मारे हैं बसन में ।  
हार तोर डारे छोर डारे कंबुकी के बन्द, बाँदर बिकट बास करे वृन्दावन में ॥

( ५८९ )

लेंकें दधि जाय ताय रोकत हैं बीच ही तें, खेंचत हैं बख बार डारे धुरकन में ।  
कान्ह के हिलाये हैं खिलाये बर माखन के, टलें ना टलाये घेरा देत हैं सघन में ॥  
लाल बलबीर ऐसे बाँके रनधीर करे, छिन में अधीर बटवारे तन तन में ।  
मैं तो खिसियाय धाय आई भग भागन तें, बाँदर बिकट बास करे वृन्दावन में ॥

( ५९० )

तूटें बाट बारे ते हठीले बलवारे बाँधे, तुपक बुधारे से अधीर होंयें मन में ।  
धामें धाम धाम खायें बिजन बिनाई दाम, निसि दिन आठौं जाम हरषित हूँ तन में ॥  
लाल बलबीर पान करे जमुना की नीर, करत किलोल भूमि भूमि कें तरन में ।  
मोहन के प्यारे गड़ लंक के जितारे ये ही, बाँदर बिकट बास करे वृन्दावन में ॥

( ५९१ )

लें लें बस्त्र भारी चढ़ जात हैं अटारी तिनं, टेरें ब्रजनारी बंदे अन्न कुल्लरन में ।  
खायें डार डारी जुरें संना साथ बारी सारे, करत अपारी हरषित होंयें तन में ॥  
लाल बलबीर बिहरत बाग बारी कूद, फुलवारी डारी तोड़ डारत धरन में ।  
रसिक बिहारी छेल जू के हिलकारी भारी, बाँदर बिकट करे बास वृन्दावन में ॥

( ५९२ )

भोगत हैं राज मुखसाज हृद् बाँट राबी, आवत न हूजें आवं क्रोध करे मन में ।  
धुरकि धुरकि धमकावत हैं नाना विधि, खेंच खेंच पुंज कर छोटत हैं तन में ॥  
लाल बलबीर बीर बाँके रनधीर ऐसे, बिटप अटिगन हलावें हरषन में ।  
पावें फल फून रसमूल फूल फूल केते, बाँदर बिकट करे बास वृन्दावन में ॥

( ५९३ )

बांध बांध गोल बीर करत किलोल राजें, बल में अतोल हरषात मन मन में ।  
जुरें कहुँ आय बुद्ध करे धाय धाय केते छलन विलावें क्रोध भरे तन मन में ॥  
लाल बलबीर दूटे टांग कर पूँछ कान, लागत भयानक ये घूमें कँदरन में ।  
भरे शीरपन में न लावें शक मन में सु, बाँदर बिकट बास करे वृन्दावन में ॥

( ५९४ )

आगें आगें जान लेत पाछें नारि बच्चन कौं, धुरकि धुरकि कूदि कूदि लरें रन में ।  
दूटे कर पूँछ कान मानत न नेकौं हानि, धावत सुजान क्रोध भरे तन तन में ॥  
लाल बलबीर बीर देखत लजामें इन्हें, जायें मुख मोर मोर संका खाय मन में ।  
राधा महापानी जू की पद रज गर्ब भरे, बाँदर बिकट बास करे वृन्दावन में ॥

( ५६५ )

लं कौर आमार घटी गाछइ पलये गेले, एमोन तुमा के कि गोविन्द बने दीये चै ।  
काँदी काँदी भरि आमी दुई हात जोड़े कोरी, दया कर ब्रजवासी तुमार देसे रहीये चै ॥  
लाल बलबीर तुमी मौने कोथा बूजो नाई, छाँड़ी नाई कँगों तुमी कोथा जि सिखी ये चै ।  
लीए लेओ चाल डाल बूट भाजा आर किवू, सेई सेई भालो लागे तेई अ.मी दीये चै ॥

✓ \* वन विहार वर्णन \* ✓

( ५६६ )

ठाड़ी फूलवारी सुकुमारी रूप उजियारी, गहे ड्रुम डारी नैन प्रेम मद भोने हैं ।  
मन्द मुसिक्यावें छेल नाचें बांसुरी बजावें, भावन बनाय राग गावत रंगीने हैं ॥  
लाल बलबीर छबि कहत बनै न आली, चुबक गहत ललबात परबीने हैं ।  
रोभि कं किशोरी चित चोरी गोरी भोरी जू ने, गहिके सुजान कन्ह कण्ठ लाय लीने हैं ॥

✓ वन-विहार समै → ( ५६७ )

देख सखी बिपिन निहारन लड़ती लाल, लटक लटिक छेल दोऊ चने आवें हैं ।  
प्रेम मधुमाते भाते मन्द मुसिक्याते आज, अविह रसिले राग मीठे सुर गावें हैं ॥  
लाल बलबीर दासी ड्रुमन लतान माहि, फरे फल मधुर अनेक दरसावें हैं ।  
भूमि भूमि आवें तोरि लेत मन मोद ही सों, कुमर किशोरी लाल बाँटि बाँटि पावें हैं ॥

( ५६८ )

प्यारी सुकुमारी संग रसिक बिहारी बर, निकसि निकुंजन तें फूल बन आये हैं ।  
अचक अचक धरें चरन लचक भूमि, भूमि आये ड्रुम फूल सेवन जनाये हैं ॥  
हरस हरस कर परस परस सबें, थम मान कृष्णअली भवन सिधायें हैं ।  
बंटे मसनन्द पं बिलन्य मुखचन्द दोऊ, लाल बलबीर दासी पग सहाराये हैं ॥

( ५६९ )

पावत हैं फूल रस मूल फल फूल दोऊ, मुखमा अतूल हेर हेर हरपावें हैं ।  
कोऊ लं नरंगी रस रंगी अति चाहन सों, कोऊ शुभ बेस साज सपरी पवावें हैं ॥  
लाल बलबीर दासी निरखि सिरावें नैन, निसरें न बंन मन्द मन्द मुसिक्यावें हैं ।  
कोऊ सिर नावें कोऊ चरन सिरावें बन-राज की निकुञ्ज पिय प्यारी को लड़ावें हैं ॥

( ६०० )

देख चल आली री उताली छबि निरआली, बेर बेर फेर ऐसो समौ हुन पावें हैं ।  
बंटे कुरसी पं दीपे रत भूप रूप दोऊ, केती सखी आय पद सीस को नवावें हैं ॥  
केती कर जोरें केती सीस चौर डोरें तहाँ, केती परबीन लं लं बीन को बजावें हैं ।  
श्रीवन लतान की छटान को निहारें छेल, लाल बलबीर दासी गोरी लं पवावें हैं ॥

( ६०१ )

खेलत हैं नैदन सों जुगल छबीले छेल, दोरि दोरि भूमि गहि गहक चलावें हैं ।  
कारी पीरी लाल लीली शुभग अनेक रंग, धावत समूह मनो खजन उड़ावें हैं ॥  
हो हो ललितादि मुसिक्यात कहैं छाँड़ी अजू, कोऊ कहैं अली लं लं प्यारी को गहावें हैं ।  
श्रीवन सुहावने को कुंज मुख पुंजन में, लाल बलबीर दासी हेर सचु पावें हैं ॥

( ६०२ )

नवल निकुंजन तें नवल छवीले आलो, विपिन विहारन कौं आवे चित चाव सों ।  
रनक भुनक धीरे चरन धरत भूमि, नूपुर रसीले घुन बाजत उछाव सों ॥  
एक भुज अंसन पै एक एक ही सों दोऊ, आंगुरी हलावें मुसिक्यावें हाव भाव सों ।  
लाल बलबीर दासी हेर छवि सुखराशी, आरती उतारें सबै निज निज दाव सों ॥

( ६०३ )

देख री सहेली अलबेली अलबेले अंग, अङ्गन तें छवि के छता से आज बरसं ।  
दाहीं भुज प्रीतम के अंसन सुहायमान, बाम कर ही सों लतिकान ही कौं परसं ॥  
जोई भूम आवत है पद पदमन पर, पद मन सोई बंदना कौं करं सरसं ।  
लाल बलबीर बनराज के विलासी दोऊ, दोऊ गरबोले छल हेर हेर हरखं ॥

( ६०४ )

खेलत विपिन नव नवल छवीले आज, प्यारी छिटकाय गेद करहीं सों दीनी है ।  
छूटि कें रंगोली भूमि भौरा सी फिरन लागी, छैल ललचाय दौर ह्रिदें लय लीनी है ॥  
लाल बलबीर दासी हेर सुखरासी अंस, धार भुज मंद मुसिवयात रंग भीनी है ।  
कुमरकिशोर लाल कुमरि किशोरी गोरी, भोरी चितचोरी जू कौं कंठ लाय लीनी है ॥

• पद •

( ६०५ )

यह छवि टरत न उर तें टारी ।  
नवल कुंज में राजत पिय सँग श्री वृषभान कुमारी ॥  
मंडित बदन गुलाल लाल सों सुखमा बढ़ी अपारी ।  
चरन टहल में राखी स्वामिनि दासी मोहि बिचारी ॥

• हारी के कवित्त •

( ६०६ )

केसरिया होजन पै मौज सों मचो है फाग, मंजुल गुलाबजन राखे हैं अतर घोर ।  
कंचन पिचक भर घाले छैल प्यारी ओर, प्यारी मुसिक्याय छाड़ें रसिक विहारी ओर ॥  
भये सरबोर अंग अंगन उमंग भरे, रंग मुख पौछ पौछ छिरकें बहुत जोर ।  
सुखमा अथोर उठे प्रेम की हिलोर हेर, लाल बलबीर दासी डारें तून तोर तोर ॥

( ६०७ )

देई गलवाहीं छैल नावत उमंग भरे, लचक लचक धरें चरन धरन ओ ॥  
भीजे तन मन प्रेम केसर गुलाल कीच, फटिक सरोवर में न्हात नीर कौं भकोर ॥  
लाल बलबीर दासी अङ्गन अंगोछ चल्त्र, - भूषन सजावें रुचि श्रीरी देई कई जोर ।  
रूप कौं निहारें प्रान वारें आरती उतारें, रोऊ मुख चन्द की सबै अली भई चकोर ॥

( ६०८ )

नवल निकुंजन में खेलत रंगोले फाग, भरें पिचकारी वार चलें रंग भीनीं हैं ।  
मन्द मुसिक्यावें गावें जुगल छवीले छैल, छवि बलबीर दासी लसत प्रवीनी हैं ॥  
प्यारी लं अबोर मुठी घालत विहारोजू पै, रसिक बिहारी छाड़ें प्यारी पै रंगोनी हैं ।  
पौ मुख रसीली लं गुलाल कीच मीज दीनी, पिय अनुराय प्यारी अंक भर लीनी हैं ॥



( ६०६ )

फटिक मनीन के भरे हैं कमनीय हीज, अमल मुजल तामें राखे हैं सुरंग घोर ।  
खेलत रंगीले फाग दोऊ अनुराग भरे, बरसत रंग अंग होत ना अथोर बोर ॥  
लाल बलबीर दासी छवि सों छबीले छैल, छलकर घालें घात रूप उजियारी ओर ।  
प्यारी मुकमारी रंग रसिकबिहारी जू पै, छाड़ि पिचकारी लाल जावें मुख मोर मोर ॥

( ६१० )

खेलत नवल फाग नवल निकुंजन में, नवल सखीन कर नथ साज लीने हैं ।  
अमल अबीर नीर केशर कलस भरे, भर भर छिरकें छबीले रंग भीने हैं ॥  
लाल बलबीर दासी बाइत उमंग हेर, दोऊ रसलीन हैं प्रवीन हैं नवीने हैं ।  
प्यारी मुकमारी पै चलावें पिचकारी लाल, लाल मुख लाड़िली गुलाल मल बीने हैं ॥

( ६११ )

श्रीवन निकुंजन में खेलत जुगल फाग, भरी अनुराग संग सखी परवीनी है ।  
अबिर गुलाल लें उड़ावें गावें हरषावें, कुमरि रिभावें तान गावत रंगीनी है ॥  
लाल बलबीर नीर घालें पिचकारी प्यारी, प्यारे जू की एकी घात चलन न बीनी है ।  
हरि रस लीन अली आग करिकें प्रवीन, शौरिकें लड़ितो जू कौं अंक भरि लीनी है ॥

( ६१२ )

लाड़िली लला के कर कंचन पिचक राजें, केसरिया नीर लें चलावें मुख सरसं ।  
भरि भरि देत कृष्ण अली श्रीकिशोरी जू कौं, प्यारे की बचाय चोट मोर मुख हरसं ॥  
थाल लें गुलाल लाल उड़ावें बिहारी जू पै, प्रीतम कमोरी गोरी डारत ऊपर सं ।  
लाल बलबीर दासी निरखि विशाल हयाल, दोऊ मुखचन्द लाल लाल लाल दरसं ॥

( ६१३ )

मेल भुज अंसन पै आये हंस सुता तीर, दोऊ रनधीर प्रेम अंग अंग दरसं ।  
तेर तेर न्हात मुसिक्यात अंगन मलात, छूटत गुलाल जल लाल रंग दरसं ॥  
लाल बलबीर दासी निरख सिरावें नैन, होत उर चैन मुखमा अभंग दरसं ।  
मानो छबिसिधु तें निकसि बिब चंदभान, अरन घटा में छैल दोऊ संग दरसं ॥

• डोल •

( ६१४ )

खेलत निकुंजन में जुगल छबीले फाग, भरे अनुराग अंग अंगन नवीने हैं ।  
कछु श्रम मान मुख दान रस खान आन, पल्लव नवीन डोल बंठे रंग भीने हैं ॥  
लाल बलबीर दासी लाल ललचाय उर, परसन भोटा देत दीरघ प्रवीने हैं ।  
भिकभकि किशोरी चितचोरी गोरी भोरी जू ने, गहकि सुजान कान कंठ लाय लीने हैं ॥

( ६१५ )

लटक लटक आये निकसि निकुंजन तें, दोऊ रस लीन दोऊ बिपिन दिखावें हैं ।  
मेल भुज अंसन पै लतन प्रसंसत हैं, मन्द मन्द छैल रस लीन सुर गावें हैं ॥  
ठुमकि ठुमकि धरें चरन लचकि भूमि, कोटि रति मैन रूप प्रेम कौं लजावें हैं ।  
कृष्ण अली ठाड़ी पाछे चौर लें दुरावें छवि, -हेर बलबीर दासी हियें हरसावें हैं ॥

• श्रीधम •

( ६१६ )

कोमल नवीन पदमन की रची है कुंज, भ्रूमर है भ्रुवा भालरन में निवारे हैं ।  
कुमर किशोर संग कुमर किशोरी तामें, राजत छबीले आज रूप उजियारे हैं ॥  
सीतल गुलाब जल नहरें भरी हैं खरी, परदे उसीर उड़े सौरभ अपारे हैं ।  
लाल बलबीर दासी देख छवि सुखरासी, चारों ओर छूटत फुवारे रंग वारे हैं ॥

( ६१७ )

अतर गुलाबन सौं महकें महत मंजु, लता भुकि रहों पुंज प्रभा वरसत हैं ।  
सीतल उसीर नीर चलत फुआरे भारे, लाल बलबीर लख मोद सरसत हैं ॥  
तीर तीर बिहरें बिहारी प्यारी रंग भरे, करतल ही सौं धाय धार परसत हैं ।  
लागत भरत बूँद ऐसी छवि देत मनो, प्रात अरविन्द ओस मोती वरसत हैं ॥

( ६१८ )

आई एक कौतिक बिलोकि नव कुंजन में, कोटि रवि चन्द की प्रभा तें तन नीके हैं ।  
पीढ़ी परजंक पं नवेली अलवेली प्रिया, प्रीतम प्रवीन काज करत हेंसी के हैं ॥  
लाल बलबीर छवि कहत बन न आली, देख री उताली हाली बन हित ही के हैं ।  
मैन रति ही के लीये प्रेम मद रूप भूप, चांपत चरन आज लाल लाड़िली के हैं ॥

• दोल •

( ६१९ )

फूलन सिंगार साज आये फूल बनराज, सुखमा निहार बाड़ी अंग अंग फूले हैं ।  
फूल रच्यो डोल कृष्णअली नव पल्लवन, बंटे आजु गल बढ़ी सुखमा अतूले हैं ॥  
लाल बलबीर दासी भोटा देहि हरें हरें, नीके सुर ररें राग प्रेम भरे भूले हैं ।  
सहर सहर चलें सीतल समीर पाछें, फहर फहर उडें अंगन दुकूले हैं ॥

( ६२० )

चलत फुहारे री गुलाब आव वारे भारे, भरन फुआर धार सहित सुगंध की ।  
गुलम लता हैं अंग पल्लव छता हैं खिले, सुमन अथाहें धुंध छाई मकरन्द की ॥  
अतर सुतर कर बीजना डुराबं अली, गामें हैं रंगीली तान जुगल पसन्द की ।  
लाल बलबीर आली देख री उताली आज, मालती महल भाकी राधिका गुबिन्द की ॥

( ६२१ )

बंटे आ गुलाब के भवन में लड़ती लाल, विपत अमन्द छवि चंद तें उजाला सी ।  
भीजत हैं रोभत हैं दोऊ रसरज नीर, भरत फुहारन तें धार मेघमाला सी ॥  
बापी कूप सरिता सरोवर सलिल भरे, पंरें कलहंस बंस मंडली उताला सी ।  
लाल बलबीर दासी लं लं जुही चौर डारें, श्रीधम की बात आय लागं गात पाला सी ॥

( ६२२ )

महल उसीर के विराजें श्रीबिहारी प्यारी, चादर फुआरे तें बिलन्द धार धामें हैं ।  
मंजुल अमल नीर चलत समीर धीर, सहित सुवास खास चारों दिशि छामें हैं ॥  
लाल बलबीर दासी खासी सुखरासी लं लं, वृत्तन गुलाब सार अंग चरचामें हैं ।  
भीने सुर गामें मन मोद सरसामें कैती, फूल फूल फूलन के चौर लं दुरामें हैं ॥

( ६२३ )

फूलन सिंगार सुख सार धार अङ्गन में, फूल फूल नाचें प्रिया प्रीतम मगन में ।  
फलकारी सारी बर सोहति है प्यारी जू के, प्रीतम बिहारी जू के पीतपट तन में ॥  
लाल बलबीर दासी खासी सुखरासी पासो, गावत सुधासी तान प्रीतम (की) परन में ।  
छिछि छम छिछि छम करत डरत आवें, नूपुर ररत आवें कोमल पवन में ॥

( ६२४ )

ठुमकि ठुमकि नाचें जुगल रसिकवर, छवि सों छवीले अंस अंस कर धरें हैं ।  
परम प्रवीन रसलीन हैं नवीन बोऊ, बोऊ सुर माधुरे रंगीन राग ररें हैं ॥  
लाल बलबीर मिलि नूपुर मँजीरा गाजें, पाछें ललितादि दासी घोर सिर डरें हैं ।  
मोद उर भरें चित हरें जित तित डरें, तित पग लाली लें गुलाली छिति करें हैं ॥

\* साँझी के कवित्त \*

( ६२५ )

साईं फूल बीन सखी ललित लतान ही सों, हिये भाव भरी मन परम प्रवीनी हैं ।  
घारों और जोर कोर रची हैं रंगीली घर, बूटा (?) कौन कौन प विपत रंग भीनी हैं ॥  
लाल बलबीर छिप चलो तो विखाऊँ तुम्हें, साँझी में मुजान आज कँतो काम कीनी हैं ।  
देख मन छीनो मेरो मोद है नवीनों उर, सीस प सजीलो राधा नाम लिख दीनों हैं ॥

( ६२६ )

चुन चुन सुमन कलीन लें नवीन सखी, धरत सुधार उर अति अनुराग है ।  
भूम रहीं ललित तमालन की लोनी लता, छता भौर गुंजें मोर डोलें ताहि जाग है ॥  
लाल बलबीर दासी जगत जवाहर सी, साँझी को सरस शुभ सर सों सुहाग है ।  
देख चल चल आलो मुखमा बिसाली आज, कौरति किशोरी जू के बन्धी राधा बाग है ॥

( ६२७ )

कारे केश कुटिल किलोल करं कांधन ली, कूडल कनक कान कलित हलैया के ।  
कंसे कजरारे कोरधारे नैन के कटाध, कानिनि करेजन कौं कतल करैया के ॥  
लाल बलबीर कंठ कोकिल सो गाजत है, कहत कवित्त कल काम के जगैया के ।  
करन सजैया कड़े काछनी काछैया देख, कोमल चरनकंज कुमार कन्हैया के ॥

( ६२८ )

श्यामा सुकमारी प्राणप्यारी श्रीबिहारीजी की, सुन्दरीसिरोमनि सकल लोक सिरताज ।  
बिपिन बिहारिनी सकल हित कारिनी जू, प्रीत उर धारिनी रहे हैं जस वृन्द गाज ॥  
लाल बलबीर जन जानियँ अधीर बीर, करुना निधान सुनिये जू डेर सुख साज ।  
ये ही मन आस राखो चेरी कर पास देखूँ, जुगल बिलास ह्वँ निकुंज पुरी मेरी राज ॥

( ६२९ )

देख चलि आलो री निराली दुति आज बलि, राजत निकुंज छविपुंज चहुँ ओर सों ।  
नवल किशोरी संग नवल किशोर वर, हँसि हँसि बातें करें प्रेम की हिलोर सों ॥  
लाल बलबीर दासी लंकर बजावें बीन, परम प्रवीन तान लें लें सुर जोर सों ।  
कंचन सिंगासन प्रकासन अनंत राजें, बंठे श्रीबिहारी प्यारी मदन मरोर सों ॥

( ६३० )

कब बनरागी सुखदानी ये छबीली मोकों, तबल निकुंजन में नाचबो सिखावोगी ।  
भूलि भूलि जावों गत सहन न पावों तबै, हेर कर बोदर लं लंक पं लगावोगी ॥  
लाल बलबीर दासी त्यारी सुखरासी पासी, महामन्त्र ही कौं निज कर्न में जनावोगी ।  
हिये सचु पावों मुसिक्यावोगी निहार माल, लंकर प्रसादी मोर कंठ पहिरावोगी ॥

( ६३१ )

कीरति लली के संग कानन करत केलि, कुमर किशोर कान्हू रूप उजियारे जी ।  
काछनी जरी की कटि किकिनी कनक गाजें, कौस्तुभ मनी के कर्न कुंडल सुदारे जी ॥  
लाल बलबीर कन कोमल किलोल करे, कांधन लौं केस मनौं भूमै नाग कारे जी ।  
कवर्धा करोगे कृपा करनानिधान आन, कुमर किशोरी मिल येहो नैन तारे जी ॥

• छप्पय •

( ६३२ )

सजत शीश शुभ पेच रतनमय क्रीट विरज्जें ।  
सुन्दर गोल कपोल श्रवन ताटक मुसज्जें ॥  
नासा भाल विलोकि दसन दामिनि दुति लज्जें ।  
गल राजें मोतीन माल (मधुर) पग नूपुर बज्जें ॥  
ये बिनै लाल बलबीर की, कृपा दृष्टि कर कर श्रवन ।  
यहि छवि सों मो उर वसौं सदां छैल राधारमन ॥

• होरी के कवित्त •

( ६३३ )

खेलत हैं फाग अनुराग सों लड़ेली लाल, गावं मुख राग नौनी मदन उछाल की ।  
केशर अतर घोर राखे हैं गुलाब नीर, भरि पिचकारी छाड़िं चलन उताल की ॥  
लाल बलबीर जू पं घालत अवीर मुठी, अति ही अनुठी बहु रंगन रसाल की ।  
ढंकी दुति माल छई कुंडल विशाल लाली, मोर के मुकुट पर गरद गुलाल की ॥

( ६३४ )

लीने संग गोरी वृषभान की किशोरी सुनी, साँकरी की खोरी धूम माची नन्दलाल की ।  
कनक कमोरी रंग केशरिया रंग घोरी, भरि चित्तचोरी खली मदन उछाल की ॥  
लाल बलबीर जू पं घालें रंग भोरी धुंध, -माची चहुँ ओरी छैल भूले सुध खपाल की ।  
ढंकी दुति माल छई कुंडल विशाल लाली, मोर के मुकुट पर गरद गुलाल की ॥

( ६३५ )

भ्रमत गुपाल लाल बाँधि गोल ग्वाल बाल, भरि भरि पिचकारी छाड़िं धार नीर की ।  
भीजि गई गोरी छैल कहैं हँसि होरी होरी, खेली चित्तचोरी आय आगं जू अहीर की ॥  
लाल बलबीर लाल मसकं उरोज माल, घालत गुलाल चित्त सकल अवीर की ।  
नोर की भरन अनुराग की भरन अङ्ग-अङ्गन विपत ओष सरस अवीर की ॥

नख सिख जुगल विनोद कौं, कियो सतक संपूर ।

रहौ लाल बलबीर सिर, कृष्ण अली पदधूर ॥६३६॥

निधि विधि ग्रह निसकरहि लह, सम्मत श्री सुखकन्द ।

माघ शुक्ल तिथि पर भ्रगुर, रव वृन्दावन चन्द ॥६३७॥

● फुटकर कवित्त (अभिसारिका) ●

( ६३८ )

मोतिम के गजरे सजाये हार हीरन के, मनिन जटित गरं राजें गुलीबन्द है ।  
ओढ़ि नील सारी बनवारी पै सिधारी प्यारी, रंनि अंधयारी रूप दिपत अमन्द है ॥  
देखि देखि कहैं बलबीर सब आपस में, सुरी है कि परी है छलावा है कि छन्द है ।  
परचो प्रेमकन्द उर बड़चौ है अनन्द वृन्द, इन्दुमा दमा है सुखमा है किधौ चंद है ॥

( ६३९ )

कर जात सोलह सिगारन बिहारी पास, अचक अचक मन्द मन्द पग धर जात ।  
घर जात जित कौं सरोज से मयंक मुखी, तित बन बीथिन मलिनद वृन्द भर जात ॥  
भर जात सहज सुगंधन सौं सर्व वन, तब बलबीर चीर बदन सौं डर जात ।  
डर जात सोतिन कौं गरब गुमान सब, चंद हूं समेत चान्दनी कौं मन्द कर जात ॥

( ६४० )

छेल बजचन्द सौं मिलन सज चन्दमुखी, छोड़ कुल कान बान नेह घर-वर तें ।  
जोवन जवाहर की जंगी जेब जगमगात, जोहर जवर आन परचो पंच सर तें ॥  
लाल बलबीर लोनी लफें लचकीली लंक, लोट लोट जायें कच कुचन जवर तें ।  
हर तें लगी है नेह डर ते डरें न बाल, भेंटन छबीली बसी सामरे सुधर तें ॥

( ६४१ )

कारी सीस सारी साज कारे ही संवार बार, कारी भाल बेंदी सजी सुखमा अपारी है ।  
कारी बंक भुकुटी पिनाक सी दिपत बर, कारे नन कज्जल को रेश लगं प्यारी है ॥  
लाल बलबीर कारी कंचुकी उरोजन पै, कारे घांधरे की लखी घूमन घुमारी है ।  
कारी निसि कारी घटा काम की सताई बाम, छोड़ि धाम काम कान्ह कारे पै सिधारी है ॥

( ६४२ )

सारी सेत जरी सम्हारी सीस जारीदार, चारों ओर चांदने की किरन सम्हारी है ।  
सेत अंग अतर लगाय मोतिया कौं बेस, सेत घनसार घिस भाल खौर धारो है ॥  
सेत बलबीर अङ्ग मोतिन के आभूषण, सेत हार हीरन के आभा उजियारी है ।  
सेत चन्द्रमा की चांदनी कौं लखि चन्दमुखी, मंद मंद प्यारे व्रजचन्द पै सिधारी है ॥

( ६४३ )

मुन्दर सुजान के मिलन कौं सरोजननी, सारी सीस धारी प्यारी जरी की सुहाई है ।  
जेवर जवाहर के जगमगात अङ्गन में, अङ्गन निहार हेम लतिका लजाई है ॥  
लाल बलबीर उठें मदन तरंग अङ्ग, उरज उत्तंगन पै कंचुकी कसाई है ।  
चंद चांदनी कौं कर मन्द मन्द चन्द्रमुखी, निज मुखचन्द की जुहाई में सिधाई है ॥

( ६४४ )

छाती है सौरभ समूह व्रज बीथिन में, अचक अचक मन्द मन्द चली जाती है ।  
जाती है न आन तोय पास मन मोहन के, रूप की रंगीली छवि हेर हरसाती है ॥  
साती हैं न कोऊ नदमाती बलबीर आती, मैन की मरोरन में भूम अंगराती है ।  
राती है अनूप सारी सीस आभा भई भारी, होत जात मग में बनात ती बिछाती है ॥

( ६४५ )

साजे हैं सिगार गरं हीरन के हार चारु, भूमकी भूमकि रही देखौ कान बाला तें ।  
चंचल चपल चटकीने नैन मैन भरे, छैल के रिभावन कौ एक एक झाला तें ॥  
लाल बलबीर जरी चीर अङ्ग जगमगाल, करत उजेरी रैन जोवन उजाला तें ।  
मद भरी बाला रूप दिपत निराला आई, लैन मन माला छैल प्यारे नन्दलाला तें ॥

✓ \* स्वप्न के कवित्त \*

( ६४६ )

कोऊ ना निवारें पीर कासों जा कहैं रो बीर, कुबिजा हमारों प्रान प्यारों बिरमायौ है ।  
ऐसी बव जाती काती छाती में लयाती नहि, भेजत संगती नैन नीर डरकायौ है ॥  
लाल बलबीर आयो सुपन मुजान कान्ह, बांसुरी बजाय गाय दरस दिखायौ है ।  
हंसि मुसिनयायौ अङ्ग अङ्ग सों लगायौ जोलों, तोलों हीं बजर मारे गजर बजायौ है ॥

( ६४७ )

काल सुपने में कान्ह बांसुरी बजाई तामें, ऐसी तान गाई लै लै सब ही को नाम री ।  
गाम री बिसारघो औ बिसारघो गृह काम सबे, गई बनराज में निहारो सुख धाम री ॥  
लाल बलबीर जोलों मुरग बजरमारे, कूक कैं नसाई नौद कियो कूट काम री ।  
कितें गई वाम कितें वन कौ अराम देख, सुनी परी धाम कितें गये घनश्याम री ॥

( ६४८ )

सोवत में आज लखी आनंद अरूप एक, दीनी परकम्मा सुपने में ब्रज वन की ।  
विधि के संजोग जाय पहुँच्यो तहाँई जहाँ, हरि गुन गान करं भीर रसिकन की ॥  
लाल बलबीर ब्रजराज जू के अङ्ग संग, बँठी सिरताज राज चौधेह भुवन की ।  
आरती उतारें कोऊ सोस चौर द्वारें बाँकी, सूरत निहारो प्यारो राधिका रमन की ॥

( ६४९ )

सोवत में आयो मनमोहन मुजान कान्ह, बांसुरी की राग मेरे कानन भली गयो ।  
जोलों रूप माधुरी निहारन कौ आई तोलों, जाने ब्रजराज प्यारो कित में चली गयो ॥  
लाल बलबीर बाँकी जाग परी चकित हूँ, सांमरे बियोग नैन नीर तन ली गयो ।  
भूठो सुख सुपने को पायो ज्यों न पायो सखी, हाय हाय मेरी मन नाहक छली गयो ॥

( ६५० )

आये मयुरा कौ री बिसार मन मोहन जू, सुनिकें भनक तन भई अति राजी री ।  
अङ्ग अङ्ग आभूवन धारे नव रतन के, चूंदरी सुरंगी पचरंगी सोस साजी री ॥  
लाल बलबीर छबि निरखि सिहाने नैन, आयौ नहीं बँत पीर मैन भूप गाजी री ।  
अङ्क भर जोलों परजंक मुख लैन लागे, तोलों री निवक नौद नैनन सों भाजी री ॥

( ६५१ )

स्वप्न कवित्त "अहोनी" नीलामें

आज सपने में गई देखन सधन वन, सामरी लखी री सोस धारें मोर पँखियाँ ।  
हरषि हरषि हंसि हंसि उर आय लाग्यौ, मैन उर जाग्यौ री उरोज कर रखियाँ ॥  
ता सम कौ मुख मुख बनंत बन न आली, लाल बलबीर प्रतिपाली संग सखियाँ ।  
जो लीं में उवक मुख चूवन कपोल लागी, तोलों उरवागी भागी नौद छोड़ अखियाँ ॥

( ६५२ )

✓ प्यारी सीस सारी है गुलाबी आबी जरी धारी, प्यारे सीस चोरा पचरेंगिया मुहायी है ।  
 प्यारी कुच कंचुकी मुहावनी धनुषधारी, प्यारे जू की पटका हरित मन भायी है ॥  
 प्यारी जू की लहंगा लहरिया लहलहात, प्यारे पीतपट कटि ही सों लपटायी है ।  
 प्यारी पीठ मुखरानी हेर बलबीर दासी, प्यारी प्राण ही की छबि सीस पद नायी है ॥

( ६५३ )

प्यारी के चरन माहि जावक की रेख राजें, प्यारे पद हीना छबि छीनत प्रवाल की ।  
 प्यारी जू के पायजेब बिछिया अनूठो साजें, प्यारे जू के नूपुर की धुन एक ताल की ॥  
 लाल बलबीर रस रास में रसीले छैल, नाचत जुगल मम अखियाँ निहाल की ।  
 मैन रति बाल की हू वारों कोटि प्रीति आली, लीजिये निहार छबि राधिका गुपाल की ॥

• श्रीकृष्ण के कवित्त •

( ६५४ )

छोटे से चरन माहि नूपुर की घोर होय, रेसमी जरी की कटि काछनी कसी रहै ।  
 उर वनमाल गज मुक्तमाल गुंजमाल, बीरी मुख लाल जू के ललित लसी रहै ॥  
 लाल बलबीर चटकीले मटकीले नैन, बदन निहार छकि सरद शशी रहै ।  
 ऐसी छबि माधुरी सलौनी अङ्ग अङ्गन की, एहो व्रजराज मेरे दृगन बसी रहै ॥

( ६५५ )

लालन की पालने भुलावत जसोदा रानी, मुदित मुदित देख देख छबि मनियाँ ।  
 छोटे से चरन छोटे छोटे से गुलफ गोल, छोटे से नितम्ब छोटी छोटी सी भुजनियाँ ॥  
 लाल बलबीर छोटी गरे गज मुक्तमाल, लीचन विशाल भाल केसर लसनियाँ ।  
 छोटे मुख चन्द सों गोविन्द मन्द मन्द हँसैं, छोटे से अधर छोटी दूध की दतुरियाँ ॥

( ६५६ )

छोटे से चरन तामें नूपुर भूनक होत, मन्द मन्द मानी धुनि बाजत तमुरियाँ ।  
 कवहूँ मधुर मुख तोतरें सुनावें बदन, कवहूँ नचत छैल भाज जात दुरियाँ ॥  
 लाल बलबीर लाल करत अनेक ख्याल, देख उर मन्दरानी मोद भर पुरियाँ ।  
 अचक अचक भूम भूम पग धरें भूमि, मटकें सरोज नैन लटकें लदुरियाँ ॥

( ६५७ )

इन्दु से बदन पर मीन से दृगन पर, बिण्जु से दसन छबि दृगन खगी रहै ।  
 मन्द मुसिक्यान पर बांसुरी की तान पर, पट फहरान पर मो मति ठगी रहै ॥  
 अधरन लाल पर कंठ मनिमाल पर, लाल बलबीर उर जोत सी जगी रहै ।  
 मुक्त से नखन पर कंज से चरन पर, सामरे ललन ! मोरी लगन लगी रहै ॥

( ६५८ )

आनंद करैया एहो भैया बलराम जू के, बेनु के चरैया वन बांसुरी बजैया ही ।  
 असुर दलैया भूमि भार के हरैया सुर,—मुनिग रिभैया आप मन्द के ललैया ही ॥  
 व्रज के रखैया ही रिभैया गोप गोपिन के, माखन चखैया लाल जमुधा के खैया ही ।  
 लाल बलबीर भलकैया सिर मोर पखा, ग्वाल हू लसैया संग ख्यालन खिलैया ही ॥

( ६५६ )

लोचन विशाल बदन बोलत रसाल गरें, मुक्त मनि भाला रूप जक उजिआला री ।  
पोतपट वाला कर्न कुंडल विशाला वज्र, बुही बदन वाला छैल अजब निराला री ॥  
डाल प्रेम जाला हाला करेगे निहाला आली, लाल बलबीर लाल प्रान रखवाला री ।  
भई में बिहाला बिन एरी वा गुपाला मेरे, मार नैन भाला गयो कहाँ नन्दलाला री ॥

( ६६० )

प्रात उठ आई गोपी नन्द के सदन माहि, कह्यो नंदरानी जू सों वचन हरखियाँ ।  
वीजिये दिखाय मुख सामरे सलौने जू की, बाई उतसाह उर लेहि छबि लखियाँ ॥  
बोली हरचाय नाय भोर भयो लाइले जू, लीजिये निहार द्वार ठाड़ी सब सखियाँ ।  
लाल बलबीर गेह शशि सो प्रकाश उठ्यो, उठे व्रजचन्द मुखचन्द खोल अखियाँ ॥

( ६६१ )

बंशी को बजैया है गवैया मीठी लानन को, माखन मलाई दधि गोरस खवैया है ।  
भुनर मुनर पग नूपुर बजैया हँसि, हँसि मात आंगन में निरत करैया है ॥  
लाल बलबीर जू चरैया नाय बच्छन को, गोपी गोप भवाल उर मोद उपजैया है ।  
विस्व को रचैया है रचैया दास दीनन को, दानव असुर कंस वंस को नसैया है ॥

( ६६२ )

माता जू सों हँसि कर कहत कन्हैया लाल, माखन औ मिसरी री मोहि अति भावं है ।  
और बेत मेवा पकवान पूआ पापरी कौ, सेव री लठोर गुंभा नाहीं रुचि आवें है ॥  
लाल बलबीर जू के तोतरे बचन मुनि, दौर हँसि लाइले कौ कंठ सों लगावं है ।  
हिये मुख पावं मुसिक्यावं छबि हेर हेर, बेर बेर लं लं मुख माहि सों खवावं है ॥

( ६६३ )

चीरा चटकीला राजे लाल के नरंगी सीस, चंद्रिका सिखी के नीके नीके लं सजाये हैं ।  
कंचन जटित कंठ हीरन के हार राजें, संग लं संगती छैल कानन ते धाये हैं ॥  
दास कहैं ठाड़ी नारी निरखें अटारी चड़ी, जलज भराय गीत आनंद के गाये हैं ।  
आरती करत नन्दरानी हरषानी आज, गंयन चराय नन्दलाल घर आये हैं ॥

( ६६४ )

केसर तिलक सीस केसी के किरोट राजें, चलत दिनेश छैल कानन ते धाये हैं ।  
काछनी जरी की कटि किंकिनी कनक राजें, जलज के हार कंठ सखन सजाये हैं ॥  
नीके राग गाते हरषाते संग गायन के, दास नर नारी लखि आनंद अधाये हैं ।  
आरती करत नन्दरानी हरषानी आज, गंयन चराय नन्दलाल घर आये हैं ॥

( ६६५ )

माथे पै मुकुट राजें कानन कुंडल विराजें, नासिका बुलाखि जाकी आँख अनियारी हैं ।  
मुख में तमोल चावं मन्द मुसिक्यात आवें, लटक चलन हेर सुष सुष हारी हैं ॥  
गायन के पाछें पाछें मुरली बजावं आछें, पीत पट काछें जाकी छबि लगें प्यारी हैं ।  
लाल बलबीर आली देख रेख री उताली, आवें वनमाली छैल बाँकड़े बिहारी हैं ॥



\* अधर अटक \*

( ६६६ )

केर दल सदक छिरक घनसारन तें, खस की कनात सीरे नीर छिटकाती है ।  
चन्दन चहल कर कंचन सजाये थार, चन्दन अतर तन चीरन सजाती है ॥  
जलज के दलन की चित्रित रची हैं सेज, राधा कृष्ण राजें कांति ससि की लजाती है ।  
दास कहैं ठाढ़ी सखी आनंद निहार रहीं, जेठ की जलाका की न तहां गत आती है ॥

( ६६७ )

सीरे सीरे नीरन की ललित तलाई तहां, घिस घनसार कंज दल गारियत है ।  
खिरकी हजारी तहां खस की कनात डारी, कंचन की भारी धर नीर टारियत है ॥  
जलज के हार हिये साजे तर संबल के, चन्दनी सरस तन चीर धारियत है ।  
कदली के दलन की सेज रची दास कहैं, राधा कृष्ण राजें जेठ त्रास टारियत है ॥

( ६६८ )

चली नन्दलाला के दरस हेत कंज नैनी, चरन धरत धरा लाली रंग डर जात ।  
सारी नील राजें सीस जरी की किनारी दार, घन की तड़ित की भलक हेर दर जात ॥  
दास कहैं कण्ठ चार हीरन के हार साजे, अंगन निहारि कें अनंग नारि रर जात ।  
चली जात अलिन कतारे संग गंध हेत, आनन निकाई तें निकाई चन्द हर जात ॥

( ६६९ )

सकल सिंगार साज नन्दलालजी के काज, चली केलि प्रेह अङ्ग अङ्ग हरवाती है ।  
नैन अनियारे कारे नासा सख कीर हारे, दसन भलक हेर तड़ित सकाती है ॥  
दास कहैं सीस तें निकस लट नागिनी सी, गंडन के तीर ही लहर लहराती है ।  
आती है भलक चढ़ी अङ्गन अनंग जी की, नीकी कांति हेर नारि रति सी लजाती है ॥

( ६७० )

नेक ही निहारें तें चटाक चित हर लेत, करं लेत दासी कहा करता कला की है ।  
ताकी है न ऐसी आली ऐ निहार राजें, नथनी सहित कांति जलज भलाकी है ॥  
दास कहैं धीरन के धीरन डिगैया लाज, काजन नसैया देया करत चलाकी है ।  
छाती हैं अचल रस लं लं नैन आनन के, कंसो ये अदां की नासा गन्द के लला की है ॥

\* दावानल लीला के कवित \*

( ६७१ )

काली नाथ करकें सनाथ नाथ आये तीर, देख नन्दराय सखा रानी हरवाई है ।  
धाय धाय लाल कहैं छाती ते लगाय लीनी, कीनी आज ललन नरायन सहाई है ॥  
दास निसि दंड गई कीजिये अनंद यहाँ, डेरा कर दीने नैन नींद धिर आई है ।  
अद्वं निसि आई खल करो खलताई धाई, जान कान कानन लं अगन लगाई है ॥

( ६७२ )

लागी लागी कहैं नर नारी आग जागी जाहे, हेरत दिशान ताकी त्रास तें तर्च गये ।  
कंसो करं कहां जाय कासों कहैं हाय हाय, धाय कही लाल याकी लाह ते लर्च गये ॥  
दास कही कांह सीख कीजिये सकल कान, लीजिये दृगन टांक याही तें कर्च गये ।  
करुना निधान कांह जानि कें जनन हानि, शीघ्र कर तान कें चटाक ही अर्च गये ॥

( ६७३ )

लै लै सखा संग करै नारिन तैं जंग ऐसे, नये नये डंग लाल कीने ये सिखाये हैं ।  
सीधे नन्दराय रानी ऐसी ना अनीत ठानी, छाड़िये अयानी रीति नगर हँसाये हैं ॥  
दास कहैं कंसराय जानें ना अयाने ये रे, तेरे छल छन्द जेरे चलें ना चलाये हैं ।  
दान दीजें दान दीजें कसैं दान जान कीजे, साँची कहि दीजे लला कानें ये लगाये हैं ॥

( ६७४ )

हृगन निहार हारे खंजन जलज अलि, नासिका निहार कीर कानन सिधारे हैं ।  
दसन निहार हारे हीरा कर डंग डारे, अधर निहार छैल लाल नग हारे हैं ॥  
अंगन निहारें तैं हरारे किये जलधर, आनन निहारे ते निशाकर लजारे हैं ।  
दास कहैं आनंद के कंस नंदनन्दन के, चरन निहार कंस कैते गार डारे हैं ॥

• काली के कवित •

( ६७५ )

दह कर गरल दहन चल गर घर, जल घस अड़कर लड़त नगन सन ।  
गरज गरज कर तरजत सन सन, लड़त लड़त अहि रहत सखल तन ॥  
नथ कर ततक्षन नरतत सर चढ़, गरजत सरल हरस लख जन मन ।  
चढ़कर गगन अजर जल जन डर, दस कह जय जय जय हरि धन धन ॥

• गिरिवर •

( ६७६ )

गरज गरज घन अड़त तरज कर, गगन डरत जन धर धर धर धर ।  
तड़त तड़क तड़ ड ड ड ड ड ड ड ड, सर सन चलन जलन कर भर भर ॥  
सदन सदन कढ़ चलत अचक नर, गह गह चरन सरन रख रख हर ।  
कारतल कारजग खन तर गर घर, हरषत सजन लषत लल अन कर ॥

( ६७७ )

इगन चलत गत सरन थकत चट, भलकन भलक अलक लल अन कर ।  
रदन अरन तक हलन चलन लल, हसन दसन लख जलज सकल डर ॥  
गल भलकत अत रतन जटित हर, कनक कड़न कर अधक धरन धर ।  
जघन सघन कट कछन कछत अत, चरन धरन अघ हरन रटन नर ॥

• कुण्ड •

( ६७८ )

आई एक दक्षनी सुलक्षनी निहार प्यारे, जाके रूप आगें रूप रत कौ रती कौ है ।  
कारी सटकारी बेनी लहर लहर करे, मानौ जू फनीस सुधा पियत ससी कौ है ॥  
लाल बलबीर भूम भूम पग धरे भूमि, लूम लूम आवें मान मलत करी कौ है ।  
रूप रमनी कौ हेर सुखमा घनी कौ जुग, जंघ पट नीकीं जु कछौटा कामिनी कौ है ॥

( ६७९ )

सीस सीस फूल छवि दिपत अतूल मानौ, नभ में प्रकाश फँलो सरद ससी कौ है ।  
नवल कपोल माहि राजत है तिल मानो, सोहत सरोज सेज पूत गंडकी कौ है ॥  
लाल बलबीर रतनारे नैन अनियारे, देख सर सर जाल रत के पती कौ है ।  
रूप रमनी कौ हेर सुखमा घनी कौ जुग, जंघ पट नीकीं जू कछौटा कामिनी कौ है ॥

( ६८० )

मोहन के संग में उमंग भरी प्यारी बाल, राति सुख लूट प्रात बात करे गोता की ।  
चतुरन संग चतुराई ना चलाई चले, हमसों छिपाव कर बने मत कोताकी ॥  
लाल बलबीर जू की नेह ना दुरायो दुरे, साँची जिन कहे रूप सागर भरो ताकी ।  
उन्नत उरोजन पे नखत प्रतक्ष मानो, गहर अनारन पे चोंच लगी तोता की ॥

( ६८१ )

आई बन कुंज तें प्रभात उठि इन्दुमुखी, कहीं चली जात गात चञ्चल अकोता की ।  
अधरन पीक लीक दरसे कपोलन पे, डीली भई बेनी पाट रेसम गुहोताकी ॥  
लाल बलबीर जू सों लगन लगाय नैन, बाहे कौ दुरावत है नेहन भरोता की ।  
उन्नत उरोजन पे नखत प्रतक्ष मानो, गहर अनारन पे लगी है चोंच तोता की ॥

( ६८२ )

सीसफूल बन्दनी करनफूल बाली पत्ते, भूमर भ्रमक रही बंन बाल भाल पे ॥  
बेसर नवीन में बुलाव भूम भोटा लेत, धूम रहे भूमका अतूप जुग गाल पे ॥  
लाल बलबीर पचलरी गुलीबन्द हार, हँसली हमेल गरं हियरा बहाल पे ।  
जौसन बिसाल बांह कंगन बरा हडाल, बाबूबन्द साज बाल चली नन्दलाल पे ॥

( ६८३ )

कड़े छड़े साँठ पायजेव जेब देतो पग, भाँभन भनकं धुनि छाई यति ताल पे ।  
बिछिया समार पग पानि छल संकरीन, भनभनात किकिनियाँ दामिन विशाल पे ॥  
लाल बलबीर कर आरसी अगूठी छल्ला, पहोंची गुही है बर मखतूल जाल पे ।  
जौसन विशाल कर कंगन बरा हडाल, बाबूबन्द साज बाल चली नन्दलाल पे ॥

• प्रवस्यत् पतिका •

( ६८४ )

जाछिन तें चलवे की चरचा चलाई तुम, ताछिन तें हिये माहि अमित उवासी में ।  
तुम तो सुजान नहि जानत हिये की हानि, कीज ना पयान जू फँसाय नेह फाँसी में ॥  
लाल बलबीर धरुँ कौन बिधि धीर बाड़ी, धिरहा की पीर ल्यो बचाय जान वासी में ।  
एहो सुखरासी वृन्दाबिपिन निवासी, न तो प्राण तो बसाओ मेरे आपनी खवासी में ॥

• स्वयं दूती •

( ६८५ )

सास गई मायके ननन्द समुरारं गई, धीरानी जिठानी लरकीयो ग्रह न्यारी है ।  
बालम बिदेश कहु भेज्यो ना सन्देश बड़ी, येही है अँदेश मन्त्र कौन लं बिचारी है ॥  
लाल बलबीर आप साँभ समें जायो जिन, कानन में देखो त्रास पंचानन भारी है ।  
कीजं यहाँ सैन बड़े चैन में बितावो रैन, बसिये बटोही सुनो बचन हमारी है ॥

( ६८६ )

कदम कनेर केर कंज कमरख हेर, भूम भूम भूमत कतार बाँध केरे है ।  
बेल हैं बिजौरे हैं सुबेरे बड़हर बेस, बन्ना बर बेल हैं बिही हैं री बहेरे है ॥  
लाल बलबीर लौनी लता हैं लवंगन की, लफत लखौट हैं लसोले री लखेरे है ।  
सोच मति कीजं री सलौनी ये सयानी बाल, सासुरं तिहारं बन बाग बहूतेरे है ॥

• वर्तमान गुण •

( ६८७ )

आईं में भरन नीर आली या कलिन्दी तीर, बानर बिकट फौज ऐसी तो न चीनी में ।  
कीनी ना कछू री ये गरज भाये कूक दे दे, ताद्विन खरीरी श्रीर हूँ गई अधीनी में ॥  
लाल बलबीर भाये नन्व के रंगीले छैल, आय अकुलाय कोटि जौहर तें छीनी में ।  
भागन बचाई या बचाई मोहि समारे नें, याई डर भाई याकी जेट भरि लीनी में ॥

( ६८८ )

लखत कहा है वीर बकीभकी उभकी सी, एक तें प्रवीन बात मेरी सुनि लीजिये ।  
एक ब्रजवाला गई मार नैन भाला गिरे, भूमि नन्दलाला कौ उपाय कछू कीजिये ॥  
लाल बलबीर बार बार में उठाय हारी, चेतत न सामरी हमारौ तन छीजिये ।  
जौ लौ भरि अङ्गु में रही हौं लिपटाय धाय, तौलौ जाय जसुदा सौं बेगि कहि दीजिये ॥

• मनः शिक्षा •

( ६८९ )

येता या कलाम में लिखा है उस मालिक ने, इस में उजर नहीं तेता पास आवेगा ।  
याते हो अचित्त सब चित्त को वितार दीज, भजिये अनंत को अनंत फल पावेगा ॥  
लाल बलबीर बयों अधीन फिरें मुलकों में, मुल्क का मालिक मकां पं ही पहुँचावेगा ।  
बुही काम आवें तेरे फंद को नसावें, जो वा नजर बिलम्ब से तू लगन लगावेगा ॥

( ६९० )

छाँड़ दे जहाँ की आस कीज ब्रज ही का वास, पुजें सब भास दिल रंज को नसावेगा ।  
नन्द का रंगीला गरबीला वो मुजान कान्हू, कदी तौ पियारा रस आनंद दिखावेगा ॥  
लाल बलबीर ऐसा चार दश लोकन में, और है न दूजा उर मोव उपजावेगा ।  
बुही काम आवें तेरे फन्द को नसावें जो वा, नजर बिलम्ब से तू लगन लगावेगा ॥

( ६९१ )

बार बार प्यारे में ती तेरे भूलने की सीख, प्रीति सौं सिखाऊँ नेक मान सुख पावेगा ।  
उससें जरूर जो तू करेगा मुहब्बत को, तौ पं जन्म जन्मन की तापना नसावेगा ॥  
लाल बलबीर चित्त लाइये जरूर प्यारे, ऐसा समे धेर धेर फेर तें न पावेगा ।  
बुही काम आवें जग फन्द को नसावें जो वा, नजर बिलम्ब से तू लगन लगावेगा ॥

( ६९२ )

चाहे कहौ राम राम चाहे रघुबीर कहौ, चाहे मधुसूदन गुपाल गिरधारी जी ।  
चाहे ओंकार निरंकार निरबिकार कहौ, चाहे ब्रजगोपिन के प्राण हितकारी जी ॥  
चाहे नन्दनन्द सिर निचं किये कालीदह, चाहे कहौ पूतनानिकन्द बनबारी जी ।  
चाहे बलबीर कृष्ण कृष्ण कहौ बार बार, चाहे ब्रजराज कहौ बांकड़े बिहारी जी ॥

( ६९३ )

पंडित भये तौ कहा सास्तर पुरान पढ़े, जो पं वेद हूँ कौ मख माखन निकारी ना ।  
घनद भये तौ कहा लाखन किरोर पाये, जो पं लं गरीधन को दारिब बिदारी ना ॥  
लाल बलबीर सूरबीर जो भये तौ कहा, बखत परे पं मित्र कारज बुधारी ना ।  
जोगी भये जती भये तपो भये त्यागी भये, धूर भये जो पं राधा नाम कौ उबारी ना ॥

( ६६४ )

मिथ्या जग वाद के विषादन में स्वाद मान, छाँड़ि कं सुपंथ कौ कुपंथ मग जावै है ।  
सार विसराई जासों होय न भलाई देख, पापन की पोट जोर सीस पे धरावै है ॥  
लाल बलबीर पायो मानस जनम हाय, तौऊ तें रंगीले मति नैक ना उपावै है ।  
साज हू न आवै धिरकार तेरे जोवन कौ, बैठि ना निकुंजन में राधा गुन गावै है ॥

( ६६५ )

तू ती मन दौरा भयो डोलत है दौरा दौरा, ये जग लखार बन्पी कारज नसायगो ।  
अजहूँ तू सोच मति पोच कौ बिसार दीजे, कठिन परं पे काज कोई नहि आयगो ॥  
लाल बलबीर जब घेरें जम के सपुत, बंस अवधूतपनो तेरी लं चिलायगो ।  
जस रहि जाय त्रास पास हू न आय कदी, सर्वां हलसाय जोपे राधा गुन गायगो ॥

( ६६६ )

छाया कर साधुन की संगत में बार बार, सर्वां पद पंकज में सीस कौ नवाया कर ।  
नहाया कर प्यारे मारतंड तनया में जाय, रज कौ लगाय अंग अंग हलसाया कर ॥  
पाया कर प्रभु के प्रसाद कौ प्रसन्न हूँ कें, श्री वनराज जू की परिक्रमा जाया कर ।  
लाया कर ध्यान बलबीर मग्न हूँ कें नित, बैठि कें निकुंजन में राधा गुन गाया कर ॥

( ६६७ )

मानुस जनम पायो वास वनराज जू कौ, चतुर कहाय सीस साधुन कौ नायो ना ।  
धनी हूँ कहायो धन दोयो श्रीगुपालजू ने, दान करिबे कौ कर ऊँची लं उठायो ना ॥  
लाल बलबीर छाया रह्यो जग जालन में, एरे मतिहीन तोय नैक सोच आयो ना ।  
जोई काम आयो सोई सोई विसरायो हाय, बैठि कें निकुंजन में राधा गुन गायो ना ॥

( ६६८ )

केतिक दिन में यह बानक बन्पी है आन, एरे गुनमान बिन सुन लीजे सुखधाम ।  
और चरचा बेकामें जनम बितामें कामें, एक हू न आमें आमें गामें जो हरी कौ नाम ॥  
लाल बलबीर पामें जामें जो अरामें कीजे, वुही मित्र कामें जामें सुखी होय आठौं जाम ।  
वुही बसुधा में आमें सुघड़ कहामें भूल, मन ना बुलामें सर्वां गामें गुन श्यामा श्याम ॥

( ६६९ )

जाके काम आयो ताकौ नाम विसरायो वृथां, जनम गमायो जग देख भयो गैला है ।  
भूँठे फर कंदन के धंधे में लगोई रहै, अजहूँ समार सार छोड़ अब फँला है ॥  
लाल बलबीर भारे भूषन अनेक चीर, येतो रे अधीर रहे भीतर तें मेला है ।  
त्याग जग सेला राधेदयाम भज गैला तन, निपट निकाम देख चाम ही का थैला है ॥

( ७०० )

मौन गहि लीजे वाद कूर सों न कीजे जासों, तन मन छोड़े होय जक्त ये खिसाना है ।  
जान कें अजान होय रहना जहान बीच, आप दिल हाल जाय कौन कौ सुनाना है ॥  
लाल बलबीर ध्यान धरना हरी का जाने, सारे हो जहान को विलाया आब बाना है ।  
सोच मन बाना जग फन्द में न आना छिन, मुलक बिराना होय नाजुक जमाना है ॥

( ७०१ )

बात बिन रोस ठाने सब ही सों डर माने, शाख कौ न जाने ताके संगत न छोड़िये ।  
आलस में चूर पर निदा भरपूर आये, समौ परं दूर ताके रंग में न भीजिये ॥  
लाल बलबीर मित्र द्रोही कृतधनी क्रूर, खसिया लवारन की बात ना पतीजिये ।  
रसिक प्रवीनन सों बिनती हमारी ये ही, एतिन सों भूलि ना सुजान प्रीति कीजिये ॥

( ७०२ )

मानस जनम समी पाप कैं मित्रौ है तोय, जाकीं तौ मुजान ग्यान मन में विचारबौ ।  
चौरासी जौनिन में जौन तैं निकासी गयी, अब तो अजान कछु दया उर धारबौ ॥  
लाल बलबीर बन्यौ चाहै बड़ो सूरबीर, सूरबीर है तौ तन द्रोह वर डारबौ ।  
दीन के सतावन में मिले ना बड़ाई तोय, जीतबौ कैं हारबौ गरीबन कौ मारबौ ॥

( ७०३ )

श्याम नाम कहैं ते अहिल्या रिचि नारि तरी, सजकैं तिगार पास पति के सिधाइ ये ।  
श्याम नाम लेत ही छुड़ायौ गजराज हाल, भारत में अंडन की जा करो सहाई ये ॥  
श्याम श्याम श्याम कहौ अजामिल तार बियौ, देख भक्ति सिबरो बंकुण्ठ कौ पठाई ये ।  
लाल बलबीर धीर धरिकैं मुजान मन, राधेश्याम श्यामा श्याम श्याम गुन गाईये ॥

( ७०४ )

मो मन मतंग संग रहत कुदंगन के, मद में मदंध याहि कीन बिधि मोरीमे ।  
राति दिन आठौं जाम कामन के परो फंद, है न सतसंग प्रीति रीति नीत जोरीमे ॥  
लाल बलबीर छिन ज्ञान के लगै न तीर, प्रेम रूपी वारिध में कंसौ बिधि बोरीमे ।  
एहो वजराज मेरे पाप गढ़ को न ओर, लंका है तो नाहि ताहि डंका बेत तोरीमे ॥

( ७०५ )

बिटप भलो है जो फलो है फल फूलन सौं, जानी छांहि बँठिकैं बड़ो ही मुख पाप है ।  
नेह जो भलो है आदि अंत तौ निवाह होय, देह जो भलो है पर कारज में धाय है ॥  
कृप जो भलो है मोठो सोतल अथाह नीर, रूप जो भलो है हेर सब ही सिराय है ।  
सुख जो भलो है बलबीर सरबत्र होय, मुख जो भलो है श्रीराधा गुन गाय है ॥

( ७०६ )

मित्र तौ वही है जो बिपति में सहाय करै, पुत्र तौ वही है कुल धरम चलाय है ।  
नारि तौ वही है पति सेवा में मगन रहै, कार्य तौ वही है देह पालन कराय है ॥  
ज्ञान तौ वही है बलबीर जो गुरु नें दियौ, ध्यान तौ वही है वजराज की धराय है ।  
सुख तौ वही है जन ही कौं सरबत्र होय, मुख तौ वही है श्रीराधा गुन गाय है ॥

( ७०७ )

राग तौ वही है जामें राधिका को नाम होय, बाग तौ वही है फल फूल दरसावै है ।  
बाज तौ वही है रन देख कैं न भाजै लाजै, राज तौ वही है जाकी राज मुख पावै है ॥  
लाल बलबीर भ्रात वुही जो न छाड़ै साथ, तात तौ वही है लै सुपंथ कौ सिखावै है ।  
बात तौ वही है सुनि सब कौं अनंद होय, हाथ तौ वही है हरि कारज में आवै है ॥

( ७०८ )

जाना है न तूनें वजराज को रंगीसो छैल, देख धन धामन कौं हो रहा अजाना है ।  
माना है अपन भूँडे तात मात भ्रातन कौं, साथी है न कोऊ जान क्यों बनें अजाना है ॥  
आना है न एको काम आय हैं हरी का नाम, लाल बलबीर ध्यान वाही का धराना है ।  
राना है न तोसा तू अजाना भया नाहक में, चेत रे अचेत पास मालिक के जाना है ॥

( ७०९ )

काहे कौं फिरत नर भटकत ठौर ठौर, चतुर प्रवीन सीख एती बित लाउ रे ।  
चौरासी जन्म तैं सिरोमन मनुष्य देह, तामें तौ रसीले ध्यान धनी कौं धराउ रे ॥  
लाल बलबीर अब चेतन की औसर है, बनें क्यों अचेत चेत जड़ता बहाउ रे ।  
सील उर लाउ काम क्रोध ही नसाउ सदां, बँठि कैं निकुंजन में राधा गुन गाउ रे ॥

( ७१० )

कर लै जतन ऐसो घर लै हरी कौ ध्यान, टरलै कुपंथ सों अगारी काम आवंगो ।  
 कायर कपूत कुर करै क्यों कुटिलताई, कपटी कठोर तू पिछारी पछितावंगो ॥  
 भन बलबीर जू अवीर होय जैहै जब, बंधंगो जंजीर सों सवाई मार खावंगो ।  
 जंगी जमराज सों जहर न जुरंगो जंग, जालिम सों जोर बिना कौन लै बचावंगो ॥

( ७११ )

आये कौन काज कौल करिकें कृपाल जू सों, ताकौ बिसराय कं कुपंथ माहि धाते ही ।  
 जन्म जन्म जन्मन के पाप तन धोयवे कौ, सो तो लै न छोये और पातक लगाते हो ॥  
 लाल बलबीर चेत काहे कौ अचेत बने, हीरा सो जनम पाय नाहक बिताते ही ।  
 सील उर लाते नहीं राधे गुन गाते नहीं, जीवना कितेरु यापे जूना भये जाते ही ॥

( ७१२ )

लाखन नुरंग ये गयंद गरबीले गोल, जानि कें अमोल से बड़प्पन जताते ही ।  
 मेरी धन मेरी धाम मेरी देश मेरी नाम, मेरी सब काम देख देख कें उन्हाते ही ॥  
 लाल बलबीर संग कोऊ ना चलंगे बीर, अंत कौ सुजान वृषा कंटक बुवाते ही ।  
 सील उर लाते नहीं राधा गुन गाते नहीं, जीवना कितेरु यापे जूना भये जाते ही ॥

( ७१३ )

देख इस मास तेरी उदर निवास कियो, तहां सब दीयो लै लगाई नैक डील ना ।  
 पाहन में पौहमि पताल हू में पानिन में, सब में विवंधा सवां जामें मान हील ना ॥  
 लाल बलबीर याते वाही कौ भरोसो राख, ना तो लूट लंहै जम के समान भीलना ।  
 डील ना करे रे अब कौल ना बने तू भूल, राधेश्याम बोल मन माटी के मटीलना ॥

( ७१४ )

मीठे बँन बोली साधु संतन के संग डोलौ, करिकें डिठाई उर काऊ कौ मु छील ना ।  
 कठिन पंथ आवं ताकूँ कौन लं लंघावें तब, पोछं पछितावें जब चलो जाय भील ना ॥  
 लाल बलबीर न्याय साहिब केरे गो जैसो, करे सो भरंगो तीजे होयगो उकील ना ।  
 डील ना करे रे अब कौल ना बने तू भूल, राधेश्याम बोल मन माटी के मटीलना ॥

( ७१५ )

पापन के फंदन में ऐसो लवलीन भयो, आनन्द के कन्दन को नाम नहीं आनी है ।  
 भूटे फर फंदन कौ नीकें हुलसाय सुने, सांच कहै कोऊ ताहि कहत दिवानी है ॥  
 साधु गुरु विप्रन कौ देख मुख फेर जाय, कंचनी कुलंगन कौ हेर हरपानी है ।  
 भन बलबीर चेत अजहूँ अचेत चित, राधेश्याम बोल नहीं जमपुर कौ जानौ है ॥

( ७१६ )

बालापन बालन के खेल में गमाय दियो, तहनई छाई तिय रंग में भुलाना है ।  
 बृद्ध बंस भई तो कहन लाग्यो हाय मरघो, नातो सुत कहै मोर कुल कौ लजाना है ॥  
 खंच पग तोय देख पौरी माहि डारि दियो, तो भी वजराज जी सों चित ना लगाना है ।  
 भन बलबीर चेत अजहूँ अचेत चित, राधेश्याम बोल नहीं जमपुर कौ जाना है ॥

( ७१७ )

कौल कर आयो तें न गायो गुन वा मद कौ, आमद कौ देख कहै हौ हू सूर जानी में ।  
 काहूँ कौ खनूटे लूटे त्रिपति न क्यों हू होय, होय न गुजारी मोर येती राजधानी में ॥  
 लाल बलबीर चेत अजहूँ समार प्यारे, राधेश्याम बोल धरयो कहा जानाकानी में ।  
 देह मुरझानी माया होयगी विरानी आयु, ऐसै चली जाय जैसै नाव जाय पानी में ॥

( ७१८ )

छाँड़ि जग बाद के विषादन कौं ऐरे मन, स्वाद है कहा रे जग भ्रमना भ्रमन में ।  
कीजे सततंग तासौं होय मन तम भंग, होयगी उमंग छिन छिन अलीगन में ॥  
लाल बलबीर दासी भाव सौं खवासी माहि, राखी सुखराशी जू के नेह चरनन में ।  
बिहरो पुलिन में पतन माहि सैन करी, राधा राधा रटी वास करी वृन्दावन में ॥

( ७१९ )

आये हौ अवनि पै करार कर बालम सौं, कियो ना भजन भूल रह्यौ पाय ज्यानी में ।  
होकर मदंघ रति रंग में रंग्यो प्रवीन, काहे मति हीन अब लीन भयो रानी में ॥  
भन बलबीर चेत अजहूँ समार लोजे, स्वर्ग नर्क काम मोक्ष चार बात बानी में ।  
देह कुमिलाई माया होयगी पराई आयु, ऐसैं चली जाय जैसे नाव जाय पानी में ॥

( ७२० )

कीने हैं जतन बहु प्रकार याही के हेत, जुग परियंत तोहि जीवन की आसा है ।  
मेरी सुत मेरी बाम मेरी धन मेरी धाम, मेरी निज गान यह मेरी निज वासा है ॥  
माया के लपेटा में भुलानौं बहुकानौं जान, जबहौं लौं सात गात तब ही लौं स्वासा है ।  
स्वाग बलबीर आसा रटी हरि नाम खासा, पानी में बतासा तैसा तन का तमासा है ॥

( ७२१ )

भूल निज कर्मन की गहत कुकर्मन कौं, कर्म कौं निहार नित लाय मद्य मासा है ।  
सात मात भ्राता सुत दारा परिवार प्यारे, भूठे परपंच जान माया की भुलासा है ॥  
चतुर सुजान काहे निपट अजान बने, पाप कौं कमावें दिन चार को न आसा है ।  
स्वाग बलबीर आसा रटी हरि नाम खासा, पानी में बतासा तैसा तन का तमासा है ॥

( ७२२ )

लख ललयन यह जरत अनल सन, जर कर करत गरल कर छरकन ।  
लड़त लड़त छल करत भणक भण, तन घर कर गरघर चढ़ ततक्षण ॥  
नद कर लसन नखत नग सर चढ़, दस लख हरधत सकल सजन तन ।  
चढ़ चढ़ गगन अजर जस कर अस, जयति जयति जय धन धन धन धन ॥

( ७२३ )

सखन सहित हरि चल गहन दधि, तकत तकत चल सदन सदन कर ।  
भभक भभक कर चरन अबक धर, लखत न नर सर हृतन ललन घर ॥  
सध दध गहत भटक ललयन कर, चपत खलत घट डरत धरन घर ।  
दस कह यह गत करत सकल घर, सजन हरध कह धन धन धन हर ॥

( ७२४ )

बरसत लड़त लजत लख तत छन, लख लख जन गन तन तन हरधत ।  
हरसत रहस रहस जस कह कह, गह गह भजकर नच गन करसत ॥  
कर सत नखन तरन भलकत हत, सजत सजल लल जल जन भरसत ।  
भरसत कल कल दस कह अर जद, हर कर चरन हरन अघ बरसत ॥

( ७२५ )

बरसत हरत सकल जय कल हन, जन कर करसत ततधन हरसत ।  
हरसत रटत रसिक जन जस कर, हरधन लगन जतन कर करसत ॥  
करसत लगन अजर जस लह कर, वह कर अजस सरस जस सरसत ।  
सरसत लघत जगत कर दस जद, हर कर चरन हरन अघ बरसत ॥



( ७२६ )

कर हर लगन सकल अध हर हर, हरक हरक हर असन रटत नर ।  
नर तन धर धर सकल खल बलन, धरत रहत हर जन हरि जस धर ॥  
धर कर सरल नखत जद गर धर, अचक अचक धर चरन लचक हर ।  
हरसन कहत सखन अह ललयन, टरत न द्रग यह वरस अधक कर ॥

( ७२७ )

प्रात उठि आई केलि मंदिर तें इन्दुमुखी, भूप भूप जात आँख आलस भरोता की ।  
हिये हरषात सकुचात जमुहात जात, ऐठ रहीं अलकं अनूप इत्र पोता की ॥  
लाल बलबीर ये कपोलन की पीक लीक, दुरेना दुराई छबि छाई है अकोता की ।  
उन्नत उरोजन पै नखत प्रतक्ष मानौ, गहर अनार पै लगी है चोंच तोता की ॥

( ७२८ )

आई रस लूटि कें छबीले सों छबीली बाल, साँचौ कहीं हाल बात कीजिये न गोता की ।  
भीड़ रही सारी औ ब्रिधुर रहे बार माल, दूट रहीं उर तें प्रसूनन अकोता की ॥  
लाल बलबीर ये लजीहें अरसी हैं नैन, चुगली करत दोऊ प्रगट असोता की ।  
उन्नत उरोजन पै नखत प्रतक्ष मानौ, गहर अनार पै लगी है चोंच तोता की ॥

( ७२९ )

आये हौ कहीं ते औ कहावत हौ कौन आप, जहां फरफन्द लाल चलै ना चलायौ है ।  
लूट लूट छायो दधि गोपिन की कानन में, ऐसीई यहाँ पै आन ऊधम उठायौ है ॥  
लाल बलबीर कान दँ दँ ना सुनौ जी कान, लता फल पुष्पन में राधा धुन छायौ है ।  
ब्रज दृषभान की सुता है दृषभान संग, राधे जू कौ वृन्दावन वेदन में गायौ है ॥

( ७३० )

आये ग्वाल बाल धौर धाये बलराम जू पै, रोयत सकल बँन ऐसैं कह भाखी है ।  
लाल बलबीर लाल आपने भवन ही में, खेलत खिलौना एक माट फोर नाखी है ॥  
ताछिन तें साँटी लँ रिसानी ना अधानी माय, बदन मलीन लाल माखन न चाखी है ।  
गँयन चरैया सब ही को हलसैया भैया, सामरी कन्हैया मैया नें बांध राखी है ॥

( ७३१ )

ग्वालन कौं संग लँ गयो री धँस गेह मेरे, टेर लीये केकी गन मर्कट अपारी री ।  
छाये दधि माखन लुटाये फँलाये आय, फोर डारे बासन लँ किये डेर द्वारी री ॥  
लाल बलबीर भलो जायौ री सपूत पूत, खोल दिये धेनु बच्छ बन कौं हंकारी री ।  
हारीं हम ब्रज के न बास कौं करंगी बेया, कहां लौं सहेंगी याहि बेंगी अब गारी री ॥

( ७३२ )

पूजे कुल देवी देव सुकृत अनेक कीनें, याही के प्रताप सुत वृद्ध बंस पायौ री ।  
नव लख धेनु मेरे अपर अनेक राजें, दूध दही माखन की कौन सो घटायौ री ॥  
लाल बलबीर बीर भूलना विलम कीजें, दूनौं भर लीजें रो इतेक जिती छायौ री ।  
दोऊ कर जोर नन्दरानी कहैं गोपिन तें, गारी मति दीजौं मो गरीबनी को जायौ री ॥

( ७३३ )

जा छिन ते परी कान ता छिन तें लजी कान, लोक वेद हू की ज्ञान स्थान सर्व बन्द की ।  
ऐसी धुन गाई नई रागनी जमाई लेत, सब की चुराय मन बानी प्रेम फन्द की ॥  
लाल बलबीर माई चलो वनराज जू में, कीजें आज भाँकी बाँकी आनंद के फन्द की ।  
छन्द सों भरो हैं ये करन फरफन्द लागीं, बाजि रही बाँसुरिया प्यारे ब्रजचन्द की ॥

( ७३४ )

राधे के जनम दिन बाजत बधाई द्वार, नाचि नाचि गोप लं लुटावें पकवान हैं ।  
ठाड़े सूत मागध औ बन्दीजन मान करे, हिये हरषाय कुल करत बखान हैं ॥  
लाल बलबीर नृप सब सनमान किये, जाचक अजाच किये बिये बहु दान हैं ।  
चड़े नभ आन मुर सुमन भराब कहैं, धन्य वृषभान रातो धन्य वृषभान हैं ॥

( ७३५ )

जन्म मुनि लालन को धाये व्रज गोपी ग्वाल, लं लं दूध गोरस को नन्द ग्रहे चाल की ।  
मोर के पखौआ सोस केसर तिलक भाल, तंसी छबि छाई गरं गुंजन की माल की ॥  
लाल बलबीर लं बजाहत अनेक बाजे, इन्द्र धन गाजे धुनि मुरली विशाल की ।  
गायत बधाये अङ्ग अङ्ग हुलसाये कहैं, नन्द के अनन्द भये जे कहैया लाल की ॥

( ७३६ )

एहो प्रान प्यारी मुखचन्द उजयारी तेरी, जाऊ बलिहारी नंक हेरी ओर भोरी जू ।  
छांडी मान बानि गुन खानि ये मुजान प्यारी, हंसि मुसिक्याओ लेत हियरा हिलोरी जू ॥  
कहैं बलबीर मन माखन ते कोमल है, वृथां को रंगीली चित करौना कठोरी जू ।  
मान बिनं भोरी कहैं बोऊ कर जोरी मोहि, रहै आत तोरी वृषभान की किजोरी जू ॥

( ७३७ )

फूलन के सवन छिरकि घनसारन तें, फूलन के परदे परे हैं द्वार द्वारी में ।  
फूलन की खांदनी चन्दोबा चारु फूलन के, फूलन के छत्र लगे फूल फूल डारी में ॥  
फूलन के आभूषन साजे अङ्ग अङ्गन में, बोऊ बलबीर छैल फूले हैं बहारी में ।  
फूलों सखी चारों ओर डोरें चौर फूलन के, राधिकारमन बंटे फूले फूलवारी में ॥

( ७३८ )

फूलन की भालरें बितान तने फूलन के, फूलन के परदे कपाट द्वार द्वारी में ।  
फूलन की माल उर साजें साज फूलन के, फूलमई भूमि भई अधिक बहारी में ॥  
फूलन के गोखा औ भरौखा मोखा फूलन के, फूले अलि गुंज रहे फूल फूल प्यारी में ।  
लाल बलबीर छबि नैनन निहार आज, राधिका बिहारी राजें फूलकुंज प्यारी में ॥

• मनहर सर्वगुह •

( ७३९ )

कीकं काजें आयी छैं तू ईठाने ऐ म्हारे प्यारे,  
भूँठी भूँठी बानो काढ़ी जीया नें क्यों छोलौ जी ।  
सारे ना जासो जी कोई माई भाई जाती सातो,  
छांडी ईसों नेहा नेहा ही की गाठी छोलौ जी ॥  
स्वामी के पैयां जा लागे ऊठें सारी माया भागे,  
संसारी नें सूता जागो चाहें जीठे ठोलौ जी ।  
बंसी माँह बोलें धीरे गावें लाला धीरे धीरे,  
राधे श्यामा राधेश्यामा थैं बी बीरा बोलो जी ॥

( ७४० )

चालें चालें आली हाली जी ठं छेला ठाड़ें खाली, कारें कारें नंना तीके तीखे तीखे राजें छैं ।  
ज्ञानी ध्यानी राजारानी तीकें ही चेरे जी हेरे, हेरे जी के अंगे केते चन्दाजी से लाजें छैं ॥  
दास जी की है कं रैयो ई देही के लाहे लंये, नारंगी जंगाली लाले लीले बीरा साजें छैं ।  
नन्दा जी के लाला रंगी राधाजी के संगी संगी, नाचें ताता थैया थैया नीकी तानें गाजें छैं ॥

( ७४१ )

आई छूँ मूँ लंबा काजें थारु काजें एजी छैला, ऊठें ठाड़ी मूँला माई रानी गैला हेरें छैं ।  
 खाबा तं कठौ छैं थारुं घी की लौंदा मथानी तें, मीठा होबा काजें उमे खीनी बीनी गेरें छैं ॥  
 लालाबोले बीरे थारी पर्यालागूं नाहीं त्यागूं, जाऊं आली खाली ठाली कीको नैना फेरें छैं ।  
 नन्दाजू की लाला ठाला छांडें एजी ग्वालाबाजा, चाली म्हारे लारे थारुं थारी माता डेरें छैं ॥

• प्रेम-पचासा •

( ७४२ )

शेष महेश रमेश जु की नित ही प्रति हैं पद पंकज जासा ।  
 नारद शारद सूर सुता वृषभान सुता जु करयो निज दासा ॥  
 है बलबीर की डेर यही कर दोजें कृपा बनराज निवासा ।  
 श्रीगुरुदेव कृपा करिये कहूँ गोपिका श्याम की प्रेम पचासा ॥

( ७४३ )

तुम दीन दयाल कहावत हौ कछु दीनन की सुधि लंबी करौ ।  
 झलकाय के रूप सुधाधर सो हमें जान चकोर चित्तंबी करौ ॥  
 बलबीर जु पाय सख्य भली हंसि हेर सदा दरसंबी करौ ।  
 तुम लंबी करौ मन भावें सोई मुख माधुरी तान सुनंबी करौ ॥

( ७४४ )

सिर मोरपखा बनमाल गरें श्रुति कूंडल की झलकंबी करौ ।  
 कटि पीतपटी लिपटी कर में लकुटी मुख बिन बजंबी करौ ॥  
 बलबीर जू या छबि सौं नित ही प्रति लाल हमें दरसंबी करौ ।  
 तुम लंबी करो मन भावें सोई मुख माधुरी तान सुनंबी करौ ॥

( ७४५ )

जा दिन ते व्रजराज लला छबि आलि ये नैन निहारिये री ।  
 अरी तादिन सों गृह काज औ लोक की लाज सब लै विसारिये री ॥  
 बलबीर जू कासों कहा कहिये तन की सुधि नाहि संभारिये री ।  
 मनमोहन की मुसिव्यान के ऊपर कोटि पतिव्रत वारिये री ॥

( ७४६ )

आवत गाय चराय लला घर ग्वालन संग निहारिये री ।  
 चख चंचल चारु चलावत है मधुरे सुर तान उचारिये री ॥  
 बलबीर जू मोहि लियो जियरा उर काहू की संक न धारिये री ।  
 मनमोहन की मुसिव्यान के ऊपर कोटि पतिव्रत वारिये री ॥

( ७४७ )

जेतिक कौल किये मनमोहन तेतिक में नहि एक भये हैं ।  
सास रिसानी रहै सतरानी जिठानी कड़े मुख बंन कहे हैं ॥  
त्यौ बलबीर लगे नहि अंक निसंक कलंकन अंग दहे हैं ।  
प्राणपियारे तिहारे लिये गृह लोगन के उपहास सहे हैं ॥

( ७४८ )

मुसिक्यान के बान लगे जब तें तवतें उर धीर धरावै नहीं ।  
बलबीर उपाय न एक बनें कोऊ धीर दं पीर मिटावै नहीं ॥  
हुग दीन मलीन बिलोके बिना बिरहा निधि थाह कौ पावै नहीं ।  
अब नेह की नाव में बैठ सुजान सनेह सों पार लगावै नहीं ॥

( ७४९ )

मुसिक्याय के मो मन मोहि लियो तब तें गृह काज सुहावै नहीं ।  
बलबीर बोऊ कर जोर कहैं बिनती हमरो चित लावै नहीं ॥  
यह माधुरी मूरत एहो सुजान कभू हंस हेर दिखावै नहीं ।  
अंखियाँ यह सामरे रंग रंगी रंग दूसरो और चढ़ावै नहीं ॥

( ७५० )

तुम प्रीति करी हमसों हठ ठान पै प्रीति की रीति निभायो करी ।  
मुसिक्याय के मो तन हेर सदां मुख माधुरी तान सुनायो करी ॥  
बलबीर ये सांश सकारें कभू इन बीथिन में ह्वं जायो करी ।  
बस के मनमोहन एक ही गामन एतो न त्रास दिखायो करी ॥

( ७५१ )

जा बिन तें छबि तेरी लखी निसि बासर ध्यान तुम्हारी रहै है ।  
जैसें चकोर मयंक हि हेरत आन न और सों काज लहै है ॥  
चातक स्वाति की बूंद चहै नहि सागर कूप को नीर गहै है ।  
त्यौ बलबीर बसी छबि मोहन देखे बिना बिरहागि दहै है ॥

( ७५२ )

यह दीन मलीन रहै नित ही छिन एक घरी नहि सोबती हैं ।  
फड़कं अति रूप चुगे हित जे अकुलाय दशों दिशि जोवती हैं ॥  
बलबीर जू कासों कहा कहिये नित आंसुन सों तन धोवती हैं ।  
सुन प्राणपियारे तिहारे निहारे बिना अखियाँ यह रोवती हैं ॥

( ७५३ )

जैसे कुरंग लग्यो चित बोन में प्रानहि देत न बंन बिसारै ।  
जैसे पतंग चहै नित दीप चकोर निशंक मयंक निहारै ॥  
तैसे हि आय बसी छबिमाधुरी लोक की लाज नहीं उर धारै ।  
प्रानपियारे तिहारे निहारे बिना दृग धीर न धारै हमारै ॥

( ७५४ )

जबे तें सजनी छबि मोहन की यह नैनन आय अरी सो अरी ।  
तब तें बदनाम भई ब्रज में गुरु लोग चवाई करी सो करी ॥  
उर काहू की कान न आनत है ग्रह सास जिठानी लरी सो लरी ।  
तजि संक निशंक भई बलबीर गोविन्द के फंद परी सो परी ॥

( ७५५ )

सिख काकी सुनावै सयानी भद्र तुम सों वह बात कही सो कही ।  
हम नीत अनीत न जानत हैं एक प्रेम की रीति गहो सो गहो ॥  
बलबीर मुजान के रंग रेंगी कुल कान की बात गई सो गई ।  
हमें और के काम सों काम कहा नन्दलाल की दासी भई सो भई ॥

( ७५६ )

मटकी लै गई जमुना जल की मनमोहन छाँह ठड़ी बट की ।  
धर झारी सिधारी बिहारी कही सुकमारी सु जात कहाँ सटकी ॥  
मुख चन्द सो देहु बिखाय हहा बलबीर गुपाल यही हट की ।  
अटकी छबि ताही समें मो हूँ चट ही पट मोहनी सो पटकी ॥

( ७५७ )

पटकी कुलकान तबै सजनी छबि देखत ही नंद के नट की ।  
नट की उर धीर तबै सटकी लट भूम कपोलन पै लटकी ॥  
लटकी गजमुक्त की माल गरै बलबीर भने कटि पै अटकी ।  
अटकी श्रुति तान गुमान भरी चट ही पट मोहनी सो पटकी ॥

( ७५८ )

जा दिन तें चितचोर लख्यो सखी वा दिन तें उर धीर धरीना ।  
वा मुक्तिधाय कैं तान सुनाय कैं बांसुरी में कल्लु डारि के टीना ॥  
ता दिन तें ब्रज बीथिन में बलबीर भ्रमी न मिल्यो बो सलोना ।  
देहु बताय कहाँ वह कान्हू जसोभति लालन नन्द डिठोना ॥

( ७५६ )

आली गई जमुना जल लैन लख्यौ बट के तट नन्द दुलारौ ।  
गाय कें तान बजाय के बंन लियौ तबही छल चित्त हमारौ ॥  
सा छिन तें भई ऐसी बशा बलबीर टरै नहि नैनन टारौ ।  
बेहु दिखाय दयाकर मोहि जसोभति लालन नन्द दुलारौ ॥

( ७६० )

जब तें हम प्राति करी तब तें गृह कारज नाहि सुहावत है ।  
बलबीर ये ध्यान तुम्हारौ रहै बिन देखे जिया अकुलावत है ॥  
हम और न जानत प्यारे लला नित प्रीति की रीति निभावत हैं ।  
हमको नहौ कंठ लगावत हैं हंस औरन ते बतरावत हैं ॥

( ७६१ )

मोहन मोहनो डारि दई मन मोहती बार पे बारन लाई ।  
पंकज हेत भ्रमं जिमि भौर तिहीं बिध मोर न चित्त थिराई ॥  
दुस्तर रोग बियोग जग्यौ उर शोक के सिंधु की थाह न पाई ।  
बलबीर भनै अब होत कहा दइ हाय सुजान कूं पीर न आई ॥

( ७६२ )

ज्यों ज्यों मो भाल लिखी करतार नें त्यों त्यों भई यह दोस है काकी ।  
कासों कहा कहिये जिय की यह प्रीति की रीति को पंथ है बाँकी ॥  
व्यों दृग दीन मलीन रहौ बलबीर क्यों रोई बढ़ावत साकी ।  
साँच भई जग की कहनावत अंत के तंत पे जाकी सो ताकी ॥

( ७६३ )

प्रीति करी तुमने हठ ठान पे प्रीति की रीति निभाइये जू ।  
दृग दीन मलीन बिलोके बिना मुख चन्द लला दरसाइये जू ॥  
पलकें न लगें पल देखे बिना पल ही जुग लौ बिसराइये जू ।  
जिय चातक जान अहो बलबीर सुधा सम तान सुनाइये जू ॥

( ७६४ )

जब तें हरि हेर पियारे लला मन मोहि लियो करिकें चनुराई ।  
आवत हे नित मेरे लिये अब प्रीति की रीति सब बिसराई ॥  
कौन सी जूक परी हम सौं बलबीर सुजान सु बेहु जताई ।  
दीजिये आय दिखाय अहो मुख चन्द हरी तन की विकलाई ॥

( ७६५ )

जा दिन तें मोहि त्याग गये मनमोहन सोहन लाल पियारे ।  
ता दिन तें बिरहा तन दाहत होत सहायक कौन हमारे ॥  
रावरो रूप बिलोके बिना बलवीर नहीं उर धीरज धारे ।  
दीजिये आई दिखाय अहो मुखचन्द बड़ी-बड़ी आंखिन वारे ॥

( ७६६ )

प्रीति लगाय अहो बलवीर अब केहि फंद सलोनी परी ।  
नहि बंन कहुँ तिनसों कबहुँ जिनसों हूँ अधीन सुहोनी परी ॥  
कासू कहा कहिये जिय की दिन रैन सदां मग जोनी परी ।  
तुमरे फंसि फन्द में प्यारे लला निज अश्रुन सों मुख धोनी परी ॥

( ७६७ )

तुम गाइ जु तान बजाइ जो बांसुरी मो सुर कान सलोनी परी ।  
गईं दूट सब कुल कान की वान सुजान मो ओर चितौनी परी ॥  
जब सों नहि देत दिखाई जिया तरसं तेहि ते मग जोनी परी ।  
बलवीर पियारे तिहारे लिये निज अश्रुन सों मुख धोनी परी ॥

( ७६८ )

मुसिक्याय के मो मन मोहि लियो तब प्रीति की बीज सु बोनी परघो ।  
अब भूलि न आवत मेरी गली बिन देखे जिया तरसौनी परघो ॥  
बलवीर जू ये जिय जानत हूँ लख काहे हमें हरषौनी परघो ।  
तुमरे फंसि फन्द में प्यारे लला निज अश्रुन सों मुख धोनी परघो ॥

( ७६९ )

मोहन मोहनी डारि गयी कहि जात भयी उर राखि भरोसी ।  
ता दिन तें नहि आयो कहाँ जाय छायो कोऊ जग छैल न तोसी ॥  
कासों कहाँ गति कौन लखे बलवीर लिख्यौ निज भाल में दोसी ।  
आस बंधाइ निरास करी अब बैठि रही मन मार मसोसी ॥

( ७७० )

गाय के तान बजाय के बांसुरी मो सिर मोहनी दीन चलाई ।  
प्रीति करी पहिलें हठ ठानि अब तुम प्रीति की रीति नसाई ॥  
हाय दई सो बिसार दई बलवीर कहा तुमरे जिय आई ।  
साँच भई जग की कहनावत ऊँची दुकान की फीकी मिठाई ॥

( ७७१ )

प्रीति करी हम जान सुजान विचार जेही निभ जाई सवाई ।  
हास सहो गुरु लोगन को सिर पै बदनामी की पोट धराई ॥  
काहे लला मुख मोर चले बलबीर यहो उर सोच सवाई ।  
साँच भई जग की कहनावत ऊँची दुकान की फीकी मिठाई ॥

( ७७२ )

लै रसिया रस भाजि गये तुम जानत हौ नहीं पीर पराई ।  
प्रीति कहा अनरीति करी तुम प्रीति की रीति सब बिसराई ॥  
त्यो बलबीर लिखी भई भाल की सोच किये अब होत कहाई ।  
साँच भई जग की कहनावत ऊँची दुकान की फीकी मिठाई ॥

( ७७३ )

टेढ़ी सी पाग मराल सी चाल बिसाल सी मूरति आन समाई ।  
नैनन सैनन बैनन में बलबीर लियो मम चित्त चुराई ॥  
त्यागि गये हमको ललना मग हेरत हेरत आँख पिराई ।  
साँच भई जग की कहनावत ऊँची दुकान की फीकी मिठाई ॥

( ७७४ )

चा दिन में जमुना तट पे वो लख्यो हतौ गाय चरावन हारौ ।  
ता दिन ते उर धीर गई तन पीर जगो गृह काज बिसारौ ॥  
त्यो बलबीर कहा करिये जिय ते न टरै छिन एकहु टारौ ।  
ताछिन ते अँखियान हमारी बस्यो बु बड़ी बड़ी आँखिन वारौ ॥

• कवित्त •

( ७७५ )

काहे कौ करी हो प्रीति आपनै रंगीले छँल, जो पे कदी दया दृष्टि मेरी ओर लावै ना ।  
मार नैन बाल जानै छिपे हो कहाँ सुजान, कहाँ जाय दूँदें लै गुमान कहौ पावै ना ॥  
लाल बलबीर आप ऐसी तो न कोबे ताल, तेरे बिन देखे उर धीरज धरावै ना ।  
काहे कौ सतावै सोक तन को नसावै नहीं, कदी तो सुजान आन दरस बिखावै ना ॥

( ७७६ )

देखी मेरी ओर कहुँ बोझ कर जोर लगी, तुमहीं सों डोर नैक दया दृष्टि लाया कर ।  
तुमहीं सों यारी करी लोक लाज टारी छँल, सुन्दर बिहारी उर मोद उपजाया कर ॥  
लाल बलबीर ढरें नैनन सों नीर बिना, देखे हैं अधीर ताप तन की नसाया कर ।  
गाया कर राग रागिनीन कौ रंगीले छँल, कदी तो सुजान आन दरस बिखाया कर ॥



( ७७७ )

भलक दिखाय बंक भूकुटी तनाय तीर, नैनन चलाय धाय उर में सभायगो ।  
कासों कहूँ जाय कोऊ पीर कौ न जानँ हाय, हियो अकुलाय तन विरहानल छायागो ॥  
देत हूँ जराय याकौ कीजिये जतन आय, लाल बलबीर तो बिलोकत सिरायगो ॥  
हँसि मुसिक्याय मोहि कण्ठ सों लगाय, मनमोहन सुजान तेरो जस रहि जायगो ।

( ७७८ )

जादिन तें तेरी लखी हेरन हँसन लाल, तादिन तें नाहि दिल् धीरज धराई ये ।  
रसिया रसोले छैल प्यागिये न नेह गैल, छाँड़ अनरोति सीख एती चित्त लाईये ॥  
दास कहूँ हेरत हिराने हग राह हाय, दीजँ तज संक लीजँ अंक तें लगाईये ।  
धाना जाना देखना विखाना तक छाँड़ दीना, येरे असनाव तेरी कँसी आसनाई ये ॥

( ७७९ )

लगन लगाय अब रहे कहाँ छाय जाय, हीयो अकुलाय धीर कँसे कं धराय गो ।  
कलू ना मुहाये बिन देखेँ रह्यो ई न जाय, लाल बलबीर नीर नैनन में छायागो ॥  
मेरो ओर चाहि तेरो कहा घटि जाय एती, बिन उर लाय गो तो मोव उर छायागो ।  
हँसि मुसिक्याय मोहि कण्ठ सों लगाय मन-मोहन सुजान तेरो जस रहि जायगो ॥

( ७८० )

जादिन तें हेर हँस गये लाल मेरी ओर, तब तें विसासी हग हेरत हूँ राहवा ।  
रावरी सलीनी लौनी सुरत बिलोके बिना, कँसे बलबीर उर धीरज धराहवा ॥  
धन्य उन भाग उर लागत हजार बार, विरह अगिन मम लागी तन दाहवा ।  
चोर चित्त गये मोर बोर दिव वारिधि में, आज सौं न आये मित्र वाहवा जो बाह वा ॥

( ७८१ )

प्रीति करी प्रीतम सुजान गुनखान जोपे, तो पे ए अरज मेरी लीजँ चित लाहवा ।  
लाल बलबीर उर पीर कूँ बिचार प्यारे, भूलिकें सुजान चित्त अन्त न लगाहवा ॥  
रैन दिन संग में उमंग रस रंग कीजँ, अङ्ग सों लगाय अंग बाढ़ँ उतसाहवा ।  
सबें बिसराई ताप तन की नसाई धाई, अंत रे सुजान तेरी जागी रहै बाह वा ॥

( ७८२ )

अब तो बदनाम भई आली ब्रज मण्डल में, लाज गुद लोगन की सो गई सु खो गई ।  
ननव जिठानी सतरानी इतरानी रहीं, सासु कटु बात कहै सो गई सु सो गई ॥  
भनेँ बलबीर हम नीति ना अनीत जानें, प्रेम रूपी बेलि यह धो गई सु बो गई ।  
सामरी सलीनी छवि कँसे कें बिसारी जाय, दासी मन मोहन की हो गई सु हो गई ॥

( ७८३ )

आली हों गई ही नीर लैन जमुना के तीर, सामरी बजाय रह्यो बँन छाँह बट की ।  
सीस धर भारी ज्यों सिधारी बनवारी आय, वीर मुसिव्याय कही कहाँ जाय सटकी ॥  
भनेँ बलबीर मुख माधुरे बचन सुनि, ता समें की शोभा आय नैनन में अटकी ।  
भूली सुव घट की रही न राह औघट की, बसी उर आन फहरान पीतपट की ॥

( ७८४ )

रस के रसोले छैल अब क्यों तजी हूँ गैल, छाँड़ सब सैल पग नेह मग दीजिये ।  
भनेँ बलबीर हग देखे बिन हूँ अधीर, विरहा की पीर जगो आय सुधि लीजिये ॥  
बाँसुरी बजाय मुसिक्याय कें सुनाय तान, संक तजि अंक लगि प्रेम मधु पीजिये ।  
ननव के कुमार करजोर कहूँ बार-बार, ऐसो ना मुरारि तें कठोर चित कीजिये ॥

( ७८५ )

जादिन तँ तेरी छबि लखी है मुजान कान्ह, तादिन तँ मोहि गृह कारज मुहायं ना ।  
राति दिना आठी आम रतूँ गुन रावरे ई, निपट अधोर उर धोरज धरायं ना ॥  
लाल बलबीर उर जागी बिरहा की पीर, लोचन चकोर मुख चन्द दरसायं ना ।  
मेरी मन तेरे बस परधो पियारे लाल, एहो ब्रजराज नेक मेरी गली आवं ना ॥

( ७८६ )

मोहन करो है प्रीति रीति की निभावी प्रीति, त्यागि अनरीति कौं सनेह मग घाउ रे ।  
ज्योँ चित कुरंग अलि पंकज चकोरन के, बीन अरविन्द रवि ससि उर लाउ रे ॥  
जैसे बलबीर फीट चातक ओ दीप धन, तैसेँ मुसिकन माँहि मो मन लगाउ रे ।  
नन्द के कुमार कर जोर के हजार बार, कहुँ मनुहार प्यारे मेरी गली आउ रे ॥

( ७८७ )

पायो है सरूप तँ अनूप बिधना ने दियो, कुण्डल अमोल तो कपोल पै हल्यो करे ।  
बोलि मृदुबानी मन छीनि लियो ऐसी बिध, उरध उसास स्वास स्वास पै चल्यो करे ॥  
नेह तज गेह तँ सिधारे ब्यौँ पियारे लाल, द्रगन तँ नीर हर बार ही डल्यो करे ।  
भने बलबीर कण्ठ लाग्यो जाय सौतिन के, एहो ब्रजराज हम हाथ ही मल्यो करे ॥

( ७८८ )

जादिन तँ बिछुरे हमारे प्राण प्यारे तुम, तादिन तँ सेज मोहि सुली सी दिखाती है ।  
आय आय लागे हिय बान पंचवान जू के, नैनन सौं नीरन की नदी भर जाती है ॥  
भने बलबीर चित धीर है न ब्यापी पीर, निपट गयो री निसि आई डर पाती है ।  
बिनती हमारी चित लाय सुनौ प्यारे लाल, रावरे बिलोके बिना फटी जात छाती है ॥

( ७८९ )

बदन मयंक वारी भौँये धनु बंक वारी, केहरि सी लजू वारी रूप उजियारी है ।  
लोचन विशाल वारी गरें मणि माल वारी, मत्त गज चाल वारी जब सौं निहारो है ॥  
पीत पट बँन वारी मधु भरी सैन वारी, लाल बलबीर प्यारी टरत न टारी है ।  
मोर के मुकुट वारी देढ़ो सी लकुट वारी, नन्द को दुलारी सी हमारी प्राण प्यारी है ॥

( ७९० )

सामल बदन वारे कुन्द से दसन वारे, माधुरी हँसन वारे रूप दरसाउ र ।  
गोयन चरान वारे माखन के खान वारे, बांसुरी बजान वारे मीठी तान गाउ रे ॥  
लाल बलबीर जमुमति के दुलारे मेरी, आखिन के तारे तन तपत बुभाउ रे ।  
मो मन हरन वारे जादू सी करन वारे, नन्द के दुलारे प्यारे मेरी गली आउ रे ॥

( ७९१ )

थरंरात गात कछू कहत बने न बात, कैसी कहुँ प्यारी मेरी जिया अकुलात है ।  
कछूना सुहात पल पल जुग सम जात, खरोहि हिरात छिन धीर ना धरात है ॥  
लाल बलबीर जात सोचत ही प्रात रात, तोर ना दिखात लोक सिन्धु में डुवात है ।  
लीजो गह हात दास जानिके अनाथ राथे, मेटो जग बाधे मेरी लाज तेरे हाथ है ॥

( ७९२ )

ऊबत हीं डूबत हीं सोच के समुद्र माँहि, कृपा करि भोकोँ यह संकट सौं टार दें ।  
ठाड़ो दरवान में पुकारत हीं बार बार, मोहन उवार नंक सीस उर धार दें ॥  
लाल बलबीर कहुँ कासूँ जा हिये की पीर, करुननिधान नाम ही को पन पार दें ।  
जार दें सकल कलिमल कौं कृपानिधान, हाँ हाँ नाथ मेरी भव भ्रमना निवार दें ॥

( ७६३ )

में तो दीन दूबरी परी हूँ आन तेरे द्वार, और कहुँ कासों कौन मुनै बिनै मोरी री ।  
दीजे बनवास ये ही हिये में ह्लास मेरी, काटौ भव फाँस भई जात मत घौरी री ॥  
लाल बलबीर दासी घेरी जगलाल ब्याल, बने ना उपाय कछु करै बरजोरी री ।  
कुमरकिशोरी मोरी ओरी हेर येरी आज, मोय तो सदाई रहै एक आस तोरी री ॥

( ७६४ )

सेन की नसाई लं मसाल कौ जराई नाथ, धना की नसाई खेती हरी लं कराई है ।  
पायल बनाय के नसाई ही तिलोचन की, चौहान की नसाई तेग सार की दिलाई है ॥  
जहाँ जहाँ दासन पं त्रास परयो दीनानाथ, लाल बलबीर आप सबकी नसाई है ।  
संतन सहाई जदुराई मेरी टेर सुनी, मेरी बेर बेर आप काहे कौ लगाई है ॥

( ७६५ )

कीनी ना अबेर प्रह्लाद खंभ बांधे तात, नरहरि तन धारो जाय बुष्ट मारी है ।  
कीनी ना अबेर गज प्राह तें छुड़ायो नाथ, बाहन बिसार निज पदहि सिधारी है ।  
कीनी ना अबेर जब पांडुबधू टेरी तोहि, लाल बलबीर चीर अखं कर डारी है ॥  
कीनी ना अबेर जहाँ दासन कौ प्रात भये, मेरी बेर बेर कहा आसरी तिहारी है ।

• कालिय वचन •

( ७६६ )

पाय बल भारी में बिसारी सुधि रावरी जू, अब तो कृपाल कांह बिनै मुनि लीजिये ।  
दुटी जाय वेह आप कीजिये सनेह कहुँ, और जाय कासों तासों तन मन छोड़िये ॥  
लाल बलबीर सब औगुन बिसार मेरी, सुनिषं पुकार नैक कृपा दृष्टि कीजिये ।  
में तो हूँ अनाथ तुम दीनन के नाथ हौं जू, एहौ व्रजनाथ मोहि जीवदान दीजिये ॥

( ७६७ )

लखि कं अनाथ मोहि करन सनाथ नाथ, भली करी आपने बिचार दंड दियो है ।  
जानी न परी ही आप नर तन धार आये, कपटी कुटिल मो कठोर घोर हीयो है ॥  
लाल बलबीर मिटी मइ की सुमारी छैल, सुन्दर बिहारी तो बरस आज कीयो है ॥  
जोई आप दीयो सोई सोई भेंट कीयो नाथ, विष का मुजान कांह मने कर लीयो है ॥

• उद्धव-गोपी संवाद •

( ७६८ )

मोहन गवन मुन तवन लगी है तन, धाय धाय चलीं अकुलाय घर घर से ।  
बावरी लौं बकत तकत व्रज वीथिन कौं, घायल सो हूँ रहौं बियोग रोग सर से ॥  
लाल बलबीर होय रहे चहुँ ओर सोर, दीन हूँ पुकारें रो मिलाओं कोऊ हरि से ।  
बरसें हमारे नैन ऊंचे चढ़ कहुँ बैन, अब पति रथ की पताका हू न बरसे ॥

( ८६६ )

पूरी क्रूर अकरूर बेरी काहू जनम की, सुन्दर मुजान कौं लिवाय गयी घर से ।  
कासों कहुँ जाय धाय कछु ना उपाय बनें, हाय हाय माय ना बस्पाय जाय हरि से ॥  
लाल बलबीर भये व्याकुल सरीर डरै, नैनन सौं नीर बिरहा के मेघ बरसे ।  
चड़िकें अटारी बित्रसारी नारी डेरत हूँ, अब पति रथ की पताका हू न बरसे ॥

( ८०० )

मोहन गवन कियो तुम ना गमन कियो, प्यारे ब्रजराज बिन कहा मुख पावंगो ।  
जाके संग संग में अनेक रस रंग किये, ता बिना रंगीले घोर बिरहा सतावंगो ॥  
लाल बलबीर बिन काहे कौ रह्यो तँ जीव, फेर बजमारे मोहि लाजन लजावंगो ।  
कोटिन धुकार तेरे जीवन कौ जन्म हारे, फेर बीताँ देह कौ सनेह छोड़ जावंगो ॥

( ८०१ )

छाड़ गयो हमको सुजान मन मोहन जू, गोपिन बिसार जाय मथुरा बसावंगो ।  
गायन खरायवौ जू बन बन जायवौ जू, बाँसुरी बजायवौ जू कसँ मन भावंगो ॥  
लाल बलबीर बिन कसँ कँ धरंगी धीर, फेर बजमारे मोहि लाजन लजावंगो ।  
कोटिन धुकार तेरे जीवन कौ जन्म हारे, फेर बीताँ देह कौ सनेह छोड़ जावंगो ॥

( ८०२ )

आयो आयो ऊधो ये सखा री मनमोहन कौ, सामरे सुजान कौ संदेशो कछु लायो है ।  
पूछो पूछो पूछो री इकंत में पिया की बाल, भले भाग सों री आज सब मिलि पायो है ॥  
लाल बलबीर कब आमंगे रंगीले छैन, कुबिजा कलंकिनी नें कसँ बिरथायो है ।  
कहा मन भायो नेह हम सौ नसायो हाय, उधव पठायो प्रान प्यारी क्यों न आयो है ॥

( ८०३ )

परम पुनीत तुम श्याम के सखा हो ऊधो, साँची कही कथा ताके कहा मन भायो है ।  
हम कौ उवासी छोड़ दासी की फँसी है फाँसी, आवत है हाँसी भलो मुकुट कमायो है ॥  
लाल बलबीर गोप ग्वालन सों गऊन सों, और तात मात हू सों नेह बिसरायो है ।  
लंपट लबार कान्ह पटी अपार देखी, आप करे भोग जोग हमको पठायो है ॥

( ८०४ )

साँची कही ऊधो मनमोहन सुजान जू कौ, कबहुँ हमारी सुध आवे कँ न आवती ।  
जा छिन तँ मथुरा पयान कियो प्यारे लाल, ताछिन तँ बिरहा अनल तन तावती ॥  
लाल बलबीर कछु बतँ ना उपाय हाय, नायन मलीन महारानी जू कहावती ।  
जो पँ गह पावती सो मार मार तातँ में, वा कूबरी को कूबरी करँजा कड़वावती ॥

( ८०५ )

ऊधव तू आयो घनश्याम कौ न लायो, सौति कुबिजा हमारी जोग लिखि कँ पठावती ।  
कुलटा कलंकिनी कमोत बति हीन दीन, पाय कँ प्रवीत पटरानी जू कहावती ॥  
लाल बलबीर ताको जो पँ गह पावती में, सो पँ सो घमंड ताको छिन में नसावती ।  
मार मार तातँ मुल पीट पीट थापन सों, कूबरी को कूबरी करँजा कड़वावती ॥

• परकोया-प्रीति •

( ८०६ )

लोचन कहत रूप माधुरी निहारयो करी, तबै धीर धरी कोटि भाँति सुख पाऊँ में ।  
कान कहँ कान्ह की कहानी सुनो केलि नई, सकुच सरोकनी सों भौन घसि जाऊँ में ॥  
लाल बलबीर कहै रसना हमारी प्यारी, सुन्दर सुजान जू सों हँसि बतराऊँ में ।  
अंग सों लगाऊँ अंग कहत अनंग भरे, लाज कहै भूलि आंगुरीक न दिखाऊँ में ॥

( ८०७ )

मुन्दर सिंगार साज प्यारे के मिलन काज, आई केलि मन्दिर लौ ससि की उजारी सी ।  
 बारन के भार ना सन्हारं सुकुमारि लफ, लफ लंक जाय जैसे चंपक की डारी सी ॥  
 लाल बलबीर तहाँ पाये ना बिहारी लाल, बिरहा अपार नें करी है देह कारी सी ।  
 देख सुकुमारी सेज पं न बनवारी घूमि, गिरी बेकरारी खाय काम की कटारी सी ॥

( ८०८ )

आई अलबेली अलबेले सों मिलन काज, जाकी छबि देखि कं लजाय वाम नारी सी ।  
 नाजुक बदन नव जोवन उमंग भरी, अंग है अनूप रूप सचि की सुदारी सी ॥  
 लाल बलबीर छबि कहीं लौ बखानें जाकी, उपमा न पावतो रही है मति हारी सी ।  
 देख सुकुमारी सेज पं न बनवारी घूमि, गिरी बेकरारी खाय काम की कटारी सी ॥

( ८०९ )

मोहन मनोज मई मूरति विखाय मोपे, मंद मुसिक्याई मोहनी सी कर डारी री ।  
 ताछिन तें खान की न पान की रही है सुधि, कासो जाय कहीं पीर हरें जो हमारी री ॥  
 लाल बलबीर बिन कछू ना सुहाय आली, जैसे बिना नीर मीन अधिक दुखारी री ।  
 एहो प्रान प्यारी अजं सुनिये हमारी मोहि, दीजिये मिलाय मित्र सामरो बिहारी री ॥

( ८१० )

जब सों निहारी रूप बारी नन्द कौ दुलारी, तब तें हमारी कुल कान बानि सटकी ।  
 मन्द मन्द आवन की पट फहरावन की, ललित लफीली छबि माधुरी लकुट की ॥  
 लाल बलबीर जू की बांसुरी बजावन की, हृगन मिलावन की भृकुटी बिकट की ।  
 मन्द मुसिक्यावन की भीनें सुर गावन की, बसो छबि आन उर मोर के मुकट की ॥

( ८११ )

जाछिन तें लक्ष्मी कांहू ताछिन तें गई कान, सब ज्ञान स्यान उर जानें लाभ हानें ना ।  
 ननद जिठानी दिवराती सास बार बार, सिखावें हजार सोख एक उर आनें ना ॥  
 लाल बलबीर जू के दरस बिलोके बिना, कैसें धरौं धीर जोड कोऊ पीर जानें ना ।  
 स्यान ना करत कोऊ प्रानें ना बचावें आली, सामरो सुजान बिन मेरौ मन यानें ना ॥

( ८१२ )

कल ना परत मोहि ललना बिलोके बिन, बिरहा अगिन में कहां लौ धीर जलना ।  
 बलना फुटम्ब लाज डलना कुसंगन सों, बस्यो उर आन मित्र नन्द जू कौ ललना ॥  
 लाल बलबीर डलना है जग जालन सों, और गृह काजन सों हमको उलभ ना ।  
 झल ना करत तोसो चलना जरूर जहाँ, सामरो सुजान छैल भूल रह्यो पलना ॥

( ८१३ )

प्यारे के दरस बिन तरस रहे हैं नैन, चैन है न रैन दिन नीर डरकाऊ में ।  
 हितू ना हमारी जो निवारि हैं हिये की पीर, बिरह बिथा की कथा कौन कौ सुनाऊ में ॥  
 लाल बलबीर बिन कछू ना सुहाय हाय, जासर वियोग भरे कैसें कं बिताऊ में ।  
 तब सुख पाऊं ताप तन की नसाऊं, मनमोहन सुजान जू कौ कंठ सों लगाऊं में ॥

( ८१४ )

मोहन के संग में उमंग भरी प्यारी बाल, राति-सुख लूटि प्रात वात करे गोता की ।  
चतुरन संग चतुराई ना चलाई चले, हम सों छिपाव करे बने मति कोताकी ॥  
लाल बलबीर जू को नेह ना डुरायौ डुरे, साँची किन कहै रूप सागर भरोता की ।  
उद्यत उरोजन पै नक्षत प्रतक्ष मानौ, गहर अनार पै लगी है बोंब तोता की ॥

( ८१५ )

प्यारी जू तिहारे पद पंकज की बलिहारी, सदां हो बिहारी लाल मन ते न टारें हैं ।  
बे हरत कुसुम पराग तबे लागें जबे हेर, अलबेले पीत पट की सों झारें हैं ॥  
जावक बनाय बिब्र मुद्धमा बिबिब्र हेर, लूटत मयूर पिच्छ प्राण धन धारें हैं ।  
हित ध्रुव रस यह सबन तें दुलभ है, रसिक सु बलबीर दासी उर धारें हैं ॥

( ८१६ )

लोक को कान नहीं परलोक को औ गृह के तज काज भर्जौं गी ।  
रूप अनूप निहारे बिना विरहाग की आग में को लौं दहौं गी ॥  
धार लई बलबीर यही उर प्राण पियारे के रंग रँगौं गी ।  
चाहै कलंक लगौं सजनी मनमोहन मीत के अंक लगौं गी ॥

( ८१७ )

आवत गाय चराय लला संग भ्वाल लिये बन तें बनमाली ।  
गावत तान उमंग भरे मुख बाजत है धुन बँन रसाली ॥  
सासरु नन्द को आस इतै इत देखे बिना उर माहि बिहाली ।  
या सुख को बलबीर अरी हम झाँकें झरोकें निकाली है जाली ॥

( ८१८ )

लालन ग्वालन संग लिये जमुना तट पै बहु खेल रचावै ।  
धीन बजावै रिशावै कभू कबहूँ कोउ माधुरी तान सुनावै ॥  
आवै कोऊ जल के हित नारि तही गगरी महि माहि लुदावै ।  
जाइ सभौत रहै बलबीर कोउ पनिया भर जान न पावै ॥

( ८१९ )

अरुन कमल हू तें कोमल जुगल पद, मानौ नभ मंडल में बिज्जु दरसाती है ।  
आंगुरी सुधार मति हारत निहार किधौं, दाढ़िम कलीन नख मोलिन की पाती है ॥  
सुन्दर सजीले गरबीले से गुलफ किधौं, डावी रंभ खंभ के कपूर को मुहाती है ।  
धुजा औ पताका बलबीर ये बिलोक लोक, उपमा न पातो पातो रंक सो दिखाती है ॥

( ८२० )

जानत हैं बजबाल सबै हरि रोकत टोकत संक न लावै ।  
याही सभौत न जात बने बिन देखे जिया नहि धीर धरावै ॥  
लै कर में बँसुरी बलबीर जबे मुख माधुरी तान सुनावै ।  
होत यही उतसाह तत्रे प्रह फंद गोविन्दहि अंग लगावै ॥

( ८२१ )

मोहन की रुचि मालिन सों जननी उठि प्रातहि बुद्धि विचारी ।  
 लै दधि कौं मथि कें मन तें नवनीत पुनीत तेही सों निकारी ॥  
 टेरत हैं मधुरे मुर सों उठि हो बलवीरन होत अवारी ।  
 आलस दूर करो मम लाल लखौं मुख चन्द जाऊँ बलिहारी ॥

( ८२२ )

चाँदनी चन्द की मन्द भई औ कमोदनियाँ उर में सकुचाई ।  
 दूर भयो तम भानु उदै भयो पंकज की दुति होत सवाई ॥  
 कोइल कीर कपोत सबें द्रुम त्याग चले दश हू दिशि धाई ।  
 जागो हो लाल खड़े तेरे ग्वाल अहो बलबीर तेरी बलि जाई ॥

( ८२३ )

कंचन झारी भरी जमुना जल लै कर में मुख लाल की ध्यायो ।  
 कोमल चीर तें पौंछि तबै मुक्तिव्याय कें एक डिठौना लगायो ॥  
 चूमि कपोल हृदैं सों लगाय तबै जननी एक बँन सुनायो ।  
 तेरे लिये पकवान अनेक धरे कर लेऊ जेही रुचि आयो ॥

( ८२४ )

माखन औ मिसरी जननी अरि मोकौं बहीत यही रुचि आयो ।  
 धौरी औ घूमरि की टटकी कर लँकर कंद दराय रलायो ॥  
 हेम कटोरन में धरि कें हँसि थोरोइ थोरो लला कौं पवायो ।  
 या मुख कौं बलबीर लखें जसुधा यहि कोविद सौं ललचायो ॥

( ८२५ )

खेलत खेल खिलौनन तें जननी लखिकें उर मोद बढ़ावें ।  
 नाच उठें कबहूँ किलकाय कबौं मुख माधुरी तान सुनावें ॥  
 जाकौं सुरामुर सिद्ध मुनीस महेश सदाँ उर ध्यान धरावें ।  
 सो सिमु होय वुहाँ व्रज में बलबीर जू नन्द कौं लाल कहावें ॥

( ८२६ )

लाल गये गृह ग्वालन के छिपि कें जब ही दधि में कर नाये ।  
 दृष्टि परचौ प्रतिबिंब जबै मणिखंभ सों दीन हूँ बँन जताये ॥  
 आयौ प्रथम करन में चोरी कौं आधो लै बाँटि जितें मन भाये ।  
 हर्ष उठी ब्रजवाल तबै बलबीर सकुचत दौर सिधाये ॥

( ८२७ )

पूरन ब्रह्म अखंड अगोचर नैनन हौं मन माहि विचारो ।  
पुत्र कौ भाव जसोमति मानत ग्वाल हियें निज मित्र बिहारी ॥  
नंद जू जानत हूँ जिय लालन गोपी लखें निज प्रान अधारी ।  
मेरे लियें गऊ लोक तज्यौ जिन लालसा पूरन कीजियें सारी ॥

( ८२८ )

ग्वालिन लैन कमोरी गई गये लालन ग्वाल लियें गृह ओरी ।  
माखन लै मथनी तैं मनोहर खान लागे हँसि कैं मुख मोरी ॥  
भाज चले शिष्यके से सबे इतने ही में आय गई वह गोरी ।  
श्याम कौ रूप निहारत ही बलबीर प्रबोन हुती भई भोरी ॥

( ८२९ )

एक कहै मेरे घर आवें जो गुपाल प्यारी, तौ ले मनमोहन कौ माखन लखावौंगी ।  
एक कहै मेरे घर आवें जो सलोनी श्याम, तौ लैं निज आंगन में नांच ही नचावौंगी ॥  
एक कहै मेरे घर आवें ब्रजराज आज, तौ पै वा छबीले जू कौ हवैं सों लगावौंगी ।  
एक कहै जो पै घर आवें बलबीर, तौ में जूमि कैं कपोल बँन मापुरें गुनावौंगी ॥

( ८३० )

जावौगे लाल अबै कितकौं, गृह कीन है आय बड़ी जु डिठाई ।  
लैं चलि हौं जमुधा के समीप, लखौं निज लालन की चतुराई ॥  
बोले जब हँसि कैं मनमोहन, छूओ नहीं दधि तेरी दुहाई ।  
खाय कैं ग्वाल गये भजि हाल, दिधौ नहि मो कर एकहु राई ॥

( ८३१ )

माखन खाओ गुपाल तुम्हें मन आवें, इतक भरी है कमोरी ।  
वो जो चली गृह लैन लखें मुसिक्याय कैं, लाल भजे बन खोरी ॥  
लैं कर में नयनीत गुआलन, लालन कौ चितवें चहुँ ओरी ।  
क्यों बलबीर गये तजि मोहि, जसोमति लालन डार ठगोरी ॥

( ८३२ )

लालन की छवि देखे बिना उर, ग्वालन के नहि धोर धराई ।  
कैसे मिलूँ ब्रजचन्द गोविन्द सौं, सोघत नन्द के मन्दिर आई ॥  
चन्दमुखी मृग लोचनि मुन्दरि, बँन कहुँ करिकें चतुराई ।  
लैं ब्रजराज बधू कहवाय भली, बलबीर कौ सीख सिखाई ॥

( ८३३ )

माखन खान मुजान सखान लैं, धाय चले हँसते वन खोरी ।  
सूनौ लख्यौ गृह जाय धँसे, वुह नीर कौ लैन गई दुती गोरी ॥  
द्वार उभै सिमु खेलत हूँ, तेहि देखत भोर भगं मुख मोरी ।  
हेरत माखन खाय सबे बलबीर, धरी हुती छीकें कमोरी ॥



( ८३४ )

स्वालन लालन के कर में कर, ले जमुधा के समीपहि लाई ।  
नेक नहीं सिख देत गुपाल की, जाय के भोगूह धूम मचाई ॥  
माखन खाय लुटाय जब दधि, गोरस माट मही ढरकाई ॥  
खोल दिये बछरा बलबीर भ्रमै, बन माहि नहीं सुधि पाई ॥

( ८३५ )

जाचौ न भूल कहूँ ललना तुमको, तुमरी जननी समुझावै ।  
म्यारि गमारिन जानै कहा, परिया भर छाछ पैं नाच नचावै ॥  
नौलख गाय दहीअत आपनी, ताहूँ पैं माखन चोर कहावै ।  
मानौ कही हमरी बलबीर हँसै, पुरलोग पिता दुख पावै ॥

( ८३६ )

माखन खाय दही ढरकाय मही, छिरकाय ललान की र्वाये ।  
छोकें तौर खखोर सबे गूह, वासन कोरिकें ढेर जगाये ॥  
संग लिये ब्रजवाल गुपाल की, दूसरी खेल नहीं मन भाये ।  
क्रोध भई मुनिकें जमुधा बलबीर, तैं मानिहै नाहि सिखाये ॥

( ८३७ )

मानत नाहिन प्यारे लला निसि, बासर भाँतिन सौँ समझायौ ।  
मैं नहि जाऊँ दई इनके घर, भूँडौँ हि आन के नाम लगायौ ॥  
लागि रह्यो कर ते मुख ते नवनीत, ये श्याम बुरेना बुरायौ ।  
बँर परे बलबीर सु म्याल रो, खाय मो आनन तैं लिपटायौ ॥

( ८३८ )

बाल विनोद लला को निहार, असोमति के उर हर्ष बिशाला ।  
भक्तन के हित काज करे नित ही, प्रति प्रीति सौँ दीन बयाला ॥  
सेस सुरेस महेश कहूँ कब, लोचन सिद्धि करेगै कृपाला ॥  
देव चढ़े नभ सेव जनाबं, सुनार्वहि अस्तुति छन्द रसाला ॥

( ८३९ )

जादिन तैं लख्यौ छैल अहीर की, ताछिन त उर धीर न आनै ।  
वा मुसिक्यान पैं मोहनी तान पैं, त्याग दई सगरी कुल कानै ॥  
कंसी कहूँ गत कासौँ कहूँ, बलबीर बिना मन मेरो न मानै ।  
मोहि सबे जग सामरी सुभत, सामरे की गति सामरी जानै ॥

( ८४० )

आली लख्यौ जमुना तट पैं, मनमोहन सोहनि गावत ताने ।  
मो सौँ कह्यौ हँसि के ललना, मृग लोचनी दीजिये गोरस दाने ॥  
ताछिन तैं बलबीर बसे दृग, लोक की कान नहीं उर आनै ।  
मोहि सबे जग सामरी सुभत, सामरे की गति सामरी जानै ॥

• सौरठा •

( ८४१ )

वासन के हित लाल, करत चरित रस रास नित ।  
दं दं दरस निहाल, करे सराहै जन हिये ॥

कान्ह सखन तें कहत होंसि, एती सिख धर कान ।  
लै लै दधि नारी चली, लीजै इनत दान ॥

• दान लीला •

( ८४२ )

लै लै दधि नारी चली छैल के दरस हेत, हंसजा के तीर नन्दलाल धेनु चारें हैं ।  
केते सखा संग संग खेलत अनेक रंग, नाचत रंगीले किकिनो की भनकारें हैं ।  
दास कहैं तैंसें लतिकान चढ़े केकी कीर, सरस सजीली रस तातें तान डारें हैं ॥  
धन्द गन हारे हेर हेर तन काँति दोह, रचि रचि कंजन के हार गल धारें हैं ॥

( ८४३ )

देख देख नारी गिरीधारी कही सखन तें, कारी लीली सारी ये घटा सी दरसाती हैं ।  
अङ्ग अङ्ग कंचन के अलिकार साजे कल, खीरन के तीर चंचला सी भलकाती हैं ॥  
दास कहैं गगरी सकल दधि धारे सीस, धेरिये रंगीले धाय कहीं ये सिधाती हैं ।  
लीजै दधि दान जान दीजै ना सयान कियें, हियें हरषाती आज कंसो चली जाती है ॥

( ८४४ )

घेरो जाय सखन अगारी तें सकल नारी, चित्र की सी काड़ी रहों धीरज दरीजियें ।  
अधिक डरारी चित कहैं कहीं गिरधारी, कहा कर डारी यहाँ काकी सर्न लीजियें ॥  
दास कहैं नन्दलाल निकस लता तें हाल, कही हरषाय धाय संग जिन कीजियें ।  
लीजियें जी राह चाह करियें सजीली एती, तनक रंगीली आज दधि दान दीजियें ॥

( ८४५ )

कंस कहैं कान्ह आन छाँड़िये सयान ऐसे, कहा ये हठील जाल नये लै गिराये हैं ।  
छल कर कर घर घर दधि खाये केते, तनक रंगीले तेरे हृद ना अघाये हैं ॥  
दास कहैं छाँड़ अनरीति रीति लीजै छैल, तेरे ये अजस लाल बेस बेस छाये हैं ।  
कंस जान लंहे बंधे नगर-निकारी हाल, कहा नन्दलाल दान दधि के लगाये हैं ॥

( ८४६ )

लै लै सखा संग करे नारिन ते जंग ऐसे, नये नये डंग ये कहीं ते सीख आये हैं ।  
सीधे नन्दराय रानी ऐसी ना अनीत ठानी, छाँड़िये अजानी रीति नगर हँसाये हैं ॥  
दास कहैं कंसराय जानें ना अजानें ऐसे, तेरे छल छन्द ये रे चल ना चलाये हैं ।  
दान दीजै दान दीजै कंस दान जान कीजै, साँची कहि दीजै कान्ह काने ये लगाये हैं ॥

( ८४७ )

कहा कंस त्रास ताहि करे जाय नास एक, लागि है न साँस ऐसे केते ना निहारे हैं ।  
लरिका ही जानें करनी ना चिन्हानें त्रिना, से रो अघाते खल केते दल डारे हैं ॥  
दास कहैं कान्ह आन ताही ते लगाये दान, कीर्ये हैं हजार नारि कारज तिहारे हैं ।  
इन्द्र अहंकार गारे काली जल ते निकारे, सात दिना-राति हाथ गिरि नख धारे हैं ॥

( ८४८ )

धारे गिरिराज छैल नन्द जननी के काज, नारिन तें नाहक ऐसान जिन कीजै जी ।  
घर घर खाय छाद्य कही अनकही केती, एती निज सही लेत दान तन छोड़ै जी ॥  
दास कहैं आन कान करत सिपान जहाँ, छाँड़िये अजान जान हृद लै धरीजै जी ।  
हठ जिन कीजै नक दीनता गहीजै चित, चाहै जी जितक कान्ह दधि चाख लीजै जी ॥

( ८४६ )

दीनताई ताकी जाकी छापी लै रहत जेही, ऐसे कं गगरी सीस ही तें जाय छीनी है ।  
 टेरि कं संगीती जाती नन्द के रंगीले लाल, एक एक हरष हरष चाख लीनी है ॥  
 दास कहै ठाडी नारी लखे चित्र कीसी काकी, नई रे कन्हई ये टिठाई आज कीनी है ।  
 हवै लाय लीनी हरि त्रियन निहाल कीनी, डार नेह जाल लाल नेह तार बीनी है ॥

( ८५० )

धाई जित तित कहै ललन गये री कित, अँखियाँ निहारे जिन धीर ना धराई है ।  
 कँसी करे कहां जायें कासों कहै हाय देया, करत सलाह चाह नन्द गेह आई है ॥  
 दास कहै जननी तें ऐसे लै जताई जाय, बेरी नन्दरानी घर ललन कन्हई है ।  
 दधि छीन लीने चीर चीर तार कीने, ईँडुरी सकल तिन वह लै गिराई है ॥

( ८५१ )

एरी नन्दरानी छैल लाल की कहानी जान, कानन रंगीले जाय रार तिन ठानी है ।  
 सारी चीर डारी आंगी करी तार तारी छाती, नखन की धारी हेर रीत ये अजानी है ॥  
 दास कहै नंक जननी न सीख देय ताय, कासों कहै जाय सहै कँसे नित हानी है ।  
 कहे दधि दानी देत लेत न सिलानी आज, दीजे हंस आनी निज अंगन के दानी है ॥

( ८५२ )

काहे इतरानी सतरानी ये अजानी नारि, घातिन लगाय नख घात दरसाती है ।  
 वस साल हीके निज नंक से कन्हई लाल, घेरा बेत रहत सकल दिन राती है ॥  
 दास कहै तरुनि गर्धदनी सी घाय घाय, हेरती न निज तन आई इठलाती है ।  
 नंक न लजाती है लगाती आग नीर धाय, रार ही जगाती छिन घर ना रहाती है ॥

\* दोहा \*

( ८५३ )

नैन दरस के लालची चित, नहि सदन धिराई ।

इतै नन्दरानी खिजे चाली, सकल लजाई ॥

( ८५४ )

छाई घर घर दान दधि के लगाये हरि, ऐसे जिय जान नारि हिये हरसाई है ।  
 करिके सिंगार गरे हीरन के हार चारु, चादर जरी की अङ्ग अङ्गन सजाई है ॥  
 दास कहै रतन जटित ईँडुरी लै सीस, धार धीर कं दहेँडो अगँडो सिधाई है ।  
 राधा ललितादि लाई हेर तड़िता सबाई, आनन कं आगे छटा शशि की लजाई है ॥

( ८५५ )

ठाडे श्री कालिन्दो तीर कान्ह लै सखा अहीर, देख कहै नारी बई कहा रचि बीनी री ।  
 राजे गिरिधारी छैल आज निज घेरे गैल, करि है जहल कहा जिय की न चीनी री ॥  
 दास वहेँ केती ये अजान आन कानन री, जान कं अकेली तिय करत अधोनी री ।  
 केती कहै आली कलि हाली छैल जासी जानें, सीस तें दहेँडो दधि की भटक लीनी री ॥

( ८५६ )

चली हठ नारी करी हु गे की तयारी घाय, कही गिरिधारी नई रीति जिन कीजे जी ।  
 सदन सिधाई कहा त्रास ने सताई यहाँ, आडये सदाई हिय आनन्द धरीजे जी ॥  
 दास कहै कानन रखैया हित छैया छैल, सांभ या सकारे हूँ निसंक राह लीजे जी ।  
 छिन छिन छीजे देर कीजे जिन कंजनी, हठ ना गहीजे आय दधि दान दीजे जी ॥

( ८५७ )

करै अनरीति आय नई ये लगाई रीति, काल ही तें कान्हू तेरे कहा जिय आईये ।  
 ऐसे ही जितेक चहै जी जितेक चाखि लीजे, दधिदान की न लाल चरचा चलाईये ॥  
 दास कहै कंस को ये राज है रंगीले छेल, छांड दीजे गैल रार नाहक जगाईये ।  
 चलै ना चलाई तेरी अकड़ नसाय जाय, कान ये लगाई ताके लिखै लं दिलाईये ॥

( ८५८ )

काके लिखै देखि हैं हठीली ये अजानी नारि, देत हैं न दान रार नाहक जगाईये ।  
 छीन लीने चीर ले लतन अरुभाय दीन, सीस तें बहूड़ी यहि धरनि गिराईये ॥  
 दास कहै हर्न ताय जाय ततकाल धाय, जाकी लं हजार चार सेखी लं जनाईये ।  
 दसानन दल डारे हिन्य हिरष्याक्ष गारे, फहा कंस दीन जाकी चरचा चलाईये ॥

( ८५९ )

• दोहा •

खलन दलन दलते रहै, निज दासन के काज ।

जानत जान अजान नहि, सदां सदां निज राज ॥

( ८६० )

सदां हीं के राज राज साज ही के कीजे काज, सिंहासन राज गाय चार तजि दीजिये ।  
 केकी सिर सिखा डार हीरन के क्रीट धार, कंचन जलज ही के छत्र लं धरीजिये ॥  
 दास कहै स्यारी कही चलि हैं रंगीले छेल, आगे डर कंस ताहि जायकं हनोजिये ।  
 कीजे जी इतक लाल जवही चलये गाल, चाहे जी जितक जाकं आन दान लीजिये ॥

( ८६१ )

जब लगि हीं स्यारे संग तब ही लगि जिये कंस, राखि हैं न संस ताकी छार करि डारंगे ।  
 निज जन ही के काज रचत अनेक साज, ब्रासन की रास लं अखण्ड बोह डारंगे ॥  
 दास कहै केते काज चरचा चलाई आज, चढ़े जब गाज ताके अहंकार टारंगे ।  
 गाजंगे इकत्र जग जस के नगाड़े बीह, जा दिना सजीली ताके नगर सिधारंगे ॥

( ८६२ )

खाईये अघाय दही कही अनकही जेती, करणानिधान कान्हू कान जिन कीजिये ।  
 रहिये सदां ही संग करिये अनेक रंग, खेल रस रेल हिये आनन्द धरीजिये ॥  
 वात कहै नैनन के तारे रहिये न स्यारे, नंक ना निहारे छिन छिन तन छोड़िये ।  
 कीजिये दया दयाल दीजे घर जान हाल, चाहे जी जितेक लाल दधि दान लीजिये ॥

( ८६३ )

दीजिये जिनस जेती साथ हैं तिहारे नारि, बाली दधि ही कीं एक लैके कहा कीजेजी ॥  
 लाये लिये जात कित अति ही सयानी नित, सकल दिनान ही के लेखा कर दीजेजी ॥  
 दास कहै दीजिये जताय डिग कहा लाल, नाहक करत रार हेर चित्त छोड़ेजी ।  
 गिरियां अनार दाख लावे कित खेला जात, तिनको रंगीले कान्हू आन दान दीजेजी ॥

( ८६४ )

गिरिया अनार दाख कहि बहकात कहा, खेला कीं लवायकं गयन्द गत जात नित ।  
 दीजे जिन दान देंहें लहेंगे सकल साज, कहा रहों गाज आज जायगीं सयानी कित ॥  
 दास कहै नारी ऐसी कीजे नहि गिरधारी, जानी जिय जानी ऐजी हूँ गये सयाने चित ।  
 नित नित करै अनरीति कित सही जात, कानन छलत रहै नारि लाल जित तित ॥

• दोहा •

( ८६५ )

रिस कर लालन नें कही, देत न सीधें दान ।

अटकैं हिय ते जलज लरि, करिहैं कहा अजान ॥

( ८६६ )

भटकी जलज लरी अटकी सकल नार, तँने रे अजान कान्ह कहा आज कीने हैं ।  
हिये हरसात रिसियात निज आनन में, धाय धाय लाल छँल अंक लाय लीने हैं ॥  
लेत रस अंग नैन दे दे कैं सकल सेन, जानी हिये सखा लाल ह्वँ गये अधीने हैं ।  
दास जन बीनी हुंक नारिन नें करी संक, धाय खिसियाय गिरिधर छँल छीने हैं ॥

( ८६७ )

कही रिसियाय लाल आन है अनंग जीकी, तिनके सकल बंड नीकी रीति देहैं जी ।  
सीधी ही के कहत जे गहत हठोली रीति, करत अनौत नारि कंसैं नित सँहैं जी ॥  
दास नैक देत ना खरी ही इतरात जात, खरी ही खरी ये इठलाय कैं खिजेहैं जी ।  
आज कहाँ जेहैं जान जेहैं निज नीकी रीति, एक एक दिन के सकल दान लेहैं जी ॥

( ८६८ )

सखन तें कही लाल घेरिये जी राह लाल, बीजिये न जान नारि दिये बिन दान के ।  
ठाड़े जाय जाय जित तित ही रँगोले धाय, हरष हरष सटकीन कर तान के ।  
दास कहैं कानन करत रस रेल खेल, अति ही रसीले नित नित ही सियान के ।  
लाइली तें हेसि कर कही अंस कर धर, लीजिये अनंग रस लता गृह आन के ॥

( ८६९ )

चले हरषाते बौड ललित लतान गेह, कज्जन सजीले सेज छँल दृष्टि आनी हैं ।  
करे रस रेल केल आनन्दहि भेल भेल, सिधिल ह्वँ रही देह देह अरुभानी हैं ॥  
दास जित तित रंघ्र भाँकत सयानी तहाँ, निरख अलीन हू की अखियाँ सिरानी हैं ।  
नेह रस सानी कहैं सरस कहानी रानी, राधिकाजी राज आज नन्दलाल दानी हैं ॥

( ८७० )

ऐसे रसदान कान्ह लीजिये सदा ही आन, निरख निरख निज अखियाँ सिरात हैं ।  
लतागृह त्याग आये सखा विशि विशि छाये, लँ लँ के रँगोले दाधि गागरी तें खात हैं ॥  
दास कहैं नये नये खेल करे रस रेल (लाल), अति ही सजीले अङ्ग अङ्गन सिहात हैं ।  
धन्य यह नारी निज कर राखे गिरिधारी, जा रस दरस हेत गिरा ललचात हैं ॥

( ८७१ )

• दोहा •

धनि यह कानन धन्य रज, धन्य धाय यह नारि ।

इनके संग खेलत हरी, सकल जगत आधार ॥

चरण रेनुका इनन की, करि हँ शीघ्र सनाथ ।

केहि दिन दासी कर गहैं, लँहें निज गन साथ ॥

( ८७२ )

छड़ दे दिगारे असो नन्द दे रंगीले छैन, कीया तें हठीले साड़ी वहेड़ी गहेवा हे ।  
नई नई कानन अनीत कान्ह करदां हे, किस्त के कहे ते दड तान तं चहेवा हे ॥  
वास कहे कंसजी के डर तें न डरवा हे, अरवा हे कोया हथ्य छतियां चलेंदां हे ।  
अजस ही लेंदा निक्की रिस्त ना चलेंदा कही, एंडी एंडी मल्ले कंदा हथ्य क्यो लगेवा हे ॥

( ८७३ )

लगावां हे इत्थे दान कानन दे नाल सांडा, कीयो तें रंगीली एंडी एंडी ही रहेंदी हे ।  
जेड़ी थारी गल्ले रल्ले निक्की हें न छल्ले चल्ले, हीयें हार हल्ले हीर नाहक रसेदी हे ॥  
कंस हो कहेदी हे जनेंदी हे न कीयां धाय, गल्ले हीं चल्ले बी अक्ख अलियां तनेदी हे ।  
रार ही जगेदी हे अडेदी हे दिगादे नाल, सोम की वहेड़ी तें चंग्गा दड देंदी हे ॥

( ८७४ )

थारी लङ्गराई छैन चालसी न इट्टे चिनी, नई रे हठीला आज काई हाथ आसी जी ।  
छाड़ दीजे गंला गंला काई काज ठाने रार, छाड़सी न ये जी नई राज कने जासी जी ॥  
वास कहे थाने लाल नीकी सिख देसी हाल, धारसी न ऐयां तें चिरासी जी ।  
जननी खिस्थासी तात नन्द नें लजासी जान, अंयां री तहां ते काई दधि छेल खासीजी ॥

( ८७५ )

काई काज घेरे छे हठीला नारि कानन में, गागरी नें हात घाल अलियां ने ताने छे ।  
नट रे सजाय साज ला करो हलाई आज, सख्या नें रे डेर के नई अनीति ठाने छे ॥  
वास कहे थारी थे अकल कि नां हरी आज, कंस जी रा गेल दे चिनी न डर आने छे ।  
छाने नार होसो लाल राजने जनासी हाल, अकड़ नसासी घर हीरा राज जाने छे ॥

( ८७६ )

के ठाई चली ले नारि सीसेर गागर धार, ऐई काछ केई असे हातार डाकीये चे ।  
केई कर नाय नाय रखल लगीले खाय, सहल दहीर दान ये खाने लागीये चे ॥  
वास डांक कने तीत करीये कन्हाई लाल, ऐई कथा सिथी जंये कसेरे जनये चे ।  
अकड़ नसेये तार राजेर धरये बीजे, बीजे नाई कटी रार केतोर जागीये चे ॥

( ८७७ )

सकल कन्हाई दधि खायेचे डालीये बीजे, येई काज तार नंद नन्देर डाकीये चे ।  
लरिर छांडा डांकेत कानन ते तेती करी, छांडे नाइ ये की लाल के तार कांवीये चे ॥  
हजार कही ले कथा केई ना करीये कान, वास केने धीर धारी ये साज ताकिये चे ।  
सेई ठाई जंये राज कसेर थाकिरे छीते, तेरखानेर खाल तार सिम्रि परीये चे ॥

( ८७८ )

किसके कहे ते कान्ह करता अनीत एतो, टेढ़ी टेढ़ी आंखें कान्ह किस्तरें दिखाता हे ।  
जाता हे न सोधा चला करता दलोल ठाड़ा, दिल की न जानी जाय सेखियां जनाता हे ॥  
बास कहे सिर से दहेड़ी छीन लीनी दड, हंस हंस खाता लं लं सखन खिलाता हे ।  
नंक ना लजाता छे ल सोधा चला आता उर, कित्त न खाता नारि सीने से लगाता हे ॥

( ८७९ )

चाहिये न ऐसी करनी सजाह नन्दलाल, रासने चत्रत नारियां से जंग ठाना हे ।  
चित्त ललचाना खाना दधि जरा चाख लोज, दहेड़ी छिहाना जान कर ये अजाना हे ॥  
वास कहे जाना जाना सदां का रहाना यहाँ, ह्वं कर तयाना दान किस्तरें लगाना हे ।  
कान्हा इठवाना छांड दीजिये सहा ना जाय, बिल का खिजाना राज कंस का न जाना हे ॥

सिर की गगरी छीन लई कस कंसाराय कर जाय जनै हैं ॥  
 घेरत नार नन्द कर लरिका नीक जान तेहि ठाई घिरे हैं ॥  
 डगर जात काहे इठलये दास कहै छल तहीं नसै हैं ।  
 बधि का छैल चहै है इहि गति तेहि कर नेक छाच नहि दै हैं ॥

नीकी न लागत यह गति कान्हर काहे लाल करत लरकैया ।  
 कंसाराय का राज न जानति नन्दलाल का हाल घिरैया ॥  
 दास कहै केहि सीख लीन असा नारिन का तेहि लगै खिजैया ।  
 जद लग गाल चलै अति नीकें तद लग राज न जाय जनैया ॥

आली रस रास लाल लाइली नखत संग, अचक चरण लच धरति धरत हैं ।  
 ताताथेई ताताथेई कर गत लेत देत, भवन भवन कल भांभन करत हैं ॥  
 दास कहै देखरी रंगीली रस नेह तानी, सरस रसोली तान रसना ररत हैं ।  
 एक एक ही निहारै दृष्टि छिनक न टारै, केते रति नाहक की चाहन वरत हैं ॥

नाचत हरस हंस लाइली ललन संग, कंसे रसरजन के खेलन करत हैं ।  
 चलन अवां की ताकी ऐसी नाहि भांकी आली, तरुण गयंदनि की गति ही गरत हैं ॥  
 दास कहै जित जित धरत चरण कंज, तित साल रंग के कलस से डरत हैं ।  
 एक एक ही निहारै दृष्टि ना छिनक टारै, केते रति नाहन की चाहन वरत हैं ॥

देख री सहेली रंगरेली हेली आन नैक, इनके निहारै री अतंग रति लाजें हैं ।  
 कंचन जाटित नग खचित सजीले कल, कंसे ये रंगीले अङ्ग अलंकार साजें हैं ।  
 दास कहै दासी खासी ल ल हित रासी साज, सारंगी सितारन रंगीली तान गाजें हैं ॥  
 अंस कर घाल करै हेर न निहाल कंसे, हीरन तखत श्रीलइंती लाल राजें हैं ।

केती सखी कली रंगरली ल लतान ही तै, रचत रंगीले हार इनहीं के काजें हैं ।  
 केती खीर चांद चांदनी से ल चटकदार, चिन चिन चार जरीदार अंग साजें हैं ॥  
 दास कहै केती घिस चन्दन जही के सार, आनन लगाय हरषाय अस गाजें हैं ।  
 अंस कर घाल करै हेरन निहाल आज, हीरन तखत श्रीलइंती लाल राजें हैं ॥

जै जै कीरति लाइली, जै नंदनन्दन अधार ।  
 जै जै आनन्दकन्दनी, दास आस हिय सार ॥

कालीदह लीला ललित, की लागी चित आस ।  
जन अघ टारन लाइली, रचि दीर्ज हित रास ॥

( ८८७ )

देख धरा त्रास हित रास ऋषि नारद जी, खल दल नास हित सीध ही सिधाये हैं ।  
कंस तिर नाय हरषाय निज आसन दे, केते दिन गये आज दरस दिखाये हैं ॥  
दास कहैं तौ अधीर है रंगीले छल, सांची कह दीर्ज कहा संकट सताये हैं ।  
हा हा नाथ दीजिये सलाहजी सनाथ कीर्ज, हलधर कृष्ण लाल काल से दिखाये हैं ॥

( ८८८ )

कागा से वृणा से खेला से सहख हनें गये, खेलत ही धेनुका त्रिणाकी लं नसाये हैं ।  
छिन छिन धरी धरी रैन दिन कल नाहि, कासों कहैं जाय दीह संकट सताये हैं ॥  
दास कहैं त्पारे लं दरस ते हरष तन, करुमानिधान जस देश देश छाये हैं ।  
हा हा नाथ दीजिये सलाह जी सनाथ कीर्ज, हलधर कृष्ण लाल काल से दिखाये हैं ॥

( ८८९ )

केतिक हैं काज राज ताही तौ रहे जी आज, लिखि खत आज हलकारे हाथ देना जी ।  
नन्द जी से कह देना सत लख कंज वह-काल ततकाल नहीं दिये तौ टलना जी ॥  
दास कहैं सांची ये सलाह चित लाह लीज, ऐसी चरचा के ताके धीरज रहैना जी ।  
जहाँ रहे कालीजी कराली जी गरल घाली, तहाँ जाय लाल हाल जीवत रहैना जी ॥

( ८९० )

टेर हलकारे कही नन्द के सदन जारे, देना ये जनाये सत लाख कंज चाय हैं ।  
कालीदह हीके नोके लगे हित हीके काज, कहीं कंस जीनें काल सीध ही लदाय हैं ॥  
दास कहैं लिखि खत दीना जित होना जान, जीना जन चाईयें तौ देर ना लगाय हैं ।  
जाय हैं काल काल आयें हैं सकल हाल, कृष्ण हलधर तेरे धायकें धिराय हैं ॥

( ८९१ )

लंके सात चिठी ईंठी चरचा इ कीठी जाय, बई नन्दजी के हाथ देखत लजाये हैं ।  
टेर कें संगाती जाती नारी तर कहैं हाय, कहा ये अखण्ड आज सीस त्रास छाये हैं ॥  
दास कहैं कंसो करे काकी जा सरन लहैं, ऐसी अर रहे राज कहा जिय छाये हैं ।  
खेलत ही कान्हु आयें हैंसि हैंसि के जनाये, कहाँ तौ ये आयें तात कहा कर लाये हैं ॥

( ८९२ )

कंस के सिखाये आये लाये एक चिठी लाल, कहा कहैं हाल जिय कहत लजाईयें ।  
काली दह कंज काल चाहिए सतक हाल, कीजिये न बेरी सीध सकल लदाईयें ॥  
दास कहैं कंसो करे जतन रंगीले कान्हु, कठिन कराल सीस त्रास रास छाईयें ।  
नोकें जिन दहैं जाय जहैं जिय सांची जान, हलधर कृष्ण तेरे आय कें धिराईयें ॥

( ८९३ )

कंस त्रास हीते गिरे संसे के सकल सिधु, ललन कहे तौ चित धीरज धराये हैं ।  
टेर टेर सखा संग खेलत अनेक रंग, गेद लं रंगीले कर कानन सिधायें हैं ॥  
दास कहैं जाके ध्यान करे सनकादिक से, नेह । ग राधे ये अहीरन संग छाये हैं ।  
अति ही सजीली दरसात लतिकान छटा, नेह की घटा सहित कालीदह आयें हैं ॥



( ८६४ )

कीर्ण जिन संक चित रहिये असंक त्रास, राखि है न अंक निज इष्ट हितकारी हैं ।  
रहें सदा संग करे खलन तें जंग तिरणा से, ही (जी) अधारे कागासेन के संहारी हैं ॥  
दास कहें तेई सोस काली के लदाय कंज, नासं जन रंग कंस अहंकार गारी हैं ।  
करुणा निधान कान्ह करि हैं सकल काज, राख लहैं लाज सरं कारज हजारी हैं ॥

( ८६५ )

खेलत हंसत गेंद खेलन रंगोले छैल, धाय कं चलात ताक ताक घात कीनी है ।  
आई कर कान्ह के वरण अहंकार कंस, दीन दीनता हरन डार वह दीनी है ॥  
दास कहें सखा तने करी ये कहा रे लाल, बीजं ताय लाय धाय अंक गहि लीनी है ।  
कहा कान्ह कोनो जान कं गिराय दीनी निज, जरीवार तारन ते गसत रंगीनी हैं ॥

( ८६६ )

बीजं छांड लंक रे असंक यार नाहक तें, एक गेंद ही के काज एती रिस टानं है ।  
बीजं गिन चार नंक धौर हिये धार गिर, गई तेन ऐहें नैन ताही हेत तानं हैं ॥  
दास कहें त्यारे काज कीने हैं हजार आज, नंक चीज ही के काज सांति जी न प्रानं हैं ।  
ऐसे खिसियाने चित नंक न लजाने हने, धेनुका अघा से कहा तने नहि जानं हैं ॥

( ८६७ )

सखन रिसयाने जाने नन्द के रंगोले छैल, चढ़े तर ताल देत कछनी कसाय कं ।  
कंस अहंकार गारी काली जल तें निकारी, दीन अधटारी हिय अति सरसाय कं ॥  
दास कहें जाके ध्यान करे सनकादिक से, नारद से रिवि रहे जग जस छाया कं ।  
नर तन आय कं धराय जन हेत चेत, गिरे हैं कालिन्दी दह कृष्ण लाल धाय कं ॥

( ८६८ )

देत हैं न गेंद सीख देत है हजार आन, तेरे ये सयान चित एक ना धरें हैं जी ।  
देख लई चाल ख्याल करत हजार लाल, लहैं ततकाल यदि जान धर दें हैं जी ॥  
दास जरीतारन की नगन हजारन की, ऐसे नित हानि कान्ह कंसै जान सैं हैं जी ।  
सत्त ही जनहैं चित नंक न लजं हैं धाय, नहीं रे रंगोले नन्दजी तें जाय कहें जी ॥

( ८६९ )

गिरे नन्दलाल धाय देख कहें हाय हाय, सकल संगती छैल कहा जिय लाये हैं ।  
गेंद ही के काज राज जान निज वई कान्ह, ऐसे ये अखंड आज त्रास लं बिखाये हैं ॥  
दास कहें वरदान हेत है अधीर रहे, जैसे भय जल हीन तंसं वरसाये हैं ।  
अधिक लजाय कर हाय नैन जल धारा, चले हहराय जन नन्द गेह धाये हैं ॥

( ९०० )

इतं नन्दरानी याव लालन की आनी दीह, बेर री लगानी आज छाकन नहीं दीनी है ।  
चली धाय गेह लेह देह अति ही सनेह, तहां एक नारी लं तड़ाक छौंक दीनी है ॥  
दास कहें गई थहराय अति ही लजाय, निकरी अजिर चित अधिक अधीनी है ।  
कहा रचि दीनी वई गति हीन चीनी जाय, आज हाय कंस की अधिक त्रास चीनी है ॥

( ९०१ )

सालन के देखन चले हैं नन्दराय रानी, अधिक हिरानी संग कानन सिधाये हैं ।  
लित तें संगती वरसाय कहें हाय हाय, रहे नैन जल छाया अधिक डराये हैं ॥  
दास गिरे कान्ह जान कालीवदह गेंद हान, ताछिन तें नंक नहीं वरस दिखाये हैं ।  
दिनकत सोत्र आवे जगह जनाये तिन, जननी जनक गिरे धरन लजाये हैं ॥

( ६०२ )

आये घर नन्द नारि देखी हैं अनन्द नहीं, कही कहा छन्द आज हूँ रही अधीनी है ।  
लालन की छाक हेत चाली ही सदन धाय, ताही छिन नारि नें तड़ाक छींक दीनी है ॥  
दास कहैं कंसी करे हाय हाय एजी राज, कही ऐसी ही अकाज राह निज चीनी है ।  
कहा रचि दीनी चित्त धीरज गहो ना जाय, देखन ललन राह कानन की लीनी है ॥

( ६०३ )

घाये जन जित तित कहैं लाल गिरे कित, सकल संगती दरसाय ठाह बीने हैं ।  
त्राहि त्राहि त्राहि राय रानी ये लगाई टेर, गिरे हैं धरनि चित्त अधिक अधीने हैं ॥  
दास कहैं कान्ह त्रास जराये दिखाय आन, दरस तिहारे नहीं धुक निज जीने हैं ।  
सीने दरकत जात धीर ना धरात छिन, हाय कंसी करे आय दई घेर लीने हैं ॥

( ६०४ )

गिरन चले हैं जल जन के सहित रानी, कर गहि राखे जन ऐसी जिन कीजिये ।  
कान्ह ही के संग जान सकल संगतिन की, ये जी सिरताज यह सांची जान लीजिये ॥  
दास जानै कहा लिख दीनी करता लिलाट, देखिये दिखाई छिन धीरज धरोजिये ।  
कीजें निज इष्ट ध्यान हरै जे कलेस आन, ये ही है सयान नहीं यहै तन छीजिये ॥

( ६०५ )

व्याकुल बिलोक तात मात द्रजवासी राम, बंन सुखधाम अभी सौंचत जिवाये हैं ।  
आवत हैं कान्ह गुण खान नाथ काली हाली, कंस मद भंजन कौं दह में सिधाये हैं ॥  
लाल बलबीर बीरताई कौं बिलोकि देखी, बकी बका वत्सामुर तिनलि नसाये हैं ।  
केते उर आये श्याम सब लं दराये तुमै, देहतहि तर देव स्वर्ग कौं पठाये हैं ॥

( ६०६ )

झूड़ी सुत सोक के अथाह सिन्धु नन्दरानी, मोह वश हूँ कं तन मुध बिसराइयें ।  
आचौ प्रान प्यारे पास नैनन के तारे कृष्ण, हलधर वारे मेरे ऐसे कं सुनाइयें ॥  
माखन मधुर धीरी धूमर कौ काढ़ राखी, नंक नंक चाखी देखी कंसो मुखदाइयें ।  
वेर ना लगाईसि सिधाइये सदन ओर, लाल लाल लाल कहि टेर क्यों लगाइयें ॥

( ६०७ )

उरग की नारी बनवारी बंनु धारी जू कौं, चक्रित अपारी मुस चन्द्र कौं निहार ही ।  
कौन कौं पठायो भरमायो यहाँ आयो हाय, नाग विष ही ते जल उमग्यो अपार ही ॥  
लाल बलबीर धीर कंस मन राखें माय, उनकौं रिभाय घर क्यों नहीं सिधार ही ।  
जाग जेहँ कंस बलवन्त है अनन्त तन, ये कही छिनक में करंगो जार छार ही ॥

( ६०८ )

कंस कौ पठायो यहाँ आयो हौं कमल लैन, बीजिये जगाय नाग कंसो बलकारी है ।  
तापे लदवाय पहंचाय हौं नृपति द्वार, कीजिये न बार मन येही मैं विचारि है ॥  
लाल बलबीर तोहि देखि कं लगत मोह, हठ छाँड़ बीजें सीख सांची ये हमारी है ।  
बेह सुकमारी क्यों करंगो जार छारी तूही, लीजिये जगाय जो मरन मन धारी है ॥

( ६०९ )

गरब अहारी बनवारी श्रीविहारी लाल, अति ही विशाल वपु ही कौं बिसतारो है ।  
दूटन लगोहैं अंग सब मद भयो भंग, जान्यो मन ये ही अवतार वज धारी है ॥  
लाल बलबीर हूँ अधीर दोह बाढ़ी पीर, सरन सरन हौं जू बीन हूँ पुकारो है ।  
गायो ना सम्हारो लघु कीयो ततकाल प्यारो, करुणा के सिधु कौं विरद पन पारो है ॥

( ६१० )

तब बनवारी यह पूँछ दाब दई गारी, चौक्यो उर भारी ज्यों गरुड़ रिपु आयो है ।  
 देख्यो दृग बाल क्रोध छै गयो विशाल मुख, छाड़ित है ज्वाल हरि अंग लिपटायो है ॥  
 लाल बलवीर की निहार छुबि नारी कहै, हाथ मन कहाँ ते मरन ये सिपायो है ।  
 अति हरषायो काली कहत गरज हाली, मो सम न कोऊ जग ही पै गर्ब छायाँ है ॥

( ६११ )

येही डेर सुनी गजराज की रंगीले छैल, गरुड़ बिसार नंगे पाइन सिधारी है ।  
 येही डेरी सुनी द्रौपदी जू की सभा के मध्य, दुष्ट मद गारथी चीर जरबे कर गारी है ॥  
 येही डेर सुनी लाखा प्रहृ ते निकारे जन, बलवीर ऐसो बेनु जात ना सहारी है ।  
 लघु तन धारी नाग कियो है मुखारी, नाथ कूद चढ़े सीस ताके नख्यो प्राण प्यारी है ॥

( ६१२ )

देख के दरस मन हरष बढ़ायो नाग, दीन हूँ दयाल जू सों वचन सुनायो है ।  
 कपटी कुटिल क्रूर काइर हौँ दीनानाथ, तुम्हरो न भेद स्वामी वेद हूँ ने पायो है ॥  
 जे पद परसि मुरसरिता पुनीत भई, तीनलोक पावन सु जाको जस छायाँ है ।  
 कृपा सो धरो मो सीस पातक नसाई ईस, संभ्रम भगायो दास अभय जू करायो है ॥

( ६१३ )

उत मन्दरानी बिलखानी मुरभानी कहै, जहो बलराम श्याम अजहूँ न आमैं हँ ।  
 जीवन वृथाई सुखदान कान्ह बिनु जान, कोऊ गुन खान नहीं दरस करामैं हँ ॥  
 लाल बलवीर बिन कसैं में धरूँगी धीर, विरहा अनल आन अधिक जरामैं हँ ।  
 काहे कल पामैं सुख पामैं ये कहाँ सुजान, निपट अजान प्राण निकर न जामैं हँ ॥

( ६१४ )

सुनि दीन बानी सुखवानी रिभानी मति, अभय हेत काली सीस चरन धराये हँ ।  
 कंस नें मंगाये हम आये हँ सरोज लैन, तीन कोटि ताके पर पिष्टु पै लदाये हँ ॥  
 लाल बलवीर चले ब्रज सुखदाई छैल, लीनों उचकाय दास अति हूलसाये हँ ।  
 नागन की नारी करैं बिनती अपारी नाथ, बिन ही प्रयास आप दरस दिखाये हँ ॥

( ६१५ )

बोले बलराम श्याम आवत हँ सुखधाम, काहे कौ बिराम मात होत मन माहों रो ।  
 काल हूँ कौ काल खल दल कौ विहाल करे, चौदह भुवन ५ वो आप निज साही रो ॥  
 लाल बलवीर दास दीनन रखैया कोटि, कंटक दरैया उरहूँ नैक डर नाहों रो ।  
 जहाँ परे काज सुख साज राज लाज हेत, कोप करि गाज छैल तितही कौ जाहों रो ॥

( ६१६ )

जानि के उदासी ब्रजवासी सुखराशी छैल, फन चड़ि नाग के यमुन तट आये हँ ।  
 देख नर नारी बनवारी श्रीबिहारी जू कौ, जाय जाय नन्दरानी कौ सुनाये हँ ॥  
 लाल बलवीर लाये कमल लदाय लाल, सुनत ही बंन मन अति हूलसाये हँ ।  
 प्रीधम के भान के तचाये प्यास ने सताये व्याकुल मरत मनो लघु लं पिबाये हँ ॥

( ६१७ )

आये तीर कान्ह सुखदान मनमोहन जू, कमल धराय बंन कहाँ ये नखीनी है ।  
 जाबो निज लोक सोक मन तें बिसार दीजे, करौ सुख साज जोई भावें रंगभीनी है ॥  
 कहाँ बनवीर जू सों त्रास है गरुड़ जू कौ, पाइन परे तौ आन कीनी सीस चीनी है ।  
 अभय पद दीनी डर दीन जान छीनी नाथ, कीनों हौँ सनाथ पद बन्दि चल दीनों है ॥

( ६१८ )

नाचै लाल काली की फनाली पं निराली भाति, मधुर मधुर सुर बांसुरी बजावहीं ।  
देख ल्याल ल्याली बनमाली के उताली देव, नभ में ते जे जे कर पुष्प धरसावहीं ॥  
लाल बलबीर ब्रजबासी सुखरागी जू कौ, कोऊ जल मांह तीर ठाड़े ललचावहीं ।  
अति अतुरावं ज्यौं तुरावं गाय बच्छ हेत, मिले सुखरास तन त्रास जबै जावहीं ॥

( ६१९ )

तीर कान्ह आये हुलसाये ब्रजबासी सबै, दौर तात मात लाल अङ्ग लिपटाये हैं ।  
ता समै कौ मुख मुख वरग्यौ न जाय कछु, मरत ही मानौ प्राण फेर उर आये हैं ॥  
लाल बलबीर कही जलज धरे हैं तीर, कंस ने मोंगाये अबहू न पहुँचाये हैं ।  
आज जी न जँहे कालि सैना साज ऐहै, एतौ सुन नन्दराय धाये सकट लदाये हैं ॥

( ६२० )

दीने हैं सकट लाव कोटि दधि माखन के, घर भर अहीरन कधि धरवाये हैं ।  
तीन कोटि कमल दिये हैं काली तीर धरे, चाहे चितं लीजें लिख पत्र कौ गहाये हैं ॥  
भनै बलबीर सब गोप नन्दराय जू नें, संग में सिखाय दीनें ताई कौ पठाये हैं ।  
बोले हैंसि श्याम कियो काम कँओ कंस जू सौं, नाम कौ जनेयौ सुन मधुरा सिधाये हैं ॥

( ६२१ )

चलै हरषाय सबै आये वृन्दावन दीपौ, पाय नन्द सिरौ पाय सबन विखायी है ।  
भये कंस राजी भाजी ब्रज की सकल त्रास, निरभं करेये दास संभ्रम नसायी है ॥  
भनै बलबीर उतै राज मुरभाय जाय, दावानल ही सौं निज मंत्र लं जनायी है ।  
कालीदह आये गोपकृन्द सबै छाये तहाँ, बीजिये जराय जाय वाव भलौ पायी है ॥

( ६२२ )

पहुँचे जा द्वारे हलकारे सौं सुनाई बात, जाय कही कंस जू सौं सीध्र उठि धायौ है ।  
देखत ही फूल सब मुध-मुध भूल गयो, उख्यौ उर भूल जान ध्यान विसरायी है ॥  
भनै बलबीर सोच पोच मति केतौ फेरि, भीतर कौ जाय पहरामन कौ लायी है ।  
उर भुंभलाय मुख करत मधुर बात, नन्द जू सरत यह कारज बनायी है ॥

( ६२३ )

चल्पौ हरषाय खलराज की रजाइस ले, निज करतूत आज कंस कौ दिखाइयै ।  
जार कसँ छार तहाँ लाऊँ ना अवार होय, सब ही सुवार नैक दृष्टि पर जाइयै ॥  
भनै बलबीर धायौ है कर अधीर सबै, भीर ब्रजवासिन की एक ठाँह पाइयै ।  
देर न लगाई क्रूर क्रूरता दिखाई जहाँ, सौबत है तहाँ जाय अगिन लगाइयै ॥

( ६२४ )

प्रगटी प्रचण्ड बन दावानल चहँ ओर, पवन भङ्गभोरन तँ शैरत ही आवै है ।  
साखा द्रुम बेलिन में रह्यौ मच्चि कीलाहल, खग मृग जीव बहु जंतुन जरावै है ॥  
जाये ब्रजबासी छाई अमित उदासी उर, हेरत विसान राह कित हँ न पावै है ।  
प्राहि प्राहि बलबीर टारौ यह पीर नाथ, कीजिये सनाथ त्रास सह्यौ नहीं जावै है ॥

( ६२५ )

खोलै नैन भये चैन बोले हैंसि सबै बँन, काल सौं कराल ज्वाल कित में बिलाई है ।  
जान्यौ न परत ल्याल छँल नन्दलाल जू कौ, ब्रजप्रतिपाल ये बड़ेई सुखदाई है ॥  
लाल बलबीर जाय नाथ्यौ जी पताल नाग, तीन कोटि कंस लायी तापे लदवाई है ।  
करत सह्यौ ब्रजजन पं सदाई यह, पूण अवतार हितसार जियी आई है ॥

( ६२६ )

टेर ब्रजवातिन की सुनी मुखराशी छैल, कीजै न उदासी सबे आँख मँव लीजै जी ।  
करत सहाई बुही लेगे सुधि आइ दौर, बड़े बलकारी ध्यान उनहीं को कीजै जी ॥  
सबे बलबीर धारी धीर आवंगी न नीर, भूल हू न कोऊ मन नैक ना उरीजै जी ।  
मुन्दर मुजान कान्ह गये कर पान जान, काहू नहि पाई फेर कही खोल लीजै जी ॥

( ६२७ )

रहे दिन राति प्रात होत ब्रजबासी सबे, सहित गुपाल निज सबन सिधाये हैं ।  
करे नव खेल रसरेल बलबीर लाल, निरख निहाल जन त्रास को भुलाये हैं ॥  
कब कंस कज माँग कब जल नाथे नाग, कब बन लागी आग कब गये आये हैं ।  
माखन को खात मुसिक्यात मुखधाम श्याम, माँग तात भातन के लोचन अघाये हैं ॥

\* अघामुर लीना \*

( ६२८ )

ग्वालन के संग छैल घन में चराबे बच्छ, स्वच्छ जल देख यमुना को सुखपावहीं ।  
कोऊ घेर लावे कोऊ टेर ई बुलावे कोऊ, अङ्गन सिरावे नृण हरित चरावहीं ॥  
लाल बलबीर जू को कोऊ ड्रुम बेली रंग, रेली अति हित सो दिखावहीं ।  
कोऊ हरपावहीं सुनावहीं रंगीली तान, मान भरी तान कान्ह बाँसुरी बजावहीं ॥

( ६२९ )

बदन समाने सबे अघा ने अकोरे ओठ, दगहू दिशा में छयी अन्धकार भारी है ।  
बोले अकुलाय ग्वाल कहीं गये नन्दलाल, कठिन कराल जाल जात ना सम्हारी है ॥  
लाल बलबीर चौके खलन बलैया सुन, भक्तन सहैया तन दुगुनो समारी है ।  
गयी ना संघारी फारयो मुख बीच प्यारी, फट्यो वसत दुआरी स्वांस रोक मार डारी है ॥

( ६३० )

अघामुर आयी खल कंस को पठायी, भूमि तँ अकास लग बदन पसारो है ।  
जान लई कान्ह याके कीजै तन ही को हानि, लेक ग्वाल बच्छ छैल तित हो सिधारी है ॥  
लाल बलबीर जू को जाने कौन माया दोह, सकल संघाली मग सुखद निहारी है ।  
मोद मन धारी घन खरेगी हमारी नृन, हरित हरित जहाँ निपजत भारी है ॥

( ६३१ )

बाहर निकारे ग्वाल जानिकं बिहाल लाल, निरख भये निहाल सबे हरपायो है ।  
घन घन कान्ह सुखदान प्रान प्रीतम जू, धन्य पितु मात जिन ऐसो सुत जायो है ॥  
लाल बलबीर खल गिरघो पछार डारयो, काल ते कराल जिन त्रास ले दिखायो है ।  
बोले हँसि श्याम मुखधाम तुम मित्र मेरे, तुम्हरी कृपा तँ अघामुर मरि पायो है ॥

( ६३२ )

मित्रन के संग बन भोजन कर श्याम, पावे मुखधाम छाक छीन छीन कर से ।  
छाटे भीठे रोचक सलोने पकवान बहु, अति ही सुहीने लीने बेर बेर परसे ॥  
लाल बलबीर जी को निरख बिलास हास, अमरपुरी के सब वेव वृन्द तरसे ।  
जं जं नन्दलाल ग्वाल बाल मिल खेली श्याल, सदां ही कृपाल वर पुण्य भर वरसे ॥

( ६३३ )

जान चतुराई चतुरानन की ब्रजराई, ग्वाल बच्छ हीके तन आपन बनाये हैं ।  
रूप गुन बंस सब बंसे रंग रेख भेख, बोलत हंसन विहंसन सम छाये हैं ॥  
लाल बलबीर विधि करी है दिठाई बीह, तदपि बिचार दास कीये मन भाये हैं ।  
बोली कं संगाती कही सांभ नियराती, सब मण्डली सिहाती छल सदन सिपाये हैं ॥

( ६३४ )

भोजन करत बन ग्वाल बच्छ चोरे विधि, लाल बलबीर जू की माया भरमाये हैं ।  
कंसो भगवान छाव भूटन अहीर आन, कौन है सुजान मन भेद नहीं पाये हैं ॥  
प्रथम गो नन्द वृज गोपन के बाल वृन्द, लं कं छल छन्दन सों लोक कों सिवाये हैं ।  
सबई जान जहँ ती पं ये बुजाय लहँ ऐसे, करत रिचार माया संन में सुबाये हैं ॥

• दोहा •

( ६३५ )

घर घर श्रीगोपाल जू, ग्वाल बच्छ धर देह ।

खेलत जननी जनक मन, बिन बिन बढ़यी सनेह ॥

( ६३६ )

आयो चतुरानन विचार ब्रज छहँ त्रास, देखे बच्छ-ग्वाल नन्दलाल जू चरामें हैं ।  
चौक गयो लोक तहाँ सोवत ही पाये सब, धायो पुनि वीर दृष्टि बंसे ही लखामें हैं ॥  
लाल बलबीर जू की माया भरमायो मन, अति अकुलायो कहे हाय सत्त कामें हैं ।  
पामें है न सारदा महेस सनकादि भेद, छित में चहँ तो ब्रह्माण्ड कों बनामें हैं ॥

( ६३७ )

डोह्यो विधि बरस न पायो भेद लालन की, कहनानिधान जन जान मुसिवयाये हैं ।  
दीनों जब ज्ञान धर ध्यान कों विचार रह्यो, ग्वाल बच्छ जल भुज चत्र वरसाये हैं ॥  
लाल बलबीर जू सों हाय में विरोध कीनों, ऐसो मति हीनों छल स्वामी कों दिखाये हैं ।  
कपटी कुमति कुटिल क्रूर कायर कपूत हों में, दीनबन्धु राखि लीजं सीस पव नाये हैं ॥

( ६३८ )

करी है दिठाई अनजाने त्रिभुवन राई, माया में भुलानी ना प्रताप वर चीनी में ।  
बनि है न मुख मोरं चूक परी आन भोरं, देवन के देव हाय घोर चास दीनी में ॥  
लाल बलबीर दास आपनी ही मुखरास, राखी निज पास बुद्धि दीजं मति हीनी में ।  
मेरे यह औगुन विचारिये न येहो नाथ, कीजिये सनाथ विधि तुम्हरो ही कीनी में ॥

( ६३९ )

जान विधि दीन दीनबन्धु श्रीबिहारी लाल, निज हस्त कंज ताके सीस पं धरायो है ।  
पर्यो है चरन जाय गहक लीयो उठाय, मन्द मुसिवयाय मन संसं कों निटायो है ॥  
लाल बलबीर जू की अस्तुति करन लाग्यो, जं जं कहनानिधान जल जस छायायो है ।  
कौन भेद जानै त्याशी माया में भुलाने सर्व, सर्व ब्रह्मांड नाथ आपकी बनायो है ॥

( ६४० )

धन राजबासी प्रेम किये बस अविनासी, इन ही के संग बन बच्छ लं चराव जी ।  
धन दिन आज निज राज की बरस पायो, ये जू महाराज चाह चित की पुजावी जी ॥  
लोक ना सुहाई रखी चरनन लाइ बिनं, सुनी सुखदाई विध और प्रघटावी जी ।  
खग मृग रेनु वृन द्रुम लता एहो नाथ, चाहै सो बना ी मोहि ब्रज में बसावी जी ॥

( ६४१ )

मुन विध बानी मुखदानी श्रीबिहारीलाल, कौन कौ बनावों हंसि वचन मुनायी है ।  
 व्रज परदक्षिणा दे आवौ निज लोक जावौ, महा प्रेम ही सों दीन सोत मांग पावौ है ॥  
 लाल बलवीर उर दीन्यौ पहिराय हार, सुखमा अपार हेर हेर हरषायौ है ।  
 आयसु कौ जाय जाय म्वाल बच्छ दीने लाय, सोस पद नाये निज धाम कौ तिधायौ है ॥

( ६४२ )

प्रथम ही पूतना सु आई ग्राम गोकुल में, अस्तन गरल लेप कीनो छत भारी है ।  
 चीर खूब साजे हैं नवीन अंग आमूषन, तैसो बन आई कोऊ गोप की कुमारी है ॥  
 लाल बलवीर धाई नन्द के सदन माँहि, यमुबा नें आवर दे निकट बंटारी है ।  
 नजर बचाय कुच दीनों मुख लालन के, खंचत ही चीर प्रान खंच मार डारी है ॥

( ६४३ )

कागासुर कुमति कुटिल आयी गोकुल कौ, बँठयो जाय नन्द जू के धाम पै सड़ाक दे ।  
 पालने में भूलतौ निहार्यौ लाल सुधरी सौ, हरष चढाय आय उतरयो भड़ाक दे ।  
 क्रोधातुर होय खल आयौ पास पालने के, चोंच गहि कान्ह थाप मारी है तड़ाक दे ॥  
 मोर मुख तोर पर फेंक नभ माँहि दीनों, परयो जाय कंस की कचरी में पड़ाक दे ।

( ६४४ )

लावें हैं नारद मुनि शेषजी से इन ही कौ, नित प्रति ही सों उर ध्यान कौ अगाधे जू ।  
 ढावें हैं मद काम क्रोध के सु जालन कौ, ज्ञान की कमानन सों काटत सु बाधे जू ॥  
 मन बलवीर कह्यौ सुनौ यह धाय सजन, प्रिया जू कौ जस है तू गाय मुख राधे जू ।  
 छाँड़ दे सबे जू जग फन्दन के धन्दहि तू, हिये व्रजचन्द हित रह्यौ करौ राधे जू ॥

• सबैया •

( ६४५ )

लावें हैं नारद सेस जी से इनको नित प्रीति सों ध्यान अगाधे ।  
 ढावें काम औ क्रोध के जालन ज्ञान कमान सों काटत बाधे ॥  
 त्यौ बलवीर कह्यौ सुन धाय सुजान प्रिया जस है सुख साधे ।  
 छाँड़ सबे जग फन्दन के धन्द हिये व्रजचन्द रटौ कर राधे ॥

• दोहा •

( ६४६ )

लावें हैं नारद मुनी, शेषजी से नित ध्यान ।  
 ढावें हैं मद काम औ, क्रोध जाल कौ ज्ञान ।

• बहुरा लापिका •

( ६४७ )

काहे में बनिक कौ नफा है कौन बेचें पान, कौन बियोगन कौ अमित भरसाय है ।  
 तम कौ हरैया साँभ हेरत बटोई कहा, नारी पति पुन्य किति बटेरी कहाय है ॥  
 कब लौ न छोड़े भूमि धनी कौ दसकं घन, कहा सिर धारे श्याम सिन्धु कौ लेंघाय है ।  
 जाल बलवीर अर्थ उत्तर वरन मध्य, अति ही सजीली रस सार हेर पाय है ॥

• अंतरालापिका छप्पय •

( ६४८ )

चन्द हि नोके लगत कहा है सजन धार चित ।  
कहा निरख आनन्द रहत है चकई के नित ॥  
काके आगें रहत छैल नेंदनन्द अधीने ।  
कीरति लली सखीन रात किनके संग कीने ॥  
कहा घनी सिख देत हैं, अरे कीर यह रीति दृढ़ ।  
दास अर्थ एकत्र कह, निशि दिन राधा कृष्ण रट ॥

• छप्पय शरद •

( ६४९ )

अमल अबनि आकास कमल पर अलिंगन गुजें ।  
अमल विटप फल फूल सजल वेलिन की कुजें ॥  
अमल नदी कर नीर मुदित मन मीन कलोलें ।  
भनै लाल बलबीर चकी चकवा सन बोलें ॥  
दमदमात दस हों दिशा, मनौ बिछायत फरव की ।  
चमचमात प्यारी लखी, अमल चांदनी सरद की ॥

• हिडोरा •

( ६५० )

धाणिक की वित्त कौड़ी पैसा औ रुपैया मित्र, विन सों करत विवहार लग नित है ।  
सुरन की वित्त तेगा बरछी धनुष तीर, तिन ही लं जाये छैल करे रन जित है ॥  
संतन की वित्त बलबीर बर राधा नाम, तिनहीं सौं आठों याम लग्यौ रहै चित है ।  
झोहा छप्यं चौपाई अरिल्ल औ सर्वया आवि, कविन की वित्त हित जानियै कवित है ॥

( ६५१ )

भूमत हिडोरे अङ्ग श्याम रंग गोरे बोज, प्रेम रंग बोरे संग सखी ही भुलावें  
गावत मलार रस सार भ्रमकार चारु, सीतल मुगंधित समीर धीर धावें हैं ॥  
उड़त दुकूल बाड़ी सुखमा अतूल छैल, अंग अंग फूल हेर हेर सचु पावें ।  
रमक बढ़ावें मुख सिन्धु में बुड़ावें नैन, आगें बलबीर दासी मुकर दिखावें हैं ॥

( ६५२ )

भंजुल मनीन के जड़ाऊ खंभ राजें चाह, रंग रंग दामिनी लगाई सखतूलें हैं ।  
कंचन की चीकी पर चमक चहुँघां बिद्ये, किरन किनारीदार जरी के दुकूलें हैं ॥  
लाल बलबीर दासी भोंटा वंदै हरै हरै, हेरतु छबोली छवि अंग अंग फूलें हैं ।  
सावन सलूनौं पुनौं दूनौं रंग देख आली, राधा वनमाली री हिडोरे भूम भूलें हैं ॥



( ६५३ )

सब सुखरासी वृन्दाविपिन विलासी छल, पर घरवासी तुम जानों पास दूर की ।  
करुनानिधान गुनखान सामरे मुजान, चतुर अगार सुधि लेते रहे कूर की ॥  
लाल बलबीर दास जानके खवासी माहि, राखी निज पासि आँख प्यासी बर नूर की ।  
गरजी विचारै कौं तो अरजी किये ही बनै, माननी न माननी ये मरजी हजूर की ॥

( ६५४ )

कमल कमीन दीन पानी में अधीन रहे, दीन किये भँवर कुरंग वन डारे हैं ।  
गारे हैं गुमान सर्थ खंजन खवास की ये, जीये जो न जीये फिरे भ्रमत विचारे हैं ॥  
लाल बलबीर बीर बंचल चलाक भरे, अरे रहें इयाम मन प्रेन फंय डारे हैं ।  
ऐसे मतवारे करै वार पर वार प्यारी, लोचन तिहारे कंधी मंन सर भारे हैं ॥

\* ब्रह्मचारी लीला के कवित्त \*

( ६५५ )

प्यारी के दरस की चटक भई धित माँहि, रसिक विहारी ग्वाल मंडली विसारी है ।  
कैसे मिलूं जाय कहा कीजिये उपाय धाय, काँख दाबि पोथी खौर केसर समारी है ॥  
लाल बलबीर कर लई माला भोरी कोरी, सुरख बनात बर अंसन पै धारी है ।  
कारे सटकारे किये केश यूथ छिटकारे, गहवर सिधारौ छैल बन्धौ ब्रह्मचारी है ॥

( ६५६ )

मंडल मनीन मध्य नाचत जुगल छैन, गावत रसीली तान विविध अनन्द की ।  
सखी लै बजामें कर सारंगी मंजीरा बीना, सरस नवीना रंग भीने सुर छन्द की ॥  
लाल बलबीर चलै सीतल समीर धीर, चमचमात चाँदनी चहुँधा चाह चन्द की ।  
देख चल आली नैन कीजिये निहाली कंसी, लीजिये निहार भाँकी राधिका गोबिन्द की ॥

( ६५७ )

आईं सखी चार रहीं रूप की निहार मन, करत विचार कोई ये ती सिद्ध भारी है ।  
सीस कौं नवाय गई प्यारी जू के पास धाय, कही हरषाय सुनौ बंन हितकारी है ॥  
लाल बलबीर आईं देखिके बाबा के वाग, पंडित प्रवीन जू बडोई तेजधारी है ।  
भूत औ भविष्य वत्तमान कौं बतावै आयौ, चली जू कुमर दूधाधारी ब्रह्मचारी है ॥

( ६५८ )

दूध लै अधौटा भर भाजन रलाये कन्द, बाँटकर एता बर तामधि मिलाई हैं ।  
ललिता विशाखा इन्दुलेखा तंगविद्या चित्रा, चंपलता रंगधेवी सुदेवी गुहाई हैं ॥  
लाल बलबीर जू सहित यूथ यूथेइवरी, गावत हेसत गहवर कौं सिधाई हैं ।  
देखि प्रान प्यारी ब्रह्मचारी यौ उचारी कौन, दामनी सी दमक घटासी घन आईं हैं ॥

( ६५९ )

अब क्यों गही है मौन आपन मुजान एती, औरन के आगे बहू वार बतराये हैं ।  
आईं हैं वरस हेत कीजिये हरस मन, समदृष्टि तुमको पुरानन में गाये हैं ॥  
लाल बलबीर सुनि प्यारी के वचन बर, प्रेम के रचन भरे मन्द मुसिकवाये हैं ।  
जान परी त्यारे जू प्रवीन यूथ संग सखी, मेरी यह सिद्धता उड़ावन कौं आये हैं ॥

( ६६० )

आई बृषभान की कुमरि बरसन हेत, पंडित प्रवीन जिन क्रोध उर धारौ जी ।  
बडिहैं तिहारौ मान करे सनमान सबे, निज सील बत ताकीं चित ते न टारौ जी ॥  
लाल बलबीर आप गुन की प्रकाश कीजे, जैसो मचि रह्यौ सोर नगरी तिहारौ जी ।  
धरौ बृध बोनी आगी चरचा करन लागी, कछु ब्रह्मचारौ आप मुख तें उचारौ जी ॥

( ६६१ )

बूझी मन भाई चित लालसा भई है कहा, पति परिवार भूरि भाग बरसे हैं जी ।  
बोली तुंगविद्या बर विद्या तुम पाई कहाँ, कौन गुरुदेव कौन नगर रहें हैं जी ॥  
लाल बलबीर अन्न देश है तिहारौ कौन, हाँसी जिन मानौ बात हित की कहें हैं जी ।  
साँची कहि दीजे ब्रह्मचारौ हितकारौ आप, चाँप है अपारौ मन सुनन चहें हैं जी ॥

( ६६२ )

पूरन गुरु हैं विद्या नगर रहत सदां, पाई तिनके प्रसाद अति अधिकामें हैं ।  
कानन है देश गिरि बसत रहत सदां, तहाँ हीं निवास कर कर मुख पामें हैं ।  
लाल बलबीर रच रचिकें रंगीले छन्द, काम की कलान कौं रसीले मुख गामें हैं ॥  
और पढ़ी जोतिष सामुद्रिक की विद्या अंग, जैसो होय लक्षण सु प्रघट जनामें हैं ॥

• दोहा •

( ६६३ )

विद्या बोली कहौ रिषि, आगम लख यह नीति ।

श्रीराधे नन्दलाल की, कँसी निभि है प्रीति ॥

( ६६४ )

ये ती सुकमारी राधे परम उदार बर, कान्ह छैल तंपट लवार चोर भारे हैं ।  
को हैं दश चार लोक ओक में मुकुट मनि, नन्दलाल जू से बूजे रूप उजियारे हैं ॥  
आपसी सहस्र गई दश माधुरी के हेत, वृन्दावन राम रह्यौ यमुना किनारे हैं ।  
हम ती न देख्यौ निज कानन सुनी है बात, तुम सब ही के यह नैनन के तारे हैं ॥

( ६६५ )

ललिता कहत कहौ राजमुता लक्षण जू, कहा विधना नें बर भाल लिख बोनी है ।  
सुभग सुहाग भाग बरसे अपार मोहि, रोम रोम मुख जू परम रंग भीनी है ॥  
सर्व लोक वनितागन छुड़ाननि ह्वैं हैं ये जू, लाल बलबीर नीकी मतीं लखि लीनी है ।  
प्रीतम सुजान जू सों ह्वैं है चित मान कछु, अति ही उदार मन कोमल नवीनी है ॥

• सारठा •

( ६६६ )

गाय चरावत ग्वाल, आये गहवर के निकट ।

बैठे देखे लाल, कपट रूप धरि तियन में ॥

( ६६७ )

देके बिलगीयां गैयां छोड़िकें हमारे पास, क्यों रे छैल नन्द के जू देख्यौ छली भारी है ।  
वन वन दूँदत फिरत तोहि है सुजान, आप करे जारौ ख्यारी करत हमारी है ॥  
लाल बलबीर ऐसी चाहिये न तोहि स्वांग, नृपति कहाय बहुरूपिया की धारी है ।  
भोरी ब्रजनारी लाईं गोरस बिचारी यहाँ, सिद्धई पुजावें वन बँठी ब्रह्मचारौ है ॥

( ६६८ )

भाजि चले लाल गिरी फेंट तें मुरलि हाल, लई ललिता जू वई प्यारी जू की धाईयें ।  
बनें ब्रह्मचारी अब नट हूँ के नाचौ लाल, लडिली बबा की बर मुजस मुनाईयें ॥  
लाल बलबीर नटवर भेष धार नाचै, जै जै वृषभान जू को तान नै जनाईयें ।  
रोझिकें किशोरी चित चोरी भोरी, स्वामिनी जू नीलमनि माल लाल फंड पहिराईयें ॥

( ६६९ )

खेलत हूँसत चिलसत सुख नाना भाँति, लखिन समूह संग राजें हितकारी जू ।  
प्यारी के हृगन लाल लाल नैन लाइलो जू, बसत सदां ही छवि छिनक न टारी जू ।  
लाल बलबीर रचै कौतुक नवीन नित, करत छदन नये नये रूपधारी जू ॥  
दोऊ रूप-बाग के मधुप हैं सनेही वर, दोऊ ब्रजचन्द वृन्दाविपिन बिहारी जू ॥

• मनिहारी लीला •

( ६७० )

बनि बनबारी मनिहारी रूप उजियारी, गई वृषभान की दुआरी हरवामनी ।  
चुरी नीलमनी को सुनन की हरनहारी, लाल पीत वारी दमकत मनौ दामिनी ॥  
लाल बलबीर आई तकि राज की दुआरी, लोजिये बुलाय मुकमारि कोऊ भामिनी ।  
कोरति कुमारी कहाँ ललिता तें बेगि जा री, लाइयें लिवा री आज टेरे कोऊ कामिनी ॥

( ६७१ )

ललिता ललक आय मन्व मुसिक्याय कही, घर घर काहे की फिरति देत भाँसरी ।  
परम सलोनी गजगोनी मन की हरोनी, कुमरि बुलाई तोहि चलि राजधाम री ॥  
लाल बलबीर मुनि धाई मुसिक्याई मन, धन्य यह घरी छिन धन्य यह जाम री ।  
पूजें सुभ काम होय चित को आराम देखि, श्याम के चरन में नवायो सीत सामरी ॥

( ६७२ )

आरी बंठि जा री सुसिता री मनहारी प्यारी, अति सुकुमारी किधौं राज की कुमारी है ।  
रूप उजियारी वर बिधना सुधारी लगै, साँचे की सी डारी तोसी और न निहारी है ॥  
लाल बलबीर पट मोहनी सी डारी कछु, होत ना सम्हारी चित टरत न टारी है ।  
नाम तो कहा री दीजें सजनी जना री गाम, बसत कहाँ री उर लालसा हमारी है ॥

( ६७३ )

मोहि जिन कोजिये खिलौना बलिहारी प्यारी, जाऊँ सुकुमारी जू गरीब चुरिहारी हौं ।  
फिरत फिरत मग साँझ होय गई मोकी, नैक नगरी में नाहि किनहूँ हँकारी हौं ॥  
लाल बलबीर देह थाकी गति साँची कहीं, तकत तकत आई राज की दुआरी हौं ।  
परम उदारी हित सारी एहो प्रान प्यारी, सामरी मो नाम नन्दगाम रंन-हारी हौं ॥

( ६७४ )

एरी चुरिहारी सुकुमारी खोल के दिखारी री, कौन कौन बंदनी नवीन तें सजाई है ।  
एती सुन बानी सुखसानी हरषानी मन-काम (काँख) ते सुघर पोट माँहि वरसाई है ॥  
केती नीलमनि केती पन्नई पिरौजी लाल, लाल बलबीर रंग रंगन सजाई है ।  
जो जो मन भाई छवि छाई सुखदाई सो सो, सामरी सजीली श्यामा जू की पहिराई है ॥

( ६७५ )

देखत सुघर कर श्यामा कौ सनाथ भई, अति सुख दई अंग अंग ना समाई जू ।  
रूप सिंधु ही में मन-मीन लहरान लाग्यौ, फूले करकंज भरे नैन जन छाई जू ॥  
नाल बलबीर अंग अंगन अवीर भई, सामरी प्रवीन यह उक्त बनाई जू ॥  
आप कर लायक अहो नवीन लाइली जू, चुरी चटकीली तौ सदन भूलि आई जू ॥

( ६७६ )

दूबत ही हाथ मन हाथ सों चलो है छूट, प्रेम की घुमेरन सौं मुधि लै बिसारी है ।  
बोलि कही प्यारी ललिता री याहि देखी आप, भयो है कही री किथौ रोग की दवारी है ॥  
लाल बलबीर लखौ अंग अंग सुकुमारी, फंट में प्रवीन बर मुरली निहारी है ।  
हैंसे देत तारी ये तौ छैल धूत भारी प्यारी, है न मनहारी बनवारी ये बिलारी है ॥

( ६७७ )

दौरिक लड़ती जू नै लीने भर अंक लाल, रची ऐसे ख्याल चित आवे नैक कानें ना ।  
कबहुँ मनहारी बनवारी पानवारी बनी, कबहुँ सुनारी सो रहै छदम छानें ना ॥  
लाल बलबीर ऐसी कौजिये न आप प्यारे, नैनन के तारे ये मिटत तुम बानें ना ।  
कंसो कहूँ प्यारी सुकुमारी रूप उजियारी, आपके बिलोके बिन मेरो मन मानें ना ॥

• जोगी लीला •

( ६७८ )

जोगी बन आये मन भोगी मनमोहन जू, सींगीनाद हाथ भस्म धारी देह कारी पै ।  
ओढ़ि मृगछाला लाला रूप दरसे विशाला, मुद्रा कान डाला सो सनेह चौप भारी पै ॥  
लाल बलबीर बरसाने के डगर बीर, जावू सो करत है नवीन बजनारी पै ।  
अलख अलख कर भूमत भुक्त डोलै, दई आय डेर वृषभान की वुआरी पै ॥

( ६७९ )

लाइली निहार के विचार कही ललिता सों, देख देख या की गति मेरो मन भरमें ।  
चञ्चल रसीले चल चलत चहूँधा धाय, जहाँ तहाँ नारिन रिभावत है घर में ॥  
लाल बलबीर बाज दुष्ट ये भरत भृष्ट, ऐसे तौ सयानी नहीं योगिन के धरमें ।  
लीजिये बुलाय थाय देखरी सयानी जाय, पूछिये चलाय बात जाकी उर मरमें ॥

( ६८० )

जे तौ जोगीराज तुम राज सुता लाइली जू, घट बड़ मो सों मुख कंसै कही जाईहैं ।  
लाऊँ मैं लिवाय जाय आप ही कृपा करिके, पूछिये सुजान अन्न जो जो मन आईहैं ॥  
लाल बलबीर मुख सुखमा निहार याकी, कोटिन अनंगन को वृति गग छाईहैं ।  
देख सुख पाईहैं रिभाईहैं नगर नारि, जो पै अलबेली पुर बाबा के बसाईहैं ॥

( ६८१ )

लौपी है वुनाय जोगी बंठो है संसुख आये, हिये हरषाय मनो रंरु निधि पाइयै ।  
सींगी कौ बजाइये जू गाइये रसिलौ राग, एहो नाथ आज राज सुता कौ रिभाइयै ॥  
लाल बलबीर विधि विधौ है अनूप रूप, तैसोई प्रघट निजगुण कौ दिखाइयै ।  
देहैं वृषभानपुर बास सुखरास मुम्हैं, अलख लड़ती नौनीकुटी हू छवाइयै ॥

( ६८२ )

होठ धर सींगी कौ बजाई सुखदाई छेल, रोहि वृषभान लली माल पहराई जू ।  
 कौन मनोरथ सौ परम अद्भूत भये, अलख पुरुष सों न प्रीति लख पाई जू ॥  
 लाल बलबीर कहा भासत अनोति ऐसो, योगिन की रीति राज मुता कठिनाई जू ।  
 खेल सौ दिखाई तुम परे ना लखाई हम, गुरु की कृपा तँ गहाँ हस्त सुखदाई जू ॥

( ६८३ )

हाथ का परं हैं जोग ध्यान सुनो सुजसान, कारौ गोरी सेत ताकी रंग खो दताई जू ।  
 सब ही उन्हीं के रंग व्यापक हैं अंग अंग, चार दत लोक में उन्हीं को सलि छाई जू ॥  
 लाल बलबीर कौन देखें हैं आकाश फूल, ऐसे ही अलख की न लखी रेखताई जू ।  
 भली ये चलाई तुम चरचा रंगीली सुन, ऐसे कूटवाद पग छिन ना उठाई जू ॥

( ६८४ )

छोड़ी हम वाद जू विवाद भति कीज मन, कहा हेत प्रापने कठिन जोग लीनों जी ।  
 कौन देश कुल वर रावल प्रकाश करी, एही उर सरस संदेह परबोनी जी ॥  
 लाल बलबीर निज देश है रंगोली कुल, परम पवित्र जू विदित रंग भीनों जी ।  
 सब सुख सब प्राणी निर्भ ही बसत जहाँ, तहाँ गुरु ज्ञान सौ फिरत मन दीनों जी ॥

( ६८५ )

प्यारी त्यारे दरस की, उठत चटपटी आय ।

लाज वार कौ प्रेम निध, सीघ्रहि देत बहाय ।

( ६८६ )

पह तो सकल सुख देखी व्रजमण्डल न, और ब्रह्मण्डल में कितहूँ निहारे जू ।  
 सुनत बचन वर प्रेम के रचन भरे, भूने हैं छदम राधे नाम लं उवारे जू ॥  
 लाल बलबीर हेर हंसो व्रजनारी बिन, रसिक बिहारी महामन्त्र की उघारे जू ।  
 बीर उर धारे लाज काजन विसार छेल, ऐसे ही रचत सदां रहौ प्रान प्यारे जू ॥

( ६८७ )

स्वांग सजाँ सामरं सजीली जोग फागुन कौ, देख रूप ताकी छकी कीरति दुलारी जू ।  
 बोली तुम रावल जो बसत कहाँ ही, घर कँसे धरे धीर निज तात महतारी जू ॥  
 लाल बलबीर कौन तीरथ करे हैं आप, काको करी जाप को तिहारो हितकारी जू ।  
 तेज तपधारी अंग अंग चातुरी अपारी, सींगी कौ बजाय तुम मोहीं व्रजनारी जू ॥

( ६८८ )

सुनो हो सयानी निज मन की कहानी, हम जोगी ब्रह्मज्ञानी तिन हीं के रंग भीने हैं ।  
 चीनें हैं पुरुष आवि छोड़ जग के विषाद, वाद में न स्वाद बास कानन के लीने हैं ॥  
 लाल बलबीर दीने क्रोध ईरिसा विसार, भाव-भक्ति राखें रहैं श्रद्धा चित चीने हैं ।  
 राज की कुमारी सुकुमारी तुम जावौ प्रेह, लीजें पितु मात क्यों बिलम्ब बन कीने हैं ॥

( ६८९ )

बरसाने बास सुखरास करी रावल जी, फागुन मास दूध दही सुख भारी है ।  
 काल ही चलेंगे होरी खेलन सकल मिल, नंदोसुर के गाम समुारि वाँ हमारी है ॥  
 लाल बलबीर व्रजपति की सजीली पूत, रूप गुन बंस सब मिलत तिहारी है ।  
 बाँसुरी बजाय गुह गावत रसीली राग, तूम हू सरस कर सींगोनाद धारी है ॥

( ६६० )

तुमैं उनं देलि प्रीति उपजं अपार विधि, रचे एकतार जोरो सरस समारी है ।  
अङ्ग अङ्ग तुमरं भभूत शुभ शोभित है, उन भाल केशर की खौर बरधारी है ॥  
बाघम्बर धार तुम शोभित अपार उन, पीताम्बर धारण की चोप उर भारी है ।  
तुम सीगी नाद करि हरौ मन सब ही की, बांसुरी बजाय उन मोहीं वजनारी है ॥

( ६६१ )

तुम की छकन अति रावल अमल ही है, उनको छकन रूप ही की अति भारी जी ।  
तुम की है प्यारी जोग एजो सुखकारी भारी, उनकं सर्वा जी गऊ धन सुखकारी जी ॥  
लाल बलबीर जान रीति में प्रबोन तुम, वेहू रस रीति में निपुण वर भारी जी ।  
दोऊ सुकुमार सङ्ग एक ही विराजं जबं, सब ही के नैन सुख लूटने अपारी जी ॥

( ६६२ )

तुमको जू नीकी गिरि कन्दरा लगे हैं अति, उनको जू हेत वृन्दा विपुन सों भारी है ।  
तुम ही गुरु के लाल लाइने रसिक बह, व्रजपति जू की छैल प्रानन ते प्यारी है ॥  
लाल बलबीर सीगी नाद कौ बजावौ तुम, सुनन कौ नेह मन अति ही हमारी है ।  
भयो सुख भारी भूले छदम सहारौ लाल, बार बार राधे राधे नाम लं उबारी है ॥

( ६६३ )

देखि यह कौतुक अलौकिक अनूप नारि, प्यारी की जनाय संन हँसी मुख मोरी जू ।  
महामन्त्र ही की भेद जानै नहीं और कोऊ, धिन गरबीले अरी श्याम चित्तचोरी जू ॥  
लाल बलबीर मन जानी जान लीने हम, भाज चल छैल कहीं होरी आज होरी जू ।  
लागी हैं बलैया लैन धन धन छत ऐन, घेरन कौ चाह भई चित्तं चहूँ ओरी जू ॥

( ६६४ )

मोहन रसिकराय बनि कं चित्तैरी दुई, भानपुर केरी नई युक्ति उपजाइये ।  
लीजियं बुलाय रिभवार कोऊ षेह मेरी, देख कर कारीगरी चित्र लिखवाइये ॥  
लाल बलबीर भाकतो-सी फिरं द्वार द्वारी, जाको ओर ताकी ताकी मति लं चुराइये ।  
देखि कं अनूप रंगरूप सुता भूप कीसी, अति हुलसी सी बहु भीर संग पाइये ॥

( ६६५ )

ब्रह्मत फिरत कौन कौन रिभवार प्यार, करिकें बताय दीजं कोऊ सुकुमारी जू ।  
चित्र हैं विचित्र मो पै परम पवित्र चित्त, करिके इकत्र नक देखो हितकारी जू ॥  
लाल बलबीर जब जानौं कर कारीगरी, कंसी डार डरी छबि परम उजारी जू ।  
बोली हंसि नारि मन सामरी तं धीरधारी, है री रिभवारी वृषभान की बुलारी जू ॥

( ६६६ )

पायो मैं पता जू दीजं तुम ही बता जू, देख चंपकलता तें कछुँ बँन हरवाइये ।  
प्यारी सों मिलावौ याके चित्र जू दिखावौ, नई सामरी सजीली ये चित्तैरी आज आइये ॥  
लाल बलबीर चली सङ्ग सब भीर तन, टापित है चीर जी अधिक सकुचाइये ।  
कछुँ हंस नारी राज द्वार में गमारी जिन, कीजिये विचारो री निसंक हूँ सिधाइये ॥

( ६६७ )

हों ही हों गमारी नहीं जानौं राज रीति येरो, जान निज चेरी मोकी आप ही निभाइये ।  
किसब कहारी सखारी लाज भारी बीर, अनिज समाज विधता ने तू बनाइये ॥  
लाल बलबीर जाइ प्यारी के लगाइ पाय, सुनो जी कुँवरि ये चित्तैरी नई जाइये ।  
कंसे चित्र लाई प्रिया कछुँ मुनिक्वाई, अरी सामरी सलौनी लौनी हमकों दिखाइये ॥

( ६६८ )

दीधी है निकार चित्र परम पवित्र तामें, जाना द्रुम ब्रह्मी भूम रहीं सुखदानी हैं ।  
राजत बकोर मोर सारी पिक पंत जोर, तिनकी सरस सोहे सुखमा निमानी हैं ॥  
लाल बलबीर ताके मध्य कमनीय भौन, भनिन जटित राजं काम रति रानी हैं ।  
देख सुखदानी ताकी रचना निनानी मन, समझ समझ मन्द मन्द मुसिक्यानी हैं ॥

( ६६९ )

कहत चितेरी सुनो राजसुता बिन मेरी, बिद्या बहुतेरी चित चही सो दिखाऊंगी ।  
सप्तदोष चार घाम कही व्रजमंडल की, चही जो पं चौधहू भुवन लिख लाऊंगी ॥  
लाल बलबीर सनमान मन मान पाय, मैह गुनमान आन जान ना छिपाऊंगी ।  
परम उदार सुकुमार राज की कुमारी, तुनसौं दुराय जाय कौन दरसाऊंगी ॥

( १००० )

सब ही प्रकाश गुन नागरी उजागरी तें, देख छवि आगरी कौं प्रीत अधिकाईये ।  
नैन तो फिरत चहुं ओर चकडौर तोर, थोरता हू मन की न नंक लख पाइये ॥  
लाल बलबीर सुकुमार राज की कुमारी, आई ही सहारी तक आप ना उठाइये ।  
कीने विधना ने डहडहे कजरारे भारे, बुरं ना बुराये जामें मेरी का खुटाइये ॥

( १००१ )

दई है कसोदा वर कंचुकी निकार तामें, बूटा रंग रेल बेल सुभग सुहाईये ।  
काकरेजी सारी मुखकारी लें विचित्र भारी, तैसी ही सजीली श्यामा जू कौं पहिराईये ॥  
लाल बलबीर कर देखत किशोरी गोरी, मुकर दिखावें अलो अति छवि छाईये ।  
वध तू चितेरी तेरी बुद्धि है घनेरी येरी, कंचुकी अनूप साज मन मिल लाईये ॥

( १००२ )

गुनन छिपाये जू फिरत हीं मुजान प्यारी, काकौं वरसा री कोऊ मिलती न पहेंजी ।  
कण्ठ निज गांसी सी खुली है सुखरासी खासी, करिहें कृपा तो लें सरस दरसहें जी ॥  
मेरी चित्त कोमल अधिक परचौ सनेह, टहल बनाये करां साथ जो रखेंहें जी ।  
मन पलटे ते मन पाइये ब्रिवित जग, मोको ना समझ प्यारी आप समझेंहें जी ॥

( १००३ )

चित्र की लिखन वर विद्या है फठिन धोर, बहुरि कसोदा रचि कहीं सोख आई है ।  
बड़े कष्ट ही सों यह आई है मुजान प्यारी, नीरस न राचें हित जान दरसाई है ॥  
रत्तमई भूमि व्रजमंडल की येती सर्व, लाल बलबीर है निसंक सरसाई है ।  
कौन देस ही तें आई बसिये सदाई यहां, वहाँ की न भूल अब चरचा चलाई है ॥

( १००४ )

सुनो जो कुमरि मम देस लोग लंपट हैं, जानकं सजोनी कू कुहृष्टि सौं तकाई जू ।  
और श्रुतु जौं लौं बचें अपनं सुभाव सील, मधुरितु प्रेम खेलें यामें ना बसाई जू ॥  
लाल बलबीर समी पाय भगी भागन तें, यातें सिरमौर चित्त रहें ना धिराई जू ।  
यहां में लखाई प्रीति-रोति मरुताई तातें, राजसुता आपकी सरन दीन आई जू ॥

( १००५ )

भली करी वीर भज छुटी गुनखान जान, सदाई सजीली री सरस प्रीति सरि हैं ।  
तो सी सुकुमारी उजियारी बिन पीउ प्यारी, कसैं गुनवारी बे हिये में धोर धरि हैं ॥  
द्रव्य कौं लें जेहोंगी कमाइ बहु राज साज, यातें मनभामन अधिक मोद भरि हैं ।  
ज्ञान सतमती कौं अनन्त बलबीर धोर, सहज सजीली मो चरन सेवा करि हैं ॥

( १००६ )

तोसी ही के सत सों थनी है भूमि आसमान, सदां कुलधंती की दरस बर कीजे री ।  
 बूज कर कारीगरी देखन की चाह खरी, अनोखी डार डरी चित तित ही डरीजे री ॥  
 लाल बलबीर वीर लीजे अनगिन धन, भूलहू न पाय अब कितहू की वीजे री ।  
 जो जो मन आवं सोई पावें प्रीति रीति नित, जिन सकुचावें मन भापौ करि लीजे री ॥

( १००७ )

मुनत उदार बंन मुखद अपार भई, नन्द मुतिन्याय कही अब हीं न जाइ हैं ।  
 अति मुकुमार वृषभान की कुमारि प्यारी, छोड़ मनुहार चित कहाँ ललचाइ हैं ॥  
 लाल बलबीर भई वातन के माँझ साँझ, ले चली कुंवर निज भवन विखाइ हैं ।  
 खान पान मान ही सों मुन री सजीली तोहि, सख विधि ही सों वीर मुखद कराइ हैं ॥

( १००८ )

देखो कर चित्र मेरे पवन विचित्र प्यारी, तुमैं मुकुनारी जू चिह्नर बर भारी हैं ।  
 जुगल सरूप की द्विपी है हँसि हर हाथ, नवल निकुंजन की शोभा सुखकारी हैं ॥  
 लाल बलबीर किये षोडश सिगार राचे, मुकर दिखावें केली सखी हितकारी हैं ।  
 रतन जटित बँठी चौकी पै किशोरी गोरी, ठाड़े कर जोरें आगें रसिकविहारी हैं ॥

( १००९ )

देखकें जुगल चित्र परम पवित्र भई, सब री चकितमई लिखी कहा साज है ।  
 गोप हूँ तें गोप रस अस कस जान सकें, जान लई हम यह छबंन की काज है ॥  
 लाल बलबीर नख सिख लें निहार छवि, इनतें तो चातुरी की चातुरी हू भाज है ।  
 बँ बँ हँसें तारी नारी रसिकविहारी यह, का की सीख धारी तुमैं रंचक न लाज है ॥

( १०१० )

लाज की है कहा काज तापें आय परो गाज, काज तो सकल अनुराग तें सरत हैं ।  
 वरशन चाह उतसाह होत आठों जाम, और सों न काम चित्त भाकरें भरत है ॥  
 धवल महल की बिलोक बर सुख होत, मनस लता जू आये इतकीं डरत है ।  
 कुंवर किशोरी चित चोरी गोरी भोरी जू के, रसना रसीली जस माधुरे ररत है ॥

● पंजाबी कवित्त ●

( १०११ )

साडे नाल नेहा लाय नन्ददा रंगीला छैल, छड्डु गया मुथ्यरा नुं कुछ ना गुहांदा है ।  
 कुंठरी दे नाल आप मौजनुं मनामदा है, साडे की लौं लिख लिख जोग दे पठांदा है ॥  
 लाल बलबीर उधी खबर न लेंदा साडी, करदा अनीत साडे चित्त नुं जलांदा है ।  
 माखन ना खांदा असी चीरना चुरांदा अखब, दीद ना दिखांदा प्यारा इथें क्यों न आंदा है ॥

( १०१२ )

बांसपुरी बजामदा है भकुटी नचामदा है, नन नुं चलामदां है चित्तनुं चुरांदा है ।  
 नाम ले बुलामदा है रूप बरसामदा है, सीने से लगामदा है मोद उपजामदा है ॥  
 बलबीर गामदा है दधनुं छिनामदा है, ग्वालें नुं हिलामदा है सख नुं खिलांदा है ।  
 हिये हरषामदा है गल्लें ये मुनाबदा है, औरां नुं खिलामदा है दूनां भर पांदा है ॥



( १०१३ )

छद्दे गुमानी साडी बंधा के नू फट्टवा है, साडे नाल तेंडी मल्लो मल्लोनां सुहावीं है ।  
लाल बलबीर कानू अखियां तमामदां है, हुदा बदनाम क्या बड़ाई हथ्य आंवी है ॥  
बुन्दावनचन्द विचच साडा दान लगावा है, ऐंडी ऐंडी मेंनू छद्दु किथे चली जांवी है ।  
भन्न सिद्धु गगरी नू तेंनु क्या कर वीं मेडा, बे बे दान साडे नाल गल्ले क्यो बनावी है ॥

( १०१४ )

ग्वालो नू सथ ले चरांदा नन्द जू दी गाय, जम्मना ? तोर कानू बांस्पुरी बजांवा है ।  
खांदा है लुट्ट लट्ट दुट्ट दट्ट मालन नू, भंजदा है गगरी नू अकियां तनावा है ॥  
मल्लो मल्लो रोकदा है डोकवा हमारी दिगां, लाल बलबीर लोय कसे दान खांदा है ।  
आंदा है मुखनू सुनांवा जेडी जेडी गल्ले, और नू मसांदा राज्ज अप्पना जनांदा है ॥

( १०१५ )

आदे हो न कदी साडी गल्लो विचच प्यारेलाल, औरांदे डेरे सनम बार बार जादे ही ।  
गांवे हो न मिट्टी तान बास्पुरी बजांवे कट्टी, औरांनु सजन कीयां सीने लिप्पटांटे ही ॥  
छांदि ही न दध बलबीर साडी गगरी से, औरांवी छाछ जाय हरदम चुरांवे ही ।  
पांवे ही न हुंवी बदनाम बज्ज थाडे नाल, साडे नाल कीयां लाल दीद नां दिछांदि ही ॥

( १०१६ )

थाडे नाल जिस्स दिन्न नैक हस्स दीत्ती लाल तिस्स दिन्न सेती सस्स ऐंशी सी दिखांवी है ।  
इनांवी लगन लग्गी नन्द दे रंगीले सथ्य, हँस हँस नारियां से खिसियां करावी है ॥  
वास कहँ कीयां : जीयां जी इना दे नाल, गल्ले कड कड साडे जियां नें जलांवी है ।  
आंवी जिया साडे नाल कड चले थाडे नाल, नाहि कलकांवी है खिजांवी है खिजांवी है ॥

( १०१७ )

थाडे नाल नेहा लाये लीत्ता है रंगीले छैल, असीनाल कियां तेंन निवकी तान गांवा है ।  
छद्दु दित्ती तेंने नाल कांठा जे जगल कीती, कीती क्या अनीत असी डेरे नहीं आंवा है ॥  
वास कहँ करवां है जेडी जेडी चित्त आंवी, दिख्खदी है नैटी जेडी जेडी ते दिखदां है ।  
हिय हवांदा हैन सीने से लगांदा कट्टी, साडे नाल कीयां तेंन वीद वरसांवा है ॥

( १०१८ )

टेरदा है थाडे नाल नंददा रंगीला छैल, चल्ल साडे नाल एहो कियां हेंदी है ।  
किना नें अकल्ल थाडु साडी हाय हर लीत्ती, लालजी के सथ्य कियां रित्त ना चहँदी है ॥  
दास सिन्न वित्तियां हजार असी थाडे नाल, कियां ना गहँवी असी अकांवे रिसंवी है ।  
रित्त ना चहँवीच रिसंवी ही रहँदी कवी, हँस नवीं लालन के कंठ सें लगेंवी है ॥

• जंपुरिया कवित्त •

( १०१९ )

कियां नें करी सी लंगराई लाल थारे लारें, अंधां तें रसीली अँखियां नें नीर डाले छै ।  
अंधां ना रहँगी रीत करे छँ अनीत जेयां, दीया रस थाने इने हलाहत घाने छै ॥  
वास कहँ थारे हित हीकी सीख देसी थाने, जाने ना जिया नें तें इंसां इने टाले छै ।  
चाल चाल गैतडी थें कयां नें अडी छँ येयां, लाडले कन्हियां कने कयां तेंन चाले छै ॥

( १०२० )

कैयां नें करे छु जा तँ इठे नें अकेली हेलो, ईयां तें न जानें छे इठानें जो तहाँ ने छे ।  
लारे नें चले न कयां सेजा रस लीजें दीजें, काई काज गे लडी जियां नें रिस ठानें छे ॥  
वास चित्त लालसा धनी छे थारे बेचवानी, दीजें जो बरस काई अखियां नें ताने छे ।  
टेरे छे जो थाने ये संकेत ने रंगीला लाल, लालजी रे जीया की चिनीन रीति जानें छे ॥

( १०२१ )

जावा नें न देसी मथुरा नें दधि बेचवाने, थारो री कन्हारी रस में री विष घोरे छे ।  
म्हारो दान लाने छे जो इठाने तिहारी सूह, वर जो न मानें म्हारो बंध्यां नें मरोरें छे ॥  
लाल बलबीर लारे इसां हीं हठीला ब्याल, करे बरजोरी मो थ्यारी सर तोरे छे ।  
चोली नें टटोलें छेल घू घट नें खोलें छे जो, मीठा मीठा बोलें म्हारी गागरी नें फोरें छे ॥

( १०२२ )

थारो भाग मोटो थारे म्हेला नें पधारे लाल, रोके मति ईकों नेंक भीतर नें आवा दे ।  
कोट कोट प्रानईं की सूरत पे वारुं छूँ जी, म्हारी अखियां नें ईका दरस कावा दे ॥  
लाल बलबीर थारो काई घटजासी बाल, मदन गुपाल जू नें मुंसीं ती लगावा दे ।  
कयां रोके गैलणी ये कान प्रान प्यारा जू नें, चिनी ती मलाई दध गोरस नें खावा दे ॥

( १०२३ )

बन बन हेरुं छूँ जी थारा लीये थारो सूह, कयां नें करुंजी थे तौ किठे हूं न पावो छी ।  
म्हारो नेह थांसीं लग गयीं हे रंगीला लाल, थेतो कवी म्हारी ओर नजर न लावो छी ॥  
लाल बलबीर सारा ब्रज बदनाम भई, ईकी ईसीं प्रीत प्रीत रीत ना निभावो छी ।  
एनी सीख लाजो मुख मीठी तान गाजो लाल, कयां ना गुपाल प्यारा म्हारोगली आवो छी ॥

( १०२४ )

जावा बरे लाल मथुरा नें दधि बेचवा नें,  
कयां नें हठीले म्हारी डागरी नें रोकी छी ।  
काल लो न दीनो छी इहो रो दान इठे किनूँ,  
किने जे लगायो छे जगती आपको की छी ॥  
लाल बलबीर राज कंस को न जानो थानें,  
ऊनं बंधवासी हाल लाल आप जो की छी ।  
गाया नें चराथी चोली कयां हाथ घालो छी जो,  
होसी ना भलाई ईमें सब ही को टोकी छी ॥

( १०२५ )

नन्दा जू की रानी थारो लाला चन्दा मांगे कोना,  
कयां नें करी छे म्हारे लारे लारे डोलें छे ।  
पानी आंन जासी उठे पैलां रोके ठाड़ी होसी,  
कांकरी नें मारे म्हारो घू घटा नें खोलें छे ।  
लाल बलबीर ऊंकी पैयां नें परी छू तौबी,  
ऐसो छे हठीला म्हारी चोली नें टटोलें छे ।  
म्हेला नें चालोजी एनी म्हारे लारे म्हारी प्यारी,  
हा हा खासी अजी थारी मीठा मीठा बोलें छे ॥

( १०२६ )

काई बहू म्हारो लाल माठलो लई छै थानें,  
 कांकरी नें हाय काई बार बार घाली छी ।  
 कैंया नें मुरारी दधि लूट लूट खावो छी जी,  
 थारें काई टोटो आप जमुषा री लालो छी ॥  
 लाल बलबीर लाल राज जहाँ थारो न थी,  
 राज जहाँ कंस नों छै ऊँके उर साली छी ।  
 नन्दजी रा छँया म्हारा मारग नें मुक दोजी,  
 सूँ काम काजें ललन बैयाँ तम भालो छी ॥

\* बंगाली कविता \*

( १०२७ )

बाड़ी ने गोईले काल कौन्हाई अमार ये गो, कीपाटे खुलये कानां सेखाने बीसयेचे ।  
 माखीन शीशोर घोल भालो भालो आसे सेई, तेई तेई मीने अँये सेई सेई खँयेचे ॥  
 लाल बोलबीर अमी बीरजा ते ठाँके छीलँ, आँवरे बाड़ी ते तुमी कोया काज अँयेचे  
 सेखाने लौंजे चोख भूमेर तीकँये नीले, मोन्द मुसियाई अमार मीने ले पौलँयेचे ॥

( १०२८ )

दोध लिये जाई मथुरा देर पौथुर आमी, नोन्देर कौन्हाई आगु बाँसुरी बीजयेचे ।  
 डाँक नीले ग्वाल सेई आय आय भीत कोरी, दान दिये जाई आमेराई नाई पँयेचे ॥  
 कोई कोरे नाय नाय सेई से निकार खाय, भांड के भगाय ओई ठाँई से पौलँयेचे ।  
 लाल बोलबीर बोन माँह काँन तीत कोरी, केनों धीर धोरी अमार सो कुल लुटँयेचे ॥

( १०२९ )

जोदी ते गोइले मोधुवन के कौन्हाई लाल, तोदी ते अमार चोख वारिके डोलीयेचे ।  
 बाड़ी ना मुहाई किछू काज नाहीं मोने आई, बिरहा आगुन अमार गाये के जीलीयेचे ॥  
 लाल बोलबीर प्रीत सकल बिसार दीले, ओ काजँ आमी ती लोक लाजँर गीलीयेचे ।  
 ओई ठाँई जँये तुमी कोथा ये डौकेये दीले, एक बार कृपा कोरी बजे के पौलीयेचे ॥

( १०३० )

दोध लिये जाई आमी गोपी जो ने साथ नीले, मथुरा के विक्रीकरी तुमी केनों धोरीचे ।  
 अमार भांड छाँड नीले केनों लाल कौन्हाईजी, पौतुरते केनों तुमी आमी तीत कोरीचे ॥  
 बाँका हूँये डाँडा कानां साथ नीले ग्वाल बाला, छाँड दे आमी के आमीकाँदा काँदी मोरीचे  
 कोरीचे पुकार जाई नंद जू के बोधवाई, कँसा जू के राज काँना केनों नाइ डोरीचे ॥

( १०३१ )

कोरी ब्रजवास सकल आस सिद्ध होएगो, बार बार होरी होरी होरी गान गेयेचे ।  
 जम्नां जौलेपान कोरी ध्यान धोरी नितानन्दे, माँग माँग मावकुरी सेई ठाँई खँयेचे ॥  
 वृन्दाबोने पोरिक्रमा मुदित मुदित दीले, गोविन्द गोपीनाथ दौरसन जँयेचे ।  
 लाल बोलबीर थाके आई खाने मुजँये जोदी, केमोने निकुंज बोने रोज सिर लँयेचे ॥

( १०३२ )

सकल गोपीर मोने एईमोने हृये गेली, केखाने दोरस लाल कोन्हाई हो जंयेचे ।  
सकाल एकत्त हृये जग्ना चान कोरी कोरी, घोटी भोर जोल गोबिन्ध पूजा के कोरंयेचे ॥  
लाल बोलबीर मोने जेखाने धोरीवे धीर, सेवा कोर कोर आई सान बर लंयेचे ।  
धोत्र धोत्र जनम सुफल हुयबं जेखाने, ते खाने आमी तो कृष्णचन्द पोती पंयेचे ॥

( १०३३ )

बाडी येतो कुल जुटे यमुना चान कोरिबे केनो, वीने नोवीने वृजबाला सीवी साजीने ।  
गाए ते खुसंये चौरघाट तोट घोर दीले, कालिन्दी तें डुवा दीन लोक लाजु तोजीले ॥  
लाल बोलबीर इमाम प्रमेर तेमोन गुन हृये, सकल मोने तेमोने काम बिधा गाजीले ।  
भूखोन वसन काना सकल इकर कोरी, कुले ते कोरंये लाला सेखाने ते भाजीले ॥

( १०३४ )

भूखन बोसोन काना कौवम ते हांक दीले, ओइ पोर चौट लाला तेखा ने तुकंयेचे ।  
सेवाने गाच्छेर शोभा कोई मोन हृये गेलो, ताकोरे विलोके ते बसंत हुली जंयेचे ।  
अनेक करंये गोपी जोल ते डोडवे गेलो, घाटेर ती कंये वख ओखां ने नपंयेचे ॥  
लाल बोलबीर गाय सीत ते सतंये गेलो, सेई समे कृष्ण कृष्ण कृष्ण कं डकंयेचे ॥

( १०३५ )

एदीके ओदीके ताके कापुड न पंये तोदी, मोने ते लजंये जोदी जल मड्डे गंयेचे ।  
कंपत सकल गाय मोन ते विचार कोरी, एमोन के आसे वृजे वस्त्र के हरंयेचे ॥  
लाल बोलबीर तत्त कोरे आमी चीन नीले, एखानेते नंदेर कन्हाई लं पलंयेचे ।  
आधीने सकल बाला दोड कौर जोर नीले, सेई समे कृष्ण कृष्ण कृष्ण कं डकंयेचे ॥

( १०३६ )

कदम बोसेये कान्हा बांसुरी बजाई तोदी, जोदीर गोपीर मोने धीरोजे धोरंयेचे ।  
सकल जुटंये बाला एई कथा हाके छीले, आमार कापुड देन सीत तें सतंयेचे ॥  
लाल बोलबीर दया एखाने करीना तुमी, जले ते उडंये दुई बंड के वितंयेचे ।  
दुखिरा पुकार कोरी दया नहीं आनीं हरी, लज्जाते मरिजे वख एखाने न पंयेचे ॥

( १०३७ )

एखाने धोले कान्हाई वस्त्र आमी कोथा पाई, मिथ्या कथा हाके तुमी लज्जाओ न पंयेचे ।  
आमी ती गाछेर बोसे मोने ते मोगोन हृये, तुमी ती आमाके कॅना डाकती बनंयेचे ॥  
लाल बोलबीर तुमी मनेते विचार कोरी, तुमादेर वख आमार कोथा काज अंयेचे ।  
एदीके ओदीके तुमी चोखेते तकंये लेन, आमी ती ना नीले केऊ बांदुर ले जंयेचे ॥

( १०३८ )

कापुड आमार देन एखाने कौन्हाई लान्, चोखेते तकंये लेन गाछे ते टोंगंयेचे ।  
दीबे नानीं तुमी आमी मथुरा पुकार कोरी, नृपत सुनीवे हाल तुमा के वीधंयेचे ॥  
लाल बोलबीर ब्रज एईमोन नित कोरी, सकल गहर एके वारे ते नोसंयेचे ।  
आमार न दोस कछू आगु ते डकंये दीले, तेई मोन काज कोरी सेई मोन पंयेचे ॥

( १०३६ )

गालागाली केनो करीओ कार ग्वालीर तुमो, एई कोथा डाक कोरे केनो वस्तु अयेचे ।  
मपुरा पुकार कोरे सोझ ही पलये जंये, के काजे उईये आमी आगु से बुभंयेचे ॥  
लाल बोलबीर आमार के काज तुमार काछे, कापुड़ जुडये से तुमार टांड लयेचे ।  
एई टाई अंये गान आधी ने डकंये जींदी, सकल गाछे ते वस्त्र तौदी तुनी पयेचे ॥

( १०४० )

कापुड़ तुमा के आमी एई खाने दीवे जोदी, जोल ते उईये तुमी एई हाई अयेचे ।  
आमार कलंक नेम सिद्ध हये गेलो लाल, हुइ कर जोर जोर एमोने डकंयेचे ॥  
जेमोने तुमार कोथा एकटी आमी पारवो नाई, लाल बोलबीर सत कथा ये जीनंयेचे ।  
गोरुरे नसंये दासी भाव लं जौनंये गाव, आय आय गाछेर ताल सोस पोद नंयेचे ॥

( १०४१ )

जोल ते पोलेये गाछे तोले जा उईये बाला, एई कथा डाके छीले आमी तुमी दासी लाल ।  
येमोने कन्हाई छल सुन मोने हलसाय, कापुड़ औ अलंकार सकल लं दीले हाल ।  
सुफल कौरीलं खोख आमी तुमी प्रान पोति, से कथा बुभंये कौदी ऐस कोरीवे गुपाल ।  
लाल बोलबीर डाके सकल धरीवे धीर, हीरी मोने पीर कोरी सरद निशा के बाल ॥

● दोहा ●

कृष्ण कृष्ण कह कृष्ण कह, हरे कृष्ण कह बाल ।  
बाड़ी के गवनी सकल, उर धर गिरधर लाल ॥१०४२॥  
कृष्ण रसामृत को स्तवन, करौ सजन मिल पान ।  
जेहि राखेगे कंठ कर रीभं, श्याम सुजान ॥१०४३॥

● चार बोलियों में कवित्त ●

( १०४४ )

बुन्दावने डाके कानु आमा के तुमाके एगो, फूले बाड़ी मोधु काछे भ्रमी विद भूंग दे ।  
मंकी एंडी आर प्रेंटीलेस बाई प्लेस मूव, पीकीक एंगिल बडं सिंग बाई सिंग दे ।  
बांसुरी बजामदा मुनामदा है सीधी तान, लाल बलबीर ये कहांदा बजकिंग दे ।  
देखो चल थ्यारी वज्रराज की मुखारविन्द, आज नन्दनन्द राग गावत उमंग दे ॥

( १०४५ )

देख तेरी शान दिल माइल हुआ है मेरा, गजब इलाही चडम जुलम गुजारें हैं ।  
जोदी ते आमार मोन बाड़ी काछे थाके नाहीं, जेठा कर्ता गिनीं करि कोथा न विचारें हैं ॥  
जिप्रों से कहेंदी जो सुनं दी मो दिलोंदी पीर, खिल्लियां करेंदी औ बजेंदी गाल सारें हैं ।  
लाल बलबीर प्यारे पया पर नासी लाल, कंयां ना गुपाल म्हारी गली न सिधारें हैं ॥

( १०४६ )

छडुवे गुमानी साडे विलोंदी न जानी पीर, करे क्यौं धिगांनी कानु दिगां चली जावो बाल ।  
अमार भीड़ नीले कंनों नन्देर कौन्हाई लाल, माखन दहीर घोल दान कोदी बीले ब्याल ॥  
लाल बोलबीर थाल कंयां समभासी लाल, गुलचा लपासो गाल हाल छांडसी गुपाल ।  
कंस पं पुकारें बाल तोकुं बंधवावें हाल, करे हैं कुचाल ती घमंड की मिटावें हाल ॥

( १०४७ )

जदी तें निहारी लाल तदी तें न धीर धारी, तेखानेते हरी हरी गान के करयेचे ।  
गाछे गाछे तोने तोने एई कथा डाँके छीने, के खाने दरस लाल कांन्हाई दिखयेचे ॥  
दास कही जेठा करता गित्री जन तीतकोरी, केई कोरी चेरोंन ना आगारे उड़येचे ।  
जेई टाई जेथे शीघ्र लालन लखये लदी, आनंद अये गाय गाय के लगयेचे ॥

( १०४८ )

• अय पावस •

चालो ये गो माई बोने कौसी हरियाली छाई, कोयल डाकाई भाली भानी गान गयेचे ॥  
श्याम घटा छाई पौन चलत सवाई आई, भौने बोलबीर मोर सोर के सुनयेचे ॥  
दादुर सवाई टेरे चात्रक लगाई सुन, मोने हुलसाई घोरे रह्या नाहि जेयेचे ॥  
बजई के वाई बाडी काज सोवी बिसराई, राधिका कौन्हाई जू के भूलण भुलयेचे ॥

( १०४९ )

कारे कारे बदरा भमंक भूम भूम आये, छोटी छोटी बूदन सें बार बरसयेचे ।  
जमुना के तीर जेथे पये दश लालीन के, गोपिन मिलये राग मलार के गयेचे ॥  
कोइल कूकये सोर दादुर मचये दये, भींगुर भिगये मोर मोर के सुनयेचे ।  
भौने बोलबीर मोने मांहि हुलसये जोदी, राधिका कौन्हाई जू के भूलण भुलयेचे ॥

( १०५० )

जोदी ने सिधये भोधुवन के पिपारे कान्ह, दौरसन पये घोन धूम धूम अयेचे ।  
कदम गाछीले थाके कोइलोया कूक कोरी, धीर धारे कई जोदी पीउ पीउ गयेचे ॥  
भींगुर भिगारी मोर सोर कोरी भारी बोने, दादुर पुकारी बीकी मगौन उड़येचे ।  
लास बोलबीर प्राण प्यारे नहीं अये तौदी, में नकेइ कये आपु तीर ना चलयेचे ॥

( १०५१ )

आमार कथा बूझे तुमी कये कोर जोर आमी, जगनू डकये दये आगुण उड़ये ना ।  
दादुर पलये दये आमे जाय जाय बास कोरी, भींगुर पठये मोर सोर के सुनये ना ॥  
लाल बोलबीर बदरा के समभये दये घूमइ न अये बारि बूँद भर लये ना ।  
चात्रक ना गये गान कोइल सुनये चपलान चमकये जोदी लाल बाड़ी अये ना ॥

( १०५२ )

• अयेजी कवित •

आषटर एलॉग टंम आई मंट विद यू, दिल भर जरा तौ दीद अपना दिखाइये ।  
कम हियर माई डियर सिट ऑन विस, मकां प जरा तौ आप सीधी निगाह लाइये ।  
शहाट आई डिड सिन इस्टील टू बी वि यू, मेरा दिल हाल सुनो अपना सुनाइये ।  
फॉर डू बी सॉरी एन्ड फ्रॉम बी ब्रस्टहग मी, लालबलबीर श्याम दिल को रिभाईये ।

• दोहा •

मेरे तौ कुल पुज्ज तू, श्री वृषभान कुमारि ।

जग दुख हरनी राधिके, आयी तेरे द्वारि ॥१०५३॥

( १०५४ )

श्यामा श्याम नाम सौं न काम राखेँ एकी, जाम रसना रसीली कुट वादन की भावनी ।  
साधुन की संगत की रंगत न जानें मति, कुटिल कुटंगन में रहत हुलासनी ॥  
लाल बलबीर प्रेम पंथ की बिसार सार, गहत कुसार शुभ कारज विनाशनी ।  
पातक अगाधा की ये दीन मुख साधा तुही, हरो मेरी बाधा राधा वृन्दावन बासनी ॥

( १०५५ )

पातकी ही घातकी न सेवा तात मात की में, आन की न जात की कराई कुल हासनी ।  
क्रूर हौं कपूत हौं कलंकी हौं कुचाली हौं में, करत कुकर्मन भई है बुद्धि नासनी ॥  
लाल बलबीर बड़ो लम्पट लवार हौं में, लालची हौं लेखे मत धन को हुलासनी ।  
पातक अगाधा कोये दीन मुखसाधा तुही, हरो मेरी बाधा राधा वृन्दावन बासनी ॥

( १०५६ )

मोहन की प्यारी वृषभान की दुलारी साधु,—संत रखवारी भव भीरन विनाशनी ।  
संपत दिवंध्या कोट कंटक दरंया सदां, आनन्द करंया पूजी जन मन आसनी ॥  
लाल बलबीर आयो आस कर तेरी बीर, ध्यापी भव पीर को मिटा दे सुखरासनी ।  
पातक अगाधा कोये दीन मुख साधा तुही, हरो मेरी बाधा राधा वृन्दावन बासनी ॥

( १०५७ )

काके द्वार जाऊँ काकूँ बिनती सुनाऊँ वृथा, जन्म गमाऊँ क्यों कराऊँ जग हासनी ।  
तेरो ही कहाऊँ तोय छोड़ कहाँ अन्त जाऊँ, सोस पद नाऊँ तू है सदां सुख रासनी ॥  
लाल बलबीर नेति नेति गुनगाऊँ मन,—मानी निधि पाऊँ तू पूजैया जन आसनी ।  
पातक अगाधा किये दीन मुख साधा तुही, हरो मेरी बाधा राधा वृन्दावन बासनी ॥

( १०५८ )

दीन हौं दुखी हौं अपराधी भूटवादी हौं में, पर धन पाइखे की रहै नित आसनी ।  
कामी हौं कुटिल हौं कमीन मति हीन हौं में, रंक हौं रिनी हौं तू कटंया रिन फांसनी ॥  
लाल बलबीर क्रूर कायर कपूत हौं में, लंपट लवार लालची हौं सुखरासनी ।  
पातक अगाधा किये दीन मुख साधा, तुही हरो मेरी बाधा राधा वृन्दावन बासनी ॥

( १०५९ )

कोऊ कहै मोहि सदां बल है भावनी जू की, भाषत अनूप बानी विमल विकाशनी ।  
कोऊ कहै मोहि सदां बल मात काली जू, को कारज करत जन खलन विनासनी ॥  
कोऊ कहै मोहि सदां बल रहै गंग जू की, भोजन करत अघ पूजै जन आसनी ।  
लाल बलबीर को भरोसो रहै येही सदां, मेरे कुल पुज्ज राधे वृन्दावन बासनी ॥

( १०६० )

दीन दुख हरनी तू खेदन में वरनी तू, आनन्द की करनी वरनी धम फांसनी ।  
दास जन तारन तू शोक मन गारन तू, दुष्ट दल मारन पूजैया जन आसनी ॥  
बलबीर करता तू घट घट बरता तू, शुभ काज सरता तू हरता हिरासनी ।  
सदां सुखरासनी तू संपति प्रकाशनी भो, पातक विनास राधे वृन्दावन बासनी ॥

( १०६१ )

कोमल विमल पद कंज मद गंजन है, नखन प्रकाश आभा उरगन हासनी ।  
सोहै नील सारी सीस जरी की किनारी ताकी, छबि को बिलोकि धन दामिनी हिरासनी ॥  
लाल बलबीर लख बदन उदीत जोत, सरद सुधा-धर की प्रभा की विनाशनी ।  
सदां सुखरासनी तू संपति प्रकाशनी तू, हरो मेरी बाधा राधा वृन्दावन बासनी ॥

• मान पच्चीसी •

[ १४६ ]

( १०६२ )

लंगट क्रूर कुढ़ग हों, कपटो कुटिल कठोर ।  
जन सुख साधा राधिका, हरिये कंटक मोर ।

• मान पच्चीसी •

( १०६३ )

[ सखी वचन ]

पसारट वच-

कारी जीरी बस रहो, कहेँ कटेरी बंन ।  
सीतल चीनी में बड़ी, किसमिस श्याम मिलेन ॥

[ प्यारी वचन ]

( १०६४ )

बेलगिरि करेँ अभिलाषे उन सौतिन सों, रीत मो मन दुखात जानत अनारी हें ।  
किसमिस रहेँ चाह आयकं करत लीला, थोतेई खिजायं बुही नारीअल प्यारी हें ॥  
लाल बलबीर रार करौ रो वृथां क्यों आप, बरस हजार लौन मानूँ सीख त्यारी है ।  
सौफ मन दीनों में तो धनियों न जानी बात, प्रीति करी छार छार छवीलो बिहारी है ॥

[ सखी वचन ]

( १०६५ )

चाह रहै तेरी तू खिराइ तौ न रहै रस, बिरीजो न बातें जिन चीती कर कारे कौं ।  
कारी भिरच रही दिपत अलसी सी आज, हूजेँ ना कठोर अब लाख रूप बारे कौं ॥  
लाल बलबीर हस ना हसो सुपारी प्रीति, तजिये न निमिय सुपारी नेन तारे कौं ।  
रार जिन कीजेँ रो बहेरें रो तिहारी बाट, जाय फल लीजेँ सौफ दीजेँ मन प्यारे कौं ॥

( १०६६ )

घोपर न कीजेँ मान अजमान मेरी कही, कटेरी कहै तू बंन कायफल लावंगी ।  
कहा चुक कीनी कान कस्तूरी रिसाय रही, काऊ की न मानेँ खेर पीछेँ पछितावंगी ॥  
लाल बलबीर सों करोरी ऐस राई हर, दीजेँ ना रिस्याई बच मुरंठी कहावंगी ।  
सहित हुलास सों सु पंदा करी रस सिद्धर, है मुलाकात तोरी मंन फल लावंगी ॥

• गहने बन्ध •

[ प्यारी वचन ]

( १०६७ )

लटकन चाल दिखा सजन छहली ना दिल्ल, डार नेह जाल अंग आरसी लगाते हें ।  
अंग जरे घाते सतलरी हीन एक छिन, हेर हेर हार गई प्रेह नहीं आते हें ॥  
दास कहै भौंभन किया है तन नाहक ये, छन छन करेँ चित नित तरसाते हें ।  
सकरोन नेक हंस लीने अंग लाय कान्हां, कड़े हेर ह्वं हें छड़े रीति येँ दिखाते हें ॥

• परचुनी बन्ध •

( १०६८ )

वेसन रहत सूजी कहा तोर परी धान, में दासी तेरी रो भली हें न चुर गई तें ।  
प्रीति कौं विदारिये न आखर करंगी चाह, सामरे सों खारी बंन कहौ ना चिताइ तें ॥  
लाल बलबीर जू सों नेह नवनीत यही, जून रस जोओ मार्ग हींगुर सजाई तें ।  
सक्कर खोरी तें मत सूभ तेल होरी अब, रसिकी मंगा री दान सुन्दर कन्हाई तें ॥



\* वस्त्र बन्ध \*

( १०६६ )

कहा पेच परी बाल जामां मुख लीजें हाल, मोर बाह जिही मुख देखी तु ये बाल सों ।  
करिये रजाई बल बादी कर आई पट, काहे कौं लगाई रत चुगो ले हुलास सों ॥  
लाल बलबीर गमद्याप कहा रहो मुख, आंमुन सों धोती मुख हें न यह चाल सों ।  
अंगरखी लाय सवां कीजें ना फितर री ते, कमरी न राखी प्रीत पगरी गुपाल सों ॥

\* पुष्प बन्ध \*

( १०७० )

कदम धरेन कुन्द बंठी है कहां ते वीर, लं कनेर माधुरी है काहे इतुराई त ।  
केतकी कहीरी तें मो तिया की न मानी बात, सौन जुही लने हाय मोगरा पराई तें ॥  
हर सिंगार लटकन न नथ डार उर माल, तीय धार लज्जावंती ह्वं रिस्याई तें ।  
लाल बलबीर पिया बांसोर चमेली राख, सेवती न मान ही में के बड़ाई पाई तें ॥

\* वृक्ष बन्ध \*

( १०७१ )

नारंगी री प्रीतम सों यही तौ अनार पन, मिट्टा तें न बोल मन खट्टा कर दीना है ।  
मोरछलो मत नहीं पीपर रिस्याय तूही, कमरज प्रीत बेर नाहिक में कीना है ॥  
लाल बलबीर वर आमन विलोक बीर, जामन न देती देह काहे पापरी ना है ।  
तार कर दीनां हाय सेवती भई ना सवां, अमली रही तौ ये वियोग फल लीना ॥

( १०७२ )

अरनी अशोक प्रीति खिरनी लगाई नीम, गोंदीखी कहा आगूलरी मुखवाई तें ।  
अमली अनारन तू रहे लालखोट कहा, करी लंगराई कचनार क्यों रिसाई तें ॥  
लाल बलबीर बर्षों बनां रस रूप डोर, ऊही पनस खडार करी महुआई तें ।  
पापरीअ सीसों हेर कीजें अथ तून बेर, लीजें जा सरस रस कुमर कन्हाई तें ॥

( १०७३ )

बना घर आय कचनार पापरी न धाय, कहा करतूत कायी हरसों अनारी तें ।  
बेर बेर कही तू न कीजें बरसों री शर, कदम धरेन सीखी क्यनों री भारी तें ॥  
लाल बलबीर जात जामन बहीरी बीर, सहज निहार के बचाय काम आरी तें ।  
सरस सरूप पाय सेवती न पीर्य धाय, कीजें भुज मेल केल सामरे बिहारी तें ॥

\* तरकारी बन्ध \*

( १०७४ )

वेगुन भई री बाल काकरी अजानीमत, चौरही गुमान कर के मत तिहारी की ।  
मैथी री न पास चूक काहे कौं परन देती, तू चासों बिगार गत करी है अनारी की ॥  
लाल बलबीर मिल सुआसों अनन्द कीजें, पालक पं लूट रस जोवन उजारी की ।  
तोरही मनाय बेर कीजें ना सिधाय अरी, आऊ हर पीर ना री सामरे बिहारी की ॥

\* ध्यान बन्ध \*

( १०७५ )

कहा भात है उदार खीचड़ी क्यों बंठी मन, ऐसा गहौ तू भूंग कहां जा जा गमाई तें ।  
कहौ हौ कठोर फुल्का है वृथा भाल कीर्य, उठौ मरकीली पीसं मई रस पाई तें ॥  
लाल बलबीर जू की आंस करन परी री, लिपटो रस लीजें दं अङ्ग मुखवाई तें ।  
कंसो ये अचार मुरब्बा सों करारी तुम, हेरी न पिया की गति प्रीत वर आई तें ॥

( १०७६ )

बरस दिखा जा खजलाल से न भूल रस, इमरती जातस घेवर से रिसाई ते ।  
वही बेह तूने उनुकीती क्या गुनाह प्यारी, लखा जे इंदरसे नहीं वृथा कुमलाई ते ॥  
कौठा मिसरी सू बतसे बड़ी तू आंठि करी, लाल बलबीर पूरी पंज कर आई ते ।  
मोद कब्रु पेयोगी सिराय तो फलोरी ऊही, ठोरस जलेबी जाय पागिये कन्हाई ते ॥

• वख बन्ध •

( १०७७ )

कौन मिस रुठी आज रो आली पोतंबर ते, पीत दर आई गुल बदन रिसारी ते ।  
फुलालेन ललना न हूजे पापलेन अबे, लगा छतियां सों कीजे गर्बस किनारी ते ॥  
लाल बलबीर वृथा तास बादलाई आप, अकिर न छोड़ बना तन ले निहारी ते ।  
ऐसा ठनगन खीनखाप कर दीना मन, प्रेम पनी टारी धन ले हस बिहारी ते ॥

( १०७८ )

कहो जीन मानों उर असलस रहो मान, ऐसी ठनगन धन कहा ये बिचारी ते ।  
हेन अचकला कान तापल्लू की तुरी आन, तोसी तू अडोरिया रिसानियां हू भारी ते ॥  
लाल बलबीर तनजेब है अतूल हेर, गाढी हेत राखी मीठा बंन कह प्यारी ते ।  
ननमुख लोजे सेन कीजे बनातन संग, गई धूप ध्याया रस ल्हेरिया बिहारी ते ॥

• रंग बन्ध •

( १०७९ )

पुरमई तेरी वृथ पीत सोसनी हो रही, अबे काकरेजी देत हेर हर ताली है ।  
कासनी सुनेरी क्यों न सब जीया जानत ही, रार क्यों जंगली जामनी में मूरिसाली है ॥  
लाल बलबीर चंदनी में रो पिया जू संग, किलमिसी जुमदी की फाकलाई घाली है ।  
सबंती मनामें हिये सबई अलोले नेक, हरो-तन मन पीर सामरो बिहाली है ॥

( १०८० )

तोली सी पढ़ाऊँ ते मोतिया की न माने सीख, पीत में नरंगी नाफिरी रो असमानी है ।  
कैसे सबतालू आप रोज ही अर कपूरी, हरी संदलोली जामनी में रिस ठानी है ॥  
पोखे पछिताई आ गुलाबी पिया जू की सबे, -ती में तू बसंती फाकलाई सुख हानी है ।  
लाल बलबीर की हवासो ना टुलासी कान, तू सी किरमिची नहीं श्याम पीर जानी है ॥

( १०८१ )

साल ते नरंगी जहाँ काकरेरी येरी आय, नाहि कर सीली आज रार ते जगाली रो ।  
सबई अली ले रस हरितन ब्रास काहे, कासनी रंगीली देत हेर हरताली रो ॥  
दास देख चन्दनी निसारी ना सिधानी रानी, आनंद के सरिआते नाहि कर साली रो ।  
संग दलोली हान नीकी सिख सिखासी जगन, राह अगरेई चाल हंसत सिहाली रो ॥

• वासन बन्ध •

( १०८२ )

तवा तन बाकी वृथा हेन अचकला पीयु, करोरी कहो ना बंन हारी समभारी रो ।  
लोट्टा दिया पीको हरी कोने तो अकल सारी, करछूई हीन तसलाई रिसभारी रो ॥  
पलटा कहीं की रिस कौन सी कड़ाई आज, अरके बीर अबेला दया उर धारी रो ।  
अंगिलास अवरात पीयी प्रेम प्याली, भेटो बिथा रस बलबीर है बिहारी रो ॥

## • दशावतार बन्ध •

( १०८३ )

चल व्रजचन्द जू पै बिनती करत तेरी, नाहक अटक छिप रही मुखमा री तें ।  
वामन की पीर हेर हेरत बराह तेरी, ता परसराम ती हौ लाल मन धारी तें ॥  
नाल बलबीर धन रह री अबोध कहु, जानत नहि ये मांहि भरी रिस भारी तें ।  
कोजिये अराम तें अनोहन न हूजें बाम, गहै कलंक लचकीली पीय संग प्यारी तें ॥

## • वृक्ष बन्ध •

( १०८४ )

अरनी अनारन तें खिरनी सरस रस, तेसी टग नारअल चीड़ ना निहारी है ।  
कैत कैत हारी कर हींस हींस ताल देत, दास हिय साल कचनार कहा धारी है ॥  
करी लंगराई अंक ठरती नरंगी रैन, ऐसैं हडर तेरी रीत अनारस कारी है ।  
हार सिगार चन्द निद तकर छल तकनेर, चल चल केलि कीजें ललन खिलारी है ॥

## • चार सौंज बन्ध •

( १०८५ )

प्यारे कर छुई तू टोकरी भई री बाल, लोटा मनमोहन जू चाली सब तेरी है ।  
घोरो विष तनें निज हाथ सों बिगारो काम, अब करहात देख सस की उजेरी है ॥  
नाल बलबीर तूती निपट अजान हेरी, चिरी बिन बातें मत विधना सकेरी है ।  
पोपर पयान कीजें जांमन बिलोक छोड़ें, बेर जिन कीजें सोख भली मान मेरी है ॥

## • शहर बन्ध •

( १०८६ )

प्यारी तोहि छोड़ नाग यारी कहैं भूल प्यारी, होत उर मोद सदां मूरत निहारे तें ।  
तें का सोख मानी री अजानी पट नाहीं खोले, बिली की न जानी उर मान पुर भारे तें ॥  
नाल बलबीर अलपर सों बिहार कीजें, ग्वालियर छोड़ मिल रूप उजआरे तें ।  
हायरस लीजें कोल करके ना दगाह कीजें, काबल गुमान कर बंठी प्रान प्यारे तें ॥

## • गहन बन्ध •

( १०८७ )

वारी बंस ही तें आप भुमका ह्वै रही बाल, कड़े मत बोले बंन रूप उजआरे तें ।  
पायल पूं तेरे री जेहरसों न कीजें रार, हार गई मैं तो पोहची न मान टारे तें ॥  
नाल बलबीर हंसली जे उर लाय रीह, मेलमें है बेसर सडार क्रोध कारे तें ।  
विछोयाऊ से जरी निसंक लीजें अंक भर, बंक पन छोड़ सांठ लीजें मन प्यारे तें ॥

## • पक्षी बन्ध सर्वया •

( १०८८ )

लाल मनाय रहें तुम कौ अब, तूती अजान न मानत है री ।  
सारस काकी लगी सजनी तुम, मैना की बान अजहूँ न तजें री ॥  
भोर सिखा वन मान अबै, बकवाद तजौ हंस उत्तर दे री ।  
कोयल अंसी है या व्रज में, बलबीर पपैया सों मान करै री ॥

• दोहा •

( १०८६ )

सुनत सखी के बँन, हरष चली तिय पीय पै ।  
मिले कुंज सुख दें, मँन खेल खेलन लगे ॥

• सोरठा •

( १०६० )

कृष्ण अली की कृपा तें, भयी हजारा पूर ।  
रहौ लालबलबीर सिर, रसिक चरन की धूर ॥  
सम्बत रिषि चतुराने, ग्रह सब राधा ध्यान ।  
मृगशिर सुकला द्वादशी, पूरन सतक सुजान ॥

( १०६१ )

बाबा बनखंडी महादेव जग जाहर हैं, व्यास जु की घेरी सो अनुप छवि छापी है ।  
चारों ओर सदन बने हैं लाल लाइली के, चन्द ते दुचन्द तेज ऐसी दरसायी है ॥  
सदां व्रजवासी रूप नापुरी निहारो करे, और सौं न काम श्यामा श्याम गुन गावौ है ।  
लाल बलबीर नाम लं लं सब टेरत हैं, राधिका कृपा तें बास वृन्दावन पायी है ॥

• दोहा •

दियौ किशोरी लाइली, श्रीवृन्दावन बास ।  
जसैं ही व्रजजन सबै, करो कृपा सुखरास ॥  
बिदित बैस हैं चार जुग, विधि निज रचे सरीर ।  
रामलाल कौ सुवन हौं, नाम लालबलबीर ॥

॥ इति श्रीवृन्दावन वासी बलबीर कृत हजारा संपूर्णम् ॥

॥ इति शुभम् सं० १६५० ॥

• श्रीराधाकृष्णाभ्यां नमः •

## बलबीरजी के भ्राता प्रेमदास जी के फुटकर कवित्त

• दोहा •

श्रीनिम्मारक भजहुँ मन, श्रीभट्ट श्रीहरिव्यास ।  
परसराम पद सुमर कं, कृष्ण अली की आस ॥ १ ॥  
श्रीगुरु चरण सरोज मन, बाहर भीतर धाम ।  
निशि दिन मुख जागत रहौं, श्रीराधावर नाम ॥ २ ॥  
नमो नमो वृन्दाविपिन, नमो नमो सुखरास ।  
नमो नमो ब्रजबासी जितै, तिन चरनन की आस ॥ ३ ॥

• कवित्त •

( ४ )

वेदन की सार सार सबही पुरानन कौ, रस हूँ की सार निरधार कर राख्यो है ।  
भूतल रसातल औ लोक ब्रजमंडल कौ, सब ही कौ सार एक वृन्दावन भाख्यो है ॥  
जिनहुँ कौ सार नव कुंजन विहार नित्त, सो तो समूह मुख ललितादिक चाख्यो है  
तिनहुँ कौ सार आली श्रीगुरु सिखायो जिन, प्रेम सखी राधा महा मन्त्र उर नाख्यो है ॥

( ५ )

श्रीन हौं किशोरी तेरी दीन हौं किशोरी तेरी, अति मति हीन मेरी बिने सुन लीजियं ।  
परी तेरे द्वार प्यारी तेरी ही कहावत हौं, कपट की रास वास संतन की कीजियं ॥  
वृन्दावन बीधिन में धूर तन धूसर है, फिरे गुनगुनाती माती लाज कौ बरोजियं ।  
रसिक सहाई प्रेमसखी कौ उबार लीज, जान एक बोरी चेरी अँसे ही गनीजियं ॥

( ६ )

लाइली लला सों मरी विनती है बार बार, जँसे अपनायो तँसे कान दूर कीजियं ।  
श्रीवन निकुंजन में राधे राधे नाम, गाऊँ सुनि डेर बेगि लोचन हरीजियं ॥  
फिरो कर प्रीव जोर देखौं नख चन्द ओर, गिरे सुरभाय नंक ठोकर इं दीजियं ।  
एती अवलाधा सदां चरन सरोज धूर, प्रेम सखी नैन भूंग रही भीम पीजियं ॥

( ७ )

प्राणधन वृन्दावन ताकी ना विसार मन, निरख लतान छबि उमड़ी परत है ।  
नैन भर ठारें हेर हेर मतधारे संत, कदली कदम्ब अंब मन को हरत है ॥  
भुके हैं तमाल बट रज कौ नवत माथ, दम्पति बिलोक मन भाई सो करत है ।  
सेवा की निकुंजन में चरन पलोटे प्यारी, प्यारी जू की प्रेम सखी बीजना डुरात है ॥

( ८ )

केलि वनराज जू में आदि है न अन्त जाकौं, सर्वां ही नवीन पल पल दरसत हैं ।  
प्यारी जू के संग प्यारी छिनहूँ न होय न्यारी, निरख अलीन वार वार हरसत हैं ॥  
रहैं हग जोरें मोरें कोरें सु लगोई रहैं, तोबी अकुलाय धाय अङ्ग परसत हैं ।  
प्रेमसखी कानन है आनन उठाय देख, तीन लोक स्वामी दुःख हेत तरसत हैं ॥

( ९ )

मेरी हित स्वामिनी की गर्ने को उदारता कौं, कोटि कोटि विधि मुख लोयें धर जात हैं ।  
आवें कोऊ द्वार ताकौं देत हैं अभय दान, मानस न मान रस पोष्य बहु भाति हैं ॥  
लालन हूँ चेरों कर राखौं याद बाल तनें, प्रेमसखी जस पात पात विख्यात हैं ।  
ऐसो ही विविन मोय श्रीगुरु बतायौ आली, नैक रज शून्यें चूर चूर भये जात हैं ॥

( १० )

श्रीवनविहारी प्यारी इच्छा हूँ न करते तो, ये तो ये संसार अवतार क्यो कहावते ।  
श्रीपति जू जदुपतजू जो व्रजपित होते नहीं, कहाँ सुख पाते भक्त दुष्ट ही सतावते ।  
होते जो न चन्द्र भान भूमि नभ तारागन, प्रेमसखी सुर आवि जल में समावते ।  
कौन रस जानते श्रीलाइली ललन विन, निरख हूँ न होते तो अनित कौन गावते ॥

( ११ )

कठिन कठोर हौं कुलीन हौं कुजात हौं मैं, अधम अधीन हौं मैं डेर सुन लीजिऔ ।  
कपटी कलंकी हौं गहर भरो क्रूर हौं री, अति मति हीन मेरी छाँह भत छीजिऔ ॥  
नख सिख औगुन हौं होयना ब्रह्मान कछू, लोक जान चेरी मेरी पीठ जिन दीजिऔ ।  
सृष्टावन-चन्द जू में राजत अलीन मध्य, तोई सों कहत राये नैक डीठ कीजिऔ ॥

( १२ )

एरे मन मेरे नीच कोच में परी है हेर, ऊपर छड़ो है मीच राधा गुन गाया कर ।  
लाया कर हिये माँहि कभी तो तू भोर साँभ, मूँद कं हगन रूप ध्यान बीच छाया कर ॥  
पाया कर लै लै कं प्रसाद श्रीकेशोरी जू कौं, संतन कौं देख देख सोस कौं नवाया कर ।  
जाया कर सब छौंड़ रोज तें निकुंजन में, प्रेमसखी श्यामा जू कौं करना सुनाया कर ॥

( १३ )

सोवत है जानत है पुनि उठि धावत है, हाथ हूँ न आवैं रोय रोय पछितात है ।  
उठत कहाय हाय धन के जतन मोह्यौ, काम बस भयी नार हेत दुःख पात है ॥  
क्रोध मद मोह डोह ही में अति पोय रह्यौ, संतन कूँ देख दुष्ट अति मतरात है ।  
प्रेमसखी सुपने डू खीजत खिजावत है, रंवरु न मुखे जग दुःख ही विखात है ॥

( १४ )

संतन के संग रंग आवत है प्रीतम की, याही तें कहत मिलि श्याम रंग भोजियै ।  
और रंग जाय जसैं सावन बँ मैल तैलें, होय पाकौं रंग ताकी जतन सु कीजियै ॥  
जौ जौ फटकारैं तौ तौ चढ़त सवायौ रंग, अति गढ़वार देख देख मति भोजियै ।  
संतन प्रताप सार श्रीमुख कह्यौ है आप, छाँड़ विषयांन प्रेमसखी मुधा पीजियै ॥

( १५ )

बँडे संत मंडलो में होत है अनंत सुख, सुन रस रीति प्रीति बढत अभंग है ।  
गावें मग भावें छिन छिन दौर दौर आवैं, वार वार सिर नावें सत्त सत्त संग है ॥  
रंगे श्याम रंग पुन औरन रंगत डीलें, बोलत रसाल बँन उठत उमंग है ।  
प्रीत कर प्रीत कर संत से न मीत कोऊ, प्रेमसखी पातन में पेही रंग रंग है ॥

( १६ )

भाई बन्धु कुलजात संत मेरे तात मात, इनकी चरन रज सदा उर लाऊंगी ।  
गाऊँ गुन वृन्दावन लड़ाऊँ लड़ेतीलाल, धूर तन भूर भूर भाग कौं मनाऊंगी ॥  
कालिन्दी के कूल कूल फिरुँ रस फूल फूल, हेर हेर लता पता ताप की नसाऊंगी ।  
छाऊंगी निकुंजन में पाऊंगी प्रसाद मांग, प्रेमसखी राधे राधे राग पूर गाऊंगी ॥

( १७ )

सांत रसवंत संत भरे गुन हैं अगंत, जहां तहां विहरंत जनन जियंत हैं ।  
प्रेम रस वरसंत छिन छिन में हसंत, जस कौं न जो कहंत नेति नेति अन्त हैं ।  
विमल गहँ इकंत तहां नाम कौं रटंत, लाल लाडली सेवत नैन निरखंत हैं ।  
वनराज वरसंत सरसंत हुलसंत, प्रेमसखी कंत संत सदा ही वसंत हैं ॥

( १८ )

धन्न धन्न सन्त मैं ती तिनहीं के गाऊँ जस, भव तें निकार नाच सुगम बताईये ।  
उद्दम बिनाई आस पूजत कृपा की रास, जान दृढ़ मान प्रीति तिन सौं लगाईये ॥  
कूप में परे हैं सूर गोता गह बँह कूर, सन्त सुखवाई खींच मींच तें बचाईये ।  
काहें कौं वनत खर सूकर हैं कूकर कपीं, प्रेमसखी गाओ हरि देह भली पाईये ॥

( १९ )

सन्त से उदार कोऊ जगत बीच हैं न होई, तिन के सरोज पद देखि देखि जीजिये ।  
हरि ओर कौं लगावें ताकें विध हैं छुड़ावें, जान सत्त स्वांग तिनें धाय उर लीजिये ॥  
धन सेवा तें न रीभें एक प्रेम ही में भोजें, द्रवत गुजान मिल श्याम रस पीजिये ।  
काहें कौं भ्रमत छाड़ आस गह प्रीतम की, प्रेमसखी या तन की सुफलता कीजिये ॥

( २० )

राधिका कौं नाम सुखधाम विसराम चहे, येरे मन मेरे बाबरेन कौं न रट रे ।  
सतन के संग रंग अङ्ग अङ्ग छे उमंग, होय गत पंग भंग जंग जग हट रे ॥  
वृन्दावन पास आस विमल विकास रास, मिथुन सौं हास खास दास होहु चट रे ।  
कालिन्दी के कूल मूल नेह रस भूल फूल, प्रेमसखी नाह लूख दम्पति सां सट रे ॥

( २१ )

एरे मन मेरे भैया कैंतीं समभायो तोई, कर सतसंग प्यारे संतन के संग में ।  
केतिक जनम तोई रोई रोई बीत गये, अबकें परी है दाव चौपर के रंग में ॥  
नहीं ती भ्रमत ही फिरंगो लख चौरासी में, दुखः ती अनेक सुख श्याम की उमंग में ।  
डोलें मदमाते राते प्रेमसखी जू के भाते, राधा लाल बोलें मुख मिल अङ्ग संग में ॥

( २२ )

संतन के संग बिन कानें हरि पाये भ्रात, तिन हीं नें पाये साधु सेवा उर धारी है ।  
सन्त ते उछीते करें टहल बनाई श्याम, प्यारे नहीं रीभें बात येही निरधारी है ॥  
धन कौं बटोरें कूर काल गाल रहें पूर, कें ती समभायो दुख दुखः ही जियारी है ।  
सोवत में जागत में डोलत में बोलत में, प्रेमसखी धन्न नाम निसरें बिहारी है ॥

( २३ )

राख कर चेरी येरी नंक ती निहार बीर, तुमरी कहात फेर कौंन की कहाऊँ में ।  
त्यारी ठकुराई माहि सबकी समाई होई, निपट अजान हीं गुजान कहाँ पाऊँ में ॥  
मैं ती तुम भूली पर भूली जिन मोई प्यारी, रहौ अनुकूली फूली प्रेमसखी चाऊँ में ।  
नागर नबेली अलबेली रंगरेली हेली, राख पद मेली रंगदेवी गुन गाऊँ में ॥

( २४ )

रूप हृद नेह हृद मुबुल अनूप हृद, सीतल सुधर हृद मन के हरण हैं ।  
विमल पराग हृद अरुण अमित हृद, पानप सरस हृद दुति के धरण हैं ॥  
नख जिमि इन्दु हृद अंबुज वरण हृद, प्रेम की समूह हृद लाल बसोकरन हैं ।  
प्रेम सखी सुधा हृद उपमा लजात हृद, सुख के करण हृद राधे के चरन हैं ॥

( २५ )

कंधों रूप सागर तें प्रगटे कमल युग, किधों रतिराजजू के मन के हरण हैं ।  
कंधों हर भूषण की दूषण हरण हारे, किधों प्राण प्यारे भारे विश्व के भरण हैं ॥  
किधों हैं मराल किधों इन्दुमण्डली के भूष, किधों छवि छत्र सब सुख के करण हैं ।  
किधों बन धरण हैं कि बन ही धरण, प्रेमसखी हैं सरण किधों प्यारी के चरण हैं ॥

( २६ )

जगर मगर होत नखन लखत दुति, चखन जखन हेर फेर भ्रम पावहीं ।  
किधों सोम सभा जोर मुख समता के हेत, नेत नेत कर पाय पर गुण गावहीं ॥  
किधों मन मान मेरी उपमा कहत मुख, अति सकुचाय पाय पाय बहु छावहीं ।  
कृष्णअली सोभा लख लोभा मन लाल, किधों, राधे नलचंद ताकी कोटि चंद नावहीं ॥

( २७ )

बिबुल की बिन्दु इन्दु नील है चिराजौ, मनौ, सुखमा की सोच पोच सन आय लई है ।  
किधों काम कामिनी की नजर दबायवे की, दिथी है डिठौना टौना सौना चहुँ छई है ॥  
किधों रूप सागर में फूली अरविन्द हेर, गौना अलि छौना वहाँ मौना गति भई है ।  
कृष्णअली कंधों इयाम सुन्दर के मोहिबे कौं, नैनन कौं अंन रस सिन्धु आय नई है ॥

( २८ )

नासिका जलज मनी सोभा भल सोभित है, मानौं कल केकी कीच सुक रह राखी है ।  
बिछो है बिछात किधों अरुण वरन नीकी, तापर विसद वार सुत अवलाखी है ॥  
अंबुज से कर माहि अंबुज सुहाय भाय, सौरभन लेत मनौ मोल अरनाखी है ।  
किधों छवि आप छली प्रीतम निहार मुख, चूबत है बार बार कृष्णअली भाखी है ॥

( २९ )

प्यारी की बेसर लख बेसर गिरत बीर, बेसर सरत मनौ बेसर बचायी है ॥  
कंनन समर चढ़े बेसर के चांप लिये, मुक नें बचाय बीच आसन जमायी है ॥  
जानत ए बेसर के बेसर लीं धारी आय, याही तें पृथक नकबेसर डरायी है ।  
बेसर न जानौं जिन लाल मन वेध लियौ कृष्णअली करे बस का पं जात गायौ है ॥

( ३० )

पलक न बरनी सु बरनी न जाई बीर, किधों द्वारपाल ठाड़े मदन नरेश के ।  
सोभा की कतार किधों बार अनआर रची, किधों प्रेम पगे खेलें चंदुआ रसेस के ॥  
किधों सूर सेन उभं साज सर गड़ किधों, वानन कवच धार होये ना प्रवेश के ।  
कृष्णअली किधों जाल मीन मन बेधवे कौं, बरनी पलक राधे मोहन बनेश के ॥

( ३१ )

फूल उठे भोर सोय फूली सखी रहीं जोय, फूले असनान कीये फूल जलधाम में ।  
फूलन सिंगार कियौ फूल बाल भोग लियौ, फूली फूली जात प्यारी इयाम संग इयाम में ॥  
फूलन की कंज राजे फूलन फुहारे छाजें, फूलन समाज राजभोग उभं जाम में ।  
फेर उठे सोय कर करत विहार जल मांभ, भोग सौन ऐसैं जात है अराम में ॥



( ३२ )

✓ फूलन की कुंज जामें चलत फुहारे भारे, बीच कमनीय मध्य बँडिक सुहावनी ।  
देखकर सोभा लोभा होत नहीं कौन जोर, नवल किशोरी जोरी अति ही सिहावनी ॥  
एक एक लता जल जंत्रन के बीच बीच, लगत फुहार भरें जलज जियावनी ।  
जीवत मराल पाए पूँछ फरकार रहे, गाय रहे प्रेम सखी सुकथरिभावनी ॥

( ३३ )

✓ फूलन की बँडक में फूलन के सम्मा चारु, फूलन के छात छज्जे जारी सौ अनूप हैं ।  
फूलन के बेल बूँटा रचे हैं विचित्र चित्र, फूली सखी चहुँ ओर फूल की स्वरूप हैं ॥  
फूलन की पानवान पीकवान आदि लिये, फूलन गहत जात फूली मनो धूप हैं ।  
फूलन सिगार किये नवल किशोरी जोरी, फूली फूली बात करें फूले बन भूप हैं ॥

( ३४ )

✓ बोलत बिहंग लता फूल फूल भूल रहों, फूल रहे फूल फूल फूलन की वाटका ।  
नहर समीप ताके सुच्छ जल पूर बहै, ता मध्य कमल फूले वरन वराटका ॥  
फूलन निवारी भारी फूल रह्यो फूलन में, तीर तीर सोभित हैं फूलन के घाटका ।  
फूलन सिगासन पै राजत लड़ती लाल, प्रेमसखी फूल हेर सुभग सुभाटका ॥

( ३५ )

✓ फूलन मुकट पट कुंडल हैं फूलन के, फूलन टिपारी भारी ललित लता की है ।  
चंद्रिका छत्रीली फूल फूल सरसाय रही, मुख ललचाय रह्यो पूरन कला की है ॥  
बंदनी लसी है फूल फूल सीम फूल तरें, बैतर अतूल लख भलका छला की है ।  
फूलन अधर मूल बांसुरी बजत फूल, प्रेमसखी लेत नाम भलक भला की है ॥

( ३६ )

✓ फूलन की बैना भाल करन कुसुम सोहै, प्यारीजू की चंद्रहार अति ही लहसत हैं ।  
फूल सिर पेज तहाँ कलंगी भुकी है आन, फूलन के तुरी नकबेतर इसत हैं ॥  
फूलन के बाजू पहुँची विविध वरन रचों, चार चार चुरी फूल करन बसत हैं ।  
फूली फूली प्रेमसखी फूल फूल सौंज लिये, फूले फूले देख प्रिया प्रीतम हँसत हैं ॥

( ३७ )

✓ फूलन की ल्हंगा सारी कंबुकी समारी फूल, फूल रही सोभा भारी कुच के दसन पर ।  
काछनी कछी है फूल फूले फूले अंग अंग, फूलन के आभरण रूप के सदन पर ॥  
फूली सखी आसपास फूली फूली करें बात, बारी बारी जात प्राण सुन्दर पदन पर ।  
फूलन के हाथ भाव करत कटाज फूल, फूल से बदन राधे सोभित मदन पर ॥

( ३८ )

✓ फूलन की सिञ्जा पर राजत नवेली बाल, नवल किशोरजू के प्रानन तें प्यारी है ।  
फूलन की पीकवान लोथी है सखी ते श्याम, कीथी मुख आंग पीक जीवत बिहारी है ॥  
मंद मुसिकथाय चाय छाती सौ लगाय लीये, एती कयी करत लाल जीवन हमारी है ।  
प्रेमसखी नये चौंज छिन छिन रहे गोये, कृष्णजलीजू की कृपा बिन को निहारी है ॥

( ३९ )

नवल किशोरी जोरी गोरी चित्त चोरी भोरी, धवल अटान बड़ निरखें घटान की ।  
चपला चमक जात त्यों त्यों अहभात गाल, करसौं बतामें श्याम केकी के बटान की ॥  
लता पता भुक रहों कोयल हू कूक रहों, रज सज सूम रहों बंपति रटान की ।  
कृष्णजली सोभा लख लोभा मन लाल जू की, गोभा सी बड़त कुच निरखें लटान की ॥

( ४० )

निकसे निकुंजन तें सांभ पिय प्यारी संग, आयी घन घोर मोर बोलत सुहावने ।  
बीरघ रताल बुन्व परे रंग होय चूर, रह्यो अवनीए पूर सिख ते चुचावने ॥  
लाई सखी कुंजन में सकल बसन भोजे, नबल सिगार किये जिय के जिगावने ।  
सोसनी गुलाबी सूअो हरित नरंगी पीत, कृष्णअली देत लेत चीर मन भावने ॥

( ४१ )

रूप रसवत कन्त बुधक प्रलोड भोय, हेर हेर गौरी हिये अति हरसन्त हैं ।  
कबहूँ अबीर बीर लै लगावै प्यारी मुख, गावै मन भावै तान मान सरसन्त हैं ॥  
कबहूँ गुलाल कर लेत है किशोरी भर, प्यारे के फपोल मोच कीच बरसन्त हैं ।  
कृष्णअली हरसन्त तहां सोभा कौन अन्त, कोकिल रटंत छपी धीवन बसन्त हैं ॥

( ४२ )

अरे मन धूर्त गह रसिक किशोर जू की, सुखमा के सिन्धु लख उपमा परे खरी ।  
खेलत हैं होरी बर जोरी सों कमोरी ढार, करत निहोरी लाल कर भाभरी छरी ॥  
बुन्दावन विपिन में छड़त गुलाल लाल, लता द्रुम बेली रङ्ग सों सुही भई हरी ।  
प्रेमसखी सन जाय ये छवि बिलोकती, सु दीनता बिसारी अभिमान ता नरे परी ॥

( ४३ )

एहो सुकुमारो प्रान प्यारी हो बिहारी जू की, जानि अति लघु दृष्टि कृपा की ढरीजिये ।  
भूली हौं मारग तुम दीजिये बताय भोय, कहनानिधान आप अपनाय लीजिये ॥  
मुन्बर मुजान एहो कहत फिरत तेरी, तेहूँ अपनाई मोई आपनी गनीजिये ।  
वृन्दावन राजरानी तुम सों पुकार मेरी, प्रेमसखी दासिन की दासी हू करीजिये ॥

( ४४ )

खोले द्वार कुंजन के भीतर बड़ी है मूठक, सोई रहे दोऊ पट भीने में लखात हैं ।  
प्रीतम की दांही भुजा राजत है प्यारी अङ्ग, बाँयों कर प्यारी जू की अति सरसात हैं ॥  
चुबुक पे पान बीर देत ही में नीब आई, सखी हरपाय कछू अचरज पात हैं ।  
कृष्णअली बोली बीरो देत रही प्यारे मुख, जोलों नीब आई कर चुबक सुहात हैं ॥

( ४५ )

जागिये किशोरी उठ खोली मुख देखी नैक, रवि की किरन बीच रिध्रन में आई है ।  
भाँकत भरखन में सखी चहूँ ओर चाह, गावत बिभास राग सोभा सरसाई है ॥  
उठे दोऊ प्यारे भारे आलस में पूर रहे, हेर चहूँ ओर हग मंडली लखाई है ।  
बोले हँस काके नैन कीजिये परख प्यारी, कृष्णअली सुन मोद आनन्द में छाई है ॥

( ४६ )

लाई सखी भारी भर धोयी मुख दोऊन की, आछे पकवान भोग मोदक लगावहीं ।  
आलस भरे हैं नैन भुकभुक जाई दोऊ, सखी समराइ कौर कर सो पवावहीं ॥  
चौंजन की बातन में माद न समाई हिये, हँसन हँसावैं सबे इस्पति रिभावहीं ।  
कृष्णअली मंगला की आरती करत गाय, वाजत मृदंग बीणा बंधु धुन छावहीं ॥

( ४७ )

टूटी लर मोतिन की अंसन विपुर रह्यो, गंडन पे मंडित है लाली पिय पान की ।  
जुरा के खुले हैं पेच कुण्डल पे छाई रहे, अति सरसाय रहे पाये मुख दान की ॥  
फूलन की बंनो मुख बंनो मृगनंनो जू की, तिन ते कुसुम भरें मानों मन मान की ।  
भाल पे तिलक कछू खंडित औ मण्डित हैं, अलकें उरभि माल सोभा सरसान की ॥

( ४८ )

चले राजभोग कर पद्मन की कुंजन में, ताके चहुँ और लता हरित मुहाई हैं ।  
तिन में भरत फूल रही मकरन्द पूर, त्रिबिध समीर मंद सीतल हूँ छाई हैं ॥  
तामें दोऊ प्यारे खेल खेलत हैं चीपर कौं, सखी दोऊ ओर हार जीत बंद लाई हैं ।  
जीती जब प्यारी कृष्णअली मुसिक्याय रहीं, प्रीतम की भई जीत प्यारी ओर धाई हैं ॥

( ४९ )

उत्थापन कर सखी लाई हंस सुता तीर, बंठकं निबारे प्यारे पुलिन सिधारे हैं ।  
गेंद कौ मचायी खेल तक तक रही मेल, गेंद हू अनेक मानों चलत फुहारे हैं ॥  
दाब कौ बचाये जाय छिप मुर भ्रुक जाय, परम प्रीवन अली दोऊन निहारे हैं ।  
प्रीतम की गेंद सो तो बई है उकाय प्यारी, प्रेमसखी पीयु प्यारी गेंद खाइ हारे हैं ॥

( ५० )

लटकत आये सैन निहारे हैं कुंज प्यारे, करत विनोद मोद मंगल की रास हैं ।  
प्यारे कहूँ मेरी सखी आपुन कहत प्यारी, सो तो अति भोरी तासों करत विलास हैं ।  
मचो रार भारी एक करी चतुराई प्यारी, तासों कही छिप जा री लता बह पास हैं ॥  
जाकू मिले ताकी बंद चले ताब डूडन कौं, कृष्णअली प्यारी गही प्रीतम निरास हैं ॥

( ५१ )

बंठे हैं सिंघासन पं मदन मरोर जोर, नैनन की कोर भोंपें भावन बतावहीं ।  
कोऊ पीकदान कोऊ अतर सुवास लिये, कोऊ पानदान कोऊ मुकर दिखावहीं ॥  
कोऊ लिये छरी खरी मूरजमुखी लाई कोऊ, बीजना प्रवीन कोऊ करजु फिरावहीं ।  
फूलन सिंगार कोऊ कृष्णअली गुहि लई, सेवा की निकुंजन में दौर दौर आवहीं ॥

( ५२ )

मन्द मन्द नूपुर की घोर मन्द मन्द पांय, परत धरत धरा सोभा सरसत हैं ।  
मन्द मन्द भीने मुर गावत हैं तान मान, वेत हैं अलीन हेर हेर हरसत हैं ॥  
मन्द मन्द बाजन की बल जायि भूषन की, मिलत समाज धुनि राग दरसत हैं ।  
मन्द मन्द सीतल बहत हैं पवन जहाँ, सुमन पराग कृष्णअली बरसत हैं ॥

( ५३ )

फूले हैं आनन बैन बोलत रसाल वोऊ, थेई थेई रट चट पट पद पटकें ।  
बाहु दण्ड अंस मेल बहै रस रेल पेल, रहत चखन भेल कौर गंड अटकें ॥  
श्रीवा की हलन हस्त भेद भाव उपजन, कट की लचन ताते नाहीं मन भटकें ।  
बंशी बट तट जहाँ यमुना निकट बहै, शोभा लल कोटि मार कृष्णअली सटकें ॥

( ५४ )

देत हैं उतार माल रीभ रीभ अजिन कौं, कर सिर फेर हेर मूड मुसिक्याय कें ।  
गुन गन प्रगट कर अपनी कहत जात, सुख सरसात जात उर लपटाय कें ॥  
आनाकानी प्रीतम सों हास हू करत वाकौं, चीजन की सैन कर कर सों बताय कें ।  
कृष्णअली फूले नैन निसरत नहीं बैन, रहत निहार बार प्रान सुख पायकें ॥

( ५५ )

सैन के समे की संता बेंनी करे मृगनैनी, कीजिये गवन प्रान बल्लभ सुजान जू ।  
नैन अलसाने और लेत हैं जम्हाई पुनि, रैन हूँ हिरानी मिल पीढ़े प्रिय प्रान जू ॥  
चले कर जोर जाय बंठे फूल सेजन पं, कोऊ पानदान देई अधिक सिहान जू ।  
कोऊ दे सुवास कोऊ सारदे सुगंधन कौं, कृष्णअली करे सैन ऐसे प्रिय प्रान जू ॥

( ५६ )

• दोहा •

ये सब छबि कवि उर बसै, ह्वै है ऐसो बान ।

रसिकजनन सों दीन ह्वै, छांड़ौं सब सयान ॥

( ५७ )

कौन दिन ऊंचे सुर राधिका लतान कहैं, गहूँ बनराज गति मति पंगु होयगी ।  
कौन दिन स्वामिनी की सहचरी कहाऊँ गाऊँ, जुगल सनेह गीत मति अति मोयगी ॥  
कौन दिन दोधिन में टक टक हेर रहौं, लोचन सिराये छबि सुध बुध खोयगी ।  
कौन दिन प्यारी जू के धरन पलोटीं बीर, प्रेमसखी नाम जाकीं पद पद्य पोगी ॥

॥ इति श्री कवित्त सम्पूर्णम् ॥

• भूलन के पद •

( ५८ )

गुरु बिन कौन हरै भव भर्म ।

जोग जप तप नेव संजम भरत कर कर कर्म ।

छांड़ कर हरि सेव्य तेवक भेव्य भेवक धर्म ॥

प्रेमसखी अब खात गोता तुमहीं जानत मर्म ॥

• सामरी सखी लीला •

( ५९ )

श्याम भूलन की मती बनायी ।

सहचरी रूप कियौ नवनागर तब प्यारी जू के ढिग धायी ॥

बोले बचन रसाल द्वार पै सामन मन भामन दिन आयी ।

कृष्णअली पुनि पुनि हरपत हैं राग मलार अनूपम गायी ॥

• दादरा •

( ६० )

भूलन चलौरी कोऊ भूलन चलौरी आज सामन की तीज ।

डगर डगर और बगर बगर में कहत फिरौं मेरी कोऊ ना सुनीं री ॥

भूलन की मोहि चाव अधिक है चाहौं संग चली बीनती करौं री ।

कृष्णअली मुन चतुर लाड़ली बोली बँन तासों नेह भरो री ॥

• पद •

( ६१ )

चाह बड़ी चित भूलन की तेरे ।

डगमगात पग परत धरन पर अंग अंग दरसत फूलन की तेरे ।

द्वार द्वार उझकत भुक झांकत रांच रही सुख भूलन की तेरे ॥

कृष्णअली चलि तोहि मुलाऊँ भर लीनौ भुज भूलन की तेरे ॥

( ६२ )

झमकि हिंडोरना में बँठि गये दोऊ ।

वे बिनके वे बिन मुख चितवत रस बरसत सुख मेघ छपे दोऊ ॥

हँसत हँसावत रीझ रिझावत गावत मन भावते भये दोऊ ।

कृष्णअली छबि छली बिलोकत नव कौतिक नव सोभा नये दोऊ ॥

( ६३ )

तेरे भूलन में रस पूर बहै ।

अंचल उड़ उड़ जाय भुजन तें दांपत मृदु मुसिक्याय चहै ॥

मृगनैनी ए अहौ पिकबैनी निरख नैन छबि लाहु लहै ।

कृष्णअली इक टक अवलोकत चित्र लिखो सो कहा कहै ॥

( ६४ )

हिंडोरना की भूल लेऊ रिझवार हिंडोरना की ।

में बलि जाऊँ नागरी तेरी कहा नाम सुकमार हिंडोरना की ॥

सामल गात बात रस भीनी निसरत सुखकी सार हिंडोरना की ।

कृष्णअली तू मिली भली मोहि प्रीतम के अनुहार हिंडोरना की ॥

( ६५ )

हिंडोरना तें उतर रही मुरझाय हिंडोरना तें ।

प्यारी कहत कहा भयो सुन्दरि ताते रही सिर नाय हिंडोरना तें ॥

मेरी गौर प्रिया हौँ सामल तुम रंग रहौँ समाय हिंडोरना तें ।

कृष्णअली मुख ओर बिलोकत दौर लिये उर लाय हिंडोरना तें ॥

( ६६ )

कपट हिंडोरना में भूल लये कर ।

अंसो रूप धरौ नव नागर लखि शोभा सब भूल गये कर ॥

अंसन पै भुज दिये परस्पर मुख चितवत मनौँ फूल नये कर ।

कृष्णअली रंग कुंजन कुंजन दरसत सरसत मूल छपे कर ॥

( ६७ )

अब कीजँ गवन पिय कुंज भवन ।

सोभा बरसाई भाई छाई गई चहुँ ओर प्रघट दिखाई दई मूल कब न ॥

छबि की मरोरन में कोरन अरुझ रहै थोरन घुरे दोऊ प्रान खन अब न ।

कृष्णअली जू की प्रेमसखी गाई लीला रसिक सुजान उर ताप दवन ॥

( ६८ )

भूलत आज गुपाल हिंडोरे चढ़ि ।

झुक झुक जाय कहत डर लागत थाम लेउ ब्रजवाल ।

मन्द मन्द मुसिक्याय मनोहर बोलत वचन रसाल ।

प्रेमसखी यों कहत परस्पर निरखौ नैन विशाल ॥हिंडोरे चढ़ि॥

( ६९ )

भीजें दोऊ ठाड़े कदम की छैयाँ ।

प्यारी हँस हँस कहत श्याम सों प्रेम नेह बरसैयाँ ॥

श्याम घटा चहुँ दिशि घिर आई घुर रहौं पिय प्यारी बँयाँ ।

कृष्णअली कर छता विराजें दोऊ एक ही मैयाँ ॥ठाड़े दोऊ॥

( ७० )

श्याम घटा भुकि आई लतन पर ॥ श्याम घटा० ॥

देखौ श्याम मिलौ रंग में रंग उत दामिनी इतहीँ तुमरे लर ॥

उत बरसत सरसत जल भूमो इत अनुराग डरत आलिन धर ॥

उत नभ गोभ अद्दुल व्रन निपजत इत रोमांच रहे हैं प्रेम भर !

इन्द्रबधु उत इत सोभित हैं बुंदन सों मंहदी सबके कर ॥

उत बग पांति इन्द्र धनु राजे इत मुकतावली चीर पचरंग वर ।

उत केकी कल कूक करत हैं इत गाजत बाजत पग तूपुर ॥

कृष्णअली हम नित्त केल वन यहँ आवत अपने ही रितु पर ॥

( ७१ )

जिन बरषे हो कारो बदरिया ।

भीजेंगी पचरंग चूनरी देख मन तरसै ॥

आज रंगाई पाग पिया की ताहू को रंग सरसै ॥

कृष्णअली अनुराग पिया को सुन सुनकें छवि हरसै ॥

( ७२ )

ए आई ए आई छाई बदरिया ।

चमक चमक दामिन धन गरजत लरजत मन नहि भीजें चुंदरिया ।

चलत पवन सनननननननननन सीतल मंद सुगंध लहरिया ॥

कृष्णअली छनननननननननन बाजत तूपुर मंद पहरिया ॥

( ७३ )

वरषा की रितु लगत सुहावन ।

तड़ड़ तड़ड़ तड़ड़ड़ड़ड़ड़ धन बोलत मोर कोईल मन भावन ।

झरर झरर झररररररर वन दमक दमकत दम दामन ॥

कृष्ण अली रंग रली भली सब जान रिभावन सावन आवन ॥

( ७४ )

कौन दिना उरझाऊं यह छवि ।

जुगल किशोर तीर यमुना के भीजत राग मलार सुनाऊं ॥

यह विनती सुनि लेऊ प्रातधन थ्यारी तबे कहाऊं ।

कृष्णअली रंगरली स्वामिनी फूलन में बरसाऊं ॥

( ७५ )

ता मध भूला डार कूज एक सुन्दर आज रची ।

रेसम डोर रतन की पटली विविध मनीन लची ॥तामध०॥

ताल तमाल कदम्ब माधुरी सुभट समीर सची ।

बोलत केकी कीर पपेरा अलि कुल गुंज मची ॥तामध०॥

सउरब उड़ उड़ परत पनारी छवि धर रूप नची ।

कृष्णअली संग लिये कुमर बर भूलन जात चली ॥तामध०॥

( ७६ )

सामन कौ थ्यौहार सलूनौ भूलौ री सजनी ।

जुगल चंद मकरंद कंद लखि फूलौ री सजनी ॥

राखी डोरा बांध दोऊन सम तूलौ री सजनी ।

कृष्णअली भूलन की रमक सुख मूलौ री सजनी ॥सामन कौ॥

( ७७ )

• अथ सांभी लीला के पद •

चली फूल बीनन कौ सखियन संग राधे ।

सामरौ किशोर चितचोर बंठी फूलधारी कहत बुलाए फूल लीज सुखसाधे ॥

रस बरसायवेकौ प्रीयाजू रिझायवेकौ सखी रूप धारो नहीं लखत अगाधे ।

कोऊ देख फूल गई कोऊ चितवत रहीं कृष्णअली प्यारी देख अति अह्लाधे ॥

( ७८ )

• राग वैस •

प्यारी देखौ फूलौ नवल चमेली ।

गुलाबांस गंदा गुल सुरा लटकन लटक बेली ॥

पीत गुलाब कंद गुलमहंदी हेर हिये रंग रेली ।

गुलनार गुलडोरी चंपा राघबेल की ऐली ॥

मोरछली मोतिया मालती लिभिर माधुरी मेली ।

हार सिंगार जही जुही सोभित हेर मोंगरा हेली ॥

फूले कमल सरोवर नाना मधुकर कर रहे केली ।

कृष्णअली की बातें सुनकर चली धाय हँस भेली ॥

( ७६ )

\* राग मारु \*

सांझी फूल लैन हित आई हौ नवेली बाल ।  
 औचक ही मग जाइ टेर दै बुलाई मोई अतिही रिझाई तुम संगही सहेली बाल ॥  
 फूल रहे फूल सब नवल नवेली बेली गुंजन मधुप पान कर रसरेली बाल ।  
 कृष्णअलीजूसौं प्यार कियौ है अपार प्यारी राखौंगी निकट सदां भुजभर मेली बाल

( ८० )

\* राग मारु \*

चलो फूल बीनें सांझी रचंगी निकुंजन में ।  
 लंहीगे विचित्र बहुभांति रंग रंगे फूल कालिन्दी के फूल रसमूल सुख पुंजन में ॥  
 लागी फूल बीननकों सखी चहुं ओर सब कृष्णअली नेह सरसावहीं दुंजन में ॥

( ८१ )

\* राग कान्हरी \*

कहत पिय सांमरी रची नवरंग सांझी देख करतूत कर करनी मेरी ।  
 रचौंगी फूल डिंग फूल समतुल बर फूल चहुं ओर नव बेल नेरी ॥  
 मूल में चित्र विचित्र बहु भांति के होउ चकित छवि सब ही हेरी ।  
 होत लघु बात मुख आप दीरघ कही कृष्णअली मौन मुख होत डेरी ॥

( ८२ )

\* दोहा \*

सब न्यारी न्यारी रचौ अपनी अपनी ठौर ।  
 काकी निसरे आगरी कहै देत सिरमौर ॥  
 सब रचना रचिबे लगीं वाढ़ी चौप अपार ।  
 प्यारी न्यारी ठौर में श्रीरंगदेवी भार ॥

( ८३ )

\* राग जं जं वन्ती \*

मोहन रचना विविध बनाई ।  
 तामध भाव अनूपम कीयौ सेवाकुंज पुंज छवि छाई ॥  
 तामें सेज विराजत राधे चरण पलोटत श्याम सिहाई ।  
 सखी चहुं ओर लता कुंजन में तहां तहां मंडल अति सरसाई ॥  
 तिन पर रास-विलास सखिन जुत दंपति केलि करे मन भाई ।  
 ताके तरें बहत कालिन्दी फूले कमल पराग उड़ाई ॥  
 तापर घाट बने बहु भांतन जटित मनन मन रहत लुभ्याई ।  
 जहां तहां लता भुकी द्रुमबेली गुंजत मधुप रहे मड़राई ॥



बहु विध रचना रची सांमरी तब प्यारीजू के डिग आई ।  
 वेगि दिखावो झांकी सुन्दर तुमनें कही कंसी जु बनाई ॥  
 निसर किशोरी देखत सबकी अधिक अधिक छवि देत दिखाई ।  
 प्यारी कहत दिखावो आपुन तुमको हमन दई दिखराई ॥  
 सब मिल चलीं भवन में भामिन सांझी खोल बई दरसाई ।  
 चौक परी वाको मुख चितवत यह रचना याने कहां पाई ॥  
 नख ते सिख सिख ते नख चितवत जान लई प्यारी चतुराई ।  
 बोले यह अभिलाष सदां ही चरन पलोठ रहों सिर नाई ॥  
 ते छवि निरख सखी सब फूलों नैन बंन इनकी ममगाई ॥  
 कृष्ण अली चली संन कुंज को बीरो अतर देति मुसिवयाई ॥  
 प्रेम सखी सांझी की लीसा कृष्णअलीजू के बल गाई ।  
 सदां रहों रंगदेवीजू को चरन सरन निशि दिन लपटाई ॥

\* पद \*

( ८४ )

प्यारी मन भावें सो कीजें ।

परबस परी नहीं बस मेरो चरन कमल चित दीजें ॥  
 जो कछु करो होत है सोई दीन जान उर लीजें ।  
 तुमरे धाम कभी काहे की बीरी एक गनोजें ॥  
 तुमरी दास दास दासिन की महल टहल उर भीजें ।  
 प्रेमसखी की अहौ स्वामिनी तुम निरखत छिन छीजें ॥

( ८५ )

प्रिये कव तुमरे चरन गहोंगी ।

अहो नागरि अहो सुजस उजागरि राधा नाम कहोंगी ॥  
 श्रीवन कुंज पुलिन वंशीवट तुमरो ध्यान लहोंगी ।  
 प्रेमसखी रंगदेवी की यह कह कह लाहु लहोंगी ॥

\* दोहा \*

( ८६ )

श्रीगुरु दीन दयाल जू, यह अवलाषा मोर ।  
 जुगल चन्द पद कंज छवि, मन मलिनन्द गत चोर ॥  
 श्रीवृन्दावन-चन्द छवि, श्रीराधा वर नाम ।  
 गाजें राजें कवि हिर्ये, विमल चारु कर धाम ॥

अँड ऊल मो ओर कौं, आवें प्यारी पीय ।  
उह छवि दृगन बिलोकि हौं, कब चट राखीं हीय ॥  
मैं दरशन बिन अनमनी, बैठोंगी मुख मोर ।  
कब मोसों कहैं लाड़ली, क्यों रूषीं मन तोर ॥

( ८७ )

किशोरी मोरी कब अथलाप पुजावौ ।  
तुम पौढ़ोगी सुभग सेज पर मो पर चरन चपावौ ॥  
मैं अंगुरी चटकावौ सुन्दरि, तुम हिय हर्षें बढ़ावौ ।  
प्रेमसखी कह कह परसंसौं रीझ रीझ सचु पावौ ॥

( ८८ )

किशोरी मोरी कब आशा पुजवोगी ।  
श्रम बन कन गन तन पर सोहैं रास विलास पगौगीं ॥  
मैं ढोरौं तुम ब्यार उतली तुम पिय अङ्ग जुटौगी ।  
सुभग सिगासन सुख सरसासन राजत मोद भरौंगी ॥  
होय निवार प्रस्वेद वेह तें तब मो ओर चितौंगी ।  
मोरे तन श्रम कन घन छलकैं तुम परसंस करौंगी ॥  
मैं तौ सकु चकरौं चख इत उत तुम लै नाम हंसौंगी ।  
प्रेम सखी सोभा उर गोभा चितवन वार डरौंगी ॥

( ८९ )

ये छवि कब आवैं उर मेरे ।  
रंग रंगीले छैल छबौले रसिक रसौले मेरे ॥  
रतन जटित सिहासन भ्राजें सोभा सील घनेरे ।  
करत खेल आनन मटकावौ नैन सरावौ टेरे ॥  
सुख में मुख अवलोक परसपर भीयें बंक कर हेरे ।  
प्रेमसखी कब नवल चौंज लखि रहैं सकुच दृग मेरे ॥

• कवित्त •

( ९० )

श्रीवन निकुंजन की लता द्रुमवेली कीजें, रहै रंगरेली हेली भेली फल फूल भार ।  
किथौं नव कुंजन की चातक चकोर मोर, कीजिये मराल सुक सुन्दर सुजाल कार ॥  
पायन की पाइक की चाहन की भाइक की, गुनन की गाहक सुभोतिन हरा निहार ।  
कीजिये नवल अली रास कुंज गली भनी, प्रेमसखी अली कीजें दीजिये उदार सार ॥

• पद •

( ६१ )

✓ किशोरी मोहि श्रीवन वास बसावौ ।

सदां रहौ चरनन की दासी, यह अभिलाख पुजावौ ॥

और न देखौं इन नैनन सों, गुननहि हीय सिहावौं ।

प्रेमसखी तुमरे गुन गुन-गुन, सुन-सुन तुमें रिझावौं ॥

( ६२ )

अलबेली मोय राखौ चरन सरन कर ।

मेरी कोऊ नहीं या जग में तुम बिन श्री सुन्दर वर ॥

अब तौ तुमें निभायें बनेंगी मैं हू मखल परी तुमरे लर ।

प्रेमसखी को जिन छिटकावौ सब गुन हीन मीन जल के सर ॥

• कवित्त •

( ६३ )

प्यारी नख चन्दन कौ कीजिये चकोर मन, राधे गुन गानन कौ पिक कर दीजिये ।

फूले पद कंजन कौ करिये मधुप मोई, विरद बखानबं कौ कोइल करीजिये ॥

कीजिये मराल जो पे दोर्ज गति आप प्यारी, केकी कर केल रेल इयाम घन भोजिये ।

कीजें द्रुम बेली खग श्रीवन निकुंजन में, प्रेमसखी तू ही धनी भावें तैसी कीजिये ॥

( ६४ )

कीजें मोकी वृन्दावन की धूर ।

यह अभिमान गुमान मान सब होय मये तें चूर ॥

रसिक सखी ठोकर डपरावें ह्वं हैं.....भरपूर ।

विहरत कुंज निकुंज जुगल वर गहौं चरन छवि पूर ॥

होय पराग अंस सों मिलकर जैसे संग कपूर ।

प्रेमसखी की अहो स्वामिनी गहौं सार ने तूर ॥

( ६५ )

✓ प्यारी मोहि कीजें वृन्दावन वासी ।

मो सी दीन नहीं कोऊ सुन्दरि तुमसी नहीं सुखराशी ॥

श्रीरंगदेवी हितु सहचरी श्रीहरि प्रिया उपासी ।

काहे घर तज फिरत आन यह मेटो जगत की हाँसी ॥

रहौं सदा पद कंज मंजु गह निरखौं हास विलासी ।

प्रेमसखी की आस निरन्तर कृष्णअली की दासी ॥

( ६६ )

प्यारी मोई कीजै चरन की चेरी ।  
हा हा नागरि सुजस उजागरी दीनन की हित हेरी ॥  
औगुन भरी खरो द्वारे पं गुनन हीन हौं तेरी ।  
श्रीरंगदेवी हितू सहचरी कृष्णअली है मेरी ॥

( ६७ )

श्रीराधे अब बेग सम्हारी ।  
अहो नागरी भेर न कीजै अपनी चेरी जान निहारी ॥  
संशय हरी डरौ निज परिकर यह अभिलाख हमारी ।  
प्रेमसखी की अहो स्वामिनी यह संदेह निवारौ ॥

( ६८ )

श्रीहरिप्रिया स्वामिनी राधे ।  
श्रीरंगदेवी की निज जीवन हितू सखी की सुख की साधे ॥  
कीजै तिन चेरिन की चेरी गुन नव रूप अनूप अगाधे ।  
प्रेमसखी तुमको आराधे हरी कोटि व्याधिन की व्याधे ॥

( ६९ )

श्रीराधे जय राधे राधे ।  
श्रीवृन्दावन श्रीआनंदघन श्रीनवकुंज फिरत अहलाधे ।  
नित नित होरी जलकेली औ पावत भूल शरद सुख साधे ।  
कृष्णअली सेवत बपु सहचरी घर नव रूप अनूप अगाधे ॥

( १०० )

किशोरी मोहि कब कहोगी मेरी ।  
कब हंस चहौ कहौ कष्ट सेवा कब कहवाऊं तेरी ॥  
कब वृन्दावन कुंज लता द्रुम कब रहौं इकटक हेरी ।  
प्रेमसखी कह कह कब टेरी कृष्णअली की चेरी ॥

( १०१ )

इन कुंजन बिहरत नित ही नित ।  
सेवाकुंज पुंज छबि बरषत हरषत निरखत रहत जित ही तित ॥  
जुगल किशोर रूप रस माते फूली सखी रहैं चित ही चित ।  
कृष्णअली सों यह छबि जावौं राचौं परघौं रहौं जित ही तित ॥

नवल वसंत नवल धन पूजें नवल किशोर किशोरी ।  
 नवल ही साज समाज नवल सज नवल ही गावें गोरी ॥  
 नवल ही फूल नवल अलि तिन पर नवल ही अंबन बौरी ।  
 नवल ही कीर कपोत हंस पिक नृत्तत केकिन जोरी ॥  
 नवल निकुंज नवल श्रीवृन्दावन नव छबि दरनं कोरी ।  
 नवल वसंत बने दोउ नागर नव नव निरखत ओरी ॥  
 नवल लता द्रुम उलहे पल्लव उड़त गुलालन थोरी ।  
 कृष्णअली चल हिलमिल खेलें श्रीवनचन्द चकोरी ॥

अब दोऊ पौढ़िये पिय प्रान ।

किसलें दलन रची सखी सिंज्जा अरुन नैन अलसान ॥  
 शुक शुक जात नैन आलस जुत करी सेज रस पान ।  
 प्रेमसखी पिय झमक सेज मिल सोय रहे पट तान ॥

राधे के चरन मन निरख निरख जीजें ।

कोटि चन्द मन्द होत नख दुति लख लीजें ॥

मानौं जुग छबि के पुंज राजत हैं नये कुंज,

हेर हेर सखियन के लोचन जल भीजें ।

पंकज छबि होत छीन जावक लखि होत दीन,

अरुनता एड़िन की सोभा कहा कीजें ॥

इत उत कौं धरत पाइ मखमल सी बिछत जाइ,

मानौं श्रीवृन्दाविपिन भूषन लें रीझें ।

प्रेम पराग झरत रहै लालन बस करत रहै,

कृष्णअली नेहन सों प्रेमसखी पीजें ॥

श्रीवृन्दावन वासी हैं हम श्रीवृन्दावन वासी हैं हम ।

देवी देव पितर नहीं जानें संतन चरन उपासी हैं हम ॥

सेव्य हमारे किशोरी वल्लभ श्रीराधे जू की दासी हैं हम ॥

कृष्णअली की सरन पाइकें प्रेमसखी सुखरासी हैं हम ।

श्रीवृन्दावन वासी हैं हम० ॥

• दोहा •

( १०६ )

यह रस रसिकन के लिये, रसिकहि रस बरसंत ।  
रसिक जौहरी रस रतन, रसिकन ही पै बसंत ॥

• पद •

( १०७ )

यह रस रसिक ही जन जानें ।  
वृन्दावन की सहज माधुरी छिन छिन गुन गन गानें ॥  
हास विलास रास रस बिलसत सरसत हिये हरसानें ।  
अंडे रहें प्रपंच अञ्च सौं कृष्णअली पहचानें ॥

( १०८ )

संत गुरु छिमिऔ अपनौ जान ।  
मैं तो पातक भरी पातकी तुम हौ कृपा निधान ॥  
बालक मृत रहत गोदी में समझत नहीं अजान ।  
तैंसे ही प्रेमसखी कौ समझौ सीतल मुघर सुजान ॥

( १०९ )

मेरी मन संतन हाथ बिकानौ ।  
छाँड़ भार सुख सार हात गह रसिकन रस में आनौ ॥  
मधुकर तो सौरभ की लोभी कीट कीच लपटानौ ।  
प्रेमसखी बलि जाय कुमर की तिन यह रस में सानौ ॥

( ११० )

जापर तू अनुकूल किशोरी तापर माया कहा करेगी ।  
जदपि यहै बलवान बहुत सी तदपि ह्वं पांय परेगी ॥  
यह ठगिनी कावर ही जीतत सूरन सौं यह कहा लरेगी ।  
प्रेमसखी मुएन कौ मारत जीतन के डर आप डरेगी ॥

( १११ )

जिनके मुख नहिं निसरत राधे ।  
तिनके मुख कूकर सूकर सम पोखत गात मिटे नहिं बाधे ॥  
इत उत फिरत चहैं बिस चितवत आपते आप लगे अपराधे ।  
प्रेमसखी इक नाम बैद बिन तड़फत हें भव सिंधु अगाधे ॥

( ११२ )

कोयल की सुत बायस के घर राखत पोखत भाँति भली है ।  
 करत ममस्त जान अपना ही करता की नहीं बात चली है ॥  
 होत सयान दिनें दिन देखत जान लई इन मोद छली है ।  
 प्रेमसखी तज जात कुजातन अब जातन में आय मिली है ॥

( ११३ )

ऐसी प्रीति देउ किन प्यारी ।  
 छिन छिन पल तुम पद अवलौकी ह्वं कं रहीं तिहारी ।  
 डमाडोल डोलत मन मेरी जहाँ जाय तहाँ श्वारी ।  
 प्रेमसखी की यही बीनती राखी सरन न कीजें न्यारी ॥

इति श्रीप्रेमदासजी के पद सम्पूर्ण  
 वैशाख शुक्ला ४ सम्बत् १९५०



## परिशिष्ट

### बाल-पचीसी—

[ कवि की इस अप्रकाशित रचना की खण्डित प्रति उपलब्ध हुई है जिसे स्वयं कवि ने ही अपनी लेखनी से लिखा है। अन्य कोई प्रति उपलब्ध नहीं हो पायी। अतः प्राप्त रचना को खण्डित रूप से ही प्रकाशित कर दिया गया है। ]

सिर गंग तरंग भी भङ्ग दिये, दृग रंग भरे श्रज आवत हैं।

घनश्यामहि बेल सिहात हिये, मणिचन्द्रहि हाथ गहावत हैं ॥  
तहिकों उलटें पलटें कनुभां, मुसिकाइ हिये सन लावत हैं।

बलबीर जु मोहन सोहन के, यह श्याल नये नित भावत हैं ॥११  
द्विज पाक कियो प्रभु भोगलगा, हरि खायकं ताइ भकावत हैं।

सुत कौन कहा? मोहि लेत बुला, नहि भक्त सौ अन्तर भावत हैं ॥  
सुनि ब्राह्मण पायनु आय परघौ, अंगना मह लोटि सिहावत हैं।

बलबीर जु मोहन सोहन के, यह श्याल नये नित भावत हैं ॥१२  
हरि खेलत हैं नंद के अंगना, तिय कोउ खडाम मंगावत हैं।

सुन ल्यावत हैं धरि सोस तिनै, यह जान बबा की सिहावत हैं ॥  
चलते भकभूम परं घरनी, हंस दौर कोऊ उर लावत हैं।

बलबीर जु मोहन सोहन के, यह श्याल नये नित भावत हैं ॥१३  
कबहुँ हंसि कोउ मंगावें पटा, सुनि कं हरि सीध सिधावत हैं।

छल सौ बल सौ बहु भांतिन सौं, न उठें पुनि ताहि हटावत हैं ॥  
पुन ठोकत छम्भन रोपत हैं, भुज भूमि सुनाय चलावत हैं।

बलबीर जु मोहन सोहन के, यह श्याल नये नित भावत हैं ॥१४  
हरि खेलत हैं अन भांतिन सौं, कबु भौन की पौरि लौं धावत हैं।

गह चौखट कौं जुग पाननि सौं, पग दोउन कौं लटकावत हैं ॥  
श्रज की ललना अभिलाख भरी, लखती छवि अङ्गन भावत हैं।

बलबीर जु मोहन सोहन के, यह श्याल नये नित भावत हैं ॥१५  
नंदराय की चौखट उच्च हरी, उतरें सिद्धिया नहि छ्वावत हैं।

उतरे न बनें चढ़ते न बनें, अकुलावत अभु बहावत हैं ॥  
तिय दौरि उठाय लिये उर ला, अनखा जननी संभरावत हैं।

बलबीर जु मोहन सोहन के, यह श्याल नये नित भावत हैं ॥१६  
कबहुँ हरि लै श्रज के लरका, रुङ्ग पौर के बाहर आवत हैं।

हंसि खेलत मेलत मित्र भुजा, मुख तोतरे शब्द सुनावत हैं ॥  
लख बाल गुपाल के बाल चरित्रन, मात न फूल समावत हैं।

बलबीर जु मोहन सोहन के, यह श्याल नये नित भावत हैं ॥१७  
कबहुँ गड काजर धौरिन के, रिस बांह उठाय बुलावत हैं।

कबहुँ हंसि नंद बुलावें तिनै, कछु गावत नाचत आवत हैं ॥



कबहूँ मुख माखन नाचै कभू, मणिलम्भ कूँ जाय दिखावत हैं ।

बलबीर जु मोहन सोहन के, यह ह्याल नये नित भावत हैं ॥१८

जब जैवत हैं व्रजराजहु के, संग ले कर मुख नाचत हैं ।

कछु देत बधा मुख में हँसि के, कछु जात कछु उरगावत हैं ॥  
गह दाढ़ि औ तौंद सब सन के, लखके मन नंद सिहावत हैं ।

बलबीर जु मोहन सोहन के, यह ह्याल नये नित भावत हैं ॥१९

कछु खात पिता संग बँठ लला, टुक लैत बरा मुख नाचत हैं ।

जब मिचं लगै अकुनाय भजे, अँसुवा हग दोउ बहावत हैं ॥  
तब वै मधुरी कछु रोहिणीजू, नयनीत सों तीत मिटावत हैं ।

बलबीर जु मोहन सोहन के, यह ह्याल नये नित भावत हैं ॥२०

जब खेलत ग्यालन के संग में, तब भाजन में गहि पावत हैं ।

हम ठाढ़ भये तब आय गहै, सब भूठहि नाम लगावत हैं ॥  
नहि राखाहि रोमटिया कहु साय, सु रोवत मात पे आवत हैं ।

बलबीर जु मोहन सोहन के, यह ह्याल नये नित भावत हैं ॥२१

अब दूर न खेलन जाउ लला, व्रज हाउ सुनें हम आवत हैं ।

इकले डुकले सरकान कौ देखत, ही चट कान कटावत हैं ॥  
छिप औचर में जुग कानन दाब, सुवाउ कूँ टेर बुलावत हैं ।

बलबीर जु मोहन सोहन के, यह ह्याल नये नित भावत हैं ॥२२

जिन पीबो लला अब अस्तन कौं, इन सों दतिया बिगरावत हैं ।

अब स्याने भये हो गुपाल, गुवाल लखें सब हाँस करावत हैं ॥  
सुनिकेँ सफुचे मुसिक्याय कछु, मुख आँचर माँहि लुकावत हैं ।

बलबीर जु मोहन सोहन के, यह ह्याल नये नित भावत हैं ॥२३

करिये पय पान प्रदोकेन आय, हँसो बलि चोटी बढ़ावत हैं ।

हँसि पान करेँ कर एकाँहि सों, करिये कहि शीश फिरावत हैं ॥  
न बढ़ी जननी बहुबार भई, कह भूँटहि मोहि पियावत हैं ।

बलबीर जु मोहन सोहन के, यह ह्याल नये नित भावत हैं ॥२४

कहि भौन ते बाहिर जात लला, मग बँठे बछे हँस पावत हैं ।

तिन की गहि पूँछन खँचत हैं, उठ चौकि उठे मग धावत हैं ॥  
तिन के संग भूमत जात खले, नंद देखि उठा उर लावत हैं ।

बलबीर जु मोहन सोहन के, यह ह्याल नये नित भावत हैं ॥२५

( दोहा )

उक्त जुक्त सब सूर की, मम बुधि नहि गम्भीर ।

बालविनोद पच्चीसिका, कही लाल बलबीर ॥२६

• इति श्री बालविनोद पच्चीसी श्रीलालबलबीर कृत सम्पूर्णम् •

मिति अधिक ज्येष्ठ शुक्ला ८ सं० १९६०